


# AESTHETICA

SCRIPTIT

ALEXAND. GOTTLIEB  
BAVMGARTEN

PROF. PHILOSOPHIAE.



---



*TRAIECTI CIS VIADRYM*  
IMPENS. IOANNIS CHRISTIANI KLEYB  
CIPICCL.







## PRAEFATIO.

uum A. 1742. roga-  
rer quaedam con-  
silia dirigendarum  
facultatum inferiorum in co-  
gnoscendo vero, nouam per  
 2      acro-

## PRAEFATIO

acroasin, exponere: more consueto, definitiones demonstrationesque praecipuas dictabam in calamos audientium, reliqua liberiori sermoni seruabam illustranda. Quae congesseram, tum quibusdam aliis doctissimis viris, quorum in manus scripta peruenierant, tum praesertim, viro celeberrimo, Georgio Friderico Meier, professori Halensium dignissimo, ita placuerunt, vt in ea non solum per acroases in Fridriciana nouas commentaretur, sed et ad scribendum eiusdem argumenti librum animum

## PR AEFATIO.

mum appelleret. Duas operis vtilissimi partes iam vidi, in iisque mea, non tam dexterime versa in linguam vernaculam, quam multis optimis rebus amplificata atque exornata singulari cum iucunditate deprehendi. Quae dum amico suauissimo, lectoris eruditis, et mihi tacitus mecum gratulor, anno praeterlapso generosissimi nobilissimique commilitones me denuo conueniunt acroasin aestheticam postulaturi. Honestissimo satisfacturus desiderio, memor, quantum ego quondam temporis fati-



## PRAEFATIO.

gandis excipientium dextris  
impendere debuerim, quum  
dictarem, quorum antea  
mentionem inieci, mea ta-  
men rogarer: prelo ea com-  
mittere mecum constitui.  
Nunquam autem ita mihi  
mea, si qua sunt, arriserunt, ut  
ea curis secundis eximerem.  
Hinc et illa, quae octo ab  
hinc annis mente concepe-  
ram, nouis accessionibus  
emendationibusque, si pos-  
sim, meliora reddere mens  
fuit. Quae per hanc hiemem  
absoluere scribendo licuit,  
nunc paruo, iusto tamen vo-  
lumine, publici iuris sunt.  
Reliquis


## PRAEFATIO.

Reliquis exsequendis primum, quod nanciscar, otium consecrabo. Tunc forte plura praefari licebit. Nunc vnum est, quod gratus animus me monet publice testari, sicut Werenfelsii Vossique scripta, in aliis, ita multum adiumenti mihi attulisse, quum meditarer iterum olim conscripta, celeberrimi Gesneri thesaurum, quem ego sane non linguae solum, sed etiam rerum ad veram pulcritudinem facientium oppido diuitem expertus sum. Quaecunque meam hanc, et reliquas curas ob-



## PRAEFATIO.

eundi muneris , quod acceptum fero sanctae prouidentiae, fortuna maneat, bonis viris, qui haec iudicabunt, mihi certe satis erit, protulisse me quaedam, quorum meditationes meis, non solum pulciores, sed etiam meliores, et ingenia colere, et prodesse non parum moribus possint. Scribebam Traiecti cis Viadrum a. d. 26. Mart. CXCICCL.



SYNOP-



# SYNOPSIS.

**Prolegomena. §. 1 - 13.**

**Tractatio.**

**I. Aesthetica theoretica, P. I.**

**1) heuristica, C. I.**

**A) de pulcritudine cognitionis generatim, S. I. §. 14-27.**

**B) speciatim.**

**a) character aesthetici.**

**α) positivus.**

**α) natura, S. II. §. 28-46.**

**β) exercitatio, S. III. §. 47-61.**

**γ) disciplina, S. IIII. §. 62-77.**

**δ) impetus, S. V. §. 78-95.**

**ε) correctio, S. VI. §. 96-103.**

**ζ) negativus, S. VII. §. 104-114.**

**b) virtus aesthetica.**

**Ν) generatim, S. VIII. §. 115-118.**

**Ξ) speciatim.**

**α) materiae.**

**Α) ipsa, S. VIII. §. 119-129.**

**Β) eo ducentia.**



## SYNOPSIS.

- a) topica, S.X. §.130-141.
- b) argumenta locupletantia, S.XI. §.142-148.
- β) personae, S.XII. §.149-157.
- γ) vsus vtriusque cum breuitate
  - 1) absoluta semper, S.XIII. §.158-166.
  - 2) relatiua aliquando, S.XIII. §.167-176.
- c) magnitudo aesthetica.
  - Ν) generatim, S.XV. §.177-190.
  - Ξ) speciatim.
    - α) materiae.
      - Α) absoluta, S.XVI. §.191-201.
      - Β) relatiua, S.XVII. §.202-216.
    - Ε) ratio cogitat. ad materias.
      - a) generatim, S.XVIII. §.217-229.
      - b) speciatim in genere cogitandi.
        - 1) tenui, S.XVIII. §.230-265.
        - 2) medio, S.XX. §.266-280.
        - 3) sublimi, cuius.
          - 1) na-



## SYNOPSIS.

- I) natura, S. XXI. §. 281-309.
- II) vitia opposita, S. XXII. §. 310-328.
- III) argumenta augmenta, S. XXIII. §. 329-351.
- IV) personae, gravitas et magnanimitas aesthetica
  - 1) absoluta, S. XXIII. §. 352-363.
  - 2) comparativa meditaturi
    - a) tenuia et media, S. XXV. §. 364-393.
    - b) sublimia, S. XXVI. §. 394-422.
- V) veritas aesthetica.
  - 1) generatim, S. XXVII. §. 423-444.
  - 2) speciatim
    - a) falsitas opposita, S. XXVIII. §. 445-477.
    - b) verisimilitudo.
      - 1) generatim, S. XXVIII. §. 478-504.
      - 2) speciatim in
        - a) fictionibus


I) histo-

## SYNOPSIS.

- I) historicis, S. XXX.  
§. 505-510.
- II) poëticis, S. XXXI.  
§. 511-525.
- b) fabulis, S. XXXII.  
§. 526-538.
- γ) argumenta probantia, S.  
XXXIII. §. 539-554.
- δ) studium veritatis aestheticum
- α) absolutum, S. XXXIII.  
§. 555-565.
- β) comparativum
- a) in dogmaticis et hi-  
storiciis S. XXXV. §.  
566-584.
- b) poëticum, S. XXXVI.  
§. 588-613.
- e) lux aesthetica
- f) certitudo aesthetica
- g) vita cognitionis aesthetica.
- 2) Methodologia, C. II.
- 3) Semiotica, C. III.
- II) Aesthetica practica P. II.



PRO-



# PROLEGOMENA.



## §. 1.

**A**ESTHETICA (theoria liberalium artium, gnoscologia inferior, ars pulcre cogitandi, ars analogi rationis,) est scientia cognitionis sensitivae.

## §. 2.

Naturalis facultatum cognoscitivarum inferiorum gradus solo usu citra disciplinalem culturam auctus **AESTHETICA NATURALIS** dici potest, et distingui, sicuti logica naturalis solet, in connatam, ingenium pulcrum connatum, et acquisitam, et haec de-  
nuo, in docentem et vtemem.

## §. 3.

Ad naturalem accedentis artificialis aesthetices, §. 1. usus inter alios maior erit 1) sci-  
A entlis

entiis intellectu potissimum cognoscendis bonam materiam parare 2) scientificè cognita captui quorumvis accommodare, 3) cognitionis emendationem etiam extra distincte cognoscendorum a nobis pomaeria proferre, 4) bona principia studiis omnibus mansuetioribus artibusque liberalibus subministrare, 5) in vita communi, caetera si paria fuerint, in agendis rebus omnibus praestare.

#### §. 4.

Hinc usus speciales, 1) philologicus, 2) hermeneuticus, 3) exegeticus, 4) rhetoricus, 5) homileticus, 6) poeticus, 7) musicus, e. c.

#### §. 5.

Obiici posset nostrae scientiae §. 1. 1) eam nimis late patere, quam ut vno libello, vna acroasi possit exhaustiri. Rsp. concedendo. Sed praestat aliquid nihilo, 2) eam eandem esse cum rhetorica et poetica. Resp. a) latius patet, b) complectitur his cum aliis artibus, ac inter se communia, quibus heic loco conuenienti, semel perspectis quaelibet ars sine tautologiis inutilibus suum fundum felicius colat. 3) Eandem esse cum critica. Rsp. a) est etiam critica logica, b) quaedam critices species est pars aesthetices, c) huic praenotio quaedam aesthetices reliquae paene necessaria est, nisi velit in diiudicandis pulcre

cre cogitatis, dictis, scriptis disputare de meris gustibus.

§. 6.

Obiici posset nostrae scientiae 4) indigna philosophis et infra horizontem eorum esse posita sensitiua, phantasmata, fabulas, affectuum perturbationes, e. c. Rsp. a) philosophus homo est inter homines, neque bene tantam humanae cognitionis partem alienam a se putat, b) confunditur theoria pulcre cogitatorum generalis et praxis ac exsequutio singularis.

§. 7.

Obi. 5) confusio mater erroris. Rsp. a) sed conditio, sine qua non, inueniendae veritatis, ubi natura non facit saltum ex obscuritate in distinctionem. Ex nocte per auro-ram meridies. b) Ideo curanda est confusio, ne inde errores, quot et quanti penes incurios, c) non commendatur confusio, sed cognitio emendatur, quatenus illi necessario admixtum est aliquid confusionis.

§. 8.

Obi. 6) Cognitio distincta praestat. Rsp. a) Apud finitum spiritum tantum in grauioribus, b) vnius positio non est alterius exclusio, c) ideo secundum regulas distincte cognitae directum imus pulcre cognoscenda

primum, ex quibus eo perfectior aliquando surgat distinctio, §. 3, 7.

### §. 9.

Obi. 7) Per cultum analogi rationis, verendum est, ne quid detrimenti capiat rationis et soliditatis territorium. Rsp. a) hoc argumentum est in plus probantibus, quia idem periculum est, quotiescunque perfectio composita quaeritur, ad cautionem incitans, non neglectum verae perfectionis suadens. b) Incultum et corruptius analogon rationis non minus officit rationi seueriorique soliditati.

### §. 10.

Obi. 8) Aesthetica ars est, non scientia. Rsp. a) Hi non sunt oppositi habitus. Quot olim artes tantum iam sunt simul scientiae? b) nostram artem demonstrari posse, probabit experientia, patet a priori, quia psychologia e.c. suppeditant certa principia, mereri eandem, ut eleuetur in scientiam, docent usus, in aliis, §. 3, 4. commemorati.

### §. 11.

Obi. 9) Aesthetici nascuntur, non fiunt, uti poetae. Rsp. Hor. A. Poet. v. 408. Cic. de Or. I. II. c. 60. Bilfinger in dilucid. §. 268. Breitinger von Gleichnissen p. 6. Aestheticum natum iuvat theoria completior, rationis auctoritate com-  
men-

mendabilior, exactior, minus confusa, certior,  
minus trepida. §. 3.

§. 12.

Obi. 10) Facultates inferiores, caro, de-  
bellandae potius sunt, quam excitandae et  
confirmandae. Rsp. a) Imperium in faculta-  
tes inferiores poscitur, non tyrannis. b) Ad  
hoc, quatenus naturaliter impetrari potest,  
manu quasi ducet aesthetica. c) Facultates  
inferiores non, quatenus corruptae sunt, exci-  
tandae confirmandaeque sunt aestheticis, sed  
fisdem dirigendae, ne sinistris exercitiis ma-  
gis corrumpantur, aut pigro vitandi abusus  
praetextu tollatur vsus concessi diuinitus  
talenti.

§. 13.

Aesthetica nostra §. I. sicuti logica, soror  
eius natu maior, est I) THEORETICA,  
docens, generalis, P. I. praecipiens 1) de re-  
bus et cogitandis HEVRISTICE. C. I. 2)  
de lucido ordine, METHODOLOGIA  
C. II. 3) de signis pulcre cogitatorum et  
dispositorum, SEMIOTICA, C. III. II)  
PRACTICA, vtens, specialis. P. II. Vtrimque

*cui lecta potenter erit res.*

*Nec facundia deseret hunc, nec lucidus ordo.*

Hor. E.

*Res sit prima tibi, sit lucidus ordo. Secunda,  
Signaque postremo tertia cura loco.*



# P A R S I.

## A E S T H E T I C A   T H E O - R E T I C A.



### C A P V T I.

#### H E V R I S T I C A.



#### S E C T I O I.

##### P V L C R I T V D O   C O G N I - T I O N I S.

##### §. 14.

**A**esthetices finis est perfectio cognitionis sensitivae, qua talis, §. 1. Haec autem est pulcritudo, Metaphysic. §. 521, 662. et cavenda eiusdem, qua talis, imperfectio, §. 1. Haec autem est deformitas, Metaphysic. §. 521, 662.

##### §. 15.

Perfectiones cognitionis sensitivae adeo reconditas, ut vel omnino nobis obscurae maneant, vel non nisi intelligendo possimus eas intueri, non curat aestheticus, qua talis. §. 14.

##### §. 16.



§. 16.

Imperfectiones cognitionis sensitivae adeo reconditas, ut vel omnino nobis obscurae maneant, vel non nisi iudicio intellectuali possint detegi, non curat aestheticus, quia talis, §. 14.

§. 17.

COGNITIO SENSITIVA est a potiori desumpta denominatione complexus representationum infra distinctionem subsistentium. Huius existentis si vel solam pulcritudinem ac elegantiam, deformitatemue solam, §. 15, 16. simul vellemus intelligendo nunc circumspicere, sicut intuetur aliquando saporis eruditi spectator, venerum macularumue genericarum per diuersas suas classes, specificarum, numericarumue mole velut obruta fatisceret distinctio scientiae necessaria, §. 1. Hinc primum lustremus PULCRITUDINEM, omni paene sensitivae cognitioni pulchrae quatenus communis est, VNIVERSALEM et catholicam cum eius opposito, §. 14.

§. 18.

Pulcritudo cognitionis sensitivae erit universalis, §. 14. 1) consensus cogitationum, quatenus adhuc ab earum ordine et signis abstrahimus, inter se ad vnum, qui phaenomenon sit, §. 14. Metaphysic. §. 662. PUL-

**CRITVDO RERVVM ET COGITATIONVM,** distinguenda a pulcritudine cognitionis, cuius prima et primaria pars est, §. 13. et pulcritudine obiectorum et materiae, quaecum ob receptum rei significatum saepe, sed male confunditur. Possunt turpia pulcre cogitari, vt talia, et pulciora turpiter.

### §. 19.

Pulcritudo cognitionis sensitivae vniversalis, §. 14. quia nulla perfectio sine ordine, Metaphyl. §. 95. 2) consensus ordinis est, quo res pulcre cogitatas meditemur, et internus, et cum rebus, phaenomenon, §. 14. **PVLCRITVDO ORDINIS** et dispositionis.

### §. 20.

Pulcritudo cognitionis sensitivae vniversalis est, §. 14. quia signata non percipimus sine signis, Met. §. 619. 3) consensus signorum internus, et cum ordine, et cum rebus, phaenomenon, **PVLCRITVDO SIGNIFICATIONIS**, qualis dictio et eloquutio, quando signum est oratio s. sermo, et simul actio, quando sermo viva voce habetur. Habes tres cognitionis gratias catholicas. §. 18, 19.

### §. 21.

Totidem esse possunt, cauendaeque sunt deformitates, vitia, maculae cognitionis sensitivae, vel in cogitationibus et rebus, §. 18, vel

vel in coniunctione plurium cogitatorum, §. 19. vel in significatione, §. 20. M. §. 121. quo numeravimus ordine, §. 13.

§. 22.

Vbertas, magnitudo, veritas, claritas, certitudo, et vita cognitionis, quatenus consentiunt in vna perceptione, et inter se, e.g. vbertas et magnitudo ad claritatem, veritas et claritas ad certitudinem, omnes reliquae ad vitam, quatenus varia cognitionis alia, §. 18-20, consentiunt ad easdem, dant omnis cognitionis perfectionem, M. §. 669. 94. phaenomena sensitivae pulcritudinem, §. 14. vniuersalem, §. 17. praesertim rerum et cogitationum, §. 18. in quibus iuuat

Copia, nobilitas, veri lux certa mouentis.

§. 23.

Angustiae, vilitas, falsitas, M. §. 551. obscuritas imperispicua, dubia fluctuatio, M. §. 531. inertia, M. §. 669. sunt omnis cognitionis imperfectiones, M. §. 94. phaenomena sensitivam deformant, §. 14. generatim, §. 17. praecipua rerum et cogitationum vitia, §. 21.

§. 24.

Pulcritudo cognitionis sensitivae, §. 14. et ipsa rerum elegantia, §. 18. sunt perfectiones compositae, §. 18-20, 22. etiam vniuersales, §. 17. M. §. 96. Quod et hinc patet,

A 5

quod

quod nulla perfectio simplex nobis sit phaenomenon. M. §. 444. Hinc admittunt exceptiones admodum multas, non habendas in vitiis, etiamsi fiant phaenomena, modo maximum, qui locum habet, consensum phaenomenon non tollant, hinc sint, quae possunt, paucissimae minimae. M. §. 445.

### §. 25.

Quibus positis ponitur pulcritudo, si dicamus **ELEGANTIA**, **EXCEPTIONES**, quales §. 24. descripsimus, quando e.g. regula pulcritudinis debilior cedit fortiori, minus foecunda foecundiori, propior vltiori, cui subordinatur, e. c. M. 446. erunt **NON INELEGANTES**. Hinc in regulis pulcritudinis in cognoscendo constituendis bene simul earundem robur attenditur, M. 180.

### §. 26.

Perceptio quatenus est ratio, est **ARGUMENTVM**. Sunt ergo argumenta locupletantia, nobilitantia, probantia, illustrantia, persuadentia, mouentia, §. 22. quorum aesthetica non solum possunt vim et efficaciam M. §. 515. sed etiam elegantiam, §. 25. Pars cognitionis, in qua peculiaris detegitur elegantia, est **FIGVRA**, (schema.) Sunt ergo figurae 1) rerum et cogitationum §. 18. **SENTENTIAE**, 2) ordinis, §. 19. 3) significationis, quo figurae dictionis, §. 20. **Figurarum**

rum sententiae tot, quot argumentorum, sunt genera.

§. 27.

Pulcritudo cognitionis, §. 14. quum sit effectus pulcre cogitantis huius viribus viuis nec maior, nec nobilior, M. §. 331, 332. ante omnia delineemus aliquam genesin et ideam pulcre cogitaturi, CHARACTEREM FELICIS AESTHETICI, enumerationem eorum, quae in anima naturaliter pulcræ cognitionis causæ propiores sunt. Ob rationes autem §. 17. allatas subsistamus nunc in generali ac veluti CATHOLICO caractere, qualem omnis generis pulcre cogitata requirunt, non descendentes in SPECIALEM aliquem, complementum generalis ad datam certam determinatæ speciei pulcræ cognitionem actu præstandam.



SECTIO II.

AESTHETICA NATURALIS.

§. 28.

Ad characterem felicitatis æsthetici generalem, supponendo generaliora, §. 27. requiritur. I. AESTHETICA NATURALIS CONNATA, §. 2. (φύσις, natura, εὐφροσύνη, ἀρχετυπα σοφίας γενεσιως,) dispositio naturalis

lis animae totius ad pulcre cogitandum, quacum nascitur.

§. 29.

Ad naturam, de qua §. 28. 1) INGENIUM VENUSTUM ET ELEGANS CONNATUM, ingenium latius dictum connatum cuius facultates inferiores facilius excitentur et ad elegantiam cognitionis apta proportionem conspirent.

§. 30.

Ad ingenium venustum, de quo §. 29. A) facultates cognoscitivae inferiores, earumque dispositiones naturales, a) acute sentiendi, M. §. 540. non solum, ut anima nanciscatur primam pulcre cogitandi materiam sensibus externis, sed etiam ut sensu interno, intimaque conscientia, M. §. 535. mutationes et effectus reliquarum suarum facultatum possit experiri directura. Ut facultas sentiendi conspiret olim reliquis, tanta sit ingenio venusto, quae non semper et ubique, suis sensationibus quibuscumque, quasunque sit oppressura cogitationes heterogeneas. §. 29.

§. 31.

b) Dispositio naturalis ad imaginandum, §. 30. qua ingenium venustum sit *ευφαινασιωτον*, quia 1) saepe praeterita pulcre cogitanda sunt 2) praesentia saepe praetereunt ante,

ante, quam absoluatür pulcra eorundem cogitatio, 3) non ex solis praesentibus, sed et praeteritis, futura cognoscuntur. Ut conspiret imaginatio reliquis aliquando facultatibus, tanta sit in ingenio venusto, quae non semper et ubique suis phantasmatibus obscureret reliquas perceptiones omnes naturaliter debiliores singulas singulis imaginationibus.

§. 29. Ad phantasiam si referatur facultas fingendi, uti saepe apud veteres, duplex eius est in ingenio venusto maioris necessitas.

§. 32.

c) Dispositio naturalis ad perspicaciam, §. 30. M. §. 573. qua suggerenda per sensum et phantasiam e. c. §. 30, 31. acumine et ingenio quasi poliantur. Per has facultates et pulcritudo cognitionis, quatenus proportionem phaenomena poscit, et disproportionem phaenomena non admittit, et ipsa pulcra ingenii latius dicti proportio praestanda est.

§. 29. M. §. 72. Hinc quoniam acumen sub ingenii nomine non raro simul delitescit, omnis pulcra cognitio nonnunquam ingenio adscribitur. Ut tamen et perspicacia probe conspiret aliquando cum reliquis animi facultatibus tanta sit, quae non nisi satis sibi praeparatam in materiam feratur, §. 29.

§. 33.

d) Dispositio naturalis ad recognoscendum et memoria, M. §. 579. Mnemosyne musarum

musarum mater veteribus dicebatur ad memoriam imaginationis etiam reproductionem referentibus, §. 31. Neque tamen ipsa recognoscendi facultate supersedere potest pulcre e. g. narraturus, immo fingentem, ne antecedentia turpiter sequentibus repugnent, oportet esse memorem.

## §. 34.

e) Dispositio poetica, M. §. 589, quae tanta requiritur, ut excellentiori practicorum aestheticorum classi nomen poetarum conciliauerit. Nec mirabitur psychologus perpendens, quanta pulchrae meditationis portio combinando praescindendoque phantasmata formanda sit. Ut cum reliquis tamen facultatibus probe conspiret, tanta sit, quae mundum a se quasi creatum non subtrahat reliquarum e. g. perspicaciae, §. 31. politionibus. §. 29.

## §. 35.

f) Dispositio ad saporem non publicum, immo delicatum, M. §. 608, qui cum perspicacia, §. 31 sensorum, phantasmatum, fictionum e. c. iudex inferior sit, M. §. 607. quotiescunque diiudicari singula per intellectum, M. §. 641. non interest pulcritudinis. §. 15.

## §. 36.

g) Dispositio ad praevidendum, M. §. 595. et praesagiendum, M. §. 610. Quam obser-



obseruantes veteres in ingeniis pulcrioribus, quanta non est in multis, extraordinariam, veluti prodigium quoddam ac miraculum, diuinis adscribebant. Vnde poetae denuo vates. Neque tamen haec, in medio posita transeundo, requirenda tantum est ad nescio quae oracula aesthetica; quoniam ad omnem cognitionis vitam, primariam pulcritudinem, requiritur. §. 22. M. §. 665. Vt conspirare tandem cum aliis haec facultas et dispositio diuinatrix possit, §. 29. M. §. 616. tanta sit, quae suo loco ac tempore nec sensationi, multo minus imaginationi cedat heterogeneae, §. 30, 31.

### §. 37.

h) Dispositio ad significandas perceptiones suas M. §. 619. nunc magis, nunc minus necessaria, prout character pulcre tantum cogitantis, intra animam, vel efferentis etiam pulcre cogitata simul attenditur. Neque tamen in priori potest omnino deesse, §. 20. Vt consentiat aliquando cum reliquis non sit tanta, quae pulcritudini necessarium intuitum supprimat: §. 35. M. §. 620.

### §. 38.

Ad ingenium venustum, de quo §. 29. B.) facultates cognoscitiuae superiores, M. §. 624. quatenus a) intellectus et ratio per imperium animae in semet ipsam multum non raro conferunt, ad excitandas facultates infe-

inferiores, M. §. 730. b) consensus harum et apta pulcritudini proportio saepe non nisi per intellectus et rationis usum obtinetur, §. 29. c) magnae viuiditatis in analogo rationis consuetudinem spiritui naturale est PULCRITUDO intellectus, M. §. 637. et RATIONIS, perspicientiae nexus extensius distinctae.

### §. 39.

Ingenium venustum naturaliter dispositum est, ut aliquando, non a statu suo praeterito solum; quicquid memoria regerat, sed ab ipsis sensationibus externis abstrahendo, fictum aliquem statum, ut futurum, attendat, eundem, ut bonum, vel malum, perspicaciter intueatur, et signis convenientibus ob oculos ponere possit, sub intellectus et rationis imperio, §. 30-38.

### §. 40.

Vel per iocum, vel per grauem errorem, excludit sanos Helicone Democritus, §. 39. M. §94. et ineptior est, M. §. 639. bona pars, quae pretium ac nomen hominis venusti nancisci sperat,

*Si tribus Anticyris caput insanabile nunquam  
Tonsoi Licino commiserit. Hor.*

### §. 41.

Maiores facultates inferiores, eaeque naturaliter tales, requiruntur in pulcre cogitatu-  
turo,

turo, §. 29. Hae vero non solum esse simul cum superioribus naturaliter magnis possunt, M. §. 649. sed ad eas etiam, vt conditio, sine qua non, requiruntur. M. §. 637. Hinc est opinio praeiudicata; natura repugnare pulcritudinem ingenii seuerioribus intelligendi ratiocinandique dotibus, quatenus a natura connascuntur acceptae.

### §. 42.

Potest esse ingenium pulcrum, quod intellectus et rationis vsum male neglexit, potest esse ingenium philosophicum et mathematicum non satis instructum ab ornamentis analogi rationis. Si potest esse ingenium vel mediocriter venustum ad scientias tamen solidiores ineptum ipsa natura: non tamen esse potest ingenium istis concipiendis natum, omni venustati cognitionis, vti nascitur, inhabile. M. §. 649. 247.

### §. 43.

Ingenia potius superiora ac vniuersalia per omnes aetates, Orpheus et philosophiae poeticae statores, Socrates, *εἰρων* dictus, Plato, Aristoteles, Grotius, Cartesius, Leibnitius docent a posteriori bene conuenire, ac in vna sede, non nimis angusta, morari posse dispositionem ad pulcre solideque cogitandum, etiam ex seueriori disciplina philosophorum ac mathematicorum.

## §. 44.

Ad aestheticum natum, §. 28. requiritur  
 2) indoles dignam et mouentem cognitionem  
 pronius sequutura, facultatumque appetitiua-  
 rum ea proportio, qua in pulcram cognitio-  
 nem facilius feratur, s. **TEMPERAMEN-  
 TVM AESTHETICVM CONNATVM**,  
 M. §. 732.

## §. 45.

Quum omnis homo feratur in omne ge-  
 nus appetibilium, quatenus ipsi cognitum  
 est, e. c. M. §. 665. locemus eorum aliqua  
 circiter, vti aestheticum decet, §. 15. secun-  
 dum dignitatis ordinem: Pecunia, opes, la-  
 bor, otium comparatiuum, deliciae externae,  
 libertas, honor, amicitia, vigor et valetudo  
 corporis firma, virtutum umbrae, cognitio  
 pulcra cum suo corollario virtute amabili,  
 cognitio superior cum suo corollario virtute  
 veneranda. Licebit ergo temperamentis  
 aestheticis tribuere **MAGNITVDINEM** ali-  
 quam **PECTORIS CONNATAM**, instinctum  
 in magna potissimum, praesertim apud atten-  
 dentes, quam facilis inde transitus sit ad ma-  
 xima. §. 38, 41.

## §. 46.

Secundum tritam temperamentorum do-  
 ctrinam melancholicum solet commendari  
 non satis discernentibus pulcras meditationes  
 pro-

prolixiores a brevioribus et absoluendis fatiscito. His sanguineus, qui dieitur, illis melancholicus aptior erit. Quoniam autem malunt esse cholericis,

*Quos tulit ad scenam ventoso gloria curru,  
Magnum opus aggressis eadem det gloria vires.*

\*\*\*\*\*

### SECTIO III.

#### EXERCITATIO AESTHETICA.

§. 47.

**A**d characterem felicitis aesthetici requiritur II.) Ασκησις et EXERCITATIO AESTHETICA, crebrior repetitio actionum in hoc homogenearum, ut sit aliquis ingenii ac indolis, §. 28-46. descriptorum consensus in datum thema, s. ne quis ab Orbiliis data themata cogitet, in vnum cogitandum, in rem vnam, §. 18. ut habitus pulcre cogitandi sensim acquiratur, M. §. 577.

§. 48.

Natura, de qua S. II. non potest vel per brevius tempus, in eodem gradu subsistere. M. §. 550. hinc nisi continuis exercitus augeantur eius vel dispositiones vel habitus, §. 47. decrescit, quantacunque ponatur, non nihil ac torpescit, M. §. 650. Neque tamen exercitia tantum commendo facultatum, de quibus

B 2

bus

bus S. II. sed aesthetica, §. 47. Sunt EXERCITIA naturam satis pulcram corrumpentia ac DETURPANTIA, vitanda phaenomena, §. 16. apud ingenia actiua et semper agentia aliquid, non felicius, quam meliorum commendabili substitutione, M. §. 698.

## §. 49.

Aliquem iam consensum in ipsis exercitiis aestheticis, et iis quidem omnibus posco, §. 47. Alias non sunt effectus pulchrae naturae, hinc nec eius vim augent, §. 47. M. §. 139. Sed tantum aliquem. Palatia non poscunt milites, quantos pugna. Concedo, quaedam naturam satis pulcram nonnihil simul corrumpentia aesthetica, §. 16. Concedo etiam deturpantia nonnihil, §. 48., modo magis consentiant, ac dissentiant, a potiori quae dicamus aesthetica, §. 47. Concedo tandem, quorum maior est deformitas pulcritudine, modo comitetur ea conscientia, §. 35. turpitudinis superponderantis, per quam non, si male nunc, et olim sic erit, M. §. 666.

## §. 50.

Non ingenii solum, sed huius ac indolis, de quibus S. II. §. 49. aliquem consensum postulo in exercitiis aestheticis, §. 47. Colatur ingenium mortuis ac inertibus exercitiis, Ethic. §. 403. neglecta prorsus indole, vel omnino corrupta, depressaque, e. g. in passionem

nem dominantem, praevalentemque cupidinem hypocriseos, ferociae athleticae, sodalitiū nepotum, ambitionis, licentiae, bacchanalium, desidia, pigritiae, curarum oeconomicarum, vel omnino pecuniae, §. 46. ubique pellucens pectoris exilis vilitas, quicquid venuste cogitatum videatur, deturpabit, §. 48.

## §. 51.

Erecta seruetur, vti videbitur, aut erigatur, si quibus aliter modis fieri potest, indoles, M. §. 732. ingenio, de quo S. II. rudi relicto, Ethic. §. 403. nascentur inde forte, quas §. 45. dixi, virtutum umbrae; sed partim pellucens ubique ruditas ingenii motus, quos bonos dixeris, boni cordis, vti loqui solent, deturpabit, §. 48. partim auersatus saltim cognitionem pulcrā animus, aut eam non sufficienter appetens, ingenium, malis auib, eo sinet torpescere, non inuitus, §. 48. vnde nunquam ad pulcre quid cognoscendum allevari denuo possit. §. 27.

## §. 52.

Exercitia aesthetica, §. 47. erunt 1) *αυτοσχέδιασμα* citra directionem artis eruditae, qua polleat exercendus, suscepta. Huc horridus ille numerus Saturnius, quo priscus Cascorum agricola, fortis et leuans animum festo tempore, §. 50.

*Versibus alternis opprobria rustica fudit.* Hor.

Huc generis humani omnia ante artes eruditae inuentas pulchrae cognitionis specimina, huc cuiusvis pulchrioris naturae primi igniculi omnem artem anteuertentes, quando e. g. sicut Ovidius de se memorat,

*Quicquid tentabit dicere, versus erit.*

§. 53.

In aestheticis etiam egregie caueamus, ne ingenium rude ac ineruditum pro iisdem habeamus. Ethic. §. 405. Homeri sane, ac Pindari, e. c. sane non rude fuit

*Ingenium, non incultum, non turpiter hirtum,* Hor.

archetypa tamen artium eruditarum potius fuere, quam ectypa. Potest ineruditus esse ingenii, etiam aesthetici, §. 29. admodum politici, §. 52. Ethic. §. 403. sicut eruditus ingenii, qua pulcritudinem spectat, satis rudis, §. 42.

§. 54.

Sicuti musicam Leibnitius dixit exercitium arithmeticum, numerare se nescientis animae: sic etiam per expectationem casuum similium, et inde veluti connatam imitationem primam, nescius adhuc paene se cogitare, multo magis se pulcre cogitare, iam  
exer-



exercetur infans, bona fortuna si quis educandus incidit in manum artificis, qui os tenerum pueri figurat, ac balbum. §. 37.

*Torquet ab obscaenis iam nunc sermonibus aurem,*

*Mox etiam pectus praeceptis format amicis,*  
§. 50, 45.

*Recte facta refert.* §. 31, 32, 35. *orientis tempora,* §. 36. *notis* §. 30.

*Instruit exemplis,* §. 32. e. c. Hor. L. II. ep. I. v. 126.

### §. 55.

Exercetur ingenium natura pulcrum porro, iamque semet ipsum exercet apertius, §. 54., etiamsi nesciat, quid agat, dum confabulatur puer, dum ludit, praesertim ubi ludorum inuentor est, aut paruulus director inter commilitones, iisque gnauiter intentus iam fudat, et multa fert, multa facit, dum videt, dum audit, dum legit, quae pulcre intelligat; modo dirigantur talia omnia secundum §. 49-51. ut aesthetica sint exercitia, §. 47.

### §. 56.

Fallimur adulti etiam non raro, quando legendo vel audiendo pulcre dicta, vel scripta, e. c. pulcre ea intelligimus, eorumque pulcritudinem intuemur et quasi gustamus §. 35, ut auctori quidem: *pulcre! bene! recte,* taciti intra nos acclamemus, neque tamen

nos cum ipso simul imitando pulcre cogitare  
fatis animaduertamus. Hinc exercitium  
aestheticum maius est, ac plerumque vide-  
tur, §. 54., exemplaria bellissimorum aucto-  
rum

*Nocturna versare manu, versare diurna.*

§. 54.

*Graius (Gallis) ingenium, graiis (gallis)  
dedit ore rotundo.*

*Musa loqui, praeter laudem nullius avaris.*  
Hor.

§. 57.

Per se patet maiora iam exercitia maiores  
vires et dare et testari *αυτοσχεδιασματα ευρισι-  
χα*, quae proprio Marte fundit animus *αυτο-  
ματος*, quando iam sine cortice natum vel  
doctus §. 54-56. vel natus est, §. 53.

§. 58.

Exercitia aethetica erunt 2) correctiora  
ac certiora, si accesserit ad connatam S. II. et  
acquisitam aestheticam naturalem, dominam  
naturam, §. 2. ars erudita, §. 47-57. sine qua  
ingenia pulcra quidem, neque tamen diuina,  
viam ad elegantias cognitionis saepe expe-  
riantur,

*Quale per incertam lunam, sub luce maligna,  
Est iter in silvis, ubi caelum condidit umbra  
Iuppiter, et rebus nox abstulit atra colo-  
rem.* Virg.

§. 59.

## §. 59.

Vtrumque genus exercitiorum, §. 52, 58. quotiescunque pulcram cognitionem exercendus efficienter decernit, non ingenium solum, sed et indolem et temperamentum aestheticum in habitum deducit et consuetudine confirmat, §. 45. intendens connatam pectoris magnitudinem. §. 46. M. 247.

## §. 60.

AESTHETICA DYNAMICA s. critica virium dati hominis ad datam datae cognitionis pulcritudinem assequendam, connatas naturae vires metiri nequit, nisi ex effectibus, exercitiis, §. 27. ubi iuste sic concluditur: Tantum est *αὐτοσχεδίασμα*, tantum specimen dati hominis; Ergo tanta etiam eius est connata natura, quae accedentibus praeuiis exercitiis eo pertingere potuerit. M. §. 57. Neque tamen aequè bene saepius infertur: Ad tantum *αὐτοσχεδίασμα*, vel specimen vires dati hominis, uti nunc sunt, non sufficere, Ergo destituitur connascenda ad meditationes eiusmodi natura, M. §. 60.

## §. 61.

Aesthetico dinamico saepe opus erit TENTAMINIBVS (periculis) AESTHETICIS, exercitiis ideo, inter alia, decretis, ut experiatur, an vires dati hominis, et

A 5

quan-

quantae ad datam pulcram cognitionem sufficient, M. §. 697. Tunc si bene procedunt tentamina, experientia affirmatiua vires suffecisse satis recte se habet, §. 60., si minus procedant, non semper naturae defectus est in causa, multo minus a defectu cuiusdam specialis forte characteris aesthetici ad datum periculum requisiti, ad defectum generalis etiam, aliorumue forte specialium valet consequentia. §. 27. Ciceronis pericula poetica, Ovidii ac Horatii pericula epopoeiae non bene successerunt.



### SECTIO III.

#### DISCIPLINA AESTHETICA.

##### §. 62.

**A**d characterem felicitis aesthetici generalem, §. 27. requiritur III.) *Μαθησις* et DISCIPLINA AESTHETICA, theoria perfectior in materiam et formam pulchrae cognitionis propius influentium, ac ea per naturam solam, et solum eius usum impetrari solet, seuerioribus iam exercitiis in usum deducenda, ne vagetur habitus ex rerum cogitandarum, vel ex regularum earumque rationum ignorantia vel incertitudine, cogitetue licenter, aut omnes visuros peccata sua putans,

tans, quae tamen ipse nesciat, ab ipso pulcræ meditationis usu deterreatur, §. 47, 48.

### §. 63.

Ad disciplinam aestheticam pertinet 1) OMNIS PULCRA ERUDITIO, i. e. eruditio, quatenus obiectorum, de quibus pulcre cogitandum aliquando sit, cognitionem inerudita meliorem exhibet, qua imbutum ingenium naturaliter pulcrum, exercitationibusque quotidianis excitatum, qua motum, qua affectum, et incoctum, vti Persius habet, pectus aestheticum, felicius in datum thema pulcre cogitandum consentire possint, §. 62, 47.

### §. 64.

Pulcræ eruditionis potiores partes sunt disciplinae, deum, vniuersum, hominem, qua statum praesertim moralem, historias, nec exclusis quidem mythicis, et antiquitates, figurarumque genium exhibentes, §. 63.

### §. 65.

In disciplinarum eiusmodi doctrina aestheticus tantum eam curat perfectionem, quae fiat in pulcre meditandis phaenomenon, §. 14, 15. partim negatiue, dum dat vitare παραρματα deturpantia, partim positiue, dum vnica saepe phrasi vel signo satis breui cogit eruditum lectorem spectatoremue magna

gna quaeuis ab auctore tantae doctrinae expectare, licet dissimulet erudita plura per exceptionem non inelegantem, §. 48, 25.

§. 66.

Huc non referimus pueriles quasuis institutiones, §. 54. non tumultuariam in disciplinis tractandorum notitiam, vfu, vaga lectione, auditionibusque promiscuis comparatam, de qua S. III. sed methodicam et virilem eorundem peritiam, quantumcunque perfectam, quoniam illa magis, sed et eatenus tantum, quatenus magis efficit §. 65. commemorata.

§. 67.

Neque tamen aestheticum polyhistora postulamus vel pansophum, quoniam character generalis tantum eruditionem generatim postulat, in ea pulchrae cognitionis specie, in qua quis excellere cogitat, character specialis partes eo propius facientes eruditionis curatius determinabit, in quibus hospitem esse dedecet, hanc cognitionis pulchrae speciem qui sibi colendam sumserit, §. 27.

§. 68.

Ad disciplinam aestheticam pertinet  
2) theoria de forma pulchrae cognitionis, de modo ac ratione legitimis eam viis comparandi, perfectior, ac per naturam solam et  
solum

solum eius vsum impetrari solet, iam accuratioribus et adstrictioribus exercitiis in vsum deducenda. §. 62. Jam autem complexus regularum ordine dispositarum **ARS** vocari solet. Hinc in characterē boni aesthetici generali nascitur requisitum **ARTIS AESTHETICAE**.

## §. 69.

In characteribus felici aesthetici specialibus, e. g. oratoris, poëtae, mulici e. c. dudum desideriiis huius requisiti satisfactum est arte rhetorica, poetica, musica, e. c. Quicquid de earum iucunditate, vtilitate, necessitate differi solet, paullulum attollendo notiones in magis generalia potest ad artem aestheticam applicari, cuius haec praedicata tam late patent, ac laudes reliquarum simul sumtarum, §. 68.

## §. 70.

Jam sumere licebit artem hoc praestantiorē esse 1) quo patentiores regulas completitur, i. e. quarum applicatio pluribus in occasionibus utilis, immo necessaria est, quo completior ipsa est, regularum sufficientium breue tamen compendium, 2) quo fortiores et grauiorē regulas exhibet, i. e. quas nunquam sine maiori detrimento negligas, 3) quo exactiores eas exponit, et accuratiorē, 4) quo magis perspicuas, 5) quo certiores et ex veris principiis, animabus regularum, deriuatas,

tas, 6) quo magis allicientes ad dirigendas ex suis praescriptis actiones et ipsam praxin, §. 22.

### §. 71.

Artis autem aesthaeticae leges per omnes artes liberales, quasi cynosura quaedam specialium, diffunduntur, et adhuc patentiorem sphaeram habent, vbicunque praestat pulcre, quam turpiter, quicquam cognoscere, cuius non opus est cognitione scientifica. Hinc magis, ac vlla specialium, §. 69., meretur in formam artis redigi, completius quoddam systema pulcritudinis in cognoscendo tandem exhibitura, ac seiuncta deducendarum ex eadem artium *αποσπασματα*. Completi quid in specialibus ob infinitam varietatem sperari non potest, nisi surgendo ad fontes et pulcritudinis et cognitionis, ad vtriusque naturam, primas vtriusque diuisiones diuisa ob principium exclusi tertii inter duo contradictoria exhaurientes scrutemur, quod fiet artem aestheticam in formam scientiae redigendo, §. 70.

### §. 72.

Superior regula semper fortior est sibi subordinatis omnibus. Hinc artis aestheticae leges fortiores sunt inde deriuandis specialium artium regulis omnibus, ab his exceptione non ineleganti facienda, quando colliduntur. Jam autem his solis cognitis aliter  
eue-



eueniet, aut etiam illis vix ac ne vix quidem, veluti in fundo, aut e longinquo, perspectis, his autem in omni ornatu exemplorumque apparatu praestringentibus oculos, non sine grauiori detrimento. Hinc complexus legum aestheticarum, prae specialioribus suis confectariis, meretur in formam artis redigi, quae simul earundem robur satis euidenter ponat ob oculos, in formam scientiae redacta.

§. 70.

### §. 73.

Falsa regula semper peior, quam nulla. Jam autem ex vno alteroue exemplo tantum abstractae, ac sine vltiori ratione pro vniuersalibus venditae leges, quid aliud sunt, quam a particulari ad vniuersale satis hiulca consequentia? Quoties hinc, nisi omnino falsae, tamen peccant in quantitate? Jam autem inductio completa nunquam haberi potest. Hinc opus est perspicientia veritatis regularum grauiorum a priori, quam dein confirmet ac illustret experientia, sicut illius inueniendae forte primum fuit subsidium. Indigent hinc artes speciales, si veras a spuris regulis seiungere sit animus, vltiori principio, ex quo speciales suas regulas cognoscere possint, et hoc, ars aesthetica, ne per eandem male fidam expectationem casuum similitum vnice stabiliendum sit, vt in formam scientiae redigatur. §. 70.

### §. 74.

## §. 74.

Quum intellectus et ratio moraliter necessario directores omnium pulcre cogitatorum, esse debeant, §. 39. illud autem regulis pulcre cogitandi distincte non perceptis fieri nequeat; M. §. 624, 640. non sufficit has perspicue proponi, ac multis illustrari, praesertim quum talis earum confusa cognitio iam sine disciplina per aestheticam naturalem acquisitam impetrari possit, §. 62. Ne ergo tota disciplina aesthetices artis in meram aliquam coordinationem ac dispositionem regularum ab analogo rationis analogon rationis vnice directuro formatarum abeat, §. 68. distincte regulas etiam et intellectualem cum perspicuitate concipere laborat vtiliter in formam scientiae simul eleuata. §. 70.

## §. 75.

Quod olim Leibnitius de metaphysicis ante restaurationem eorundem per ipsum coeptam: *Video plures, qui mathematicis doctrinis delectantur, a metaphysicis abhorrere, quod in illis lucem in his tenebras animaduertant. Cuius rei potissimam causam arbitror esse, quod notiones generales, et quae maxime nobis notae creduntur, humana negligentia atque inconstantia cogitandi ambiguae atque obscurae sunt factae, et quae vulgo afferuntur, definitiones, ne nominales quidem sunt, adeo nihil explicant. Acta er. Lips. A. 1694. idem de disciplinis ar-*  
tium

tium liberalium ob similem causam affirmaverim. De disciplinis, inquam, et regularum coaceruationibus. Exsequutionem enim pulcherrimorum operum quanquam docti indotique passim, si sapiunt, admirari coguntur vel inuiti, sequuntur etiam et laudant plurimi: tamen seuerioris etiam scientiae patroni plerique doctrinas eiusmodi speciosa miracula directuras cum plebe consentiendo contemnunt,

*Ingenium misera quia fortunatius arte  
Credunt.*

Quid autem? si curatis ex definitionibus, et vere explicantibus aliquid pulcri atque venusti per apte cohaerentem axiomatum, confectariorumque concatenationem resolverentur, prima certe, cognoscendi, non bene solum, sed et belle problemata? Quid? si non ars solum, characterem pulcri ingenii generalem ingressa sisteretur, sed etiam induta scientiae pallium? Certius et tutius ad eius regulam, non Lesbiam, ornatum cogitationis postulancia tum exsequeremur, tum diiudicaremus, §. 70.

### §. 76.

Neque vanus augur arbitror fore, si praedixerim, quod aliquibus exemplis iam expertus scribo, per eandem se viam non paucis ingeniis, non paruis, erectioribusque animis commendatura bona liberalium studia, ut

C

non

non puerilia tantum, sed et viris, iisque sapientibus, digna, sicuti sint, videantur, eoque moueant, vt vel ipsi audeantaliquid noui et egregii in aetheticis exercitiis vel saltem de artibus eo ducentibus moderatius, aequius, honorificentius iudicent, de applicationibus earundem, vti iudices, bene fatis instructi, magisque competentes. §. 70.

## §. 77.

Iterum moneo. Ille ego non sum qui aethetica scientia, quasi numeris omnibus absolutum, mihi vel aliis fingam ingenium generatim venustum, vel omnino speciatim laudabilem oratorem, poetam, musicum e. c. Jam postulaui, ante theoriam eiusmodi, naturam, ingenium, indolem, exercitia, culturam iugenii nunc sine aliqua eruditione vix satis impetrandam, regularum pulcre cogitandi peritiam, quam vnice probaui vere praestare, si sit prima saltem et primaria sua ex parte scientia. Nunc denuo postulo correctiora ac certiora illa exercitia, de quibus §. 58. in quibus nulla dies sine linea, sine quibus mortuas ipse speculatiuasque, quas vocant, regulas, vtilis quidem, quibus tamen non vtaris, nunquam edico profuturas, eo, quo maxime debent. Nec ita multa post plura postulabo. Postulabit recte adhuc plura specialem felicitis aethetici characterem informaturus. §. 27.

## SECTIO



## S E C T I O V.

## I M P E T V S A E S T H E T I C V S.

## §. 78.

**A**d characterem felicitis aesthetici generalem §. 27. requiritur IV. IMPETVS AESTHETICVS (pulcra mentis incitatio, inflammatioque, *ορμη*, ecstasis, furor, *ενθουσιασμος*, *πνευμα θεο*), cuius haec est genesis: Excitatio natura, S. II. iam in ipsis *αυτοσχεδιασμασι*, S. III. magis adiuta, doctrinis ingenium acuentibus et magnam animam nutrientibus, S. IIII. pro positu corporis, animaeque statu antecedente, M. §. 512, 596. fauentibus circumstantiis, M. §. 323. iam ad ipsum pulcre cogitandi actum facultates suas inferiores, habitus, vires, huc vsque mortuas, M. §. 220, eo intendit, vt maiores consensu phaenomeno viuant, quam quas multi alii circa idem thema, vel ipse homo, non ita concitus alio tempore, possent exhibere, atque adeo dent effectus his suis viribus viuus aequales, viribus ordinariis maiores, et ad eas se circiter habentes, vti quadratum ad radicem. Status animae, cuius genesis descripsi, est ipsa illa *ορμη*, cuius antea dixi varias pro graduum diuersitate denominationes.

## §. 79.

In minoribus huius feruoris gradibus, effectus vi mentis ordinaria maior, vt talis, non patet omnibus, si vere tamen adfuerit *ορμη*, eueniet tentanti, dum friget,

*Vt sibi quiuis*

*Speret idem, sudet multum frustra que laboret*

*Ausus idem. Hor.*

Charaeter eius apud ipsum iustum sui aestimatorum, eo non nunquam corripiendum, erit, 1) si e. g. scripta sua, dum scribit, et immediate post conceptionem ipsi minus placeant, ac post aliquid temporis heterogeneis occupationibus infumti: 2) ipsa maior celeritas, charaeter etiam virium viuarum in phycis.

## §. 80.

Psychologis patet in tali impetu totam quidem animam vires suas intendere, maxime tamen facultates inferiores, ita, vt omnis quasi fundus animae, M. §. 511. surgat nonnihil altius, et maius aliquid spiret, pronusque suppeditet, quorum obliti, quae non expecti, quae praeuidere non posse nobis ipsis, multo magis aliis, videbamus. Hic animae fundus quum a multis adhuc ignoretur, etiam philosophis, effectus eius extraordinarius, quem §. 78. descripsimus, diis adscriptus est auctoribus, secundum illud Lucretii:

*Ignorantia caussarum conferre deorum*

*Cogit*

*Cogit ad imperium res, et concedere regnum, ut  
Quorum operum causas nulla ratione videre  
Possunt, haec fieri diuino numine rentur.*

## §. 81.

Lustremus aliquas incitationis eiusmodi opportunitates pro positu corporis aut aucupandas, aut saltim oblatas arripiendas, in quibus aut nunc, aut nunquam. Eo refero 1) motionem agitationemque corporis, praesertim non nihil melancholici, e. g. perequitationem celeriore. §. 46. Hinc forte pegasus hippocrenen recludens, hinc tot in itineribus carmina scripta. *Mirum est, ut animus agitatione motuque corporis excitetur.* Plin. L. I. ep. 6.

## §. 82.

2) Occasio impetus ad venuste cogitandum est, status animae, in quo praeuisio praesagiumque naturaliter faciliores sunt, M. §. 602, ad eleganter cogitanda praesertim necessariae vires, ordinario maxime debiles, §. 39. M. §. 597, et mens sana in corpore sano, E. §. 254, per venustum alterius ingenium ad imitationem inclinatur, §. 56, 44. Hac ratione excitatus *Φοιβόληπτος* est. Ita, circa críticas huius vitae vicissitudines, instante magna mutatione, plurimum habitura momenti; *poscere fata*

*Tempus erit. Deus, ecce, deus!* §. 80.

## 83.

3) Historiae (Clio), etiam fictae, praesertim heroicae, (Calliope), vel tristioris (Melpomene), vel laetioris euentus (Thalia), musicae, (Terpsichore) saltationes, (Erato) picturae, (Polyhymnia) et quaeuis liberalium artium specimina, dum ad aemulandum prouocant, ipsa natura extra nos positorum, dum vel amabiliter ludit, vel maioribus mundi e. g. solis, spectaculis in stuporem rapit. (Vranie), §. 82. Hac ratione concitatus *μυσοληπτος και μυσοπατακτος* est. Hinc Musae non minus, ac Gratae, sociae sunt, neque bene diuelluntur. Vna florente e. g. circa tempora Alexandri M. Augusti, Ludouici XIII. floruerunt etiam aliae.

## §. 84.

4) Otium comparatiuum, E. §. 267. M. §. 638. quando mens curis soluta laborum negotiorumque reponit onus et per amoena §. 83. ambulacra temere errans, §. 81. serena patet in secessu diuinis afflatibus, §. 80. Hoc forsan est in Helicone pascere, somniare in Parnasso. *O! dulce otium honestumque, ac paene omni negotio pulcrius! o! mare! o! litus! verum secretumque μυσειον! quam multa inuenitis! quam multa distatis!* Plin. L. I. ep. 9.

## §. 85.

5) Si pulcre cogitatu requiritur status, qualem



qualem §. 39. descripsi, praesertim in sensationibus themati satis heterogeneis constituto, aquae potori, pro positu corporis, §. 78. opportunus erit generosioris laticis modicus haustus, quo remittentibus nonnihil sensationibus e. g. molestis clarescere necessariae e. g. hilares imaginationes et praeuisiones eo magis possint. M. §. 554. Hunc autem satis multis esse fontibus historici naturae narrant. Pone talem vim in Aganippe fuisse.

## §. 86.

6) Fontanae eiusmodi praeferent vinum  
§. 85. cum Horatio iudicantes

*Nulla placere diu neque viuere carmina posse  
Quae scribuntur aquae potoribus.*

*Ille liquor docuit voces inflectere antu,* §. 83.

*Mouit et ad certos nescia membra modos,*

§. 81.

*Bacchus et agricolae magno confecta labore*

*Pectora tristitiae dissoluenda dedit.* §. 84, 52.

*Bacchus et afflictis requiem mortalibus affert,*

*Crura licet dura compede pulsa sonent.*

§ 85. Tib.

Hinc et Bacchus incitationis inflammationisque aestheticae auctor est. §. 80. licet illepide fallatur, qui fictam Horatii od. L. II. 19. III. 25. ebrietatem bona ac germana fide, ceu veram, imitaturus, tamdiu libat Apollini ac Musis, Bacchoque litat, donec iam iamque prompturus oracula

C 4

*Ster-*

*Sternitur, exanimisque tremens procumbit  
humi --, Virg.*

§. 87.

7) Noua occasio est castis aestheticis, qui sedentes aduersus, identidem, nescio quam, spectant et audiunt dulce ridentem. Misere quod omnes eripit sensus ipsis. Nam simul suam Lesbiam adspiciunt, nihil est super illis.

*Lingua sed torpet, tenuis sub artus  
Flamma dimanat, jenu nitu suo pte  
Tintinant aures, gemina teguntur  
Lumina nocte. Cat.*

Quando autem absentis angiportum perambularunt, §. 81. clausam ianuam fenestrasque vacuas salutantes, subito se in montes et lucos ex vrbe remouen., §. 84. ibique suum naturae miraculum procul vident dulce ridens, dulce loquens audiunt, fingunt, scribunt, canunt, psallunt, pingunt. Silua interpres harum curarum et conscia sidera, §. 83. ne sperare quidem ausos esse, quae praecident summa cum voluptate perinuiti, §. 82. Certe Venus ac Amor horum potius causa habentur auctores incitationis, de qua loquimur, §. 78, quam ob prostibulorum praecones,

*Quando immunda crepant ignominiosaque,  
§. 54, 59.*

§. 88.

## §. 88.

Veriores forsan, ac dii sunt, §. 80, occasiones erunt, 8.) si quem

*Decisis humilem permis, inopemque paterni  
Et laris et fundi paupertas impulit audax,  
Ut versus faceret,*

sicut Horatium, qui de se pergit per iocum narrare, quod bene multi serio verissimum putant;

*Quod non desit, habentem,  
Quae poterunt unquam satis expurgare cicutae,  
Ni melius dormire putem, quam scribere  
versus?*

## §. 89.

## 9) Indignatio

*Archilochum proprio rabies armavit iam-  
bo. Hor.*

Horatius eandem occasionem sibi praesagit, Serm. L. II. I. v. 40-60. Juuenalis eam statim ab initio spirat:

*Semper ego auditor tantum nunquam ne  
reponam*

*Vexatus toties rauci Theseide Codri? e. c.*

*Difficile est saturam non scribere. Nam  
quis iniquae*

*Tam patiens urbis, tam ferreus, ut teneat  
se? e. c.*

*Quid referam, quanta siccum iecur ardeat  
ira? e. c.*

*Haec ego non credam Venusina digna lucerna.*

C 5

Haec

*Haec ego non agitem?*

*Si natura negat, facit indignatio versum*

*Qualemcunque potest, quales ego. Sat. I.*

Ita pergit in reliquis. Ex eodem fonte Demosthenis et Ciceronis Philippicae, huius Verrinae et Catilinae, Ovidii Ibis, e. c.

### §. 90.

Satis cognata indignationi est 10) irrisio, M. §. 684. Horatio tamen magis amica, ac indignatio, minus amara, plusque salis, quam fellis habens. Hinc *αυτοσχεδιασματα*, de quibus §. 52, militumque currus triumphales stipantium. Hinc vetus

*Comoedia non sine multa*

*Laude, sed in vitium libertas excidit, et vim*

*Dignam lege regi. Hor.*

Hinc Aristophanes, hinc Lucianus paene omnis, et plura Martialis epigrammata.

### §. 91.

11.) Omnes animi commotiones, quae tantae non sunt, ut omnem symbolicam paene cognitionem intuitus opprimat, quando de pulcre non cogitandis tantum, sed et efferendis loquimur, 12) omnes fortunae casus tristiores, nisi frangant, laetiores, nisi obtundant et distrahant omnino animum. §. 82. Plus tamen elegantiarum sinistris auctorum fati debemus, quam admodum ridentibus.

### §. 92.

## §. 92.

13. Agmen claudat in catalogo facile locupletando iuuentus, s. potius illa huius vitae periodus, qua nondum ἀρχή suam eo usque transiit anima, vt imaginationes etiam insig-  
niter decreuerint. Sicut enim facultates cognoscitiuae inferiores primae fiunt in eadem phaenomena, ita et eodem, quo creuerunt, ordine minuuntur naturaliter. Vnde duabus iam potiore pulcre cogitandi materiem suppeditaturis, §. 30, 31. languescentibus transisse iudicatur eleganter cogitandi princeps opportunitas. Vnde Horatius non praecipit solum,

*Solue senescentem mature sanus equum, ne  
Peccet ad extremum ridendus, et ilia ducat,*  
sed etiam spectatus fatis et donatus iam rude non vult antiquo ludo includi,  
*Et versus et caetera ludicra ponens.*

## §. 93.

Per se patet 1) his occasionibus non utendum esse contra fortiores vitae beatae leges, 2) occasiones eas esse tantum non causas solitarias, quibus circumfluere possit laeuum aut tardum ingenium sine effectu, qui quae-  
rebatur, §. 78.

## §. 94.

In maiori pulcra meditatione quam diffi-  
cilior

cilior sit pulcritudo totius, ac pulcritudo cuiusvis partis, pulcritudo rerum et ordinis, pulcritudine signorum, §. 18-20, ad priores potissimum informandas utendum est impetu mentis aesthetico, dum feruet opus, et eius occasionibus, §. 78-92.

§. 95.

Durante ἐνθουσιασμῷ dum pulcre ponere totum, partesque principes intenditur omnis anima, §. 78. laudabiliter a minoribus minorum partium elegantiss exasciandis abstrahit ingenium etiam satis felix, M. §. 529. ne fiat simile fabro, qui

*Et unguet*

*Exprimet et molles imitabitur aere capillos*

*Infelix operis summa, quia ponere totum*

*Nesciet. Hunc ego me, si quid componere  
curem,*

*Non magis esse velim, quam pravo vivere  
naso,*

*Spectandum nigris oculis nigroque capillo.  
Hor.*





## SECTION VI.

### CORRECTIO AESTHETICA.

#### §. 96.

**Q**uaedam pulcre cogitanda efferenda sunt ita, vt non admittant curas posteriores, et esse debeant velut extemporalia, e. g. colloquia et epistolae vere familiaria. In his vbi summa nitet, resque principes vere pulcræ sunt, §. 94. quoniam castigationes non habuere locum, hoc iniquior iudex sim, si paucis

*Offendar maculis, quas aut incuria fudit,  
Aut humana parum cavit natura. §. 95.*

#### §. 97.

Quaedam pulcre cogitata non obligamur efferre prius, quam omnes iis, quas potuimus, gratias conciliauimus, curas posteriores admittentia. In his, quoniam omnis partialis pulcritudo, caeteris paribus, augeat pulcritudinem totius, M. §. 185. characterem felicitis æstheti coronat V.) CORRECTIONIS STUDIUM (limæ labor et mora) s. habitus protensa attentione in pulcre informatum opus, quantum possis, minores, minutarum etiam eius

eius partium, perfectiones augendi, tollendi  
imperfectiones, aliquantula phoenomena,  
citra detrimentum totius, §. 27. Pulcra co-  
gitatio omnis erit, vt pictura.

*Haec §. 96. amat obscurum, volet haec §. 97.  
sub luce videri,*

*Judicis argutum quae non formidat acumen,  
Haec §. 96. placuit semel, haec §. 97. decies re-  
petita placebit. Hor.*

### §. 98.

Correctio quum faciliior sit pulcra totius  
elaboratione, §. 94, 97. auctor

*Ni turpem putat inscitus metuitque lituram,  
Hor.*

aut offenditur limae labore ac mora, M. §. 527:  
vbi iam transiit mentis impetus maior, §. 78.

*Vt primum cessit furor, et rabida ora quie-  
runt, Virg.*

poterit peragi, iam distinctius praelucente  
intellectu et ratione, iudicioque intellectu-  
ali, §. 38. ad aesthetices etiam artificialis regu-  
las singula exigente, S. IV.

### §. 99.

Aesthetica artificialis non solum diriget  
pulcre cogitatorum, vel turpiuscule, con-  
scientiam, vt ita dicam antecedentem, S. IV.  
et concomitantem, S. V. sed etiam conse-  
quentem, §. 98. tunc nondum inutilem,  
quando adhuc

*Mem-*



*Membranis intus positis delere licebit,  
Quod non edideris, §. 98.*

§. 100.

Si quis limam, quibus probe potuisset, §. 97. tamen adhibere neglexerit, hoc id iniquius ferre solent acutiores, quod vident, qui potuit maius, eum et suffecisse minori, §. 98, sed spectatores suos non duxisse tanti, quorum ius aestumant contemptum sui contemptu auctoris rependere, et sic, nugae quae videntur,

*seria ducent*  
*In mala derisum semel exceptumque sinistre.*

§. 101.

Neglectum correctionis, de qua loquimur, Horatius vnicam causam iudicat esse, cur romani graecis in scribendo cedant. A. P. v. 291. reprehendens eum in Lucilio peculiariter Serm. I, 10. Quam necessaria sit vltima lima, doceat Apelles post tabulam, Virgilius Aeneida flammis per testamentum legans, Ovidius, qui malis exfilii solis excusat eius neglectum *de Ponto* I. ep. V. 17. Romae non semel lituras a se fieri meminit, II. ep. IV. et in ipso oratore laudat, si sua *limet tenui cura*. IV. ep. VI. consentiente Cicerone, cuius oratori ne minuta quidem negligenter tractanda sunt, *limatumque dicendi genus* exemplo ac praeceptis commendatur.

§. 102.

## §. 102.

Si quis interim cum Nasone senferit:

*Nec tamen emendo, labor hic, quam scribere, maior.*

*Mensque pati durum sustinet aegra nihil.*

*Scilicet incipiam lima mordacius uti,*

*Et sub iudicium singula verba vocem?*

confundit ille, plus taedii secum ferens, et plus virium postulans. Prius concedo quadrare in emendationem, non posterius. §. 98. Deuorandum autem est, quicquid sit taedii ob reuerentiam, quae tua probaturis

*Maxima debetur, §. 100.*

## §. 103.

Sunt, quibus adfueuimus pueri, volentes etiam viri, scilicet, ut alius sua corrigat, quem deesse sibi queruntur:

*Suus cuique attributus est error,*

*Sed non videmus, manticae quod in tergo est.*

Concedo recitationem veterum, nisi corrumpatur et haec adulationibus, saluberrimum esse consilium, et iuste queri, cui desit vir bonus et prudens, qui rogatus in nostris diiudicandis, dum adhuc nonum forsan in annum premuntur,

*Fiat Aristarchus.*

Neque tamen ab eiusmodi censore plura postulanda sunt, quam ut vel dicat: *Corrige, sodes, hoc et hoc, vel ut*

*In-*

*incomtis allinatatrum*  
*Transuerso calamo signum.*

Vt ipse meliora suggerat, non aequus est, qui rogat virum vir. Est cuilibet sua cogitandi ratio, in quibusdam propria. Si circiter aequales viribus sumimur ego, mihi que recitans, facilius utique mihi nonnunquam esset mea cogitandi ratione totum opus absolueré, §. 78, quam remissiori animo, §. 98. per cogitationes alienas ita meas interferere, ut meliores sint in auctoris impetu ab eodem fusis, conducant tamen et haereant apte reliquis, a me meaque cogitandi ratione non profectis.

*Si defendere delictum, quam vertere malis,  
 Nullum ultra verbum aut operam infumamus  
 inanem,*

*Quin sine rivali teque et tua solus ames. Hor.*



## SECTIO VII.

### CAUTIONES QVAEDAM.

§. 104.

**N**ATURALE COGITANDI GENVS  
 si dicatur naturalibus animae cogitaturae  
 viribus, obiectorum, eorumque naturae pro-  
 portionatum, quibus et quorum in vsus vel  
 delectationem cogitatio suscepta praesumen-  
 D da

da est, s. breuius has naturas imitatum, adeo necessarium est pulcre cogitaturō naturale cogitandi genus, §. 14. vt minus adhuc cognita animae pulcre cogitaturae, multorumque obiectorum natura, omne venustae cogitationis artificium hac vnica regula comprehendī videretur: *Naturam imitare*

## §. 105.

Hinc pulcre cogitaturus caueat, 1) ne laudem ingenii venusti affectet, nisi omnino, tamen insigniter, destitutus ea, quam S. II. descripsimus, natura, CONTRA NATVRAM, asinus ad lyram, 2) ne forsan habens naturae generatim, quantum satis est, specialem tamen characterem et naturae quandam inflexionem, vt ita dicam, peculiarem requirementia sibi cogitare sumat, ante, quam viderit, an speciali suo etiam characteri has naturae doctes indiderit, alias cogitaturus PRAETER NATVRAM, Suffenus,

*Homo venustus, et dicax et urbanus,*  
cuius si versus legas

*Tum bellus ille, et urbanus*  
*Suffenus vnus caprimulgus, aut fossor*  
*Rursus videtur, tantum abhorret ac mutat.*  
Cat.

Vtrumque COGITANDI GENVS est INVITA MINERVA SVSCEPTVM

*Tu nihil invita dices faciesue Minerua.* Hor.

Cic. Off. L. I, 110.

## §. 106.

## §. 106.

Genus cogitandi naturale rectissime sequutus, §. 104, ne, nubem pro Junone, amplectatur *pinguem et crassam Mineruam*

*Rusticus, abnormis sapiens,*

non tam iuuenilia, quam puerilia sua, si quid non aspernandae naturae, S. II. pelluceat, iam omnibus numeris absoluta statuens, S. III., aut etiam rudi ingenio contentus per omnem vitam, pro naturali laudando, sequatur RVDE COGITANDI GENVS, cuius ad naturam saepe fatis mediocrem, nihil doctrinae, nihil artis accesserit. S. IV.

## §. 107.

Rude cogitandi genus duplici ratione fit fatis deforme phaenomenon, §. 14. 1) INSCITO (indocto, inerudito) COGITANDI GENERE; quando vel in eum gradum eruditionis pulchrae, quem generatim in omni requirimus ultra plebem sapere auso, gravius impingitur, vel apparet speciatim de aliquibus efferre suas cogitationes aliquem, ceu venustas, voluisse, quorum naturam vel mediocri doctrina potuisset nosse penitius, §. 104. de quibus tamen ignoret, quicquid

Non omnis *friti ciceris* sciat ac *nucis emtor.* §. 66, 67.

## §. 108.

Rude cogitandi genus est, 2) **INERS COGITANDI GENVS**, denuo vel generatim probe fundatarum eleganter cogitandi regularum, vel speciatim eius artis peculiaris aut ignorantiam prodens, cuius tamen specimen profitearis, §. 106, 68. 69. aut neglectum exceptionibus, quibus nihil insit elegantiae, §. 25, 72.

## §. 109.

Duplicis huius, §. 107, 108. duplex

*In vitium ducit culpa fuga, dum caret arte*  
vera naturam belle supplente, S. IV. Primum est **VMBRATILE** et scholasticum **COGITANDI GENVS**, quando in iis, quae pulcrum cogitandi rationem requirunt, adeoque naturam, etiam alteram, consuetudinem elegantioris inter moratiores viuendi generis imitari sequique debent, §. 104. aut tantum constipatur eruditionis reconditioris, vt desinat esse pulcritudo, §. 15. aut omnino speciem eruditionis tantum apud pueros et grammaticorum aliquos mentientia congeruntur.

## §. 110.

Alterum est **AFFECTATVM** et coactum **COGITANDI GENVS**, naturam per artem male supplens, quando *artes*, nescio quae,  
*nimia*

*nimia subtilitatis affectatione frangunt atque concidunt, quod Quintilianus docet, quicquid est in meditationum elegantis generosius.* Pestis haec naturale cogitandi genus, §. 105. enecans se exserit 1) quando naturalis vnice decor et non fucatus suffecisset, artis tamen cuiuscunque pigmenta vocantur in subsidium superfluum, hic nocens, 2) vbi satis infelix aliquis fuit, vt in malas deceptricis artis regulas incideret, 3) vbi bonae artis regulae applicantur, vbi locum habent, sed inepte, §. 105. E. §. 336.

## §. III.

Alii naturale cogitandi genus recte sequuti, §. 104. cum natura confundunt ordinarium eius statum, et vires, aliqua licet doctrina promotas, S. IV. mortuas tamen et remissas, ex quibus nullum per impetum, nullam per inflammationem viuientibus LAN-  
EVIDVM (frigidum, somnolentum, oscitans) COGITANDI GENVS contra S. V.

## §. II2.

*Dum vitant stolidi vitia, in contraria currunt,* ieiunumque languorem incogitando cauturi incidunt in parenthyrsus et EFFRAENE COGITANDI GENVS, quod excusso non intellectus solum et rationis iugo, sed spicioris etiam saporis negligens, citra vllam ra-  
D 3 tio-

tionem phaenomenon, quae circiter sufficeret, tantum furorem prae se ferent, qui naturam, sed male sani incipitis, vnice videatur imitari. §. 104. Tali vesano deridendo Horatius artis suae dedicauit epilogum:

*Certe furit, ac velut vrsus,  
Obiectos caueae valuit si frangere clathros,  
Indoctum doctumque fugat.*

§. 113.

Sicut pigri philosophi ac medici nonnunquam naturam, quasi deum ex machina, legunt asylum suae desidiae, sunt etiam, qui naturale **COGITANDI GENVS** appellant, nisi omnino rude, incitum ac iners, §. 106-108 incomtum tamen et **INCOMPOSITVM**, quando non in ipso solum impetu animi, de quo S. V. non satis lente festinas, et quicquid occurrit primo, tanquam optimum, adoprās, sed etiam postea, quae satis cito fudisti, vel nunquam animo castigandi retractas, vel non sine blanda parentum indulgentia, qua quicquid eradicandum esset vitii, vix tangunt, ne naturam suorum perdant, veriti. Cauendum hoc malum genus cogitandi, secundum S. VI, **LIMATO COGITANDI GENERE**.

§. 114.

Neque tamen commendatur **LIMA** magis  
AT-



ATTERENS, quam poliens, excessus in corrigendo, vel in foetus ingenii, qui subiti et extemporales postulatur, tantum studii diligentiaeque impendens, ut lucernam olentes male non habeant pulchram subitaneorum verisimilitudinem, §. 96. vel impetus ad maiora dati prodigus, qui in minutulis eundem moratur aut distrahit, contra §. 95, vel ita sua retractans, quando *motus omnis animi, tanquam ventus, cogitantem deferuit, et omnis ardor confedit, ut flaccescant non sine aliqua vi primum fusa, reiectisque quibusdam, aliis, velut ornatioribus, adiectis, omnis incitatio et quasi flamma pulchre cogitandorum simul exstinguatur, §. III.* Eiusmodi lima minorem maiori praeferat elegantiam exceptione non eleganti, §. 25. quia

*sectantem leuia nerui*  
*Deficiunt animique. Hor.*

\*\*\*\*\*

## S E C T I O   V I I I .

### V B E R T A S   A E S T H E T I C A .

§. 115.

Si quis partim ab enumeratis S. II-VI. iam instructus, partim non abhorrens, satis felix futurus aestheticus, §. 27. consilium amplius rogauerit, de pulchre cogitando generatim,

D 4

tim, §. 17, praesertim de pulcritudine rerum, §. 18,

*utar vice cotis, acutum*

*Reddere, quae ferrum valet, exfors ipsa  
secandi.*

*Munus et officium, nil scribens ipse, docebo:*

1) *Vnde parentur opes.* Hor.

Prima nempe cura sit in rebus cogitandis **VBERTAS** (copia, abundantia, multitudo, diuitiae, opes) M. §. 575, sed **AESTHETICA**, qua datum subiectum, certus cogitaturus, de dato obiecto, certa cogitandi materia, plura pulcre cogitare possit. §. 22.

### §. 116.

Sic incipit laudes Isaei Plinius: *Summa est facultas, ubertas, copia.* L. II. ep. 3. Quam primo diuidamus in **ABSOLVTAM**, omni pulcre cogitando necessariam, §. 115, 22, et **RELATIVAM**, illum absolutae gradum, qui quibusdam pulcre cogitandis forte necessarius est, e. g. minus notis, aut admodum vtilibus minus attento tamen inculcandis, quemque *latitudinem platoniam* dicamus, sequuti Plinium eundem, quando Euphratis quidem *sermonem omnem copiosum*, §. 115. dicit, eundem tamen affirmat *frequenter latitudinem illam platoniam effingere*, L. I. ep. X.

### §. 117.

## §. 117.

Etiam si non velit pulcre meditaturus aliquando latitudinem comparatiuam sequi, §. 116, tamen copia rerum vere affluens satis eam eleganter, quasi per lancem saturam, ostendat, velut ex longinquo, ne spectator exhausti putet materiam postea monstrandis propius. §. 115. Ita Virgilius:

*Non mihi si linguae centum sint, oraque  
centum,*

*Ferrea vox, e. c.*

Ita Cicero: *Nullius tantum est flumen ingenii, nulla dicendi aut scribendi tanta vis, tantaque copia, quae, non dicam exornare, sed enarrare, e. c.*

## §. 118.

VBERTAS AESTHETICA, porro est vel OBIECTIVA, (rerum, materialis) quatenus in obiectis et cogitandis ipsis est praecipua ratio, cur per humani vires ingenii possint vbertim pingi, vel SVBIECTIVA, (ingenii et personae) possibilitas physica et potentia certi hominis, etiam secundum quid, et hypothetice talis certam rem vbertim praesentandi. Sunt obiecta, velut vltro suas diuitias offerentia. Vix in mentem incidunt,

*apparetque beata pleno*

*Copia cornu. Hor.*

Tunc modo capacitatis habueris, quantum satis est, non aliis solum, sed et

D 5

*tibi*

*tibi copia*

*Manabit ad plenum benigno*  
*Ruris honorum opulenta cornu. Hor.*

\*\*\*\*\*

## S E C T I O   V I I I .

### V B E R T A S   M A T E R I A E .

#### §. 119.

**H**ORIZON (sphaera) COGNITIONIS  
 HUMANAE est finitus materialium ex  
 vniuersitate rerum infinita numerus, quae  
 mediocri ingenio humano latius dicto pos-  
 sunt clarescere, harum quae possunt ab inge-  
 nio mediocriter philosophico perfectius con-  
 cipi, HORIZONTEM LOGICVM (territori-  
 um et sphaeram) rationis et intellectus  
 constituunt, quae possunt ingenio mediocri-  
 ter aesthetico pulchre splendescere, HORI-  
 ZONTEM AESTHETICVM (territorium  
 et sphaeram pulchri rationis analogi) consti-  
 tuunt. Si qua

*Desperas tractata nitescere posse, relinque.*  
 §. 115.

#### §. 120.

INFRA HORIZONTEM AESTHETI-  
 CVM POSITA sunt, quae ex obscuritate  
 com-

comparatiua et relatiua mediocriter aestheticum ingenium protrahere non potest in lucem pulcram. Qualia si themata sibi sumat pulcre cogitaturus, aut id serio fiet, et nasce-  
tur RERVM INOPIA et *meditationis exilitas*, contra §. 115, 119. aut delabetur in allotria, aut periculose iocabitur. Hinc esto eiusmodi

*Thema irreperitum, et sic melius situm,*

*Quum terra celat, spernere fortior. Hor.*  
Conferantur admiranda rerum admirabilium  
*encomia.*

### §. 121.

*Carmina vel caelo possint deducere lunam,*  
nec ego tamen suaserim pulcre cogitaturus sibi materiem legere, SUPRA HORIZONTEM AESTHETICVM POSITA, nec ea tantum hic intelligo, vel maxime, quae horizontem cognitionis humanae transcendunt omnino, §. 119. sed ea potissimum, quae ex superiori scientiarum distincta adaequataque cognitione non potest ad pulcram illam lucem deducere mediocriter aestheticum ingenium, quae rosea placeat, non praestringat oculos analogi rationis et inferiorum cognoscendi facultatum. Si tentaueris nihilominus, aut incides in incommoda, §. 120. commemorata, aut iocis expones, quae grauissima putas, aut *illigaberis angustis illis et concisis disputationibus*, quas Antonius apud Ciceronem de Or. L. II, 61. *philosophis generatim graecis ex-*  
pro-

probrat, non sine solenni formula: *Verbum prorsus nullum intelligo.* Quod contra §. 22.

§. 122.

Egone vero reiiciam ac reprehendam concisum cogitandi genus, cui tot ambitiosa scriptorum meorum ornamenta philosophicarum immolavi, quod nunc ipse sequor, licet paulisper laxius? Vtinam Zenoni iam Stoico deprehensa veritas, quam repetit Ciceronis Orator, 113, 114. et Quintilianus II, 21. nostris saltem temporibus fieret apertior, esse duo cogitandi genera, alterum *perpetuum, et latius, quod rhetorices fit*, alterum *concisum, et contractius, quod dialectices*. Illud hori-  
zonti aethetico, hoc logico proprium autumo, §. 119. *Comparisonem compressae in pugnū manus et explicitae meae non facio.* Sufficit concisum cogitandi genus in scientificis, praesertim acroamaticis, apprime necessarium, quod Aristoteles iam vidit, aetheticus sane, sicut practicus, ita theoreticus, alieno in loco et extra rationis circulos esse posse vitium, et si qua in iis, quae copiosam orationem requirunt, *crebris parvisque conatibus se attollunt in horizontem logicum, inaequalia tantum et velut confragosa, nec admirationem consequi eminentium, et planorum gratiam perdere.* VIII, 5. Virtute ac facultate rationali non tam est minute atque concise in aetheticis

theticis *utendum*, *quam in disputationibus scientiarum logicis*, XII, 2.

§. 123.

Horizonti aesthetico logicoque possunt esse multae materiae communes, §. 119, hinc ideo, quia aliquid in scientiis pertractatur, non excluditur idem ex sphaera pulcritudinis omnino, sed quatenus punctim et minutim cum accuratione philosophica mathematicaque conciperetur, §. 121. Quatenus autem eadem materia vel intellectu pulcro ipsa M. §. 637. notae autem eius sensitivae ac viuide, vel ipsa etiam, nunc certe, viuidatantum ac venusta cogitari potest, intra horizontem aestheticum recipitur.

§. 124.

*Quid sit bonum, praeter honestatem? Verine sensus? Quae sit solis magnitudo? Quaestiones eiusmodi procul ab oratoris persona esse facile omnes intelligere existimat Cicero. Nam quibus, inquit, in rebus summa ingenia philosophorum plurimo cum labore consumpta intelligimus, eas, sicut aliquas parvas res, oratori attribuere magna amentia videtur. Recte vidit esse quaedam in scientiis supra horizontem aestheticum, §. 121, quae sicut omnis pulcre meditaturus, ita orator, perperam sibi themata legeret, §. 122. Quaestiones autem exempli*

exempli loco commemoratas, si non orator, aetheticus certe practicus satis eleganter, arbitror, enarrare posset, modo aliam cogitandi de iisdem rationem sequeretur, ac demonstrator ethicus, logicus, physicus atque mathematicus, §. 123.

## §. 125.

Non de omnibus quidem pulcre cogitandi datur copia, §. 119-121, *oratoremque plenum atque perfectum, qui de omnibus rebus possit varie copioseque dicere*, Cic. de Or. I, 59. cum sapiente Stoico,

*Discipulorum inter iubeo plorare cathedras:*

neque tamen venuste cogitandi facultas tantum est in ciuilibus controuersis aut aliis leuioris momenti quaestionibus: sed in ipsis disciplinarum etiam et scientiarum 1) dogmatibus, theologicis, physicis, practicis, historicis, c. c. materialiter spectatis, quando ita cogites illa, significesque, *ut videaris voluisse esse illis, qui non sunt eruditissimi, familiaris*. ib. II, 61. 2) illustrationibus scholiorum instar interspergendis. §. 123. cf. Cic. de Or. I, 61.

## §. 126.

Theologi primi fuerunt theogoniarum cantores, *referre* quibus

*Musa dedit fidibus diuos, puerosque deorum.*  
Hor.

Cy.



*Cythara crinitus Jopas  
Personat aurata, docuit quae maximus  
Atlas.*

*Hic canit errantem lunam, solisque labores,  
Vnde hominum genus et pecudes, unde im-  
ber et ignes. e. c.*

*Ingeminant plausum Tyrii Troesque se-  
quuntur. Virg.*

Aen. I. 745.

*Rem tibi Socraticae poterunt ostendere  
chartae.*

*Qui didicit, patriae quid debeat, et quid  
amicis,*

*Quo sit amore parens, quo frater amandus  
et hospes,*

*Quod sit conscripti, quod iudicis officium,  
quae*

*Partes in bellum missi ducis,*

habebit, vnde nomen et honorem venustae  
quondam sapientiae restituat, si nouerit res  
grauissimas ad vulgarem popularemque sen-  
sum accommodare, §. 123. atque ita

*lenire tigres rabidosque leones*

*Saxa mouere sono testudinis, ac prece  
blanda,*

*Publica priuatis secernere, sacra profanis,  
Concubitu prohibere vago, dare iura ma-  
ritis,*

*Oppida moliri, leges incidere ligno. Hor.*

*Historia vero, testis temporum, lux veritatis,  
vita memoriae, magistra vitae, nuncia veritatis,  
quam*

quam eleganter possit *immortalitati commendar*, §. 125. vel vnum Liuii genus cogitandi doceat, *fusum atque tractum*, et cum lenitate quadam *aequabili profluens*. cf. Cic. de or. L. II, 36, 64.

### §. 127.

Intra horizontem aestheticum posita sunt, praeter communia ipsi cum horizonte logico, §. 121-126. de quibus plura cogitare pulcrius datur ingenio mediocriter aethetico, quae tamen scientificis curis et exactioribus, §. 120. perspicere, vel vires hominum non patiuntur, vel operae pretium rerum suarum satagenti non videatur. §. 119. Exempli gratia liceat

*Huc pugilem victorem, et equum certamine  
primum,  
Et iuuenum curas, et libera vina referre.*

### §. 128.

Aestheticum dynamicum exploraturum, an materia quaedam satis locuples futura sit, vel aliena pericula docebunt, §. 60, 61. vel sua, dum vires quasi praetentat in themate, quando primo venit in mentem, aut sola natura, S. II. nonnihil in pulcre cogitando exercita, S. III. aut adiuta per artem, S. IV. Si maiore se sentiat impetu mentis latum in certum thema, nihilo tamen minus, nescio quam rerum inopiam et informandi iam ipsius operis

operis exilitatem ieiunam experiatur, §. 120.  
aut, sicca quidem omnia ac sincera, minutim  
tamen et concisus animo obuersantia, nihil  
dubitet illud relinquere, siue sit in rebus,  
siue sit in ipso, iam certe, potior ratio,  
vnde de eius eleganter exsequendi faculta-  
te desperandum sit, S. V. et §. 119.

§. 129.

ARS his periculis commendanda duplex  
est I) ANALOGICA qua ex vno pulcro co-  
gnito per principium reductionis idem (simi-  
le, aequale, congruens) partialiter aliud  
colligitur. Hinc omnis imitatio virilis pen-  
det, et quicquid est vbique parodiarum.  
Per hanc Theocritum in eclogis, Homerum  
in Aeneide sequutus est Virgilius, Menan-  
dram Terentius. e. c. Quam nec ego me  
diffiteor vtiliorem expertum esse. Ne ni-  
mis metuas censores plagii vitio creatos, en!  
editum iudicis sane competentis:

*Publica materies priuati iuris erit, Hor.*

Neque tamen eiusdem definitiones negligas:

*Nec verbum verbo curabis reddere.*

*Nec desilies imitator in arctum*

*Vnde pedem proferre pudor vetet, aut operis  
lex.*



E

SECTIO



## S E C T I O X.

## T O P I C A,

## §. 130.

2) **T**OPICA s. TOPOLOGIA, quae definitur ars s. disciplina inueniendorum argumentorum, §. 26. Cic. top. 2. Eandem *inueniendi artem* Cicero salutans, l. c. 6. & Aristoteles etiam multis tradens, sua velut auctoritate stabiliuerunt. Interim si dicendum, quod res est, non est ea tam heuristica, quam ars praedicata certi subiecti secundum certum notionum subiecto sociarum ordinem in memoriam reuocandi.

## §. 131.

Potest doctrina topicorum diuidi in **L O G I C A M** cognitioni intellectuali potissimum argumenta suppeditaturam, §. 130. et **A E S T H E T I C A M**, cognitionem sensitiuam quae promoueat, §. 17. Logica erit denuo vel **A N A L Y T I C A**, subsidium incidendi in quaestiones, quas deinde demonstrare nitaris & ex complete certis complete certa reddere, vel **D I A L E C T I C A**, subsidium hylen aliquam copiamque sibi comparandi notionum praeeptionumque de dato probabili, vnde colligere liceat rationum decidendi prae rationibus

bus dubitandi superpondium. Hanc sibi collendam sumsit Aristoteles, ita tamen, ut multa eo facientia non analyticis solum, sed & aestheticis applicari commode possint topicis, §. 130.

§. 132.

Notio subiecto, quod meditandum sumis, socianda, ut periculum facias, an fieri tibi possit argumentum, vel latius, locupletans aut nobilitans, aut illustrans, aut mouens, §. 26. vel strictius, probans, aut persuadens, §. 131. pars illius seriei, cuius ordinem memoriae mandasti, **LOCVS** est s. sedes argumenti. Tales loci commendantur vel **VNIVERSALES**, omnibus quaestionibus, thematibus omnibus, aptandi, successiue cum re quacunque, de qua meditari velis, combinandi: vel **PARTICULARES**, certis tantum thematibus certi generis proprii ac peculiare, et pro ratione disciplinarum, e. g. ad quas datum thema referri posset, diuersi, §. 131.

§. 133.

Vniuersalium eiusmodi locorum formula paullisper ad naturalem cogitandi rationem inflexa, pueris etiam notus est versus:

*Quis? quibus auxiliis? quid? quomodo?  
cur? ubi, quando?*

Aliam, olim pluris habitam, et logicis etiam pertractatam, §. 132. decem exhibent categoriae, siue primus eas coordinauerit, siue iam constructas ab aliis celebriores tantum reddiderit Aristoteles. Nouam, scientiis etiam profuturam, magno hiatu promisit Lullus, de qua vel ea legens, quae S. R. Bruckeri hist. philos. crit. T. IV. P. I. narrat p. 16-21. vix temperare tibi poteris, quin applies arti futili Martialis illud:

*Turpe est difficiles habere nugas,  
Et stultus labor est ineptiarum.*

Aliam sequutus est Ramus, Ciceronis imitator ibi etiam, vbi oratoris persona non sufficit, §. 119. Ex quo causalis inualuit methodus per omnes eruditorum ordines.

#### §. 134.

Hac ratione §. 132. posses in quocunque subiecto percurrere I. genus summum, II. intermedia, III. infimum, IV. speciem, V. indiuidua, in quocunque I. essentiam et essentialia, II. attributa propria et communia, III. modos IV. respectus et relationes. Nec opus est noua arte, si quis subsidiis eiusmodi delectabitur, aut ea sibi profutura putauerit. Memoriae manda sciagraphiam ontologico-rum aliquam praecipua eorundem definita comprehensam, et habebis topica catholica §. 132.


#### §. 135.

## §. 135.

Particulares locos dabit quaeuis disciplina satis complete cognita, si potiora momenta per eandem et in eius obiectis attendenda breuem in summam comprehensa infigas altius memoriae, quorum ad seriem eo pertinentia propius themata possis successiue praetentare diuitias eorum nonnihil exploraturus, tuasque dehinc rationes subducere. Huc faciet eruditio pulcra. §. 66. Themata singularia et ideae saltim notas tales attendendas habent potissimum, et praedicata, quibus disciplinae cuiusdam maxime cognatae forulos excutere non sine commodo possis, aut differentia talium idearum numerica magnam partem cognita loco locorum communium succedet. Hac etiam deficiente nec ideam eiusmodi tibi thema sume, sine necessitate. §. 115.

## §. 136.

Equidem, ex quo puerilibus exercitiis egressus sum, si quid ad elegantiae potius rationes, quam logicorum exactitudinem, demonstrationisque rigorem, §. 119, meditando sum ausus componere, nunquam memini topica, siue malis vniuersalia, §. 132, siue particularia quaedam, §. 135, ad nunc demum aliquam mihi comparandam exsequendorum copiam et vberitatem, vel desiderare, vel adhibere, vel experiri adeo singulariter



gulariter vtilia. Si tamen de iisdem iudicium meum interponere liceat, distinguendum mihi et hic videtur inter palaria, copiose cogitandi ausus exercitii potissimum causas susceptos, et ipsam pugnam, edenda, vel exhibenda saltem pluribus, seu perfectum nonnihil et absolutum opus ingenii iam in aliis mediocriter exercitati. S. III.

§. 137.

In exercitiis, qualia descripsi §. 136. sine dubio lego ad bene multa themata intra horizontem aestheticum constituta, §. 119. reflexionem crebriorem et gnauiter continuatam, secundum quaecunque topica, vel maxime catholica, §. 132, quoniam exerceri quacunque ratione copiose cogitandi facultatem, caetera si fuerint paria, praestat, quam vel omnino non acquiri maiorem, vel torpescere vix cultam aliquantulum et velut exarescere, §. 48. Quo perfectiora erunt, quo magis commoda exercendi vlibus et memoriae, hoc quidem magis erunt in vniuersalibus etiam alia topica suadenda prae aliis, §. 133, 134. neque tamen vel ipsam Lulli artem aliquoties sequi dissuaderem, si fiat non sine naeuorum insignium aliqua conscientia, §. 133, 49.

§. 138.

Exercitia, de quibus §. 136, sed illa iam correctiora et certiora, de quibus §. 58, multo



to magis meditationes iam non amplius exercitii caussa potissimum institutae, §. 136. sibi recte dictum putant:

*Non circa vilem patulumque moraberis orbem,*

*Quod non proposito conducat et haereat apte,*  
 si vel maxime venerit in mentem, recisurus, §. 18. In his itaque personae memor sibi impositae facile praeviciens ex catholicis topicis §. 132, quae quadrent rebus omnibus, vix ac ne vix quidem sperari posse, nisi universalissima et maxime communia themati suo praedicata, longius altiusque petitas magisque, quam fas est, tritas ambages exhibitura, vel meditationi perfectionem tantum §. 15, ultra horizontem aestheticum constitutam, §. 121, conciliatura, minus curabit horum topicorum subsidio hylen corradere, parum aut nihil ad venuste cogitandum profuturam. §. 132.

### §. 139.

De topicis particularibus mitius sentire veritas iubet, §. 132. Licet enim eorum sectator etiam in peccatum, de quo §. 138. possit incidere, vel in affectatum cogitandi coactumque genus, §. 110. possunt tamen hi scopuli pulcre vitari copiam nihilominus bellam ex alicuius disciplinae veluti votiva tabula cum suo themate comparata reportaturo. §. 135. In exemplis peregrinis nunc

non haerebo. Versum mnemonicum §. 22. reor vtiliter topicorum aestheticorum, §. 131. vices subiturum apud eos, qui singularum, quas exhibet, vocum satis lautam sibi notitiam, vel per hanc, quam meditor, theoriam, vel aliunde comparauerunt, ingenioque mediocriter felici, secundum S. II-V. thema quoddam, non primo statim ex adpectu reiiciendum, §. 120, 121. praeiudicialibus veluti quaestionibus, excutiendum sibi sumunt, an aptam eleganter cogitandi materiam sit ipsis large liberaliterque suggesturum. §. 118, 128.

#### §. 140.

Aliam addamus formulam topicorum aestheticorum, §. 131. Quo plures, quo perfectiores facultates animae inferiores, quo plura, quo maiora, quo magis cohaerentia, sub intellectus et rationis imperio, poterunt conferre ad pulcre cogitandum thema datum, hoc erit illud pulchrae meditationi aptius, §. 22. M. §. 135. Hinc cui animus est, quem §. 128, 139. descripsimus, psychologus ubi fuerit, quod multis ex rationibus arbitror apprime necessarium, percurrat suum thema praeiudicialiter, ut ita dicam, examinandum ad satis completum facultatum animae sensitivarum aliquem catalogum, his circiter quaestionibus: An datum thema saepe sensi, an multa in eodem? an satis digna? an verisimilia?

milia? an ea in luce, quam viuide fatis sistere possim? e. c. §. 139. an sentire adhuc possim? an licet illud imaginari? an multa in eo? e. c. An noui multa eidem similia, aequalia, congruentia, proportionata? Reliqua suggeret psychologia, e. g. M. P. III. S. II-XVII. et vel ipsa eius synopsis aestheticorum, §. 131, sicut ontologicorum synopsis catholicorum topicorum vices subitura, §. 134. ex ipsa tractatione facillime locupletanda, si placuerit huc vocare, quod videatur  
*non hos concessum munus ad usus, §. 119, 123.*

§. 141.

Si praeliminaribus eiusmodi, secundum artem quamcunque topicam, §. 130-140. institutis collectionibus occupatum corripuerit ille mentis impetus ac incitatio, de quibus S. V. iam tibi satis superque profuisse velitationes iudicans, reiice, quicquid est vbique locorum, §. 132, pendeant opera topicorum interrupta, tuque in euentum festinans et in medias res non secus, ac notas, raptus, aggredere totum, pone caput, informa partes principes futuri operis,

*vocant quia carbasa venti,*

*Totos pande sinus,*

ne, dum tuam pertexis telam topicam inglorius,

*nec Zephyros audis spirare secundos,*

E 5

rem

rem maximam cunctando perdas, et occasionem amittas, loco praeparatoriorum, egregie conficiendi partem operis ipsius grauissimam, §. 95. qua si gnauiter esses vsus opportunitate,

*utrumque Iuppiter*  
*Simul secundus incidisset in pedem. Cat.*

\*\*\*\*\*

## S E C T I O   X I .

### A R G V M E N T A   L O C V P L E T A N T I A .

§. 142.

**J**am definiui argumentum latius, et mentionem locupletantium argumentorum iniecti, simul ostendens figurarum sententiae classes easdem commode, quas argumentorum assignari. §. 26. Jam facile colligamus, quo maior argumenti vis sit, hoc ipsum maius meliusque fore, si vero ad vbertatem alterius, e. g. thematis primarii, non solum, sed ad eius pondus simul et grauitatem e. c. haud parum eleganter conferat, hoc maiorem ipsi vim et robur attribui debere. Erit itaque secundum hanc intensiōis scalam argumentum et figura pulcherrima, quae cognitionem et locupletio-rem, et grauiorem et verio-rem et clariorem et certio-rem et ardentio-rem alterius, e. g. thematis primarii, simul efficiant, §. 22.

§. 143.

§. 143.

Quanquam multiplex argumentorum et figurarum esse simul efficacia potest, possunt tamen ad vnam dictarum classium referri, vel a potiori sua vi desumpta denominatione, vel ab ea, cuius finem nunc maxime attendimus. Hinc argumenta figuraeque mihi locupletantes iam sunt, quarum vel vnica, quod minime probauerim, vel potissima, quod magis, vel nunc saltem attendenda vis est aliquid conferre ad abundantiam diuitiasque totius operis belle cogitandi, licet deinceps reliquis cogitationum gratiis §. 22. easdem non minus fauentes deprehensuri simus, quod maxime probauerim. §. 142.

§. 144.

Topica quaecunque saltem significato primo §. 143. dabunt ingenio mediocriter instructo locupletantia argumenta. §. 130-140. Quae subindicaui §. 139, 140, primis tantum locis, locorumque diuisionibus mere talia, reliquis autem, praeter copiam, aliam simul, vel omnino plures, gratias secundum eorum ordinem meditati sistent ob oculos. §. 143. Hinc, quem reliqua poscunt successuum iudicii actum ex hyle siluaeque confusa seligentem, an et quod quid adhiberi possit sine, duo vltima topicorum genera statim iungent simultaneum inuentionis, aut recordationis potius, actui. §. 130.

§. 145.

## §. 145.

In figuris significationis, e. g. dictionis, ipsis sunt quaedam eo quidem ordinario relatae, §. 26. quarum tamen vis et elegantia, si quis iis, uti vir, utatur, in ipsis se rebus et cogitationibus exserat, ob quam in figuris sententiae, rite locatae, locum mereantur. Exempla figurarum dictionis, uti vocantur, adducam, quoniam earum nomina notiora sunt, et earum quidem aliquas, quas locupletantes dixeris. Pleonasmus videtur otiosum quid expressisse, dictumque iam satis per vocabula socia, neque tamen figura est, sed vitium, nisi, quod otiosum censebatur, acuto iudici saltim ad pleniorum rei significatae cognitionem admodum negotiosum deprehendatur. §. 143.

## §. 146.

Synonymia totalis non est figura, partialis est, si per differentias synonymo cuius adhaerentium conceptuum res significata copiosius saltim sistatur, ac per unum synonymorum partialium fieri potuisset. Exergasiae par est ratio in PHRASIBVS s. pluribus vocabulis iam inter se quidem constructis nonnihil, neque tamen punctum constituentibus. Synthesis, aut synesis potius, et compositio, dum vocabula iungit contra syntaxin, ut videtur, et hinc cogit, praeter expresse posita, partialiter synonyma eorum, cogitare, quibus syntaxis fauceat, si figura est,

est, est synonymia, quae figura sit, cryptica. Ipsa huc ellipsis, si lector auditorue lacunam deprehendat in vocabulis,

*Quaeque latent, meliora putans,*  
multo plura suppleturus ipse sibi tradat, ac tribus verbis exprimi potuissent. §. 145.

§. 147.

Hypallage, sane, figura non erit, nisi sensus verborum, in quibus lingua mentem praecurrere videbatur, cum illo, qui vel quasi correctionibus additur, vel lectori auditorique quasi corrigendus relinquitur, saltem rem plenius sistat et rotundius, ac sine affectata hypallage fieri potuisset, §. 145, 143. Homoeoteleuton, iugum poetis nostratum aliquibus intolerabile, sunt alii, qui multum ad ybertatem copiam et diuicias cogitationum conferre dicant, ita, vt parum absit, quin inter topica referatur, §. 130. Periphrasis in aliis sinibus eleganter assequendis hunc etiam finem habere potest laudabilis, vt, si praeuideas vno vocabulo vnum etiam tantum conceptum excitandum de re, tot de eadem conceptus partiales vnus excites loco, quot vni substituis voci per periphrasin vocabula, §. 145.

§. 148.

Figurarum, quae solent etiam haberi in  
figu-

figuris sententiae, §. 145. vnam tantum exempli loco nominabo in locupletantibus, praeteritionem, qua si probe noueris, uti, vel etiam eius crypsi, synathroismo, non id solum allequeris, ut multa possis, et tamen breuiter, dicere, §. 143. sed simul ut spectator, animaduertens, quam lautam supellectilem, quasi negligens, sicco pede transeas, sibi velut ipse tacitus dicat, §. 117. (quod et ego de quacunque re vere pulcra, quam nobis natura concessit, dictum velim)

*Materia tanta abundat copia,  
 Labori faber ut desit, non fabro labor,  
 Phaedr.*



## SECTIO XII.

### VBERTAS INGENII.

#### §. 149.

**V**berrima sit, etiam aesthetice, §. 115. res, quam thema forsan mihi sumerem, non tamen in illam tantum oculos figo, sed etiam ad me prudenter

*Respicio, et, quae sit me circum copia lustror, Virg.*

Si quid eleganter cogitare ferat animus, quaeritur etiam de vbertate subiectiua, §. 118. Si-  
 cut



cut in opticis, in aestheticis etiam quilibet suum horizontem habet, et potest aliquid esse multorum in horizonte aethetico, quod tamen non est intra meum, sed illum vel transcendit, vel infra eundem deprimitur, §. 119-121. vel saltim est extra eum. Sicut in geographicis horizon apparens, nunc latior est, nunc angustior, ita meus horizon aestheticus potest contrahi, potest dilatari. Sunt ingenia, quorum nonnunquam

*Tres caeli spatium distat non amplius  
vhas.*

§. 150.

Est in primis venuste cogitandi regulis,  
§. 149. *sumere materiam suis aequam,*

*Viribus, et versare diu, quid ferre recusent,  
Quid valeant humeri.*

Hinc ad requisita pulcre cogitaturae personae non tantum S. II-VI. memorata pertinent, sed et peculiariter, ut vires eius etiam sufficiant, ad datam materiem, et data quidem occasione, dato tempore et loco, copiose e. c. §. 22. cogitandam.

§. 151.

Nunc specialis etiam excutiendus aestheticorum certi datique generis character est, §. 27. ne personam induas, cui sustinendae, neque natus, neque factus es, §. 150. l. an  
genius

genius tibi caeteroquin satis bene nato etiam faueat ad datam certae speciei materiam belle pingendam? e. g. S. II. §. 105.

*Aude*

*Caesaris inuicti res dicere, multa laborum  
Praemia laturus. Cupidum, pater optime,  
vires*

*Deficiunt. Neque enim quiuis horrentia pilis  
Agmina, nec fracta pereuntes cuspide Gallos,  
Aut labentis equo describit vulnera Parthi.*

Hor. Serm. l. I. 10.

§. 152.

II. An exercitiis ad speciale belle cogitandi genus, quo datum thema pertinet, et longa iam manu dudum praeparatus es, et adhuc praesto habes per ea semel obtentam dexteritatem, quanta sufficiet? S. III. Ad latinam poesin minus aptos expertus sum poetas, etiam natos, per academias prima demum artis in hac lingua carmen scribendi rudimenta posituros. *Dicendo homines, ut dicant, efficere solent. Vere autem etiam illud dicitur, si intetmittatur exercitatio, sumto spatium ad cogitandum paratius atque accuratius dicendi, peruerse dicere homines, peruerse dicendo, facillime consequi, licet olim in dicendo non male versatos. Cic. de Or. l. 150.*

*Saepe*

*Saepe ego longos  
 Cantando puerum me ~~mihi~~ me condere soles. | m | n  
 Nunc oblita mihi tot carmina. Vox quoque  
 Moerin  
 Jam fugit ipsa. Virg.*

## §. 153.

III. An iis pulcræ eruditionis partibus mediocriter instructus es, ad quam electum eligendumue tibi thema propius spectat, an artem calles specialem, ad cuius regulas peculiare tuum opus exigendum est atque componendum? §. 67, 69. S. IV. Recte dicitur quilibet de iis, quæ ignoret, turpissime dicere. Quod si verum non est, quod Socrates dicere solebat, omnes in eo, quod scirent, satis esse eloquentes, illud est, profecto, verius, neminem in eo disertum esse posse, quod nesciat. Cic. de Or. I. 63. Quid est enim tam furiosum, quam verborum vel optimorum atque ornatissimorum sonitus inanis, nulla subiecta sententia, nec scientia? l. c. 51.

## §. 154.

*Doctrina si vim promouet insitam,*

*Restique cultus pectora roborant, §. 153.*

non inscitum cogitandi genus dominae naturae §. 151. diligentiaeque, §. 152. qua una virtute omnes virtutes reliquæ continentur. Cic. de Or. II. 150. maculam affricat §. 107. inersue cogitandi genus easdem

F

Non

*Non ignoratae premit artis crimine turpi,*  
§. 108.

*Non quiuis videt immodulata pœmata iudex.*  
*Idcircone vager? scribamue licenter? an*  
*omnes*

*Visuros peccata putem mea? Tutus et intra*  
*Spem veniae cautus, vitaui denique culpam*  
*Non laudem merui.*

§. 155.

IV. An nunc humana ea

*partē locatus es in re,*  
vt omnino possis exspectare mentis impe-  
tum incitationemque, sine qua nihil egregii,  
an eam definite inflammationem animi sentis,  
aut sperare conceditur, qualem et quantam,  
et intensiue, et extensiue, et protensiue, datum  
tuum sumendumue thema poposcerit? S. V.

*Judicis officium est, ut res, ita tempora rerum*  
*Quaerere, Quaesito tempore tutus eris.*

*Carmina secessum scribentis et otia poscunt,*  
§. 84.

*Me mare, me venti, me fera iactat hiems.*  
Ou trist. l. i.

*Arma graui numero violentaque bella pa-*  
*rabam,*

*Edere, materia conueniente modis.*

*Par erat inferior versus. Risisse Cupido, §. 87.*

*Dici-*

*Dicitur, atque unum surripuisse pedem.*

*Ou. Am. l. i.*

*Phoebus volentem praelia me loqui,  
Vistas et urbes, increpuit lyra, §. 82.*

*Ne parua Tyrrhenum per aequor.*

*Vela darem. Hor. od. IV. 15.*

§. 156.

V. An satis tibi nunc erit otii spatiique non ad pertexendam solum telam, quam magno forsan cum impetu mentis exordiaris, ne cadat illud in te:

*Amphora coepit*

*Institui, currente rota, cur vrceus exit? Hor.*

sed etiam ad limam adeo commendabilem?

S. VI. Quod tamen in solos foetus ingenii dictum velim, quos aliquis exponere publicae luci cogitat, neque tamen, ut extemporalia. §. 96. quia

*Tunc operae celeris nimium, cura quæ carentis.*  
iure reus agi poteris, sicut ab Horatio Lucilius,

*Garrulus atque piger scribendi ferre laborem,*

*Scribendi recte, nam ut multum, nil morar.*

*e. c. Hor. Serm. l. 4, 12.*

§. 157.

Generatim §. 152-156. ideo tantum expositae sunt, ut videas, quae tibi praecipue

cogitanda sint. §. 151. 118. non autem, ut inde *caussis defidiae indulgeas*, et iam hunc, iam alium, defectum prae te ferens semper habeas, *propter quod* tibi, nihil audenti omnino, *ignoscas*. Quint. X. 3. Infra horizontem aestheticum, vel omnem, §. 120, vel tuum posita tibi themata legens, male fluctus moueres in simpulo, §. 150. Supra horizontem aestheticum, vel omnem, §. 121. vel tuum posita sectatus, male fieres imitator Icarī, §. 150. qui

*ceratis ope Daedalea*

*Nititur pennis vitreo daturus*

*Nomina ponto.*

Vtramque maculam ita caue, ut nec *studia tua infinita cunctatione fraudes*, quae, quum modum excedit, verendum est, ne *inertiae et defidiae vel etiam timiditatis nomen accipiat*. Plin. II. ep. 10.

\*\*\*\*\*

## SECTIO XIII.

### ABSOLUTA BREUITAS.

§. 158.

Si diuitiae et rerum S. VIII. et personae S. XII. affluent, ne iam tibi plaudas, ut apud Terentium Pamphilus sibi:

*Quis*

*Quis me est fortunatior venustatisque adeo plenior?*

De magnis aceruis eiusmodi, copiosaque silua cogitandorum 1) ea, tot ac tanta tollenda sunt in vsus tuos, ex quibus completi quid pro fine, quem tibi proposuisti, componi possit ac effici. Completionem non postulo, quam in definitionibus logicus, ac problematibus philosophicomathematicis, requirat, sed eam, in qua nihil turpiter desit, nihil ad finem insufficientiae fiat phaenomenon, nihil eo pertinentium, nisi forte per solam intellectus vim, desideretur. §. 16. Id consequutum **COGITANDI GENVS, PLENVM ATQVE PERFECTVM** erit. Omne quidem bene plenum cogitandi genus cumulatam etiam erit atque copiosum, referta tamen atque cumulata potest esse cogitatio de re quapiam, neque plena neque perfecta, quod vltimum est vbertatis aestheticae, §. 115.

### §. 159.

Sit vasta, sit diffusa **COGITATIO**, nisi simul omnibus numeris absoluta videatur ac integra, si quid aestheticorum aequum iudicem desiderare patiatur et rerum guarum, si quid omittat, salua pulcritudine quod deesse non potest, **MANCA** quodammodo, ac inchoata potius, quam perfecta censeatur. Huc **HIVLCA AC ABRVPTA COGITANDI**

F 3

RATIO,

**RATIO**, scitens saltibus aesthetice illegitimis. §. 158. Quint. IV. 2.

§. 160.

2) Ea omnia, quae salvo pulcritudinis gradu prorsus abesse possunt, relinquenda, vel etiam arrepta primum obuia reicienda denuo sunt, quia heic superflua distrahentia nocent, M. §. 638. Haec est **BREUITAS** laudabilis **ABSOLUTA**. Nec enim solum

*Breue sit, quod turpiter audes, Iuv.*

sed etiam, si quid suauiter. Neque tamen haec breuitas rationem habet ad tempus brevibus huiusmodi cogitationibus vere pulcris imbibendis infumendum,

*Saepe fuit brevior, quam mea verba, dies. Ouid.* Quis autem laudabilem Ouidio breuitatem omnino denegauerit? Habebit ea potius rationem ad multitudinem paucitatemque cogitandorum de dato themate data ratione, plene tamen atque perfecte, §. 158. Superuacuis forte nonnunquam perditur

*breue, at irreparabile tempus.*

Bene locatae vero in breuitatem hanc laudabilem exhibentibus

*Saepe citae visae longis sermonibus horae.*

§. 161.

Brevis narrationis plena descriptio apud Ciceronem, de Inu. I. 28. definitionem §. 160. illustrabit. Cogitatio absolute laudabiliterque



literque brevis erit, si, unde necesse est, inde initium sumetur, et non ab ultimo repetetur, et si, cuius rei satis erit summam dixisse, eius partes non dicentur. Nam saepe satis est, quod factum sit, dicere, non, ut enarres, quomodo sit factum, et si non longius, quam quod scitu opus est, in narrando (meditando) procedatur, et, si nullam in rem aliam transibitur, et, si ita dicatur, ut non nunquam ex eo, quod dictum sit, id, quod dictum non sit, intelligatur, et, si non modo id, quod obest, verum etiam id, quod nec obest, nec adiuuat, praeteribitur, et, si semel unumquodque dicetur, et, si non ab eo, in quo proxime desitum erit, deinceps incipietur. cf. Quint. IV. 2.

## §. 162.

Non enim in narratione solum, sed ubique belle cogitatur utique praecipue media haec tenenda est via, quantum opus est, §. 158, quantum sat est, §. 160. Fallit voluptas, et quae delectant, minus longa videntur. Ut amoenum ac molle iter, etiamsi est spatii amplioris, minus tamen fatigat, quam durum aridumque compendium. Quint. III. 2. Iuvat 1. II. Aen, Virg. 800. circiter versibus

*breuiter Troiae supremum audire laborem.*

V. II.

## §. 163.

Hinc et pulcre cogitaturis optandum cogitandi genus, quod diceremus philosophi

F 4

adae-

adaequatum et finem exasse consequens, M.  
 §. 882. cui nihil insit incompleti §. 159. nihil  
 abundantis §. 160. quantum id assequi, hoc vi-  
 tare possit analogon rationis §. 15, 16. Ali-  
 ter eueniet,

1) *Plenior ut si quos delectet copia iusto,  
 Cum ripa simul auulsos ferat Aufidus acer,*  
 Hor.

quorum cuius, quando

*Apparent rari nantes in gurgite vasto,  
 acclames illud:*

*Nihilo sapientior, ex quo  
 Plenior es,*

alicuius autem sepulcro titulum inscribas:

*Breuior duxi securius aeuum.*

*Ipsa nocet moles.* Claud.

2) Aut ut in vitia §. 121, 122, 159. notata in-  
 curras, vel inornata ut breuitas fiat indocta, §.  
 108. Quint. IV. 2.

### §. 164.

Breuitas absoluta §. 160, poscit, ut cui-  
 us pulchrae meditationis parti tantum modo  
 venustatis detur, quantum pulcritudo totius  
 admittit, §. 19. PARSIMONIAM ET SO-  
 BRIETATEM AESTHETICAM. E. §. 289,  
 260. *Parsimonia est scientia vitandi sumtus su-  
 peruacuos, aut ars re familiari (copia diuitiis-  
 que, de quibus S. VIII-XII.) moderate uten-  
 di. Parcissimum tamen hominem vocamus pu-  
 silli animi atque contracti, §. 120, 149. quum  
 infinitum intersit inter moaum (quem parcus  
 seruat),*

feruat), *et angustias*, §. 23. M. §. 551. Sen. de Ben. II. 34. Siue malis esse *parcissimus elegantium*, vti *Crassus*, siue *parcorum elegantissimus*, vti *Scaeuola*; Cic. de claris or. 148. satisfacies erudito palato, quoties in pleno cogitandi genere et perfecto, §. 158. exhibebis ipsi

*Parca, quod satis est, manu.* §. 160, 162.

§. 165.

Vti breuitas absoluta generatim id, quod philosophi nunc dicimus nimis prolixum cogitandi genus cauebit, §. 160: sic elegantiarum parsimonia praecipue,

*ne grauidis procumbat culmus aristis,*  
§. 164.

*Luxuriam segetum tenera depascet in herba,*  
§. 158.

*Nam si luxuria foliorum exuberat umbra,*  
*Nequicquam pingues paleae teret area culmos.*  
Virg.

Georg. I. 191. LVXURIANS COGITANDI GENVS s. καλλωπισμος est, vel per omne meditationis filum plus venustatum et figurarum, §. 26. ad singulas paene particulas constipans, ac fert pudica totius pulcritudo, vel nonnunquam saltem aliquam partem comitius effingens et alteram, ac pulcra totius admittit concinnitas. De prima venuste cogitaturi luxurie, cuius omnia dicta factaque quasi sesamo et papauere

*Sparguntur, Petr. valeat illud sapientis;*

*πλεον ημῖν παντος,*

de vtraque:

*Perficos odi, puer, apparatus,*

§. 166.

Breuitatem omne pulcre cogitandi genus decentem, §. 160, plenam illam et refertam, §. 158, non mancā, non hiulcā, §. 159. parcā tamen ac sobriā, §. 164, non luxuriantem aut maculosā, §. 165. vno nomine **ROTVNDAM BREVITATEM** dicere liceat. Ergo siluæ tuæ, quanta quanta sit, S. VIII. XII. lacunas exple ac hiatus §. 158, 159. simul tamen

*Luxuriantia compefcens, §. 165.*

et ad breuitatis laudabilis parsimoniaeque regulas omnia concinne rotundans, §. 160-164, non aestheticā, §. 115, sed

*Fastidiosā, desere copiam.*



SECTIO XIII.

BREUITAS RELATIVA.

§. 167.

**S**icut vbertas aesthetica vel absoluta fuit, vel relatiua, §. 116. ita distinguenda etiam est ab absoluta breuitate laudabili ac rotunda,

da, de qua S. XIII. RELATIVA BREUITAS, maior ille gradus absolutae, §. 160, qui quibusdam forte cogitandis eleganter necessarius et peculiaris est. Haec breuitas habet etiam aliquam rationem ad tempus cogitationibus hoc significatu breuibus imbibendis infumendum. §. 160. Neque de meditatione breuitatem relatiuam poscentē dici potest, quod Plinius de Ciceronis orationibus habet, *optimam esse, quae maxima*, quod minus accurate addit; *bonus liber melior est quisque, quo maior*. l. ep. 20. quae tota controuersiam aestheticam continet, huc pertinentem; et in aliis distinctione breuitatis absolutae relatiuaeque tollendam, vincente Plinio.

### §. 168.

Multae enim lites inde ortae sunt, in definiendis pulcre cogitandorum generibus breuitatem relatiuam poscentibus, §. 167. quando aliquibus in tali genere 1) absoluta breuitas, non satis a relatiua distincta, recte iudicabatur apprime necessaria, §. 160, 166, 2) occurrebant casus speciales bene multi sub tali genere contenti poscentes simul breuitatem utique relatiuam, 3) gratior apud plerosque breuitas etiam relatiua deprehendebatur vniuersim. Tunc enim aliis, 1) non distinctius, ac priores, breuitatem absolutam a relatiua discernentibus tali thematum generi non tribuenda videbatur vniuersim breuitas,

tas, quia 2) sub eiusmodi genere continebantur casus, ubi *praeuaricatio sit, cursum ac breuiter* (relatiue) *attingere, quae sint inculcanda, infigenda, repetenda*, 3) *breuitas* (relatiua) in tali thematum genere semper et promiscue non *placeat*, nisi *inertibus, quorum delicias desidiâque, quasi iudicium, respicere, ridiculum sit*. Nam si hos in consilio habeas, non solum *satius esse* (relatiue) *breuiter dicere, sed omnino non dicere*.

## §. 169.

Quoniam heic nondum methodus naturalis, quam mathematicam dicunt, principia sufficientia decidendarum eiusmodi controuersiarum, §. 168. antepone tractationi praesenti permisit, aliquas tantum exempli loco videamus. I. *An in caussis agendis nihil aeque, ac breuitas placet?* Haec est Pliniana l. c. quaestio, cui nostris temporibus adiungamus similem quaestionem de sacris ex suggestu habendis orationibus. R. Absoluta breuitas, §. 160, sed rotunda, §. 166. est vna ex primis vtrarumque dotibus, neque tamen primaria, poscens in aliquibus relatiuam etiam per omnia, in aliis, qua quasdam partes, §. 167. In omnibus autem non potest, multo minus in singulis omnium partibus potest haec relatiua ferri, tantum abest, vt laudari, tantum abest, vt tanquam iucundissima, possit

fit aestimari a seверо, licet non moroso, iudice. §. 168.

§. 170.

II.) An narrationem oportet esse breuem? Iam *Aristoteles ab Isocrate dissensit praeceptum breuitatis irridens, tanquam necesse sit, longam aut breuem esse expositionem, ne liceat ire per medium. Theodori quoque scholae negant, quia nec breuiter utique, nec dilucide semper sit utile exponere. Quint. III. 2. Cicero facit cum Isocrate,*

*et adhuc sub iudice lis est.*

Id certum est absolutam breuitatem in narrationibus bene multis maiorem breuitatem relatiuam postulare, ac in aliis aliquibus orationis partibus, §. 160, 167. Relatiuae enim breuitatis denuo dantur gradus, §. 167. Recte Quintilianus l. c. breuitatem narrationis oratori suadens, tamen: *Vitanda est, inquit, illa Sallustiana breuitas, quanquam in ipso virtutis obtinet locum, et abruptum sermonis genus, §. 159. quod otiosum fortasse lectorem minus fallat, audientem transuolat, nec dum reputatur, exspectat. e. c.*

§. 171.

Occasione brevis narrationis Cicero lepidum et satis vsitatum perstringit errorem, quando: *Multos, ait, imitatio decipit breuitatis, (relatiuae) ut, dum se breues putent esse,*  
longif-

*longissimi sint, quia dent operam, ut res multas breuiter dicant, non, ut omnino paucas res dicant, et non plures, quam necesse sit.* de Inu. I. 28. Exemplum ibi profert, quale est et in Quint. l. c. Meo concipiendi modo dicerem studium relatiuae breuitatis cum neglectu absolutae, LONGISSIMAM QVASI BREUITATEM, non solas orationes deturpantem. (longissimum quasi laconismum.)

## §. 172.

Vidisse tamen et Ciceronem verum in sententia breuitatem relatiuam in narrando non omnino probantium, docet l. de Or. III. 202. vbi suadet aliquando adhibere *com-morationem vnā in re per multum mouentem et illustrem explanationem, rerumque, quasi gerantur, sub adspēctum paene subiectionem, quae et in exponenda re, §. 170. plurimum valeat, et ad illustrandum id, quod exponitur, et ad amplificandum, ut iis, qui audiunt illud, quod augebimus, quantum efficere oratio poterit, tantum esse videatur, §. 116. aliquādo autem praecisionem (breuitatem relatiuam) et plus ad intelligendum, quam dixeris, significationem, et distincte concisam breuitatem et extenuationem, e. c. vtramque referens ad figuras sententiae, §. 26.*

## §. 173.

Neque moror graeculorum quorundam  
distin-



distinctionem inter *circumcisam expositionem*, i. e. *συνοπτικόν*, et *brevem*, quando illa *superuacuis carens*, i. e. vere et absolute brevis §. 160. haec definitur, ut quae possit aliquid ex necessarii desiderare, quoniam haec, nisi de verbis litigare iuuerit, vitium est. §. 158. 159. nomine breuitatis, quae virtus est, §. 160, 167. prorsus indigna. Quint. l. c. Alias distinctionem inter concisum distincte ratiocinandi genus et *συνοπτικόν* ex vna, ac breuitatem aetheticorum rotundam, §. 166, relatiuam etiam, §. 167. ex altera parte lubens concedo. §. 121, 122.

## §. 174.

III. Major iam consensus criticorum est breuitatem relatiuam requiri in sententiis.

*Quicquid praecipies, esto brevis, ut cito dicta*

*Percipiant animi dociles teneantque fideles;*

*Omne superuacuum pleno de pectore manat.*

Hor. A. P. 335.

*Est breuitate opus, et currat sententia, neu se*

*Impediat. verbis lassas onerantibus aures.*

Serm. I. 10.

*Breuitas non modo senatoris, sed etiam oratoris*

*magna laus est in sententia. Cic. de leg. III. 40.*

*Amatores quidem multis iam ante Ciceronem*

*saeculis et Philisto Syracusio defuerunt, et ipsi*

*Thucididi, quia eorum concisis sententiis, §. 121,*

122.

122. *interdum etiam non satis apertis cum breuitate, tum nimio acumine officit Theopompus.* Cic. de claris or. 66. Neque tamen paucos amatores Thucididi, ipsique Tacito, conciliauit grata posteritas et fatum eorum scripta seruans, dum alia

*Desert in vicum vendentem thus et odores,*

*Et piper, et quicquid chartis amicitur ineptis.*

Interim Ciceronis obseruatio docebit vltimam modum esse breuitati relatiuæ etiam in sententiis, §. 170.

### §. 175.

IV. *Acutior est atque velocior in urbanitate breuitas.* Quint. VI. 4. vbi quidem in sequentibus Marfi definitionem urbanitatis adducens: *Urbanitas est virtus quaedam in breue dictum coacta maxime idonea ad resistendum; vel laceffendum, pro ut quaeque res ac persona desiderat, addit: Cui breuitatis exceptionem detraxeris, omnes orationis virtutes complexa sit. Cur autem breuem esse voluerit Marfus, nescio.* - - - *Nec tamen iudicium Marfi hominis eruditissimi subtraham.* Confirmat Marfi iudicium, Horatius simulque rationem videtur subinnuere, quando poscit sermonem

*Interdum urbani parcentis viribus, atque*

*Extenuantis eas consulto.* §. 164, 172.

Hor. Serm. I. 10.

§. 176.

## §. 176.

Breuitur: Para opes, S. VIII. vnde pos-  
sunt exspectari, S. VIII. vnde sumseris, pa-  
rum curaverim, S. X. para tu modo, S. XI.  
fodes, S. XII. paratas exhibe rotunda bre-  
uitate, S. XIII. meditatioque tua posthinc  
commemorandarum venustatum, §. 22, non  
immemor,

*Conueniet voto longa, §. 116. brevisque, S.  
XIII. meo. Ou.*



## S E C T I O X V.

## MAGNITVDO AESTHETICA.

## §. 177.

Secunda cura sit in rebus venuste cogitandis  
§. 115. MAGNITVDO, M. §. 115. sed  
AESTHETICA, quo nomine 1) pondus ob-  
iectorum §. 18. et grauitatem, M. §. 166.  
2) proportionatarum obiectionis cogitationum,  
3) cum foecunditate vtrorumque, M. §. 166.  
complectamur. §. 22. *Illud vere magnum,  
quod subinde cogitandum considerandumque no-  
bis occurrit, (ε πολλή η αναθεωρησις) quod vix,  
ac ne vix quidem, animo excidere potest, sed con-  
stanti, firma, et indelebili memoria retinetur.*  
Longinus. S. VI.

§. 178.



## §. 178.

*Ingenium cui sit, cui mens diuiniore, atque os  
Magna §. 177. sonaturum, des nominis huius  
honorem,*

vt poeta dicatur, et musicus, si magna canat, et pictor, si magna pingat e. c. *Voluminibus ipsis auctoritatem aliquam et pulcritudinem adii- cit magnitudo.* Plin. ep. l. 20. Magnitudinem autem aesteticam primo diuidamus denuo, sicut vbertatem, §. 116. in ABSOLVTAM omni pulcre cogitando necessariam, §. 177. et RELATIVAM ac comparatiuam, illum absolutae gradum, qui quibusdam pulcre cogitandis peculiariter et speciatim requiritur. Vtramque nouerit, et probe distinguat,

*Artis seuerae si quis ardet effectus,  
Mentemque magnis applicat, simul ac morem  
Frugalitatis §. 164. lege callet exacta. Petr.*

## §. 179.

Quemadmodum vere pulcre cogitantes, quando non latitudinem sectantur compara- tiuam, §. 116. et multo minus in circumdu- ctum et diffusum et abundans luxuriando co- gitandi genus incidere laborant, §. 165. ino- piae, §. 120. se ipsos reos agunt extenuatio- ne, §. 175. nonnunquam forsan ironica: ita iidem, iisdem forsan ex causis, sublimia non cogitantes, et multo minus amantes tumesce- re,

re, se dicunt animi pusilli, neque tamen auditores sibi volunt credulos. Ita Horatius:

*Dii bene fecerunt, inopis me quodque pusilli  
Finxerunt animi, raro ac perpauca loquentis.*

*At tu conclusas hircinis follibus auras. e. c.*

Ita Martialis: IX. 50.

*Ingenium mihi, Gaure, probas sic esse pusillum,* §. 177.

*Carmina quod faciam, quae breuitate placent,* S. XIII.

*Confiteor. Sed tu, bis denis grandia libris  
Qui scribis Priami praelia, magnus homo es.*

§. 180.

Magnitudo aesthetica relatiua et comparatiua multos quidem gradus habet, §. 178. nunc tamen eam, uti decet aestheticum, §. 15, 16. in tres tantum vsitatos grammaticis gradus diuidamus, ut quaedam magna sint, absolute scilicet, §. 178, 177. in positiuo, quaedam in comparatiuo, quaedam in superlatiuo. Prima sint *humiles myricae*, secunda *arbuſta*, tertia *ſiluae*.

*Non omnes arbuſta iuuant, humilesque myricae,*

*Si canimus ſiluas, ſiluae ſint conſule dignae,*  
Virg.

G 2

§. 181.

## §. 181.

MAGNITUDO AESTHETICA, §. 177. et absoluta, §. 178. et relatiua, §. 180. porro est vel NATURALIS, cum libertate propius non connexis conueniens, vel MORALIS, obiectis cogitationibusque tribuenda, quatenus propius cum libertate connectuntur. Naturalis est e.g. Virg. Aen. V. 421. quando

*Entellus duplicem ex humeris reiecit amittum  
Et magnos membrorum artus, magna ossa  
lacertosque*

*Exuit, atque ingens media consistit arena.* e.c. Vbertim S. VIII. cogitentur intra horizon-tem aestheticum constituta themata, S. VIII. locis S. X. et argumentis locupletantibus, S. XI. si noueris uti, S. XII. habebunt eadem simul magnitudinem, absolutam certe, naturalem, §. 177. Hinc ad hanc parum opus est nouis regulis.

## §. 182.

Magnitudinem aestheticam moralem, i. e. per libertatem legibus moralibus conformiter determinatam quae possibilis est, §. 181. deprehendo 1) in obiectis eorumque variis et consuetariis, si citra detrimentum virtutis cogitari possunt pluribus, et caeteroquin eleganter, 2) in iisdem, si dictis modis cogitari possunt serius aut citius ad virtutem tandem consentientia, 3) in cogitationibus, si pro-

proportionari exaequarique suis obiectis et materiis ita possunt, ne quid detrimenti, 4) ut tandem certe nonnihil emolumenti capiat res virtutis bonorumque morum saluber- rima, pulcerrima. §. 177. Liceat hanc mo- ralem magnitudinem aestheticam brevius DI- GNITATEM AESTHETICAM dicere, et iam post §. 115. videre,

2) *Quid deceat, quid non, quo virtus, quo fe- rat error.* §. 22.

### §. 183.

Nolim hanc cogitationum venustatem, veluti per μεταβασις εις αλλο γενος, et quasi falx in alienam messem immitteretur, nunc deriuari tantum ex feuerioribus vitae beatae superioribusque legibus, aut omnino ex genuini Christianismi sanctissimis oraculis. Ma- lim eam heic considerari, velut conditionem, sine qua non, operis ingeniorum vere pul- cri, qua deficiente prorsus, non spiritui so- lum, non rationi solum, §. 15. sed ipsi ratio- nis analogo per magnitudinem pectoris con- natam, §. 45. vsu, §. 50. disciplinaque, §. 63. confirmatam suffulto pelluceat quaedam de- formitas elegancia quaedam alia tamen de- turpans, quoniam iis immorari non licet sine morum iactura, per exceptionem, sane, non elegantem. §. 25. vel ex eius arbitrio, qui mores ex solo sapore, neque tamen publico meretricioque, metiretur, §. 35.

## §. 184.

Iam hinc enim constabit, turpissimas licet poenas aliter sentientibus minantem, falli tamen Catullum, et turpiter falli, quando:  
c. 16.

*Castum, ait, esse decet pium poetam*

*Ipsum, versiculos nihil necesse est.*

*Qui tum denique habent salem et leporem,*

*Si sunt molliculi et parum pudici,*

*Et, quod pruriant, excitare possint.*

Quanquam non verius Martialis l. I. 35.

*Lex haec carminibus data est iocosis;*

*Non possunt, nisi pruriant, placere,*

dignum ille tamen patella reperit operculum  
ita turpem suam legem, uti decet, probans:

*quis stolatum*

*Permisit meretricibus pudorem? §. 165.*

Rectius utique Persius sat. I. nisi peccat in  
forma:

*Hic neque more probo videas, neque voce se-*  
*rena, §. 183.*

*Ingentes trepidare Titos, quum carmina*  
*lumbum*

*Intrant, ac tremulo scalpuntur ubi intima*  
*versu.*

## §. 185.

DIGNITAS AESTHETICA, §. 182. pars  
et



et species magnitudinis aestheticae, sicut haec, §. 177. 178. vel ABSOLUTA erit, omni pulcre cogitando necessaria, de qua iureconsultos romanos imitati, quicquid cogitare fufius contra bonos mores effet, illi nos ne cogitando quidem immorari posse cenfeamus, §. 183, 184. vel RELATIVA, quae quibusdam pulcre cogitandis peculiaris requiritur, non eodem in gradu in omnibus, §. 178. De hac loquitur Cornelius, quando *non dubitat fore plerosque, qui suum genus scribendi leue, et non satis dignum summorum virorum personis iudicent*, et Cicero de Fin. 1. I. *suspiciatus aliquos futuros, qui hoc genus scribendi (quae philosophi graeco sermone tractarunt, latinis litteris mandans,) etsi sit elegans, personae tamen et dignitatis esse negent.*

## §. 186.

De eadem relatiua §. 185. tantum intelligendus est Cicero, quando Off. 1. I. 130. *pulcritudinis duo genera constituit, quorum in altero venustas sit, in altero dignitas, venustatem muliebrem ducens, dignitatem virilem.* Nam et ipse poscit in oratoris perfecti *vultu*, ne *dignitatem* solum sed etiam *venustatem* afferat, Or. 60. et *dignitati*, Fam. X. ep. 6. sane non venustatem, sed *deformitatem* opponit. Est et matronis sua dignitas et praecisus, vti Ictum decet, §. 15. Vlp. de senator: *Maiores dignitas est in sexu virili.* Interim pace Ciceronis et auctoritate,

licebit omnia, quibus omnino deest dignitas, etiam absoluta, deformia dicere, §. 185, 177. et in vera, mascula praesertim pulcritudine, e. g. actionis, ad venustatem in primis dignitatem poscere, de Or. l. I. 142. et statuere *deformari rem personamque detrahendo spoliandoque dignitatem*. Or. pro Caelio 3.

### §. 187.

Neque diffiteor hoc confidentius me germanum dignitatem in primis pulcre cogitantorum venustatibus legere, §. 186. germanis potissimum scribentem; quoniam expertus noui, in aliis, in quibus gens germanorum romanis est apprime similis, hanc etiam laudem utrique populo communem esse, de qua Cic. pro Mur. 23. *Omnes artes, quae nobis populi romani (nationis germanicae) studia conciliant, et admirabilem dignitatem et pergratam utilitatem debent habere*. Vel absolutam dignitatem vniuersim et strenue commendanti arti nostrae aestheticae, relatiuam etiam clarius ob oculos ponenti, forte non sua solum constabit absoluta dignitas, sed et relatiua quaedam tribuetur a grauib, neque tamen tetricis, inter ciues iudicibus. §. 185.

### §. 188.

Erunt interim, nisi fallor, et in germanis ciuib, qui §. 182. n. 1. et 3. satis liberaliter concedant, tamen n. 2. et 4. postulati iudicent aliquid,

aliquid; quod ubique requirere, quando pulcre cogitatur, videatur iusto venustoque rigidius. Verum his excusabor facilius, quando 1) expresse et explicite paraenetica didicerint curatius distinguere ab iis, quae tacite et implicite et longa veluti manu, admodum mediate vel ad minorum morum praecepta non omnino nihil conferant, 2) vitam pulchrae cognitionis dotem primariam, §. 22. penitus inspexerint, quam variis illa se modis ac gradibus belle soleat exferere. Nunc §. 169. ita me defendam; ut negem mihi vitio verti posse, si vel eadem, vel omnino minora poposcerim, respectu disciplinae morum aut probitatis, ac ille, qui se ipse dicit,

*Epicuri de grege porcum,*

Horatius de poetis generatim iterum asserit iterumque, e.g.

*Et prodesse volunt et delectare poëtae*

*Et simul et iucunda et idonea dicere vitae.*

*Omne tulit punctum, qui miscuit utile dulci*

*Lectorem delectando pariterque monendo.*

§. 189.

MAGNITUDO tandem AESTHETICA §. 177. hinc et DIGNITAS §. 182. tam ABSOLUTAE, quam RELATIVAE, §. 178, 185. erunt vel OBJECTIVAE (rerum, materiae,) quatenus in obiectis et cogitandis ipsis est praecipua ratio, cur per pulcrum ingenium

nium et pectus, S. II. proportionata in magnitudine ac dignitate possint pingi, vel **SUB-IECTIVAE**, (personae) possibilitates physicae potentiaeque certi hominis, etiam secundum quid et hypothetice tales, cum appetitionibus et decreto datam materiem, qua pote, qua fas est, in magnitudine et dignitate venuste sistendi ob oculos. Has posteriores dicamus **MAGNANIMITATEM ET GRAVITATEM AESTHETICAM.** E. §. 489.

## §. 190.

Sunt res, et materiae, quarum adspectu primo describendarum cum aliqua pulcritudine statim exprimitur nobis, quod olim Virgilio:

*Maiores rerum mihi nascitur ordo,*

*Maius opus moueo.* VII. 44. Aen.

Tunc felix ille, qui iustus aestimator sui vere tamen de themate tali a se pulcre exsequendo, possit praedicere, quod idem de saeculis aureis se viuo redituris:

*Non me carminibus vincet nec Thracius Orpheus,*

*Nec Linus, huic mater quamvis, atque huic pater adsit,*

*Orphei Calliopea, Lino formosus Apollo.*

*Pan deus Arcadia mecum si iudice certet,*

*Pan etiam Arcadia dicet se iudice victum.*

§. 189.  
**SECTIO**



## S E C T I O XVI.

## MAGNITVDO MATERIAE ABSOLVTA.

## §. 191.

**M**agnitudo materiae aesthetica absoluta, §. 189. poscit, ne cogitanda ac themata sumantur pulcre meditaturis obiecta ac materiae, quibus intra horizontem hominum aestheticum constitutis, §. 119, 127. omnino deest magnitudo, §. 177, NVGAE VERE TALES (res infimae et nugatoriae, quisquillae, ineptiae) *Poetam non audio in nugis*, Cic. Par. 3. Vnde sat. V. 19. Persius optime:

*Non equidem hoc studeo bullatis ut mihi nugis  
Pagina turgescat, dare pondus idonea fumo.  
Excutienda damus praecordia,* §. 182.

## §. 192.

*Si quis rixatur de lana saepe caprina, et  
Propugnat nugis armatus,*

huc §. 191, materia litis vere pertinet, nisi velit omnino suas tricas ultra horizontem aestheticum tollere, §. 121. Catullus atque Martialis in ea sua cogitata, quae scripserunt ex turpi lege, de qua §. 184. iusto leniores sunt, quando ea nugas vocant, alia tamen pulcrius a se concepta inuoluentes eodem titulo

titulo sunt interpretandi ex §. 179. Habentur etiam saepius in nugis, quae non sunt, qualia §. 100. et forsan huc opinio Democriti, probe intellecta, quam Cicero male refutatam de Div. II. 20. non aequius in magnis nugis habet, ac *physicorum genere nihil ait arrogantius esse.*

## §. 193.

DIGNITATEM AESTHETICAM §. 182. et absolutam et relativam, §. 185. et obiectivam et subiectivam, quatenus in ea deprehenduntur n. 1. et 3. §. 182. liceat in sequentibus NEGATIVAM, quatenus autem simul n. 2. et 4. §. c. considerantur, POSITIVAM appellare. Et quoniam nobilem iam ΗΘΥΣ ΑΕΣΘΗΤΙΚΙ partem aggredimur, definiam illud, psychologis saltem perspicue, generatim ante omnia per studium possibilitatis moralis, M. §. 723. aestheticum, vel in aestheticis observatum. ΗΘΥΣ nomine, ut ego quidem sentio, caret sermo romanus. Mores appellantur -- Sed ipsam rei naturam spectanti mihi non tam mores significari videntur, quam morum quaedam proprietas. Quint. VI. 3.

## §. 194.

ΗΘΥΣ ΑΕΣΘΗΤΙΚΥΜ habet etiam speciem suam partemque, ex qua NEGATIVUM dicatur, §. 193, 182. cuius haec est formula: Res, ordo, significatio, e. g. dictio, §. 13. si pul-

pulchrae intenduntur, ita instituantur, ne quid moraliter absurdi in iisdem, vel ipsi rationis analogo pelluceat, §. 16, 22. et alteram speciem ac partem, ex qua **POSITIVVM** appelletur, et secundum quam eadem, quae modo dixi, vere etiam consentire moribus et cum iisdem congruere, pulchre convenire cum illis; quae moraliter, ethice, oeconomice, civiliter ex vñibus consuetudinibusque fieri possunt, fiat phaenomenon, vel ipsi rationis analogo observabile, §. 23.

### §. 195.

Veniamus ad vnam 7986 partem ex primis, §. 194. quam naturalis nunc meditando ratio subministrabit. Dignitas aesthetica, si vel absolutam tantum intelligas, §. 182, 185. postulat, ne qua cogitanda, multo minus the-mata fumantur, quibus intra horizontem aestheticum constitutis, vbertimque ac viuide è. c. §. 22. percipiendis omnis omnino deesset dignitas, **OBIECTA VILIA ET PLEBEIA**, quae luto potius, quam myricis, §. 178. conferas, et has humiles nuncupans illa **HVMILLIMA** dicas **ET ABIECTA**.

### §. 196.

*Ut quisque optime natus institutusque est* (haec autem est aesthetici practici persona, §. 45, 54, 63.) *nihil abiectum, nihil humile, §. 195. cogitant.* Cic. de Fin. V. 57. Eorum nemo

*Migret*

*Migret in obscuras humili sermone tabernas,  
Offenduntur enim, quibus est equus, et pater  
et res. Hor.*

Neque huc tantum traho turpissimam obsce-  
nitatem, de qua §. 184, 192. sed et humi re-  
pentem adulationem,

*laudare paratam  
Si bene - - -, aut si quid fecit amicus,  
Quod proferre palam non possit lingua mo-  
deste, Iuu.*

et luxuriantem contumeliis conuiciisque li-  
xas inter et calones maledicentiam, quam  
olim quidam critici, bona mens! qui Criti-  
ci! documentum vbertatis suae copiaeque  
voluerunt. §. 195.

§. 197.

In diiudicanda magnitudine ac dignitate  
materiarum absoluta, ne magna pusillis,  
*sine pondere habentia pondus, §. 177.*

digna indignis, §. 182. fanda nefandis, §. 196.  
temere misceantur, non excluduntur ex ma-  
teriis pulcre cogitandis, 1) vere nonnullam  
habentia magnitudinem, aliquando summam,  
§. 178. in quibus tamen non nemo, gigan-  
tum fraterculus, qui se solum putat aliquid  
magni, ac omnia refert ad grandem, quam in  
se solus miratur, mensuram, nihil omnino,  
nisi nihili facienda, vili pendenda, nugas me-  
ras, potest deprehendere. Non opus est  
*musi-*



*musicam Epaminondae citare, quamdiu ipsa religio multis,*

*nisi cum re, vilior alga est.*

§. 198.

2) Quibus deest utique quaedam magnitudo relatiua ac comparatiua, neque tamen absoluta, §. 178. e. g. in colloquiis epistolisque familiaribus, in quibus vel duo nonnunquam *satis magnum alter alteri theatrum sumus*. Sen. Talem se sistit Corydon:

*Despectus tibi sum, nec quis sim quaeris, Alexi,  
Quam diues pecoris niuei, quam lactis abundans.*

*Mille meae ficulis errant in montibus agnae.*  
e. c. Virg. Ecl. II. 19.

§. 199.

3) Quae non ipsa solum, sed et cum suis variis confectariisque satis multis pura mente cogitari possunt, etiam copiose, viuide e. c. §. 22. licet impura mens possit in ipsis eorumque variis et confectariis simul non pauca virtuti inimica excogitare, e. g. si,

*Tityre, lentus in umbra  
Formosam resonare doces Amaryllida siluas.*

4) quae morosae virtuti, vel etiam fucatae taedium afferunt, quando ab aliis cogitantur, innocentia, non sine suspicione inuidiae: e. g. Mart. IX. 98:

*quod amamur, quodque probamur.*

§. 200.

§. 200.

5) Quae non omnibus personis ac aetatibus, temporibus ac locis conueniant, aliquibus autem vtique, salua tam magnitudine, quam dignitate absolutis, §. 197. e. g. quae solebant cum Lucilio,

*ubi se a vulgo et scena in secreta remorant  
Virtus Scipiadae ac mitis sapientia Laeli  
Nugari §. 192. faciles, discincti et ludere,  
donec*

*Decoqueretur olus.* Hor. Serm. II. 1. 75.

6) non explicite, immediate, aut propius virtutes inculcantia. e. g. Lucretii l. 49:

*De summa caeli ratione deumque  
Differere incipiam, et rerum primordia pandam,  
Vnde omnes natura creet res, auget, alatque,  
Quoue eadem rursum natura peremta resoluat. e. c.*

§. 201.

7) Quibus vtique deest quaedam dignitas relatiua ac comparatiua, neque tamen absoluta, §. 188. e. g. *Epaminondam saltasse commode, scienterque tibiis cantasse.* Corn. Huc Anacreon et celebris Catulli passer, viuens, c. 2. ac mortuus, c. 3:

*Lugete*

*Lugete, o veneres, cupidinesque,  
 Et quantum est hominum venustiorum!  
 Passer mortuus est meae puellae,  
 Passer, deliciae meae puellae. e. c.*



## S E C T I O XVII.

## MAGNITVDO MATERIAE RELATIVA.

## §. 202.

**Q**uibus et magnitudo convenit et dignitas absoluta, §. 182, 185. MATERIAE, relatiuam et magnitudinem, §. 180. et dignitatem habebunt 1.) myricae, minimam, cum aliqua latitudine, quae deceat aestheticum, §. 15, 16. honore vno ex minoribus dignae, TENVES. Huc et personas, obiecta personalia, pertinere ne dubites, referamus et nos, post Demetrium,

*Vulteium nomine Menam,  
 Praeconem, tenui censu, sine crimine natum,  
 Et properare loco et cessare, et quaerere, et uti,  
 Gaudentem paruisque sodalibus, et lare curto,  
 Et ludis, et post decisa negotia Campo. e. c.*  
 Hor. I. ep. 7. 55.

## §. 203.

II. Siluae, maximam, cum eadem aestheticum

H

ticum decante latitudine, §. 202. honore vno ex maximis dignae, excellenter MAGNAE, GRANDES ATQVE SVBLIMES. Non pugnabo contra Senecam, quando magnitudinem et dignitatem rerum intrinsecam spectans: *Omnia, inquit, vitia, non refert, in quantum procedant, extendantque se. Angusta sunt, misera, depressa.* §. 195. *Sola sublimis et excelsa* (moraliter etiam) *virtus est. Nec quicquam magnum est, nisi quod simul et placidum,* nisi forsan in effatum vltimum, de Ira. I. 16. Nobis autem hic sermo est de magnitudine et dignitate obiectiua, non quatenus ipsis obiectis inhaeret, sed quatenus obiectis inhaerens, quicquid illud sit, rationem propriam continet, vt de obiectis magnae dignaeque cogitationes formari possint, §. 189, 18.

§. 204.

Sicut itaque recti quidam habitus, non abiecti quidem ac humiles, tenues tamen illi possunt esse, §. 202. partim in destitutis magnitudine quadam relative maiori naturali, partim expertes multis variis consecrariisque, etiam moralibus, sed per analogon rationis obseruabilioribus, §. 181, 182: ita prauus quidam habitus et facinora videantur esse posse magna pulcre cogitaturum materia, vel omnino grandis, quando 1) varia eorum, etiam ad materiale remotum et proximum realia perti-

pertinentia M. § 914. ipsumque formale simul habeant magnitudinem naturalem per p'ura etiam consecutaria, denuo vel ex materiali, vel ex formali mali effluentia per ipsum analogon rationis detegenda, 2) non tam ipforum formale dictorum, quam huius ingens deformitas thema pulcre sistendum ob oculos aesthetice meditaturum sumitur, quod utique fieri potest dignissime, §. 18, 203. Ita Catilinae scelus et Ciceroni et Salustio thema grande fuisse videatur, §. 89. Nec facile, nisi in eiusmodi thematibus, aliquis, ex Petronii consilio,

*ingentis quatiat Demosthenis arma,  
Grandiaque indomiti Ciceronis verba minetur.*

### §. 205.

Nec excludam obiectis aesthetice grandibus, §. 203. ea, quibus est magnitudo naturalis tantum, §. 187. relative una ex maximis, etiamsi moraliter videantur indifferentia, si sistantur in dignitate, negatiua quidem tantum, §. 193. quam tamen summa cum diligentia tuearis. §. 203. Ita Lucr. I. 720. grandia de Sicilia:

*Hic est magna Charybdis et hic Aetnea minantur.*

*Murmura flammaram,*

An satis dignum, quando pergit:

*rursum se colligere iras?*

H 2

Equi-

Equidem τω:

*Magna modis multis miranda videtur  
Gentibus humanis regio,  
grandia cogitaturus non addidissim:  
visendaque fertur.* cf. Aen. III. 571. sqq.

§. 206.

Interim in ipsis generice maximis, §. 203. eminent, quibus ad magnitudinem naturalem et dignitatem negativam, quas ex maximis dixeris, accedat etiam dignitas aliqua positiua, §. 193. Huc referrem, si Cicero- nem ex animi sententia scripsisse putarem, de nat. deorum l. II. 166: *Nemo vir magnus sine aliquo afflatu diuino unquam fuit.* 167: *Magnis viris prospere eueniunt semper omnes res, si quidem satis a nostris, et a principe philosophorum, Socrate, dictum est de vbertatibus virtutis et copiis.* 168: *mala et impia consuetudo est contra deos disputandi, siue animo id sit, siue simulate.*

§. 207.

Sunt enim vtique, quod Quintilianus habet, VIII. 3. *alia aliis honestiora, sublimiora,* e. c. sicut et magis minusue tenuia, §. 202. Neque tenuitas, neque sublimitas heic consideranda est illa, quam intellectus forsan et ratio sola tandem in distincte, quantum fieri potest, repræsentatis detegat: §. 15, 16. sed  
a mi-

a minimis ad maxima obseruabilium et pulcre sistendorum elegans per analogon rationis, non sine dignitate, paullatim exsurgens complexus materiarum omnis diuidatur in partes aequales tres. Infima erit aestetice tenuis, suprema aesthetice sublimis, quaeuis suos iterum gradus et magnitudinis et dignitatis comprehensa. §. 203.

## §. 208.

III. Arbuſta, mediam inter tenuia et ſublimia §. 207. partem occupantia, MATERIAE MEDIOCRES, *interiectae, intermediae, et quaſi temperatae, vicinae tenui ſublimique, vtriusque participes, vel vtriusque, ſi verum quaerimus, potius expertes.* Cic. Huc e. g. Pamphili deſcriptio apud Ter. Andr. I. 1.:

*Quod plerique omnes faciunt adoleſcentuli,  
Vt animum ad aliquod ſtudium adiungant,  
aut equos*

*Alere, aut canes ad venandum, aut ad philoſophos,*

*Horum ille nihil egregie praeter cetera  
Studebat, et tamen omnia haec mediocriter.*  
e. c.

## §. 209.

Longinus videtur magnum, §. 177. etiam relative tale, §. 203. et in magnis eiſmodi maximum confundere, quando: οὐδεν, ait,

H 3

υπαρ-

υπαρχει μεγα, & το καταφρονειν εστι μεγα. S. VII. *exemplaque adducit generatim honores et dignitates, et quae habent πολυ το εξωθεν προστραγαδισμενον, causam interferens, quia sapienti nequeant videri bona eximia, quorum contemptus sit aureae mediocritatis, quaeque continententes, quando ea habere possunt, magis admiramur, quam iisdem fruantes, §. 207. Quando porro charactere bonorum sublimium exhibet, si sint δια παντος αρεσκοντα και πασιν, quaeritur an huic maiori quicquam vnquam certo subsumi possit. Si possit, erit illud sane non magnum, sed maximum. e. g. quando S. VIII. poscit το σφοδρον και ενθουσιαστικον παθος, confer Senecam citatum, §. 203.*

### §. 210.

Recte Longinus S. VIII. sublime, §. 203. distinguit a pathetico, quia quaedam

*Curae leues loquuntur, ingentes stupent. Sen. et esse sublime potest sine perturbationibus animi, §. 205. fidenter tamen simul affirmans, nihil tam magnificum esse, quam affectum vehementem, ubi opus est. §. 206. In quaestione, quam multis expendit, S. XXXIII. sqq. an praestet magnitudo (relatiuam intellige sublimitatem §. 203.) inter quaedam, quae peccent, mediocribus, per omnia sanis et vitio carentibus §. 208. habebit omnino sibi affirmanti facilem in assentiendo philosophum*



phum aestheticum, si sublimitas et eam ambientia recte cogitanda sint adeo pulcra, ut subductis macularum adhaerentium summis, priorum tamen aggregatum pulcrius ac venustius sit residuum, ac mediocri quoddam aliud thema sic cogitatum, ut etiam si non appareant eius gradui pulcritudinis subtrahendae maculae, tamen aggregatum pulcre cogitandorum de eodem infra priorem summam subsistat. Addamus ob sublimitatem sociam multa, quae in mediocribus, §. 208. non viderentur solum, sed et essent maculae, nec has quidem esse, sed tantum videri, vere exceptiones non inelegantes, §. 25.

### §. 211.

Virtutem bonosque mores heic tantum consideramus, quatenus phaenomena fiunt, aut per commercium hominum externamque viuendi rationem observantur, non exclusis ipsis virtutum umbris, §. 45. quarum discrimen a vera virtute, non nisi per intellectum ac rationem detegeretur, §. 15, 16. Vnde patebit cultus externi diuini, morum, rituum, cerimoniarum ac consuetudinum, perspicaciae declaratae, disciplinae corporis comitioris, curae status externi, officiorum humanitatis generatim et praesertim decori, tam positiui, quam negatiui, nonnihil aliam esse rationem ad ethica grauiora, ac solet intelligi a meditante vitae praecepta beatae, quan-

H 4

tum

tum eius fieri potest, per puram rationem, E. §. 110, -- 383. e. c.

§. 212.

Nec aesthetico semper, immo perquam raro potius virtus bonique mores spectantur in statu hominis naturali generatim et velut in illimitato, sicut ethicis accuratioribus plerumque solum. E. §. 1, 9. Heic potius considerantur, vti existunt, non in specialibus solum status naturalis modificationibus, E. P. II. sed et simul in statibus hominum socialibus, in nexibus familiarum et consanguinitatum, diuersorum vitae generum, societatum inde varie discrepantium, ciuitatum et ex ciuili vinculo redundantium infinitorum paene respectuum, nec eorum vniuersalium tantum, quos abstrahit philosophus, sed particularium, immo singularium, quatenus a positu corporis in hoc illoque pendent, pro locis aeratibusque mutabiles. §. 22. Heic apprimè sunt attendenda iam ea, quae *non eadem omnibus sunt honesta atque turpia, sed omnia maiorum institutis iudicantur.* Corn.

§. 213.

Ex his punctis visus, §. 211, 212. si contempleris virtutem moresque laudabiles, et pluribus utique differre gradibus inter se, deprehendes et posse tamen cum aliqua rotunditate, §. 166. diuidi, sicut diligentia diuiditur

tur gradus culpae doliue cognituris, et praedicanda tantum non omnia grammaticis, §. 180, 207. in SIMPLICITER HONESTAM VIVENDI RATIONEM, illum bene morati viuendi generis gradum, ad quem obtinendum cuiuscunque conditionis et educationis et consuetudinum necessitudinumque persona, si velit esse bona, vires sufficientes habere videatur, in MORES VIVENDIQUE RATIONEM NOBILEM, illum bene morati ex §. 211, 212. viuendi generis gradum, quem in melius natis feliciusque iam educatis ordinario non sine vfu, vel omnino aliqua disciplina, reperiās tantum ordinario, adeoque quemcunque hominem eo pertingere vix posse, licet decreuerit, non sine verisimilitudine iudices, et in HEROICAM tandem VIRTUTEM VIVENDIQUE RATIONEM SINGVLARI CVM MAIESTATE CONIUNCTAM, illum optime viuendi modum ex §. 211, 212. conceptum, quem vel attingere, vel aequabilem et bono significato semper eundem sibi conseruare, quod difficilius est,

*pauci, quos aequus amauit  
Iuppiter, atque ardens euexit ad aethera virtus,  
Diis geniti, potuere.*

§. 214.

Qui nouit viuere, E. §. 390. differentias,  
H §. 213.

§. 213. breuiter notatas satis perspicue sibi ipse tradet vberius, nec haerebit in hac dignitatis aestheticae §. 182. relatiuae, §. 185. et obiectiuae §. 189. concipienda veluti scala; Simpliciter honestum viuendi genus: tenuia, §. 202. = nobile: mediocria, §. 208. = heroicum: sublimia, §. 203.

### §. 215.

Quae rerum humanarum est limitatio, nulla paene talis est, quae non duplicem, vt Epictetus ait, ansam habeat, tolerandam alteram, alteram minus. Non obiecta solum absolute digna, sed ipsa sublimia, si quadam ex parte sui considerantur, habent eadem simul aliam, ex qua si penitius inspiciantur, non sublimitas solum pereat, sed et omnis non raro dignitas. Par ratio magnitudinis naturalis, prout comparetur. S. XV. XVI. Hinc eo facilius est obseruatu quaedam obiecta, quaedam materias, prima fronte quae videantur semper eadem, pro diuersis tamen respectibus, variis ac momentis, quibus potissimum attendas, nunc humilia fore, saltim tenuia, nunc mediocria, alia nunc mediocria, nunc sublimia. Quaedam obiecta per omnes relatiuae magnitudinis dignitatisque gradus possunt transcurrere, prout diuersis ex lateribus spectatorum oculis obiiciantur. §. 202. -- 214. *Quam multum interest, quid a quoque fiat? Eadem enim facta claritate vel obscuritate facien-*

*facientium aut tolluntur altissime, aut humillime deprimuntur. e. c. Plin. VI. ep. 24.*

§. 216.

In bucolicis, vbi plerumque tenuia sectatur Virgilius, Ecl. V. 35. ex MStis legit Vossius:

*Infelix lolium et steriles nascuntur auenae,*  
quod ipsi, non sine ratione, minus videtur, ac idem §. 215. in Georgicis, vbi mediocria quaeruntur obiecta, l. I. 154. ita cogitatum:

*Infelix lolium et steriles dominantur auenae.*  
Si quis interim grandem, sicut Prudentius, Hamartigeniam meditaturus picturae lapsus inscriberet:

*Infelix lolium et steriles nascuntur auenae,*  
picturae miseriarum corruptelarumque, quas post se nunc etiam trahit:

*Infelix lolium et steriles dominantur auenae,*  
et picturae demum euentus vltimi, naturalis quidem, at deplorandi:

*Infelix lolium et steriles vruntur auenae,*  
inter alia, pro grauitate materiae, magnificentius concepta, non reor harum cogitationum ullam materias arduas depressuram. §. 215. Pacis fructus et tenues, et mediocres, et grandes, esse possunt materiae.



## S E C T I O XVIII.

## RATIO COGITATIONVM AD MATERIAS GENERATIM.

## §. 217.

**M**agnitudo aesthetica postulat, ut cogitationes proportionentur ac exaequentur suis obiectis, personalibus ac realibus, ipsique cogitanti subiecto, quatenus ipsum, aut status eius aliquis, sit suum simul obiectum, aut obiectum, cui congruenter cogitandum sit. §. 177. Genus cogitandi minus magnis vel absolute, vel relative talibus, obiectis ΒΑΘΟΣ est, (humile, humi repens cogitandi genus). Genus cogitandi maius suis obiectis ΤΥΜΟΡ est (frigus, tumidum et inflatum, nimis altum, nimis exaggeratum cogitandi genus). Aequalitas cogitationum cum obiectis absolute magnis laus est, cuius oppositum peccans in defectu Βαθος, in excessu tumor est.

## §. 218.

Ita Cicero, sequutus *Aristotelem*, neque humilem nec abiectam orationem probat, neque nimis altam et exaggeratam, plenam tamen eam vult esse gravitatis, §. 189. ut eos, qui audiunt, ad maiorem possit admirationem traducere.

*tere. Or. 192. Quam primum humilitas dignitati generatim opponitur, ut Cic. pro Rosc. 156. illa pulcris ex meditationibus exsulet. §. 195. Sed exsulet simul tumor. §. 217. Num manus affecta recta est, quum in tumore est? aut num aliud quodpiam membrum tumidum ac turgidum non vitiose se habet? Sic igitur inflatus animus et tumens in vitio est, sapientis autem animus semper vacat vitio, nunquam turgescit, nunquam tumet. Cic. Tusc. quaest. III. 19.*

### §. 219.

*Laudis amore tumes? §. 217. Sunt certa piacula, quae te*

*Ter pure lecto poterunt recreare libello. Hor.*

Hic autem erit vel practice, per exempla, vel theoretice simul ostendens, tunc etiam, quando cogitationes res vocamus, §. 18. verum esse illud:

*Est modus in rebus, sunt certi denique fines,*

*Quos ult. a citraque nequit consistere rectum,*

Huius enim sanctissimae legis probe memor, non humilia solum vitabis, sed ob eandem etiam tibi ipsi dices intra praecordia:

*Intempestiuos igitur compeste tumores. Oud.  
Trist.*

## §. 220.

*Decipimur specie recti pars maxima.*

*Professus grandia turgēt.*

*Serpit humi tutus nimium timidusque procellae.* Hor.

*Rectius cursum teneas nec altum*

*Semper urgendo, neque, dum procellas*

*Cautus horrescis, nimium premendo.*

*Littus iniquum.* §. 217.

**S**equeris enim tunc naturale cogitandi genus;

§. 104. quoniam

*profecto, hoc sic est, ut putō,*

*Omibus nobis ut res dant sese, ita magni atque humiles,* §. 195. *sumus.*

*Ter. Hec. III. 3.*

## §. 221.

Vicandum est itaque I. NVGIGERVVM (nugiendulum) COGITANDI GENVS de nugis vere talibus; §. 191. nugantium, i. e. aequales obiectis cogitationes informantium exhibentiumque. Quoniam enim hoc cogitandi genus vel absolute magnis minus est §. 178. recte, §. 177. PRIMVM BAΘΥΣ GENVS constituitur, §. 217.

*Nimirum sapere est abiectis utile nugis;*

*Et tempestivum pueris concedere ludum.*



Ex eiusmodi enim mustaceo laureolam non quaesiverit, nisi Plauti forsan aliquis *nugipolyloquides*.

## §. 222.

II. Genus cogitandi de nugis vere talibus §. 191. ac si essent aliquid, §. 177. 178. **PRIMUM TUMORIS GENVS**, §. 217. cuius species prima est, si malis auibis nugas loces in absolute magnis, licet tenuibus, §. 202. secunda, quoties easdem tentaueris mediocribus inferere, §. 208. maxima, si de iisdem veluti de grandibus ac sublimibus cogites, §. 203. Ridicule semper

*Maxima de nihilo nascitur historia.*

In primis tamen, quando

*Non de vi, neque caede, nec veneno,  
Sed lis est mihi de tribus capellis,  
Vicini queror has abesse furto,  
Hoc iudex sibi postulat probari,  
Tu Cannas Mithridaticumque bellum  
Et periuria Punici furoris  
Et Sullas, Mariosque, Muciosque,  
Magna voce sonas, manuque tota.  
Jam dic, Posthume, de tribus capellis.*

Mart. VI. 19.

## §. 223.

Ne tamen meras vetiti leges, prohibentesue

tesue scribere videamur, positivè suadetur materiis absolute saltem magnis aequale et proportionatum adhibere **COGITANDI GENVS**, quod absolute saltem, **SATIS MAGNUM**, et proposito conducens, apteque haerens ex veritate rei dicere liceat. §. 177, 217. Erit autem illud simul **GENVS COGITANDI SATIS DIGNVM**, saltem absolute, et negativè, §. 182, 185, 193. simulque magnitudini dignitatique relativæ suarum materialium satis adaequatum, §. 162.

## §. 224.

Hinc iam denuo dissuadetur **MINVS DIGNVM COGITANDI GENVS**, ob defectum improporcionatum objectis et materiis, vel absolute dignis, vel relativè talibus, in suo *Baſis* genere species semper eminentior turpitudine, §. 217, 182. In diuersis per hoc cogitandi genus speciebus nunc animadvertendum est in **VILE DE ABIECTIS COGITANDI GENVS** humillimis suis objectis §. 195. proportionatum et aequale, primi *Baſis* generis turpiorem speciem. §. 221. e. g. Hor. ep. 8. Serm. l. 8. Cat. 15, 16.

## §. 225.

Neque minus heic est reiicienda species, tumoris in primo genere quæ potest locum habere, si nugis verè talibus, immo abiectis et humillimis, sit tamen animus, nescio quid

quid, dignitatis, non eius absoluta tantum, sed et relatiuae, forsan et maiestatis nonnihil, si diis placet, affricandi, §. 222. e. g. si quis parasitus minuti alicuius Trimalcionis ligurierit ius, et reduce die, cuius nomen hic habet,

*Jam longum inualidi collum ceruicibus aequat  
Herculis Antaeum procul a tellure tenentis.*

## §. 226.

MORATVM COGITANDI GENVS LATIVS dicitur omne 7905 §. 193. strenue obseruans. Ita ad Horatii A. P. 319.

*Interdum speciosa locis, morataque recte  
Fabula, nullius veneris, sine pondere et arte  
Valdius oblectat populum meliusque moratur,  
Quam versus inopes rerum nugaeque canorae.*

iam Acron annotauit, *fabulam recte moratam* esse, in qua singularum personarum mores optime exprimuntur. Magna pars autem omnis 7985 in pulcre cogitandis demum propter verisimilitudinem, deinde persuasionem, vitam denique, poscitur, adeoque nunc nondum euolui potest per naturalem methodum scientiae, nec adeo nunc hoc significato moratum cogitandi genus licet exhaurire, vel, nisi per transfennam et quasi praecipiendo sequentia, postulare, §. 22.

## §. 227.

**MORATVM COGITANDI GENVS STRICTIVS**, dicitur aequalem dignis, vel absolute saltim, vel etiam comparatiue, materiis ac obiectis, semper ad aequabilem proportionate cogitandi rationem seruans, et inde fauentem de cogitantis moribus praesumptionem spectatori velut extorquens. Quintilianus Ciceronem in his se sequi professus *expositionem* poscens *moratam*: *sed in oratione*, addit, *morata debent esse omnia cum dignitate, quae poterunt*. III. 2. Et hoc iam est moratum illud cogitandi genus, quod non solum heic per antecedentia licet, sed etiam necesse est postulare, si quis ad vere pulcra cogitata velit adspirare. §. 182, 185.

## §. 228.

**GENVS COGITANDI BENE MORATVM STRICTIVS**, erit denuo vel **ABSOLVTE TALE**, vel etiam comparatiue et **RELATIVE**, §. 227, 185. vel negatiue tantum, vel etiam positiue, §. 193, 194. Nunc sufficiat argumentis, vel ex ipsa pulcritudinis forma, §. 183. desumptis dissuadere **GENVS COGITANDI MALE MORATVM STRICTIVS**, sed **ABSOLVTE**, vel impium, vel inhonestum, vel indecorum, etiamsi vilibus humillimisque forsan materiis turpiter electis proportionatum sit. §. 224.

*Si bene te noui, metues, liberrime Lolli,  
 Scurrantis speciem praebere professus amicum.  
 Vt matrona meretrici, dispar erit atque  
 Discolor, infido scurrae distabit amicus.*

Hor. I. ep. 18.

§. 229.

Hoc lubentius genus bene moratum in cogitando, quod strictius tale dixi, §. 227. sedulo distinxì a morato latius cogitandi genere, quo saepius obseruauì venusta ingenia per ipsum verisimilitudinis et morum felicius exprimendorum ardorem, i. e. dum aliquam partem de morato cogitandi genere sectantur, eo delabi, ut alteram perdant ex oculis, quam dignitas poscit, §. 227. absoluta, §. 228. vel ipsa a verisimilitudine suadens exceptionem non inelegantem, si vitari non possit vtriusque perfectionis collisio. §. 25. Hinc Iuuenalis obscenitas et multorum satyricorum aliorum licentiae.



SECTIO XVIII.

TENVE COGITANDI GENVS.

§. 230.

**I**nterest magnitudinis aestheticae, ut cogitationes exaequantur etiam relatiuae suorum

rum obiectorum S. XVII. magnitudini, §. 217. Hinc triplex nascitur cogitandi genus, cum duplici quodlibet sua *παραβασει*; quod in oratione tantum deprehendentes olim vel triplicem eius characterem, vel ideam, vel formam, vel etiam figuram omnino dixerunt.

*Triplex dicendi genus est, sublime, modestum,  
Et tenui filo. Auf.*

### §. 231.

I. TENVE COGITANDI GENVS (subtile, attenuatum, deductum, gracile, atticum, *ἰσχυρὸν*) est tenuibus, §. 202. materiis ita proportionatum, §. 230. ut et absolutae dignitatis satis tenax, §. 223. et strictius, etiam relative, moratum, §. 228. simpliciter honesto viuendi generi non modo non contrarietur, §. 213. sed eius etiam moribus ex §. 211. 212. diiudicatis probe consentiat, §. 214. Huic iam dudum, Terentii tempore, *vetus poeta*, sed censor vitio creatus, obiecit, ut vitium:

*Tenui esse oratione et scriptura leui,  
Quia nusquam insanum scripsit adolescentu-  
lum*

*Ceruam videre fugere et sectari canes,  
Et eam plorare, orare, ut subueniat sibi.*

### §. 232.

## §. 232.

Cum hoc cogitandi genere laudabili, sed æsthetico tamen, multi, Cicerone duce, confundunt, de rebus grauissimis philosophice, quantumque fieri potest, scientifice disquirendi genus, quoniam in hoc conueniunt, ut utrisque desit ille splendor, qui solet ambire grauiora phaenomena, vere bona, §. 211. et determinatissima quæuis grandia, quæ tantum non singularia, §. 212. e.g. *de diis immortalibus, de pietate, de concordia, de amicitia, de communi ciuium, de hominum, de gentium iure, de æquitate, de temperantia, de magnitudine, de omni virtutum genere sit cogitandum.* Philosophis ego, ut de his rebus omnibus, in angulis, consumendi otii causa, differant, quum concessero: illud tamen oratori tribuam et dabo, ut, de quibus illi tenui quodam et exiguo sermone (logico, §. 122. qua potiozem suam partem ad æsthetices regulas non exigendo, quas transcendit) disputant, hic cum omni grauitate et iucunditate explicet. (æsthetica) §. 124, 123. v. Cic. de Or. I. 56, 57. de Fin. III. 40. Or. 46.

## §. 233.

Tenue cogitandi genus suos iterum gradus admittit, §. 231, quorum primum et infimum GENVS COGITANDI TENVICVLVM dixeris, §. 207. Exemplum esto gram-

*matia, partes alienas non occupans. Nam tenuis (vel maxime) a fonte, quando*

*pueris olim dant crustula blandi*

*Doctores, elementa velint ut discere prima.*

*Hor.*

*assuntis poetarum historiarumque viribus, plena iam satis alveo fluit, Quint. II, 1. neque tamen in omni disciplinarum ambitu surgit ultra tenuitatem, §. 202. Ad superiores tenuitatis gradus referamus orationem Ciceronis pro Caecina, quando eam ipse refert ad subtile cogitandi genus, temperato grauique contradistinctum,*

#### §. 234.

Si suum argumentum et materiem feliciter exprimat, tenue cogitandi genus, non inepte de eo dixeris:

*In tenui labor, at tenuis non gloria. Virg. cf. Prop. III. 1.*

*Habet enim certos sui studiosos, qui non tam habitus corporis opimos, quam gracilitates confitentur, quos, valetudo modo bona sit, tenuitas ipsa delectat, - - Habet suos laudatores, qui hae ipsa subtilitate admodum gaudeant. Cic. de cl. Or. 64. Neque sine naso sunt hi laudatores, §. 230, 202,*

*neque semper arcum*

*Tendit Apollo.*

#### §. 235.



## §. 235.

Neque generatim de triplici cogitationum charactere, quem nunc informamus, praeconcipienda est opinio, ac si per longiorem etiam meditationem aestheticam vnus ex his character in omnibus pulcre cogitandis ac singulis debeat aequabiliter transcurrere: neque de tenui cogitandi genere, §. 230. Opere in longo prout materiae necessario inaequales aliququaliter coniunguntur, ita habet illud et suam materiis proportionatam et apte haerentem cogitationum nunc *αφεσις* et remissionem, nunc *επαρσις* et eleuationem, manente totius denominatione ab illo character, qui regnat et potior est. §. 217.

## §. 236.

In eadem oratione Cicero de Inu. II. §1. iubet *aliquas argumentationes tenuius, acutius et subtilius tractare, aliquos autem locos, e. g. facti atrocitatem augentes, et negantem malorum misereri oportere, ab accusatore, qui ostendat aduersariorum calumniam cum indignatione, quique misericordiam captet cum conuestione, a defensore, tractari vult grauius, ornatiùs, et cum verbis, tum etiam sententiis excellentibus. Quis nescit foccum comoediae tenue, cothurnum tragoediae sublime cogitandi genus postulare?*

*Interdum tamen et vocem comoedia tollit,  
 Iratusque Chremes tumido delitigat ore,  
 Et tragicus plerumque dolet sermone pedestri  
 Telephus aut Peleus, quum pauper et exsul  
 vterque*

*Proiicit ampullas et sesquipedalia verba,  
 Si curat cor spectantis tetigisse querela. Hor,*

## §. 237.

Tenue cogitandi genus iam Ciceronem subtile vocare vidimus, §. 233. et Quintilianus VIII. 3. expresse *subtiliter et magnifice* dicere ponit opposita. Quanquam id fiat ex alia significatione subtilium, quam qualem exhibet M. §. 576. tamen similitudo vocabulorum nonnihil forte contulit ad rerum etiam et acutiorum philosophi distinctionum, cum tenuibus et minime graui cogitandi ratione confusionem. §. 232. Non aspernatur tenue cogitandi genus omnem ornatum, sectatur potius non raro facetias et iocos, §. 202, sed simpliciter honestos, §. 231. Hic character, si quis alius, ipsam fert ludicram cogitandi rationem, qua, inter alia, μικρα μεγαλως efferas ironice. Ita videtur Horatius in illos ludere, qui primariam ψυξης virtutem longas et magnas et sonoras voces quaerunt, quando Serm. I. 2. statim ab initio:

*Ambubaiarum collegia, pharmacopolae,*

Ohe!

Ohe! quam *sesquipedalia verba!* Sed perge, videbis simplicem tenuitatem.

§. 238.

Neque tamen in tenui cogitandi genere *subtile palatum* rerum gnari iudicis *acutissimum* aliquid *subtilissimumque* quaesiverit, partim quia tenuibus materiis, §. 231. summam acuminis perspicaciaeque vim impendere parum abesset ab inani argutatione, M. §. 576. partim *ista, quum veritas ipsa limatur in disputatione, subtilitas*, vel prorsus non est horiontis aesthetici §. 121. vel saltim moribus simpliciter honestis tantum et aesthetice conceptis non satis eleganter congrueret, §. 231, 228. In tenui simplici viendi ratione moris non est *subtiliter magis, quam dilucide, dicere*. §. 213. Hoc significatu cogitationum *elegans subtilitas*, ne *copiose* quidem cogitandi rationi repugnans in temperatis potius, et ipsis arduis cogitationum characteribus quaerenda est, §. 230.

§. 239.

Attenuatum cogitandi genus forsan ex Ciceronis locis, ubi de tali dicendi genere loquitur, posset probari esse vnum ex mediis characteribus sublati et amplis cogitandi rationibus opponendum, si multus esse vellem in eruendis romanis cogitationum denominationibus. §. 231. Quando Horatius:

I 5

*Rectius*

*Rectius Iliacum carmen deducis in actus, e. c.*  
videtur iam innuere epopoeian ipsis tra-  
goediis ita grandiore esse, vt res ex illa in  
hanc transumptae videantur attenuari. Hinc  
deductum simpliciter cogitandi genus utique  
depressum ad tenuitatem vsque denotare vi-  
detur. Quale bucolicorum plerumque.

*Quum canerem reges et praelia, Cynthia*  
*aurem*

*Vellit et admonuit: Pastorem Tityre, pingues*  
*Pascere oportet oues, deductum dicere car-*  
*men, §. 155.*

*Agrestem tenui meditabor arundine musam.*  
*Virg.*

*Te nostrae, Vare, myricae, §. 180.*

*Te nemus omne canet. Virg. ecl. VI. 3.*

Quando autem Horatius, *suamet vineta cae-*  
*dens, poetas, inquit:*

*Nos lamentari non apparere labores,*

*Nostros, et tenui deducta poemata filo.*

*ep. II. 1. 225,*

sine dubio voluit *εἰρων* intelligi ex §. 179.

§. 240.

Non Virgilius solum est

*quondam gracili modulatus auena,*

Aen. I. 1. sed in orationibus etiam ad Atti-  
cum

cum cogitandi genus referebatur gracilitas quaedam et subtilitas, §. 237, 238. quam propriam illis graecis, §. 56, ferebant imitari non posse romanos, §. 187. Hos ita solatur Quintilianus, XII. 10: *Non possumus esse tam graciles? simus fortiores. M. §. 515. Subtilitate vincimur? valeamus pondere. M. §. 166.* Recte simul monet, sinistre *his demum*, qui *tenui venula per calculos fluunt, Atticum saporem tribui, quia similis Lyfiacae gracilitati credi non possit Pericles (atticus), quem fulminibus et caelesti fragori comparent comici, dum illi conuiciuntur.* Idem gracilitatem alio in loco *fabellis Aesopi* adscribit, quae *fabulis nutricularum proxime succedant.* Ob quas tamen, optimi ingeniorum aestimatores,

*Aesopo ingentem statuam posuere Attici,  
Seruumque collocarunt aeterna in basi, §. 234.  
Patere honoris scirent ut cuncti viam,  
Nec generi tribui, sed virtuti gloriam.*

Phaedr. II. 9.

### §. 241.

Epistolas et dialogos generatim ad hoc cogitandi genus male vocant. §. 231. Esto: Cicero videbatur *plebeio sermone agere cum Papirio Paeto in epistolis.* Perge legere, et videbis hic plebeium ex notione strictiori plebis romanae, non vero ex ea, qua nos vile et abiectum ita dicimus aliquando, intel-  
ligen.

ligendum esse. Sed etiamsi pro *tenui* positum esset, an valet consequentia: Si Cicero ad Paetum tenui sermone usus est: in nullis epistolis ultra tenuitatem est eleuanda cogitatio? Esto: *epistolas quotidianis verbis texere solemus*. Fam. IX. 21. An ideo nec licet quidem res, nisi quotidianas, litteris inferre? §. 96, 114. docebunt, quid subsit errori veritatis.

## §. 242.

Virtutes in tenui dicendi genere numerant, 1) vel proprietatem, vel puritatem, 2) perspicuitatem, 3) probabilitatem, 4) euidētiā aliqui. Alii has omnes omnium pulcre cogitandi characterum communes esse dotes recte dicunt, §. 22. Proprietatem si ex mente priorum per absentiam troporum, et puritatem per absentiam ornatus concipiamus, haec inuoluet illam pulcritudo. Pari ratione perspicuitatem et probabilitatem, s. verisimilitudinem inuoluet euidētia, M. §. 531. Restarent itaque defectus ornatus et euidētia. Sed prior nec est virtus, nec est in omni cogitandi genere, quod tenue tamen est. §. 247. Posterior vbique requiritur ex duplici titulo. §. 22. Quid ergo restat huic characteri proprium? Vtrumque non solum, modo recte intelligatur, sed et plura. cf. Cic. Or. 76-90.

## §. 243.

## §. 243.

I. Puritas a sordibus, quae tenue cogitandi genus deprimerent infra magnitudinem et dignitatem aestheticam absolutam, §. 202. coniuncta cum cautione sollicita omnis illius ornatus, qui cogitationes de tenuibus vel ultra terminos magnitudinis naturalis in sua materia, vel ultra limites dignitatis obiectis aptae, morumque simpliciter honestorum eleuaret, §. 231. II. Euidencia, quantam et ex parte verisimilitudinis, et ex parte perspicuitatis, et ex parte persuasionis, §. 22. exspectare possis assequendam ab omnibus simpliciter honesto viuendi generi deditis, §. 213. ab omnibus, inquam, in quibus indoli tali proportionalem ingenii culturam supponere licet. §. 45.

## §. 244.

Promiseram plures tenui cogitationum generi proprias virtutes, §. 242. Vnam nunc adducere liceat exempli gratia. III. Rotunda ea breuitas, §. 166. quam ab homine simpliciter honesto, ingenii proportionate culti, §. 243. possis aequus exspectare. §. 231. nisi praestandam, non difficulter tamen capiendam et sobrio iudicio laudandam, si praestetur ab alio. Quantum haec differant, et interim tamen inter se conueniant, videamus in duplici Romae descriptione:

1) *Tr-*

I. *Urbem, quam dicunt Romam, Meliboe,*  
*putavi*

*Stultus ego huic nostrae similem, quo saepe*  
*solemus*

*Pastores ouium teneros depellere foetus. e. c.*  
*Virg. ecl. I.*

Hanc tenuiculam, §. 233. expectarem a quouis simpliciter honesto, qui metro latino nosset uti, quod non pertinet ad res. §. 18.

II. *Hoc, quodcunque vides, hospes, qua maxima*  
*Roma est,*

*Ante phrygem Aeneam collis et herba fuit.*  
*e. c. Prop. III. 1-35.*

Hanc in tenuibus maiorem, honesto tamen cuius probe capiendam et ex ipsius simplici viuendi ratione minore in honestis eam tamen non inconsiderate probandam esse reor.

### §. 245.

A tenui cogitandi genere probe distinguantur, I. genus cogitandi de rebus, tenuibus quidem, absolute tamen magnis, §. 202. ita easdem deprimens, ut contra suam naturam in meras nugas et naenias transformentur. §. 191. SECVNDVM BAΘOTĒ GENVS, §. 217. et primum cogitandi genus NVGATORVM IN RE SERIA de rebus maioribus proportionatas tantum nugis cogitationes fontium. cf. §. 221.

### §. 246.



## §. 246.

Non sum nescius characteri tenui solere, velut vnicum vitium opponi siccum et exile, aridum et exsangue, ieiunum atque friuolum cogitandi genus. Sed 1) habet et speciem tumoris sibi oppositam 2) siccitas nonnunquam non solum in seuerioribus etiam intellectus et rationis, purioris etiam, meditationibus a censoribus vitio creatis male reprehenditur, qui logicum et aestheticum cogitandi genus nesciunt distinguere, sed in ipsis etiam aestheticis a iudice competente laudatur. Non prouocabo ad illam Plauti, quae *suum virum fuit rata siccum, frugi, continentem, amantem uxoris maxime*. Cicero, quando cauendam oratori presso, §. 239. *inopiam et ieiunitatem* §. 120, 128. ait, quomodo id fieri debeat, expositurus in exemplo Cottae, de hoc: *Nihil erat, inquit, in eius oratione, nisi sincerum, nihil, nisi siccum, atque sanum*, et pergit laudare. de. cl. or. 202. Sane hic siccum non vituperatur.

## §. 247.

Quintilianus omnino videtur siccum inter laudes virilis dignitatis ponere, quando II. 4. optime suadet, vt *tenera adhuc aetas plura S. VIII. audeat, et inueniat, et inuentis gaudeat, sint licet illa non satis sicca interim ac seuera. Facile remedium esse vbertatis (nimiae),*

miæ), *sterilia nullo modo vinci*. Macrobius eloquentiam Maronis laudat, nunc *siccā*, nunc *floridā*. Quando autem Gellius, XIII. i. se *siccā et incompōsita* §. 113. et propemodum *vnā orationē* dicit attingere, quæ Favōrinus non sine copia et venustate, latius, amoenius, splendidius et profluentius exsequutus sit: vel hinc patet *siccū*, si vitio vertatur, latitudini potius et copiae, S. VIII. opponendam esse *παραβασιν*, quā magnitudini aestheticae, S. XV. vel absolutae, vel relatiuae alicui. Verum saepius inueniemus et gnauos horum criticos extensionem pulcrā et intensiōem cogitationum venustam confudisse. §. 187.

## §. 248.

Erit itaque *SICCVM COGITANDI GENVS* potius comparatiue breue, vel laude dignum, §. 246. S. XIII. vbi parsimonia iusserit aesthetica, §. 164, 246. vel vituperio, si praestitisset latitudo quaedam aesthetica, §. 116, 247. Ex hac definitione intelligo Ciceronem de opt. gen. or. 12: *Si intelligentiam ponunt in audiendi fastidio*. §. 242, 243. neque eos quicquā excelsū magnificūque delectat: dicant se subtile quiddam §. 237. 238. et politum velle, graue ornatūque contemnere. Id vero definant dicere, qui subtiliter dicant, eos solos Attice dicere, §. 240. id est, quasi sicce et integre. Et ample, et ornatē, et copiose, cum eadem integritate, Atticorum est.

## §. 249.

## §. 249.

3) Exile sicco videtur esse paene totaliter synonymon, §. 246-248. si Plinium sequamur, cuius temporibus forsan theoria, theoriam dico, non praxin, altius euecta fuit æsthetica, ac ipso Ciceronis tempore. Hic enim V. ep. 17. quando: *Apte, inquit, et varie nunc attollebatur, nunc residebat, excelsa depressis, exilia plenis, seueris iucunda mutabat, omnia ingenio pari.* e. c. quis non videt, eum a) exilia etiam hic laudare velle, b) ea tamen non excelsis, sed plenis (relative i. e. latis et diffusis) contra distingui, c) excelsis potius expresse depressa contradistingui, et *τῷ* attolli residere. Neque dissentire videatur Cicero, quando *copiam exilem ueritatis* opponit.

## §. 250.

Tunc etiam Cicero, quando in notatum §. 246. incidit errorem, exilis et sicci probat congruentiam, §. 249. dum de Or. II. 159. Stoicus, §. 122. ait, *multa reperit, quae negat ullo modo posse dissolui*, §. 121. et genus sermonis (primo et ipsius meditationis) *affert*, non liquidum, non fusum, ac profluens, sed *exile, aridum, concisum ac minutum* §. 121. quod si quis (intellectus et rationis purioris patronus) probabit, ita probabit, ut oratori tamen aptum non esse fateatur. Haec enim nostra oratio (æsthetica) multitudinis est auribus accommodanda,

*danda, ad oblectandos animos, ad impellendos, ad ea probanda, quae non aurificis statera, sed quadam popukari tratina examinantur.*

## §. 251.

Nunquam concesserim, omnia esse *spino-fa et exilia*, §. 249. quae sunt *longe a nostris sensibus abhorrentia*, §. 250. utinam tamen in philosophorum cogitandi genere, quod distinctius et solidius esse debet, ac aethetica, non tam facile esset, ad hunc usque diem, exempla reperire, quibus hanc enormem confusionem tegere, vel etiam defendere possis, ac Ciceroni fuit exemplo, quod profert de Or. I. 83. Interim non excusatur Cicero; aut, si mauis, Crassus apud Ciceronem, qui *ieiune et exiliter* asserit quosdam de iisdem rebus, de quibus Democritus et Plato e. c. bene, disputauisse, uti Chrysippum, quem acutissime ferant, neque ub eam rem philosophiae non satisfecisse, de Or. I. I. 50. Pergit enim: Quid ergo interest? aut qui discernes eorum, quos nominaui (Democriti et Platonis e. c.) ubertatem in dicendo et copiam ab eorum (Chrysippi e. c.) exilitate, qui hac dicendi varietate et elegantia non utuntur? Unum erit, profecto, quod ii, qui bene dicunt, afferunt proprium, compositam orationem, et ornatam, et artificio quodam et expolitione distinctam.

## §. 252.

Nam aut Chrysippus de iisdem rebus, de quibus

quibus Democritus et Plato e. c. nudam veritatem exposuerunt non nihil inuolutam aesthetices peplo, adeo misere philosophatus est, ac Mnesarchus, de quo l. c. 83. et multo minus philosophiae satisfecit, ac aesthetices regulis; aut complete, grauiter, exacte, distincte, scientifice et, vt ita dicam, cogendo rationi intellectuique proposuit in naturali breuitate ac simplici cultu, quae illi, Democritus, Plato e. c. per compositam orationem, ornatum artificium, et expolitionem (aestheticas), analogo rationis propinarunt, et minus sane maturo iudicio ipsi obiicitur ieiunum et exile cogitandi genus, ac apte connexis osteologi sceletis, abdomen illis deesse. Verum quocunque se haec modo habeant, id tamen vel ex hoc Ciceronis loco colligas, exilitatem potius vbertatis defectum et ieiunitatem aliquam, §. 120. 128. significare, quam magnitudinis dignitatisque maculam. §. 249.

## §. 253.

Rem conficiet, arbitror, iudicium Ciceronis de Rutilio, de cl. Or. 114: *Sunt eius orationes ieiunae, multa praeclara de iure, (res non tenues, nisi fallor). Doctus vir et graecis litteris eruditus, Panaetii auditor, prope perfectus in stoicis, (nec haec ad viuendi genus simpliciter honestum ex aestheticorum formula.) quorum peracutum et artis plenum orationis*

*tionis genus* (nec haec tenuitatem sapiunt et illi similia, §. 237, 238. et stoicis tumor potius, quam nimia depressio conuenit), *sed tamen exile, nec satis populari assensionis accommodatum* (quia contra praecepta Zenonis non semper distinguebant praetice satis, quae compressas in pugnum manus, quaeque desiderarent, explicitas, §. 122.) Neque quicquam contra hanc Ciceronis decisionem moueo, nisi forsan contra vniuersalitatem, qua stoicis generatim exilitatem exprobrat. Si quis ex accuratiorum philosophorum atroamasi, quibus interfuit assiduus, eorum meditationem logicam et intellectualem strenue sequutus, descendit ad praxin et vsum aesthetice cogitandorum, ipsiusque cogitandi rationi non nihil adhuc adhaeret illius distinctae accurationis, logicaeque praecisionis, cui adsuevit, nunc nimium, et praesens in tempus omittendum, excusandus ipse forsan est aequis iudicibus, neque tamen eius cogitandi ratio, qua dialectica sapit, est defendenda, quasi pulcra et ipsa elegansque dici mereatur. §. 121, 124.

#### §. 254.

4) Aridum cogitandi genus ad vitium in tenui cogitandi ratione defectu peccans, §. 245. praesertim qua dignitate sufficienti destituitur, exprimendum paene dixerim aptiorem denominationem, ex hoc Ouidii loco:

*Tu*

*Tu leuior §. 189. foliis tum, quum sine pondere, §. 177. succi*

*Mobilibus ventis arida facta volant.*

Si quis tamen eandem vitiosam breuitatem, de qua §. 247-253. eodem notari putauerit, habebit rationes non contemnendas e. g. Quando Quintilianus II. 4. historicam narrationem esse vult, *neque aridam prorsus, neque ieiunam, neque rursus sinuosam et accersitis descriptionibus, in quas plerique imitatione poeticae licentiae ducuntur, lasciuientem.* §. 165. et addit: *Vitium utrumque, peius tamen illud, quod ex inopia, quam quod ex copia venit.* (scilicet in pueris, §. 247, 248.) Quis hic non videt aridum esse vitium in defectu, quod luxurianti cogitandi generi, vicio in excessu peccanti, opponitur, vt eamus per medium inopiae perficique apparatus?

### §. 255.

Dicam tamen apertius meam sententiam, qua ARIDVM COGITANDI GENVS latius omne illud esse iudico, quod obseruari potest minus virium ac roboris habere, M. §. 515. ac mascula pulcritudo requireret, cuius languidum cogitandi genus est quaedam modificatio. §. 111. Ex hac mente cogitationum ariditas erit *Φαινομενος* omnis defectus, vel vbertatis, vel dignitatis, vel verisimilitudinis, vel viuidentis, vel persuasionis, vel vitae,

vitae, quantas data pulcritudo requireret.  
§. 22.

## §. 256.

Ex hac notione videtur Quintilianus II. 4. tantopere protestari contra *magistrum aridum*, eum comparans *siccis ac sine humore ulla terris*, quae *tenoris* potissimum *plantis* euitandae sint. Si qui talem nanciscantur pueri, fieri eos *humiles statim*, et *velut terram spectantes*, qui *nihil supra quotidianum sermonem at tollere audeant*, (vel vbertate, vel dignitate, vel verisimilitudine e.c. §. 255.), *maciem illis pro sanitate, et iudicii loco infirmitatem esse, et dum satis student vitio carere, in id ipsum incidere vitium, quod virtutibus careant*. Ex eadem forte se dicit in institutionibus suis aliquid *nitoris et iucunditatis admiscuisse*, ne *ieiuna atque arida*, (quae saltim analogo rationis videretur eiusmodi) *praeceptorum traditio, animos auerteret, et aures, praesertim tam delicatas, raderet*. III. 1. cf. §. 122.

## §. 257.

Quando idem VIII. pr.: *Neque Afiani, inquit, aut quocumque alio genere corrupti res non viderunt, aut eas non collocauerunt: neque quos aridos vocamus, stulti aut in caussis cacci fuerunt, sed his in eloquendo iudicium et modus, illis vires defuerunt! hos Afianos, illos aridos interpretor ex l. XII. 10. vbi de aridis, exsuctis*



*exsuctis* (exsuccis) et *exsanguibus*: *Hi sunt, ait, qui suae imbecillitati sanitatis appellationem, quae est maxime contraria, obtendant, qui, quia clariorem vim, M. §. 15. eloquentiae, vetut solem, ferre non possunt, umbra magni nominis delitefcunt. de Asianis autem; illis iudicium maxime et modum deesse.*

## §. 258.

5) *Exsanguie cogitandi genus habeo in synonymis aridi, ex significato, §. 255 - 257. quemadmodum exsanguie generatim per enervatum explicat Cicero: Vt si gladium, iniquiens: puero paruo, aut si imbecillo seni aut debili dederis, ipse impetu suo nemini noceat. --- ita, quum hominibus enervatis ac exsanguibus, consulatus, tanquam gladius, esset datus, qui per se pun gere neminem unquam potuissent, e. c. Or. pro Sext. 24.*

## §. 259.

6) *Ieiunum cogitandi genus est synonymon ficci, quando hoc in vitiis legitur. §. 248, 128. Ita Quintilianus, §. 254. et quando docuit grammaticae, poetarum interpreti, musica, astronomia, philosophia, eloquentiaque non mediocri opus esse, hac, vt res illarum dicat proprie et copiose, pergit: Quo minus sunt ferendi, qui hanc artem, ut tenuem (quod sinistri quid significans cum exili, sicco, subtili-*  
K 4
que,

que, quando culpatur, coincidit) *ac ieiunam cauillantur*. l. 4. Pari ratione Cicero reprehendit opinionem vulgi, qua *Antonius ieiunior, Crassus habebatur plenior*, et Quintilianus obtreclatorum *Ciceronis* exponit malevolentiam, quum a quibusdam eum dictum refert *ieiunum ac aridum*, ab alijs *Asianum et redundantem et in repetitionibus nimium*. Vituperari per inuidiam ob contraria

Aureae laus est mediocritatis.

Interim iure quodam talionis, conniuncte veluti quadam Nemeli, priorem accusationem Ciceroni intentatam esse docebit §. 251, 252.

#### §. 260.

De posteriori accusatione ipse ita loquitur, vt denuo ieiunitatis notionem aestheticam satis figere videatur, quando Quæst. Tusc. II. 3. de suis orationibus: *Nonnulli, inquit, quum obruerentur copia sententiarum atque verborum, ieiunitatem et famem se malle dicebant, quam ubertatem et copiam. Vnde erat exortum genus Atticorum*, §. 240. iis ipsis, qui id sequi se profitebantur, ignotum, qui iam conticuere, paene ab ipso foro irrisi.

#### §. 261.

7) Friuolum cogitandi genus habeo in synonymis nugatorii, §. 221, 245. vt concedam

dam quidem secundum *Βαδης* genus esse friuolum, non autem omnia friuole cogitata posse huc trahi, quando defectum magnitudinis absolutae in iis, quae tenue cogitandi genus poscunt, consideramus. §. 246. Haesi non nihil in diducendis notionibus vocabulorum, quibus per varias linguas aequipollentibus plebs criticorum vitur, conuiciorum instar, quae centesima non intelligit iis vtentium muliercula: vt, si quando fuerint sanis adhibenda criticis, aesthetici secum ante possint reputare, quid sibi probandum, et an id aperte satis exponere possint, in diiudicato locum habere, quod vocibus eiusmodi significatur.

## §. 262.

In secundo *Βαδης* genere §. 245. turpior erit species materiam tenuem quidem, at satis tamen et magnam et dignam describi simpliciter honestis moribus conuenienter, deprimens in indignum, vel simpliciter honestis moribus, §. 224. VILE DE TENVEVS COGITANDI GENVS. In hanc deformitatem Plautus saepius incidit, et vergit eo Virgilii Menalcas, qui, inter alia, durius exprobrata:

*Quid domini facient, audent quum talia fures?  
Nonne ego te vidi Damonis, pessime, caprum  
Excipere insidiis, multum latrante Lycisca?*

e. c. ecl. III.

K 5

Sed

Sed retrahitur apta Damoetae primum admonitione:

*Parcius ista viris tamen obitcienda memento,*  
e. c.

pergensque nihilominus, honesta inuitatione ad certamen musicum. Si admittamus eclogae sensum, quem ferunt, mysticum, Virgilio non imputabimus, si quid Menalcas primo crassius loqui videatur.

### §. 263.

Tenuē cogitandi genus vti omnes generatim, maculas, venustatem cogitationum deturpantes habet sibi oppositas, ita et §. 246-261. notatas, praesertim

*Si succus pecōri, si lac subducitur agnis.*

Nunc autem *παρεμβάσεων* ipsi propriarum curiosi tantum animaduertimus II. SECVNDVM TVMORIS GENVS de materiis tenuibus, aut tenuibus maiorum variis confectariisque maiores, vel vere, vel apparenter tales, concipiuntur cogitationes, ac earum et relatiua magnitudo et dignitas comparatiue minimae permittere videantur. Huius prima denuo species erit tenuia eo leuans, quo materias tantum mediocres adscendere phaenomenon sit, §. 208. secunda altius adhuc tollens §. 203. donec

*Sublimi feriant sidera vertice.*

### §. 264.

## §. 264.

Secundam tumoris, de quo §. 263. speciem Plautus exagitat exemplo *militis gloriosi*, qui *Pyrgopolinices* ita statim scenam aperit:

*Curate, ut splendor meo sit clipeo clarior,  
Quam solis radii esse olim, quum sudum est,  
solent, e. c.*

parato respondere Artotrogo salutante virum

*Fortem atque fortunatum, et forma regia,  
Tum bellatorem: Mars haud quisit dicere  
Neque aequiparare suas virtutes ad tuas,  
cf. Ter, Eun. IV. 6. v. 3 - 5.*

Ab eadem retrahit illud Quintiliani VI. 2: *In parvis (litibus) tragoedias mouere tale est, quale si personam Herculis et cothurnos aptare infantibus velis.*

## §. 265.

Eandem secundam speciem vt mire illustrat Petronii Trimalcio tunc etiam, quando non omnino nugas agere videtur, *caduceum tenens, Minerua ducente, ratiocinari discens, dispensator factus, et tandem in tribunal excelsum leuato mento a Mercurio raptus, cum suo lepore pinnis subornato, vt Pegasus videretur, e. c.* ita primam, §. 263. pingit in Trimalcionis *dispensatore aureos numerante, qui deprecantibus pro seruo ipsius: Non tam, respondet, iactura me mouet, quam negligentia nequissimi serui. Vestimenta accubitoria perdidit, quae*

*quae mihi natali meo donauerat cliens quidam, Tyria sine dubio, sed iam semel lota. Quicquid ergo est, dono vobis.*

\*\*\*\*\*

## SECTION XX.

### MEDIUM COGITANDI GENVS.

§. 266.

II. **M**EDIUM COGITANDI GENVS (aequabile, mediocre, interiectum, et temperatum,) est de materiis mediocribus §. 208. ita cogitans, vt non earum solum magnitudini naturali, sed et dignitati relatiuae morumque nobilitati non solum nihil repugnantis contineat, sed etiam apprime conueniat et proportionatum sit. An illud intermedium tenui sublimique, an inter tenue et sublime medium dici possit disputant ad Cic. Or. 21. §. 208. Vbi Cicero: *Vno tenore, ait, ut aiunt, in dicendo, (cogitando) fluit, nihil afferens, praeter facilitatem et aequabilitatem.* e. c.

§. 267.

Video Ciceronem non sua, sed aliorum ex definitione loqui. Quum autem idem orationum suorum forense cogitandi genus distinguat ab aequabili temperatoque cogitandi genere,

nere, quod in libris *de philosophia* sequitur, de Off. I. 3. augetur multis suspicio, ipsum de medio §. 266. cogitandi genere loqui voluisse, quando de philosophicis sermo est, quum tamen orationibus generatim *vim dicendi maiorem* tribuat. Ex eodem errore genus hoc cogitandi medium historiis adscribitur, §. 126. quasi proprium et vniuersale singulis. AEQVABILE potius COGITANDI GENVS LATIVS dicitur suis vbique materiis congruens, cum illis se deprimens, cum iisdem surgens, STRICTIVS et comparative eas materias et eo respectu pertractans, vt tanta non opus sit varietate cogitandi respectu magnitudinis dignitatisque relatiuae, quanta phaenomenon fieret, si vel aliae res, vel eadem, sed diuerso respectu, magisque vario, pulcre perpendendae essent.

## §. 268.

Habet character cogitationum medius certam semper aequabilitatem, dum neque tenuitatis limites descensu neque sublimitatis terminos transcendit adscensu §. 266. sed non omnis aequabilitas in cogitando medium simul characterem exprimit, est etiam tenui, est sua sublimibus aequabilitas, §. 267.

## §. 269.

Mediocre dixissem medium cogitandi genus, nisi duplex obstaret ambiguitas, 1) eorum,

rum, qui *mediocritatem illam* amant cum peripateticis, quae est inter nimium et parum quoque significatu omne laudabile mediocre est, 2) eorum qui non cum Horatio solum faciunt, quando edicit:

*mediocribus esse poetis*

*Non homines, non dii, non concessere columnae;*  
sed idem etiam ob similem rationem ad omnia venustius cogitanda trahunt, quae, quam primum a summa voluptate, vel paululum decedant,

*Ut gratas inter mensas symphonia discors,*

*Et crassum unguentum et Sardo cum melle  
papaver,*

*Offendant, poterat duci quia corna sine istis.*

Hoc significatu nullum laudabile mediocre est in aestheticis. Adeoque medium cogitandi genus illis non solum, his non bene, mediocre videretur. §. 266.

### §. 270.

Temperatum idem cur dicatur cogitandi genus, §. 267. iam vidimus, quum vere **TEMPERATVM COGITANDI GENVS**, vel *mediocritatem laudabilem* in omni cogitationum vi, §. 22. significet, §. 269. **LATIVS**, vel **STRICTIVS** idem adhibitum tali themati inter eiusmodi respectus, in quibus vehementiores animi contentiones esse pulcræ  
non



non possent. Primum est, quale expectes cogitandi genus.

*Aequam valentis rebus in arduis*

*Seruare mentem, non secus in bonis*

*Ab insolenti temperatam*

*Laetitia.*

Quando Cicero de Or. II. 212: *Non est, inquit, ulla temperatior oratio, quam illa, in qua asperitas contentionis oratoris ipsius humanitate conditur, remissio autem lenitatis, quadam gravitate et contentione firmatur*: sane, medii cogitandi generis, de quo nunc loquimur praecepta dare non voluit. Mihi hic videtur loqui de genere cogitandi, quod temperatum latius dixi.

### §. 271.

In Oratore autem 91-96. de nulla re certius loqui iudicetur Cicero prima fronte, quam de medio cogitandi genere, de quo nos etiam, §. 266. Interponit illud *humili et amplissimo, modicum et temperatum* appellans. Interim describit illud, *robustius quidem, ac humile, in quo tamen nervorum vel minimum, plenius humili, quam autem ornatum copiosumque, summissius, in quo loci communes sine contentione dicantur, quales (oratores) evadant fere e philosophorum scholis, quorum quisque per se probetur, nisi coram sit comparatus ille fortior, (de quo deinde, amplius copiosus, gravis.)* Jam hinc

hinc suspiceris temperatum cogitandi genus hic adhuc, ut medium vi ac robore, §. 270, generatim, et, ut ita dicam, in abstracto considerari, tunc demum laudem adepturum, vel vituperium, si viderimus, quibus applicetur materiis formisque cogitandi pulcre, quatenus inter se differunt, velut in concreto. Omnem dubitationem eximet ipse Cicero, tandem non temperatum dicendi genus in eloquentibus, sed eum demum *eloquentem* agnoscens, *qui humilia subtiliter*, S. XVIII. *magna grauitur, mediocria temperate potest dicere*. Neque adeo temperatum Ciceronis genus, sed temperatum mediocria, (media, arbuta) cogitandi genus illud est, quod medium in vere pulcris dici mereatur, §. 266. idemque strictius erit temperatum ex significato §. 270, 268.

### §. 272.

Medium cogitandi genus admittit iterum suos gradus, §. 266. prout vel a tenui, vel a sublimi propius abest. Quemadmodum tenuium in bucolicis Virgilii, §. 239. Scalliger imum cogitandi genus, §. 233. deprehendit in *Moeri*, medium in *Gallo*, sublime in *Sileno*: ita in medio cogitandi genere, georgicorum eiusdem, imum denuo collocat, in *aratione* et *satiatione*, medium in *fabula Aristaei*, sublime in *pestilentia*. Pari ratione mihi videtur medium in aestheticis cogitandi genus,

genus, et medium in orationibus, §. 271. probe differre, quanquam nec nego vel huius esse denuo gradus. Ad hoc referuntur orationes Ciceronis *pro lege Manilia*, *pro Marcello*, *pro Cornelio Balbo*, *post reditum ad Quirites*, et *in senatu*. In quibus interim aliquam magnitudinis differentiam lubenter concedo.

§. 273.

Opere in longo medium cogitandi genus non excludit quaedam sublimia, quaedam tenuia, §. 235. Haec non ex pede, ac modulo §. 272. tantum, sed etiam, quae, sola si essent, non sine tumore, vel in mediis haberentur materiis. e. g.

*Saepe exiguus mus,  
Sub terris posuitque domos, atque horrea fecit.* Georg. I. 181. Virg.

*Saepius et tectis penetralibus extulit oua  
Angustum formica terens iter.* Ib. 380.

Grandium mediis mistorum exemplum esto  
*Sol etiam extincto miseratus Caesare Romam,  
Quum caput obscura nitidum ferrugine texit,  
Impiaque aeternam timuerunt saecula noctem.*  
e. c.

nisi hic Virgilium Georg. I. 465-510. vere iusto nonnihil altius euectum velis concedere:

L

Vt

*Vt, quum carceribus sese effudere quadrigae,  
Addunt se in spatia, et frustra retinacula  
tendens,*

*Fertur equis auriga, nec audit currus habe-  
nas, V. 512.*

§. 274.

De aequabilitate medii cogitationum elegantium generis iam vidimus §. 268. Hinc in virtutibus ipsi propriis, ex relatione Ciceronis, §. 266. sola restaret facilitas. Sed quatenam haec sit virtus, et ita quidem concipienda, ut medio cogitandi generi sola sua maneat et propria? Non ago nunc Ciceronis interpretem. Indicabo potius, quam ipsa natura huius characteris facilitatem sibi peculiarem postulet, eam scilicet et tantam rotundae breuitatis mensuram, tantasque reliquarum venerum, §. 22. gratias nec minores, nec maiores, quantam quivis nobile viuendi genus assequutus et proportionalem illi culturam ingenii facile se vel ipsum praestare, vel saltem sine longiori opera pulcre intellegendum deprehensurumque possit confidere, §. 266. si denuo abstrahamus a difficultate eloquutionis, §. 244. quae huc non pertinet, §. 18. Hinc et tantopere laudata Ciceroni suauitas in temperato dicendi genere, huic medio cogitandi generi tribuitur respectu spectatoris, in quo nobile viuendi genus licet supponere, Cic. Or. 91. §. 271.

§. 275.

## §. 275.

Ob eandem facilitatem §. 274. restrictam iam vel medium cogitandi genus prudenter affectans, obiectum sibi personale, s. eos, quibus, quorumue in gratiam potissimum cogitet, non constituit, nisi quibus nobilem viuendi rationem eique proportionatam cognitionis venustatem liceat adscribere,

Non, quodcunque semel chartis illeuerit,  
omnes

Gestiet a furno redeuntes scire lacuque,  
Et pueros et anus,

Non laborat, ut se miretur turba, vel omni honestate destitutorum, vel intra horizon-tem morum simpliciter honestorum cognitio-nisque, quae solet horum comes esse, sub-sistentium,

Contentus paucis lectoribus.

Si plures nanciscatur, vti fit, sequentes ante-cedentium gregem, qua itur, et nunc simul, casu paene fortuito, qua eundum est, his etiam suavis et facilis est, quantum illud ci-tra *βαδός* fieri potest, interim tacitus cum Horatio sentiens:

*Satis est equitem mihi plaudere.*

Egregie vero falleremur, heic si vel solos, vel omnes, nobili loco natos animo concipere vellemus. §. 211 - 214.

## §. 276.

Ab hoc laudabili medias materias cogitandi genere, §. 266. peccando distat in defectu TERTIVM BAΘΟΥΣ GENVS easdem minoribus inferioribusque cogitandi rationibus explicans, quam quae mediae magnitudinis ac dignitatis obiecto conveniant. §. 217. Siue eius species prima subsistat intra eos tenuiter cogitandi limites, qui tenuibus non adeo inepte federent materiis, siue species eius secunda, secunda simul cogitandi ratio nugatorum in re seria, §. 245. deprimat omnino materiam suam mediocrem in sphaeram nugarum et ineptiarum, §. 191.

## §. 277.

Vtriusque speciei exempla denuo Plautus dabit, quando *res arcessit ex medio*, neque tamen non vel in humilem paene tenuitatem, vel omnino labitur in fales illiberales.

*Adspice, Plantus,*

*Quo pacto partes tutetur amantis ephebi,*

*Vt patris attenti, - - -*

*Quam non adstricto, §. 235, 236. percurrat  
pulpita focco!*

*Gessit enim nummum in loculos demittere, post  
hoc*

*Securus, cadat, an recto stet fabula talo.*

Hor. II. ep. 1. 170.

Dum

Dum posterioris praesertim criminis reos  
agit Catullus,

*Plenos ruris et inficetiarum*

*Annales Volusi*, 32. al. 36.

in idem, vel affine, vitium incidit, quod felicius vitauit c. 39. in materia satis simili, medium cogitandi genus pulcrius exprimens. Illud carmen volo, quod aliis 44:

*Q! funde noster, seu Sabine, seu Tiburs, e. c.*

§. 278.

Turpior vtriusque speciei gradus est, praesertim secundae §. 276. quando de mediis cum aliqua morum nobilitate, §. 213, 214. cogitandum est, cogitatur autem de iisdem pellucetibus vbique moribus vix simpliciter honestis, aut omnino dissolutis et il-liberalibus. Haec vltima erit ABIECTA DE MEDIIS COGITANDI RATIO. Tacedet exemplorum obscenorum, quo carmen Catulli 25. al. 29. et epithalamia sexcenta. Huc potius ad primam speciem illustrandam animus Menedemi in Ter. Heaut. Aët. I. sc. I. tota, cui Chremes: *Habes*

*Servos complures. Proinde quasi nemo fiet,*

*Ita tute attente illorum officia fungere:*

*Ipse de se a. V. sc. I:*

*In me quiduis harum rerum conuenit,*

*Quae sunt dicta in stultum: caudex, stipes,  
asinus, plumbeus.*

L 3

§. 279.

## §. 279.

A medio cogitandi genere, §. 266. in excessu recedit TERTIVM TVMORIS GENVS obiecta media tantis exornans cogitationibus, quantas sublimia sibi solis vindicare ius habent. Huc literatorum, qui se solos cum suis aliquid putant, parenthyrsi, quoties sua cogitant, doctores scholasticorum Seraphici et irrefragabiles, succedentes his dictatores perpetui, imperatores maximi, et magistri equitum reipublicae litterariae, qui nunquam, nisi cum Cicerone, loquuntur, nec in quenquam, nisi velut in Catilinam, qui oppidis, ubi scholas habent, forum, rostra, capitolium, capitolio patres conscriptos et consules, consulibus sellas curules fasces, secures, sibimet ipsis triumphos tribuunt atque decernunt ex animi sententia.

*Tunc Syri, Damae aut Dionysii filius, audes  
Deicere e saxo ciues, aut tradere Cadmo?*

Hor. l. Serm. 6.

## §. 280.

Ex his vitiis §. 276 - 279. inter se confusis nascitur demum FLUCTVANS ET INCERTVM COGITANDI GENVS, quatenus medio cogitationum. opponi characteri meretur, quando aliquis medium cogitandi genus meditando sectatus, dum non potest assequi, nunc tenuium, nunc sublimium obiectorum



Æorum in limites vagatur, vbi pedem figat,  
gradumque sistat, ignarus, Frustra natura ge-  
neris, quod elegit, eiusmodi ingenio sua-  
det, quod pater Phaetonti;

*Nec preme, nec summum molire per aethera  
currum:*

Phaëtonti tamen simile et

*Hoc modo summa petet, modo per decliua,  
viasque*

*Praecipites spatio terrae propiore feretur.*

Ou. Met. II. 205.



## SECTIONO XXI.

### SVBLIME COGITANDI GENVS.

§. 281.

III. SVBLIME COGITANDI GENVS,  
S(magnificum, magnum, altum, summum,  
plenum, cf. §. 158. graue, copiosum, cf. §. 116.  
ornatum, validum, μεγαλοπρεπες, αξιωμα,  
υψος, υψηλον.) est suis vere grandibus cogi-  
tandi materiis, §. 203-207. ita congruens,  
vt hisdem simul satis dignum §. 223. et opti-  
me moratum, §. 228. non modo non con-  
trarietur heroicae virtuti, rationique cogi-  
tandi, quam haec comitem, nisi ducem, ha-  
bere solet, sed et moribus singulari cum

L 4

maie-

maiestate coniunctis probe consentiat. §.  
213. 194.

## §. 282.

Non per iocum solum Terentius iubet  
*Dauum sublimem intro rapi, quadrupedem-  
que confringi*, sed et Horatius ridet.

Hunc, dum sublimis versus ructatur, et errat,  
Qui, veluti merulis intentus, decedit, auceps  
*In puteum, foueamue.*

Nobis heic serio, suoque loco locata subli-  
mitas exploranda est. e. g. *Non fortibus so-  
lum, sed etiam fulgentibus armis praeliatus in  
caussa est Cicero Cornelii, quum assequutus esset  
dicendo, ut populus romanus admirationem suam,  
non acclamatione tantum, sed etiam plausu, con-  
fiteretur. Sublimitas, profecto, et magnificen-  
tia, et nitor, et auctoritas expressit ipsum fra-  
gorem. Nec tam insolita laus esset prosequuta  
dicentem, si usitata et caeteris similis affuisset  
oratio.* Quint. VIII. 3. Huc comparatio Ele-  
giae et Tragoediae, Ou. Am. III. 1. vbi illa  
fatetur:

*Non ego contulerim sublimia carmina nostris,  
Obruit exiguas regia vestra fores.*

## §. 283.

Magnificum adhuc saepius adhaerente  
conceptu superflui et ostentationis, quasi le-  
uis notae macula quadam, adspergitur. Ita  
Cliti-

Clitipho apud Terentium, Heaut. I. 2. gratulatur Cliniae, qui

*Habet bene et pudice eductam, ignaram artis meretriciae.*

*Mea, addens, est potens, procax, magnifica, sumtuosa, nobilis.*

Pari ratione Tibullus: II. 6.

*Castra peto, valeatque Venus, valeantque puellae.*

*Et mihi sunt vires, et mihi facta tuba est.*

*Magna loquor. Sed magnifice mihi magna loquuta*

*Excutiunt clausae fortia verba fores.*

rediturus ad humilem suam querimoniam l. 5:

*Vre ferum et torque: libeat ne dicere quicquam*

*Magnificum posthac, horrida verba doma.*

Clarius Cornelius, a quo laudatur Atticus, elegans, non magnificus, splendidus, non sumtuosus, qui omni diligentia munditiam non affluentem, affectarit, supellex modica, non multa, ut in neutram partem conspici posset. Ipse Cicero, magnifici patronus contra Atticos vel quasi, §. 248. non abstinet ab hac vocis sequiori significatione. Pro Rosc. Com. 5. *Vsque eone te diligis, et magnifice circumspicis?* eum alloquitur, quem mox accusabit amentiae.

## §. 284.

Nobis autem hic magnificentia cogitatur,  
 §. 281. ex descriptione Ciceronis de Inu. II.  
 163. *rerum magnarum et excelsarum, cum ani-*  
*mi ampla quadam et splendida propositio-*  
*nem, agitatio atque administratio.* Secundum quam  
 magnificentiae publicae amantem dicit, inimicum  
 priuatae luxuriae, §. 281. 165. *populum Ro-*  
*manum, Or. pro Mur. ex qua rectissime, Off.*  
*l. 72: Capessentibus, inquit, rempublicam, ni-*  
*hilominus, quam philosophis, haud scio, an ma-*  
*gis etiam, et magnificentiā, et despicientia adhi-*  
*benda sit rerum humanarum, quam saepe dico,*  
*et tranquillitas animi, atque securitas, siquidem*  
*nec anxii futuri sunt, et cum grauitate constan-*  
*tiaque victuri.* Secundum eandem notionem  
 magnificentiae concedit eam et vitae priua-  
 tae cum simplicitate simul conuenire posse  
 §. 213. philosophus, l. c. 92. *Haec praescri-*  
*pta (vitae priuatae) seruantem licet magnifice,*  
*grauiter, animoseque viuere, atque etiam sim-*  
*pliciter, fideliter, atque vitae hominum amice.*  
 Ex eadem concipio verissimum Agamemno-  
 nis effatum apud Petronium, *sibi nihil esse*  
*magnificum, quod pueris placeret.*

## §. 285.

Hinc igitur colligamus, quam animo sibi  
 formauerit ideam de magnifico cogitandi ge-  
 nere orator, qui et ipse sciuit, et subinnuit  
 l. II.

l. II. de Or. 89. se eius quasi quoddam exemplar esse, dum narrat *Sulpicium*, qui loquentem et Crassum imitari promiserat, *omnino in illud genus Crassi magnificum natura ipsa ductum esse*, S. II. quae tamen addens, *non satis, proficere potuisset nisi eodem studio atque imitatione incidisset, atque ita dicere consueisset, ut tota mente Crassum atque omni animo intueretur.* Hinc eius primum praeceptum imitation. §. 56.

§. 286.

Nec caret ambiguitate sua *magni* denominatio, §. 291. Non huc traham magnum hominem aliquando pro stolido dictum videri, §. 179. Sane, in laudem non dici magnam linguam ab Horatio mythologia docet, vbi sic Apollinem alloquitur:

*Diue, quem proles Niobeae magnae.*

*Vindicem linguae, Tityosque raptor*

*Sensit.* IV. od. 6.

Nec *magnos* Iuuenalis *amicos*, nec *magnos* Horatii *pueros* sincere laudari hac appellatione puto. Interim bona fide magnum relative comparatiueque §. 178. cogitatum dicamus vere magnis apte congruens, §. 291. Ad huius penitiorum intellectionem notemus adhuc ad §. 203-207. de magnis materiis 1) *alia clariora esse, alia maiora.* Cui effato confirmando totam ep. XVI. l. III. destinauit  
Pli-

Plinius, illustrans huc facientibus exemplis.  
2) huc pertinentia magna vix verisimilia videri plurimis. Horatius cuidam

*noto sibi nomine tantum*

narrat apud Maecenatem sibi non opus esse submouere alios, vt in gratiam eius intimius penetret, nec officere,

*Ditior hic, aut est quia doctior. Est suus uni-*

*Cuique locus. Magnum narras, vix credibile.*  
Ille, nescio quis, regerit.

§. 287.

Altum cogitandi genus, §. 291. et nimis altum §. 217. 218. ne confundantur. Illud pingit Horatius, IV. od. 9.

*Iudex honestum praetulit utili, et*

*Reiecit alto dona nocentium*

*Vultu, et per obstantes cateruas*

*Explicuit sua victor arma.*

Et Cicero Tusc. quæst. II. II. Fortes non modo fortuna adiuuat, vt est in veteri prouerbio, sed multo magis ratio, quæ quibusdam quasi praeceptis confirmat vim fortitudinis. Te natura excelsum quendam videlicet, et altum, et humana despicientem genuit. Itaque facile in animo forti contra mortem habita oratio insedit. e. c.

§. 288.

§. 288.

Copiosum ac plenum cogitandi genus si quos pro sublimi habere videas, §. 281. memor, §. 247, 187. quid assertis insit veri diiudicaturus oculos mentis ante omnia figo in virtutis huic cogitandi generi propriae et peculiaris summam veluti formulam: Tantum rotundae breuitatis, tantum verisimilitudinis, e. c. §. 22. neque plus, neque minus, in grande tuum thema cogitando confer, quantum quemuis ad heroicam virtutem et huius comitem, cogitandi rationem, ingenique eleuationem euectum, vel ipsum thematibus eiusmodi adpersurum fuisse, vel saltem ab aliis allatum pulcre intellecturum esse possis confidere. §. 281.

§. 289.

Hinc sublime cogitandi genus multo adhuc minus, ac medium, §. 275. quemuis ex turba sibi spectatorem, obiectum personale, legit, et eum, cuius in gratiam potissimum cogitet. Minima nec ingenia, nec pectora, curans admodum, nec veritum oculos huiusmodi praestringere potius, quam reficere, duplex mortalium genus suum sibi templum quasi designat, in quo delectando grauiter laboret. 1) Summos homines non ingeniis solum superioribus excellentes, sed et indole praeclaros et maiestatem in moribus singularem consuetudine velut alteram quandam natu-

naturam, adeptos. His vbi cogitat de rebus grauissimis, in quibus illi tamen versari quotidie, quibus familiares esse, in quibus quasi habitare supponendi sunt. Eleganter et magnifice cogitat, et plene quidem atque perfecte, §. 158. tantum tamen abest, vt eximia quadam cum copia, meditationisque manifesta latitudine cum iisdem sua communicet, vt potius relatiuae etiam breuitatis, S. XIII. studiosum sit et Laconismi vere grandis.

## §. 290.

Iupiter ad Mercurium post breuem expositionem eorum, quae displiceant in Aenea, Virg. Aen. IV. 236:

*Nauiget. Haec summa est, hic nostri nuncius esto.*

Mercurius fidus parentis interpres ad Aenean, caetera quum exprobrando retulisset, hoc ne ipsum quidem adeo breue mandatum expresse addit, v. 275. quoniam pius Aeneas illud ex expositis potuit colligere:

*Ardet abire fuga, dulcesque relinquere terras  
Attonitus tanto monitu imperioque deorum.*

*Mnesthea Sergestumque vocat fortemque Clo-  
anthum*

*Classem aptent taciti, socios ad litora cogant,  
Arma parent, et, quae sit rebus causa nouandis*

*Diffimulent. v. 290.*

Satis-



Satisne breuiter magnus Aeneas ad primos  
fociorum de rebus magnis, quarum hi dudum  
periti erant?

§. 291.

2) Alterum hominum genus, quibus sub-  
lime cogitandi genus seruire potissimum et  
placere studeat, §. 289. illi sunt, qui vel ad  
supra descriptos, aesthetico saltim, referri  
posse videantur, excelsam tamen aliquam et  
insigniter sublimem rem adhuc ignorare, aut  
omnino per errorem vilipendere supponen-  
di sunt, vel igniculos quidem magni animi  
heroicaeque virtutis gerunt sub pectore, ha-  
bentes, quod ad sublimia quaeuis erigi pos-  
sit ac incitari, non tamen habent semper in  
promptu, quantum satis est maganimitatis  
praesentis ad grandia quaedam, sibi satis no-  
ua, vel breuissime sibi exposita, statim am-  
plectenda, quo merentur, impetu. §. 288.  
Vtrisque sublime cogitandi genus iam salua  
grauitate, non vbertim solum, sed etiam co-  
piosius, inauditam materiae suae magnitu-  
dinem, amplissimam dignitatem, incredibile  
pondus, et diuino quodam ardore dignissi-  
mam maiestatem, exquisitissimarum figurarum  
in ornatu pudico ac matronali, splendide de-  
clarabit. §. 116.

§. 292.

Iam fingamus nobis mente, vel Athenien-  
ses

ses, quibus Demosthenes, vel romanos, quibus Cicero suis in orationibus de sublimibus aliquando vere pulcre cogitare laborarunt. Vel substituamus etiam illis, ex nostra viuendi ratione, concionem de grauissimis sacrorum momentis habendam. Quam hic pauci cogitari possunt ad primum obiectorum personalium genus §. 289. pertinentes? Ex iis autem ipsis, quotquot sint, esse tamen quidam possunt, qui, caeteroquin optimi, rigidaeque virtutis seuerioris, aut boni publici strenui defensores, id interim, de quo nunc agitur, praesertim admodum determinatum, vel omnino singulare si sit et indiuiduum, nunc forsan ignorantes, nunc omnino contra illud praeoccupati, parum illi pretii existimationisque tribuerent, nisi meliora doceremur. §. 291.

## §. 293.

Reliqui omnes, quorum in commodum orator sublime cogitandi genus possit suum facere, erunt, in quibus generosiores utique latent instinctus, sunt, quae possint diuina luce collustrari sacrisque incitationibus inflammari, nunc autem bona pars minus attentata, alii satis remisso cum animo accedunt, vel ideo, quia sibi nota iam satis temere statuunt, quae sint audituri. His circumstantibus utique sublime cogitandi genus oratoris, cuius ad haec voces bene multae possunt audientem

dientem transuolare, quas lector iterata forte  
lectione maturius perpendisset, §. 170. mul-  
tum copiae, multum vbertatis et amplitudinis  
ad perfectam suam plenitudinem requireret, et  
latitudinem paene platoniam, §. 158, 116.

§. 294.

Tragoediae adhuc magis necessariam cum  
sublimitate sua copiam et vbertatem etiam  
comparatiuam fecit

*grata nouitate morandus,*

*Spectator, functusque sacris, et potus, et exlex,*  
§. 297-293. H. A. P.

*Quod numero plures, virtute et honore mi-  
nores,*

*Indocti, stolidique et depugnare parati,*

*Si discordet eques, media inter carmina  
poscunt,*

*Aut vrsam, aut pugiles. His nam plebecula  
gaudet.*

*Verum equiti quoque iam migravit ab aure  
voluptas*

*Omnis ad ingratos oculos et gaudia vana.*

Hor. II. ep. I. §. 275.

§. 295.

Quae quum ita se habeant, contrahamus  
in neruum controuersiam. §. 288. 1) Est  
quoddam sublime genus cogitandi, quod si-  
mul,

M

mul, non plenum solum, sed et copiosum est, illudque si semel relatiuae breuitatis fines transgressum est, gnauius oportet esse locuples; apparatusque vere regios et magnificentiam publicam testatos exponere, §. 289-294. 2) non omne sublime cogitandi genus simul copiosum est, §. 289. in relatiue magnis potius maxima relatiue etiam breuia, §. 207. 209. 3) non omne copiosum dicendi genus sublime est. S. VIII. §. 281. Adeoque copiosum et sublime delinant in synonymis habere, qui nolunt Asiānorum titulis condecorari. *υψος αποτομον* in Demosthene, *εν χυσει* Ciceroni plerumque tribuit Longinus. S. XII.

## §. 296.

Sublime cogitandi genus *grauē* (*δεινον*) si dicitur, §. 281. de relatiua quadam et comparatiua grauitate, graduque eius maximo denominationem accepit, quoniam omnis magnitudo aesthetica postulat etiam aliquam, absolutam certe, grauitatem, §. 189. Si dicitur ornatum, §. 281. ambiguitas tolli potest ad imitationem §. 295. et emendatur plerumque per adiectum, quasi synonymon, aliud vocabulum. e. g. *ornatum* et *grauē*. *Ornatos in dicendo grauesque viros* Scaeuolae apud Ciceronem de Or. I. 42. si interpretemur, sublimitatem attingere qui cogitando dicendoque possint, videbimus eos recte mediis interpositos philosophis refutare *Crassum*.

*sum, qui oratorem in omnis sermonis disputatione copiosissime posse versari, quasi suo iure sumserat.* §. 125. Augeretur inconcinnitas a Crasso asserti, si copiosissimum et sublime confunderemus, §. 295. et ornatum, l. c. §. 257.

§. 297.

Sublime cogitandi genus qui tandem *validum* dicunt, §. 281. denuo videntur de relatio quodam et comparatio robore loqui velle, quod huic utique cogitandi generi summum genericè debet adscribi, §. 288. Iam tenue poscit aliquid neruorum ac sanguinis, §. 242-244. plus medium, §. 274. sublime plurimum. M. §. 515. Videamus insignem eius vim et efficaciam paullo distinctius, ut eandem a spurii sublimis larua sit hoc facilius distinguere.

§. 298.

1) Habet sublime cogitandi genus summas genericè diuitias, §. 158, 288. quas nonnunquam paene omnes relinquit, §. 160. unico veluti, sed pretiosissimo, tantum adamante fulgens, §. 289. unde tacitus tecum concludas ad opes reliquas, §. 177, 148. nonnunquam magnificentius exponit, §. 293. Unde tunc περιαγωγαί και περιβολαί, circumducta quaedam et accumulata meditandi ratio, non sine synathroismis, §. 148. Neque tamen omnis sublimis, nec in sublimibus

bus summa, meditatio circumducta est et accumulata, multo minus omnis circumducta meditandi ratio, et adhuc minus longitudo quaedam et diffusio distorsionis signorum tantum e. g. dictionis et vocabulorum, grandis atque sublimis est. §. 295. Aristophanes habet vocabulum sex versuum, et repit Plauti

*Quod semel arripides nunquam postea eripides,*  
§. 237.

### §. 299.

2) Magnitudinem cogitandorum, etiam naturalem, §. 181. eam seruat, quae nec comparata primario themati, personae vel loquentibus, vel obiectis personalibus, in nihilum comparatiuum abeat, euanescens, e. g. §. 198. nec e contrario sub eadem comparatione illa, quae iam dixi, primarium thema, e. c. quando semper in magnis maxima legitur magnitudo cogitandorum quorumvis, si grandia quidem illa, thema, e. c. fuerint, neque tamen in magnis maxima, §. 207. eleuet potius, obscuret, et minuat, quam amplificet, ornet et extollat. Par est sublimi cogitationum generi cura dignitatis generice maximae, sed in maxime dignis gradus simul, ut ita dicam, specifici, §. 207. ne tollatur altius, aut deprimatur, ac et hic requirit, earum etiam partium laterumue, ex quibus eximia contemplanda sunt, ut talia, sedulo cautis vergentibus ad mediocritatem, vel omnino tenuitatem variis lateribus

ribusque cogitandi non male electi, §. 215. nisi opere in longo habeat aliquando locum et hic. §. 235.

§. 300.

Exemplum huius cogitandi generis Cice-  
ro ipse suam orationem pro Rabirio citat, eo-  
demque iure suo referuntur oratio pro Milo-  
ne paullatim surgens, Catilinaria II. Philip-  
pica II. et in Pisonem. In Aeneide imum  
ex grandibus cogitandi generibus Scaliger  
in descriptione ludorum L. V. medium L. I.  
summum L. II. et VI. deprehendit. Liceat  
ex sacris exemplum addere. Sit magnum in  
maximis, quod Longino S. IX. vehementer  
placuit: *Sit lux et fuit.* Maius est: *Τε-  
λεσται.* Maximum: *Sit deus omnia in omnibus.*

§. 301.

3) Sublime cogitandi genus verisimili-  
tudinem, §. 22. sed eam proprie tantum se-  
ctatur, quae ingeniis superioribus et animis  
erectioribus comprehendere probarique possit,  
§. 288. licet eadem plebeculae sit vix credi-  
bilis, §. 286. nec apud nobiles sic satis ani-  
mos facilem inueniat fidem. §. 213. Quam  
suam verisimilitudinem aut tacitae spectatoris  
*αναθεωρησει*, §. 177. relinquit, §. 289. aut  
eam adeo luculenter probat, §. 291-294. ut  
abhorrens primo, vel maxime a sensibus no-  
stris, nunc tandem, non solum, non odium,

sed etiam admirationem et desiderium sui patriat veritas. §. 293.

§. 302.

Sublime Pompeii dictum, quum dissuadente nauta per tempestatem nauem condescenderet: Proficisci me necessarium est, vivere non est necesse, contradictionis apertae damnat Gallorum nonnemo. Neque defendat, Pompeio aequalis animus, nec accuset Caesar aliquis, vel hostis. Ambo enim pulcre intelligent. §. 288, 301. *Magnum est efficere, ut quis intelligat, quid sit illud verum et simplex bonum, quod non possit ab honestate seiungi.* Cic. qu. ac. l. 7. Quod bonum quale sit, sane, non solus Epicurus verbis negat sine voluptatibus sensum mouentibus se suspicari posse, sed plures ad hunc usque diem factis, inter eos etiam, in quibus summos mores et virtutem excellentem suspicetur aestheticus. Neque tamen illius nuda veritas acute, argute, obscure, vti videatur analogo rationis, §. 121. *studio philosophiae seueriori disferitur tantum, quo nullum Varroni Platoni-que videtur maius aut melius a diis datum munus homini:* sed iam etiam aestheticis et vere sublimibus tot meditationibus est exposita, et exponitur paene quotidie, eiusdem verisimilitudo, ut ex hac parte rerum humanarum parum aut nihil superesse desiderandum videatur. §. 301.

§. 303.



§. 303.

4) Summa in luce magnum hoc exsplendescit cogitationum genus, §. 22. sed in ea, cui ferendae, cui capiendae, cui fruendae potissimum aquilarum oculi requirantur §. 288. Quos aliquando iam supponit, §. 289. et eo splendore fatiat, ad quem ipsa caecutiat Mineruae noctua, aliquando mira arte naturaliter bonos nondum tot radiis imbibendis adsueto, vel etiam desuetos iterum, ita sensim allicit, et blande pascendo simul acuit atque confirmat, vt tandem ibi solem meridianum, plana ac perspicua omnia mirerentur, vbi caecitatem et tenebras et obscuritatem non ita multo ante sibi deprehendere visi erant. §. 291.

§. 304.

Vt hanc verissimam sublimium lucem, obscuritatem apparentem, possis in exemplo dignoscere a tenebris, lege, sis, vaticinium Sibyllae Aen. VI. 83-97. vbi priuilegium quasi poeta habuisset obliuiscendi verae perspicuitatis ob verisimilem oraculorum caliginem. Quamuis et ipse dicat

*Talibus ex adyto dictis Cumaea Sibylla,*

*Horrendas canit ambages, antroque remugit*

*Obscuris vera inuoluens,*

tamen deprehendes vere sublimia, quae nec nunc, quid sibi velint, quantumque habeant

ponderis, quiuis ex plebe litteratorum intelligat, interim nihil obscuritatis in verbis et ratione cogitandi, praeter id, quod in futuris ordinarium est, et ob deficientem omnimodae determinationis eorundem notitiam in homine, vel maximo, mero tamen homine, vehementer necessarium, adeoque post euentum et impletionem historiae fabulaeueperito satis peruium.

## §. 305.

5) Sublime cogitandi genus persuadet, §. 22. sed iis persuadendis tantum, certe potissimum, laborat, quorum iam intimis praecordiis inseuit virtutis rectorumque morum femina, cum certitudine, magnitudo pectoris, §. 45. insignior. Quibus non cognita solum, sed et ipsorum causa non indigentia probationibus quum insint principia: his nunc tribus, quod aiunt verbis, aut omnino vel vnico, instruit, quasi immotis fundamentis suam persuasionem breuissimis, nunc pro diuersa obiectorum suorum personarum conditione, §. 289-294. tot pondera, tot sententias, tot firmamenta congerit in certius reddendum suum thema, non illa trita, sed magni quid semper spirantia, ut maiores animi plenissime persuadeantur, minores obruantur, et ad prudentissimum, quod ab ipsis sperari potest, ad silentium compellantur.

## §. 306.

## §. 306.

Exemplum persuasionis, et eius quidem efficacissimae, per vnam vocem habet Suetonius in Caesare. 70. *Decumdanos Romae cum ingentibus minis, summoque etiam urbis periculo, missionem et praemia flagitantes, ardente tunc in Africa bello, nec adire cunctatus est quanquam deterrentibus amicis, neque dimittere. Sed una voce, qua Quirites eos pro militibus appellarat, tam facile circumegit et flexit, ut et milites esse confestim responderint, et quamuis recusantem ultro in Africam sint sequuti. Paulo fufius persuasit idem Caesar, verae sublimitatis aestheticae peritus, metum imminentis hostis suos deponere amplificando ementiendoque copiarum eius numerum, 66.*

## §. 307.

*Pollio Asinius parum integra veritate compositos putat commentarios Caesaris, 56. quantum tamen inest plerisque, quae scribit, persuasionis? Putares eos legens rectissime fecisse, qui, Catullo si fides est, nihil potuit,*

*Nisi vncta deuorare patrimonia,*

Non deterreor eorum opinione, qui hos commentarios humiles iudicant, quo minus eorum heic mentionem faciam. Quoniam eorum verba satis et pueri capiunt et aliquem sensum, quantum possunt pro aetate, non sunt ideo humiles, non tenue cogitandi

genus demonstrant, et, nisi omnem tibi historiam placeat medium cogitandi genus amplecti debere, §. 267. nullus dubito, quin ipsis aequabile quidem cogitandi genus, §. 267, 268. et temperatum §. 270. adscribam, et, cum Cicerone, *nudum, rectum, ac omni ornatu orationis, tanquam veste detracta, venustum*, ita tamen, qua res, sublime, ut, *dum voluit* (aut velle simulavit) *alios habere parata, unde sumerent, qui vellent scribere historiam, ineptis gratum fortasse fecerit, qui illa volant calamistris inurere, sanos quidem homines a scribendo deterruerit.*

## §. 308.

6) Sublime genus cogitationum in eo regnat, ut animos, sed generosioris impetus, capaciores, §. 289-294. nunc in summam inflammationem et diuinum paene furorem incitare, nunc a turbulentissimis animi commotionibus ex re quapiam minutula ortis retrahere decoram ad serenitatem et altioris spiritus tranquillitatem valeat, §. 288. pro uti, vel hic, vel ille status animorum heroicus est conuenientior. §. 213.

## §. 309.

Aeneas, l. II. frustra dissuadente Hectore in somnis, v. 295. *arma amens capit,*

*furor iraque mentem*

*Prae-*

*Praecipitant, pulcrumque mori succurrit  
in armis, v. 315.*

*Otriadae dictis in flammis et in arma fertur,  
quo tristis Erynnis,*

*Quo fremitus vocat, et sublatus ad aethera  
clamor. v. 338.*

*Addentes se socios, per lunam oblato, allo-  
quitur.*

*Sic animis iuuenum furor additus, v. 355.*

*Adhuc furiata mente fertur Aeneas v. 588.  
et est*

*dignus vindice nodus,*

pium heroa a defensione patriae retrahere.  
En! adest deus, mater, dextra prehensens,  
et orationem suam, animum pectusque filii  
mulcentem, ecstática visione corroborans.  
v. 589-625.

\*\*\*\*\*

## SECTION XXII.

### VITIA SVBLIMI OPPOSITA.

§. 310.

**I**n cogitanda grandi materia cauendum est.  
**II. QVARTVM BAΘOΡΣ** (manifesti) **GE-  
NVS**, in quo statim appareat magnitudine  
obiectorum comparatiua et generice maxi-  
ma, §. 207. minores et inferiores esse mente  
forma-

formatas cogitationes, §. 217. In quo 4 denuo species facili negotio detegas: 1) si in maximis generice denuo excellentia cogitentur quidem maximis generatim satis apta dignaque ratione, sed non adeo eccellente, ac ipsa themata mereri videantur, 2) si siluæ arbustis, 3) si siluæ myricis exaequentur 4) si summa deprimantur omnino humum vsque et in meras nugas intra animum venuste, si diis placet, cogitaturū redigantur. Vltima species tertiam classem nugatorum in re seria constituet, et eam quidem turpissimam, §. 245.

## §. 311.

Ad primam *βαδγς* huc pertinentis speciem referamus cogitandi rationem, quam in Homero iam reprehendit Longinus, S. VIII. qua ille *ex hominibus, qui rebus Iliacis interfuerunt, quantum potest, deos dum facit, ex diis facit homines, quorum vulnera, dissidia, ultiones, lacrimas, vincula, et infelicem immortalitatem canat.* Contra hoc vitium dirigi videtur Horatii praeceptum:

*Intererit multum Diuusne loquatur, an heros.*

A. P. 114.

Ex hoc enim versu cum Bentleio *Dauum* exfulare iabeo. Ad eandem speciem deprimentis se nonnihil infra suam maiestatem tublimis, §. 310. pertinet Homeri ab eodem Longino S. VIII. obseruata *declinatio ab Iliade in Odyssaeae*

*seae amorem fabularum.* Ob quem Homerum in odyssea comparat occidenti soli, cuius sine in-  
tensione caloris et virium maneat §. 298 --- 309.  
magnitudo. Non esse, ait, ἴσον τονον Homeri in  
odyssea, ac in Iliade, οὐδ' ἐξωμαλισμενὰ τὰ ὑψη  
καὶ ἱζηματα μηδαμὲ λαμβανόντα, breuiter,  
senectutem, sed senectutem Homeri.

§. 312.

Secundae speciei §. 310. exemplum sit  
Timaeus apud Longinum S. III. qui *Alexan-*  
*drum magnum* ait intra pauciores annos totam  
*Asiam subegisse*, quam intra quos panegyricam  
orationem de bello contra persas Isocrates con-  
scripserit. Egregia scilicet Macedonis illius  
cum Sophista comparatio. Vincit strenuitate  
*Lacedomios Isocrates.* Illi triginta annos in  
expugnanda Messene terunt, hic in conscribenda  
oratione panegyrica tantum decem. Huc et,  
praeter comparationes, traherem sublimium,  
nisi tenues, medias certe partes et varia, cir-  
cumstantias dicunt, externa, praesertim si  
minus necessaria earundem commemoratio,  
nec breuissima videatur. An magnus inter-  
dum et Maro dormitat? e. g. Aen. l. 177.

*Ac primum silicis scintillam excudit Achates,  
Suscepitque ignem foliis, atque arida circum  
Nutrimenta dedit, rapuitque in fomite flam-*  
*mam.*

§. 313.

## §. 313.

Ad tertiam iusto submissioris de sublimibus cogitandi generis speciem §. 310. nondum audeo referre omnes heroum cum bestiis, animantibusque comparationes. Interim tamen nostro, quod viuimus, saeculo solos reor leones et aquilas adhuc in maiori theatro suum locum tueri, praesertim auxilia ferente arte, quam heraldicam. blasronicamque dicunt. Reliqua tantum non omnia loco graduque mota disparuerunt in heroicis, quando laus intenditur, animantia, dum philosophi, sintne machinae, sintne spiritus, euidentiùs inter se constituerint. Homeri adhuc heroes, vt canes, nisi latrant, tamen pugnant. Virgilii heroes, Aen. II. 355.

*lupi ceu*

*Raptores, atra in nebula, quos improba ventris  
Exegit caecos rabies, catulique relictii  
Faucibus expectant siccis: per tela, per hostes  
Vadunt.*

Agnoscas inter arma virosque Tityrum, expertum quam sit

*Triste lupus stabulis.*

## §. 314.

Horatii iam Drusus, IV. od. 4. comparatur lautius 1) aquilae, quam non *improba ventris rabies*, §. 313. sed

*Olim*



*Olim iuuentus et patrius vigor,*

*Nido laborum propulit inscium.*

Sed an satis dignum est, illi

*Quod rex deorum regnum in aues vagas,*

*Permisit, expertus fidelem*

*Iuppiter in Ganymede flauo?*

2) Leoni. Transeat. Sed an sunt etiam  
*Rhaetis sub Alpibus Vindelicorum obarmatae*  
*Amazoniis securibus dextrae,*

*diuque*

*Lateque viatrices cateruae*

*laetis caprea pascuis*

*Intenta?*

Si sunt, an eorum in poena nomen est Drusi  
*memorable?*

*habet victoria laudem?*

§. 315.

*Ohe! iam satis est, ohe! poeta!*

*Tu procedis adhuc, et ire quaeris.*

*Maiores aquilis leonibusque*

*Nosti, maxime, comparationes?*

*Comparat principes iuuentutis romanae,*  
*quos Augustus, filiorum instar, habuit,*

3) iuuentutis:

*Est in iuuentutis, est in equis patrum*

*Virtus.*

Hoc

Hoc et in se deprehendetur exemplum et simile,

*Magna modis tenuare paruis,*

et, quanquam non ignoro boues olim maiori in reuerentia habitos, ac nunc, tamen, non Horatii carpendi gratia, sed amore veri, *Ba-*  
*Ses* iudico, in quod si quis nunc simili in occasione prolabetur, nisi *Romani*, §. 212. certe

*Germani tollent equites peditesque cachinnum,*  
*et patres, quos Benteleius peditibus substituit.*

§. 316.

Quartam speciem §. 310. memorati vitii ornet vetus illud:

*Iuppiter interea cana niue conspuat Alpes.*

et recentius: *emunctoris naris mortales*, quando placet facetos et elegantes

*Grandisonis pompare modis, tragicoque boatu.*  
Transmittatur enim *emunctoris naris homo* Horatii,

*madidique infantia nasi*

apud Iuuenalem, cum *rustantibus* eorundem personis, quoniam tunc sublimia scribere non cogitarunt. §. 310. Huc potius Hesiodi, vel quisquis poematis *scutum* dicti sit auctor, quam Longinus S. VIII. reprehendit, *Tristitia*, cuius *ex naribus humores fluebant*.

*Tu grauis es nobis, et saepe emungeris, exi*  
*Ocius et propera. Sicco venit altera naso.*

Iuu.

Longi.

Longinus eiusdem vitii accusat Platonem & Xenephontem nonnunquam δια τα ετας μικρο-  
 χαρη sui metipforum obliuiscetes, quanquam  
 ex Socratica sint palaestra, e. g. tunc, vbi Xeno-  
 phon de republ. Laced. scribens pupillas, quae  
 sunt in oculis, verecundas virgines dicat.

§. 317.

Omnium harum depressius iusto de gran-  
 dibus cogitandi rationum gradus semper tur-  
 piores sunt, in quibus non magnitudo solum  
 forte naturalis, sed etiam simul dignitas et  
 in magnis necessarius rigidae honestatis et  
 feuerioris virtutis amor laeditur per VILE DE  
 SVBLIMIBVS COGITANDI GENVS e. g.  
 Ioui adscriptum praemium nefandi lenocinii,  
 §. 314. et magna pars metamorphoseon Oui-  
 dii, eo procedens aliquando dedecorum, vt  
 ipse sane non castus poëta putarit consultum,  
 praefari, X, 300.

*Dira canam. Procul hinc, natae, procul este,  
 parentes.*

*Aut mea si vestras mulcebunt pectora mentes,  
 Desit in hac mihi parte fides, nec credite  
 factum,*

*Vel, si credetis, facti quoque credite poenam.*  
 Rectissime grauissimeque cauet Horatius,  
 A. P. 227.

*Ne, quicumque deus, quicumque adhibebitur  
 heros*

N

Re-

*Régali conspectus in auro nuper & ostro,  
Migrét in obscuras humili sermone tabernas.*

Huc heroum mutua conuicia, quorum exempla non opus est in Homero quaerere, quum ante pauca saecula publicis adhuc in scriptis illustrium principum vel ipsos iam titulos macularent.

## §. 318.

Pergens l. c. Horatius;

*Ne, dum vitat humum, nubes et inania  
captet,*

hos deducit ad vitium maiora cogitaturis fugiendum II. QUARTVM TUMORIS GENVS, res excellenter magnas inani sublimitatis in cogitando specie nequicquam inuoluens. Cuius meteoris quoniam vere materia et obiectum illustre non exaequetur, omnis tumor huius generis erit βαδός κρυπτικός, §. 217, 310. Potiores eius species, velut in ipso suo fonte videbimus, si praecipuarum de sublimi veritatum memores falsam earum conuersionem, hinc detorsionem, hinc laruam et umbram sublimitatis attendemus in amplectentibus tumidam et sufflatam nubem pro Iunone.

## §. 319.

I. Sublime cogitandi genus est admodum pulcrum. Hoc verissimum, §. 210. Hinc infe-

inferuntur male conversae: 1) Quicquid pulcrius reddendum, illud sublimandum est. Vnde tumorum genera, huc usque considerata, 2) pulcella et comtula ac venustula erunt sublimia. Hic primus fons, primam tumoris nunc considerandi speciem dabit, §. 318, si affectato pulcritudinis studio, fucos omnes et flosculos, et quicquid est ubique pigmentorum ac ornatus, periodos quovis globo rotundiores, argutas antitheses, et ipsas dictionis figuras ad nauseam vsque convergentes, sublimiter se scripsisse somniant, §. 165 - 307.

## §. 320.

II. Sublimia nonnunquam admodum brevia, nonnunquam excellenter copiosa sunt et affluentia, §. 298. Hinc convertendo pessime torquentur; 1) quo brevior, 2) quo diffusior eris, hoc eris sublimior. Vnde duplex tumoris species, 2) qua admodum sibi sublimis videtur, cuius

*Sortilegis non discrepuit sententia Delphis,*  
modo brevis sit, etiamsi in longissimam quasi brevitatem incidat. §. 171. Huc Triumalcionis sublimis *urbanitas*, ubi *lentissima voce Carpe* saepius *ingerens*, *Carpum*, qui *obsonium carpebat*, eodem verbo *vocabat*, et *imperabat*. Petr. Huc autem propius pertinet, si quis e. g. de eo vere grandi, de quo praesertim exponenda mens esset, si quid sublimis co-

cogitare vellet, adhibet tritum illud: *De hoc praestat nihil, quam pauca dicere*, adeoque nec nihil, nec pauca, nec multa, nec magna. Interim sibi plaudit, ac si maxima. Quid enim? Nonne breuissime peracta sunt omnia?

## §. 321.

3) Qua alius tunc sibi sublimis videtur, quando omnia ita circumscribit, vt nec gallum quidem gallinaceum, fatis longam vocem putet, sed praeferat illud Iuuenalis:

*Quo mordetur gallina marito*

Huc magis pertinet exemplum frigoris a Vossio allatum, Sex. Rufus habet: *per D. Brutum Hispanias obtinuimus, et usque ad Gades et Oceanum peruenimus*. Idem ita tumens Florus narrat: *D. Brutus aliquanto latius Gallaecos, atque omnes Gallaeciae populos, formidatumque militibus flumen obliuionis, peragratoque victor Oceani littore, non prius signa conuertit, quam cadentem in maria solem, obrutumque aquis ignem, non sine quodam sacrilegii metu et horrore apprehendit*.

## §. 322.

III. Sublime cogitandi genus ita maxima (generice,) cogitat, vt ad minuta, (omni magnitudine aesthetica destituta,) nunquam delabatur, §. 299. Hinc conuertitur principium; Qui ergo de re quapiam, tanquam de optima

optima maxima, quae vnquam est, fuit, erit, ita cogitat, vt et omnia eam ambientia, circumstantia, et vlla ratione concernentia, eo vsque eleuet, vnde non datur vel imaginationi plus vltra, sublimiter ille, profecto, cogitabit. Habes quartam tumoris huc pertinentis, §. 318, speciem. Hic est ille *tumor*, qui secundum Longinum. S. III. *altius insurgere vult, quam sublimia, puerilis autem omnino sublimibus opponitur*, §. 318. Exemplum dabit tempestatis descriptio in Aen. l. l. comparata ea, quam Lucanus fluctibus suis aequae tumentem habet, l. V. in qua

(Neptuni) regno aecessit terra secundo,  
*Quum mare conuoluit gentes, quum littora*  
*Tethys*

*Noluit vlla pati, caelo contenta teneri.*

*Tunc quoque tanta maris moles creuissit in-*  
*astra,*

*Ni superum rector pressisset nubibus undas.*

*fluctus in nubibus accipit imbrem. e. c.*

### §. 323.

IV. Sublimia quorundam fidem superant, §. 301, 286. Hinc, qua consequentia? tamen infertur: Omnem fidem superantia quo largius congeres, hoc sublimius cogitabis. Haec quinta tumoris, de quo nunc, §. 318. species in incredibilitate qualicunque sublimitatem quaerentium. His semetipsum

transcendere videbitur Ovidius, quando ait  
Met. VII. 104:

*Ecce! adamantæis Vulcanum naribus efflant  
Aeripedes tauri: tactæque vaporibus herbae  
Ardent, utque solent pleni resonare camini,  
Pectora sic intus clausas volventia flammæ,  
Gutturæque vfla sonant.*

Hos sublimes Petronius ridet, qui nihil ex  
iis, quæ in usu habemus audiunt, et vident, sed  
tyrannos edicta scribentes, quibus imperent filiis,  
ut patrum suorum capita præcidant, e. c.

§. 324.

V. Sublimia non omnibus omnia lucent,  
§. 303. Hinc inepte concluditur: Quo ob-  
scurius: hoc sublimius. Habes sextam tu-  
moris et ineptæ sublimitatis, §. 318, spe-  
ciem. Huius amicis Tacitus Livio, Lucanus  
et Statius Virgilio præstant, qua sublimita-  
tem, quoniam intellectu sæpe difficiliores  
sunt. Videamus exemplum. Virgilius Au-  
gusto:

*Iam pridem nobis caeli te regia, Caesar,  
Invidet, atque hominum queritur curare tri-  
umphos, Georg. I. 503.*

Statius, inuentionis gloriam habere quia non  
potest, ob obscuritatem, tamen fautoribus  
huius palmam sublimitatis eripuisse videbitur  
Virgilio, sic Titum alloquens:

O!



*O! Latiae decus addite famae!*

*Quem noua maturi subeuntem exorsa pa-  
rentis*

*Aeternum sibi Roma cupit: licet arctior  
omnes*

*Limes agat stellas, et te plaga lucida caeli*

*Pleiadum, Boreaeque et hiulci fulminis expers*

*Sollicitet: licet ignipedum fraenator equorum*

*Ipse tuis alte radiantem crinibus arcum*

*Imprimat, aut magni cedat tibi Iuppiter  
aequa*

*Parte poli, maneat hominum contentus ha-  
benis*

*Vndarum terraeque potens, et sidera dones.*

§. 325.

Haec Statiana Virgilii periphrasis in hac tumoris specie nouam mihi modificationem reuocat in mentem, quando tumidum cogitandi genus quasi obscurum, §. 303. explicat per vere obscurum et simul asiatico, nescio quo, apparatu omnem sublimitatem opprimat. Si nauta, cui timenti procellam Caesar: Bono, ait, animo esto. Caesarem vehis, non intellexit Caesarem, de quo non pugnabo, quaeritur, an Lucani Caesarem intellexisse credibile sit, quando ille sane verbosus ad rectorem nauis: l. V.

*Sperne minas, inquit, pelagi, ventoque furenti*

N 4

Tra-

*Trade sinum. Italiam si caelo auctore re-*  
*cusas,*

*Me pete. Sola tibi caussa haec est iusta ti-*  
*moris*

*Vectorem non nosse tuum, quem numina*  
*nunquam*

*Destituunt, de quo male tunc fortuna me-*  
*retur,*

*Quum post vota venit.*

Ita Lucani Caesar verum in Caesarem adhuc  
per decem versus subobscore commentatur,  
et tamen succenset suo paene Caesari poeta  
*non plura loquuto :*

§. 326.

VI. Sublimia adeo persuadent, §. 308.  
vt potius *extra se rapere*, et vim ac impetum  
*inexpugnabilem asserentia se supra omnem au-*  
*ditorem erigere*, quam persuadere dicantur  
Longino, S. I. Hinc praeiudicium: Magna  
de magnis si tollam argumenta, magnis de  
magnis erunt maxime persuasibilia. Ex quo  
denuo septima tumoris, de quo §. 318. spe-  
cies, se exferens nunc vasta persuasiorum  
copia, quando paene nullis opus fuisset,  
nunc altissime petitorum entymematum syr-  
mate, nunc praesertim inani magnitudinis  
vmbra in ipsis argumentis re ipsa tritissimis.  
Huc certitudinis omnino nihil habentia simi-  
lia, modo a Phoebos, iride, grandine, et  
quic.

quicquid est vbique meteororum, desumta sint. Huc exempla, licet vere nihil probantia, saltim Cambysem et Epaminondam, Alexandrum Magnum, *Xerxen*, *Persarum Iouem*, atque Scipiones crepent. Huc testimonia Stagyritae, renati Euphorbi, luscinae Atticae, Venusini oloris, Bilbilitani vatis, cygni Mantuani, philosophi κατ' ἐξοχήν, aut Christinae, virginis solium contemnere doctae e. c. quando defensoribus illis tempus non eget.

## §. 327.

VII. Quaedam sublimia mouent vehementissime, §. 308. Hinc pessima conuersio: Quo feruentius bacchaberis, hoc sublimius cogitabis. Vnde octaua tumoris, de quo §. 318. species, qua sublimia cogitaturus repente in parenthyrsus incidas, qui, quando in sublimibus aliquem, veluti vertigo Phaëtonem, abripit, a Longino S. II. post Theodorum, describitur *affectus intempestiuus, et inanis, ubi affectu non opus est, aut immodicus, ubi mediocri opus est. Saepe enim, velut ebrietas vi, quidam ad affectus, qui non in re positi sunt, sibi proprios et scholasticos abripiuntur. Deinde merito ignominiae notam subeunt, coram auditoribus nihil omnino commotis. Dum sunt in ecstasi coram nihil simile passis.*

## §. 328.

Augetur huius tumoris turpitudine, si nec intempestivus quidem et nimius affectus, qua decet ratione, concipitur, ita ut *fleas sententiolis, periculis postules*, et in summo horrore pueriliter arguteris. Quo tumidae elaborationes thematum a Petronio commemoratorum: *piratae cum catenis in littore stantes, et responsa in pestilentia data, ut virgines tres aut plures immolentur*. Jam finge tibi iuvenem inflatis declamationibus eiusmodi contritum, et omnes has tumoris species in vnum thema, veluti iura coqui, confundere institutum, et deprehendes lepidum Petronii dictum: *Qui inter haec nutriuntur, non magis sapere possunt, quam bene olere, qui in culina habitant*.



## S E C T I O

SECTION XXIII.  
ARGVMENTA AVGENTIA.

§. 329.

**A**RGVMENTA AVGENTIA dicamus, quorum vel vnica, vel potior, vel nunc maxime a tendenda vis est, §. 143. vt congruentem cum cogitandis magnitudinem cogitationibus nostris concilient, M. §. 162. Liceat enim hic augmenta tantum vere talia, vere pulcra, nomine augmentum insignire, quum argumenta tumoris iam METEORORVM nomen naſta ſint, et ARGVMENTA *βαδους* DEPRIMENTIA dici poſſint, a quibus EXTENVANTIA diſtinguo, inuitantia ad minorem cogitandorum magnitudinem mente formandam, ac primo viſa eſt, haec enim, veriſimilia et caeteroquin pulcra, dico augmenta, ſane non thema, ſed magnitudinem et dignitatem cogitationum, cuius vtique intereſt, vt iuſto metiri ſingula pede meditatus videatur.

§. 330.

In figuris augmentibus §. 329, 26. eſt etiam *αυξησις*, augmentum vel incrementum, cuius tamen vagus eſt ſignificatus. Longinus eam primo S. XI. ita deſcribit, vt cum figura, quam nunc climacem quidam, alii gradationem

nem vocant, figura sane augente, §. 329. coincidat, dein autem reiicit definitionem *αυξησεως*, quam concedit esse scriptorum artis, ex qua sit *λογος περιτιθεικς μεγαθος τοις υποκειμενοις*, secundum quam omne argumentum augens pulcrius ex significato, §. 329. dicerem auxesin, s. augmentum. §. 26. Tandem *αυξησιν* ipse definit, vt, quantum ex loco per lacunam corrupto colligi potest, eadem videatur complecti velle, quicquid est *ιχυροποιαν τη επιμονη*, quicquid diutius inhaerendo certae materiae vim eius et cogitationum de eadem intendit, siue verisimilitudinem, siue lucem, siue persuasionem, siue vitam, siue tandem strictius maiorem dignioremque tantum cogitandi de data materia rationem promoueat. §. 172. Facile apparet vltimum significatum esse latissimum, et pae-ne coincidere, cum notione argumenti longioris generatim, medium latiore, primum strictiorem. Si vocabulo opus haberem, eligerem figendum significatum medium cum *τεχνογραφοις*.

## §. 331.

Quemadmodum Longinus artem sublimis *βαθυσ τεχνην* S. II. adhuc vocat, qua ratione caelum profundum dicitur: ita idem adhuc consulit *φοιβαζεν της λογας* in sublimibus S. VIII. et in primam sublimium ingeniorum classem refert *φοιβασικας* S. XIII.

Ex

Ex eo autem βαθος oppositum sublimi vel maxime vitium, §. 217. significat ex vsu loquendi frequentissimo, et Antilongini recentioris *ars rependi* ironica hunc satis fixit. Pari ratione quanquam de Phoebus et meteoris naturae loqui non turpiter in vere etiam sublimibus aliquando licet, §. 126. tamen tumide frigideque meteora vbique, quasi deum ex machina, vocantes in subsidium, si quando tollere humo se plumbei audebant, eorum deduxerunt, ut iam Longinus S. III. ex vsu loquendi, quo tales meteororum praecones, qualem §. 202. vidimus, μετεωρολογοι, immo μετεωρολεχαι, dicebantur, sublimia meteoris opponat, et nunc Phoebus et Φοιβολογειν in eundem vitiosum significatum venerit.

### §. 332.

In figuris et argumentis augentibus momentum, quod habent ad magnitudinem absolutam, indagemus solum generatim. Unde per se patebit, quomodo se relatiuum etiam ad magnitudinem, et tenuitatem, mediocritatem, et sublimitatem habeant. Ad hanc facere dicit Longinus S. XV. imaginem, quam hypotyposin dicimus, quae tamen est potius lucis sublimitatem potissimum ambientis, §. 303. argumentum et figura, quam ut immediate, vel potissimum magnitudinem cogitationum de re quapiam augeat, §. 329.

172. cf. Longini S. XVII. Pari ratione putarem interrogationem, de qua Longinus S. XVIII. potius ad persuasionem facere, tantam etiam, quantam sublimis meditatio postulat, §. 305. quam ad ipsam immediate magnitudinem augendam. Nec asyndeton, de quo Longinus S. XIX. negauerim ad vbertatem et synathroismum quendam magis spectare sublimia decentem cum decora breuitate, §. 295, 148. quam ad intendendam propius et immediate magnitudinem. §. 329.

### §. 333.

Repetitionem autem, de qua Longinus S. XXI. huc utique suo iure voco, quoties figura est, §. 26. quanquam enim et ad persuadendum et ad incitandum aliquando suam etiam eximiam exserere possit efficaciam, primo tamen id semper efficit, quod nunc in primis attendimus, ut maius illud aliquid, et dignius animaduersione nostra, multumque ponderis in se habens censeatur; quod dignum visum est iterum iterumque reuocari in animum sistique velut ob oculos plus vice simplici. Exemplum videbis in Longino. Sed nolo tantum argumenta sublimium, §. 332. Huc in tenuibus repetitum illud:

*Fortunate senex.* Virg. ecl. 1.



ab eo, qui dixerat:

*Non equidem inuideo, miror magis.*

Item illud ecl. 4. venientis iterum ad se ipsum ex turpi satis ecstasi

*Ah! Corydon, Corydon! quae te dementia cepit!*

*Daphninque tuum tollemus ad astra,  
Daphnin ad astra feremus, amauit nos quoque Daphnis, ecl. V. e. c.*

§. 334.

Hyperbaton, de quo Longinus S. XXII. potius ad vitam et pathetica, praesertim quanta sublimibus conueniunt, §. 308. quam immediate et propius ad magnitudinem, §. 329. Ex iis, quarum Longinus S. XXIII. mentionem iniicit, figuris huc praesertim climax et gradatio, de qua iam §. 330. quando scilicet, vel mirabilius magnificentiusque, vel saltim aliquo modo augendi aliquid ornandique gratia cum eleuatione nonnulla, id primum cogitatur, quod datae materiei conueniat, veluti in gradu positiuo consideratae, illudque tanquam vnum et mensura si acceptum est, statim additur maius, hinc denuo maius, et sic porro, donec tandem maximum ipsis his praemissis, debilioribus vti tot luminibus, illustratum in omni sua amplitudine percipiatur. Vnum exemplum, etiam  
ab

ob alia, adscribam: *O! tempora! o! mores!* *Senatus haec intelligit, consul videt. Hic tamen vivit: Vivit?* §. 333. immo vero etiam in senatum venit, fit publici consilii particeps, notat et designat oculis ad caedem unumquemque nostrum. Cic. in Cat. I.

## §. 335.

Huic oppositum vitium, magnum *βαδυσ* incrementum, quod *ars rependi* vocat *anticlimacem*, vehementer cauendum est, quo succederent in pulcre cogitandis post maiora, digniora ac grauiora, repente, tanquam in primariis notis aequipollentia, in secundariis autem, minus aliquid, leuius aut indignius iis, quae antecesserunt, inuoluentia. Longinus S. XLIII. huius vitii satis lepidum exemplum ex Theopompo, §. 174, commemorans eum inter alia reprehendit, qui ex sublimioribus in humiliora decurrat, quum e contrario debuisset *αυξησις* facere. Hic de nouo Longinus, non ex sua ipsius notione, nec ex definitione scriptorum artis, sed strictius vocem *αυξησις* adhibet. §. 330.

## §. 336.

Argumenta, quae Longinus S. XXIII. - XXVIII. percurrit, omnia mediate potius augent, per vnam reliquarum cardinalium meditationis elegantiarum, §. 22. quam vt immediate propius pondus ac magnitudinem  
conci-

concilient. Metaphorae autem, de quibus Longinus S. XXXII. similia et comparationes, de quibus idem, S. XXXVII. quamquam bellae plerumque simul aliam vim et efficaciam habent, §. 142. tamen et huc trahendae sunt, quatenus apud catos auctores virgularum mensurarum simul vices subeunt, quas ideo subministrant, vt ex earum nota magnitudine ac data, significatus improprii comparatique thematis magnitudinem dignitatem ac pondus, forsan adhuc minus tibi cognita, tacitus tecum metiaris. §. 329. Dic aliquem malum ciuem! quantitas adhuc indeterminata est. Dic eundem pestem reipublicae. Nonne gradus calamitatis publicae, quem esse in pestilentia notum est, auget simul prauitatem et detrimentum in significato improprio publicum, antea minus cognitum?

§. 337.

Virgilius species arborum enumerare difficile cogitans, gradum difficultatis, quam aestheticus pro impossibilitate habet physica, quantus sit, comparando pingit Georg. II. 105. *numerus*, inquit, *et nomina specierum*

*Si quis scire velit, Lybici velit aequoris idem  
Discere quam multae Zephyro turbentur  
arenae,*

*Aut, ubi nauigiis violentior incidit Eurus,  
Nosse, quot Jonii veniant ad littora fluitus.*

O

§. 338.

## §. 338.

Eadem autem haec argumenta augentia 336. hoc cautius adhibenda sunt, quo certius mathematica cognitio rationis analogo

*Periculosaee plenum opus aleae est,*  
 ne, vel *Φαινόμεναι* etiam, §. 16. erres in calculo, quo facto ex iisdem fontibus et larga seges argumentorum deprimentium, §. 313-315. et meteororum. §. 329. Quorum nescio, an non Plato quaedam exempla dederit in metaphorica descriptione corporis humani, quam ex dialogo, qui Timaeus dicitur, partim Longinus suis inserit, et in quam circulationem sanguinis Plato docuisse perhibetur, cor dicens fontem *τὰ περιφερόμενα σφοδρῶς αἵματος κατὰ πάντα τὰ μέλη*. An sine tumore collum dicitur *Isthmus inter arcem capitis et pectus*? An etrant, qui in comparatione *reipublicae* cum poculo, in quo *deus furens per deum sobrium* (aquam) *castigatur*, *βαθος*, et manifestum, et crypticum, tumorem,prehendere sibi videntur? §. 310.

## §. 339.

Argumentum augens, et huc primario pertinens, est in Longino S. XXXVIII. hyperbole tam in cogitando quopiam, ut magno, quam in cogitando alio, ut paruo, limites ordinarios transgressa, si vere sit figura §. 26. Posterior, diasyrmus, est argumentum extenuans, §. 329, non satis aliquibus apte

apte Tapinosis dicta, quae potius pro graeca denominatione omnis argumenti deprimentis, saltem in vitiis, habenda est. Huc vocavi hyperbolen, quae figura sit. Jam saepius enim prae me tuli phaenomena illa; in pulcre cogitatis dictisue obseruata et graecis plerumque denominationibus ornata, quae pueri discimus, ut figuras, tunc demum hoc titulo digna me iudicare, si cum ratione sufficiente locata deprehenduntur, et insigne quid in focum pulcritudinis sua etiam ex parte conferant. Hinc Longino hyperbolae crypticae maxime placent, ita limites altitudinis profunditatisque transgressae, ut tamen ne illud quidem factum videatur. Exemplum in communi germanorum phrasi deprehendo; quando vehementer ex vulnere suo cruentatum in suo natare sanguine dicunt.

§. 340.

Nec ego, secundum aestheticorum virgulam mensuram reiicerem hyperbolen Herodoti, qua dicit in Thermopilis pugnares graecos barbarorum iaculis sepultos, nec comicum illud: *agrum habet, cuius terra minor est epistola Laconica*. Multo iam sequior est diasymus, ταπεινότητος αύξησης, quem Ciceroni Quintilianus adscribit, VIII. 6:

*Fundum Varro vocat, quem possum mittere funda,*

*Ni tamen exciderit, qua caua funda patet.*

O! mediocrem poetam Tullium! Effet formaliter venustior diasyrmus Catulli in Furii paupertatem c. 23. al. 20. si vel simpliciter honestorum morum rationem per omnia maiorem habuisset auctor:

*Furi, cui neque seruus est, nec arca,  
Nec cimex, nec araneus, nec ignis.*

*Dentes vel silicem comesse possunt.*

*Atqui corpora sicciora cornu,  
Aut si quid magis, aridum est, habetis  
Sole et frigore et esuritione. e. c.*

## §. 341.

Nec excusare audeo hyperbolen Isocratis excedentem, qua 1) statim in exordio 2) orationis, non poematis, 3) in qua veram Athenarum prae Spartis eminentiam in beneficiis Graeciae collatis promittebat ostendere, suo se gladio petens, et admonens auditorem contra se ipse, *verbis tantam vim tribuit, ut possis iisdem et res magnas humiles efficere, et paruas magnitudine vestire*, e. c. Quid enim, Sophista, proficies tale quid ausus verbis vnice, nisi ut vel repas, vel tumeas? Praeferamus hyperbolen Iuuenalis, cui quaedam, Sat. VI.

*Tot premit ordinibus, tot adhuc compagibus  
altum*

*Aedificat caput. Andromachen a fronte videbis,*

*Post*

*Post minor est. Credas aliam,  
breuiorque videtur  
Virgine Pygmaea nullis adiuta cothurnis.*

§. 342.

Quam in argumentis argentibus paene primam legimus, venusta repetitio, §. 333. multas sub se comprehendit figurarum species, quae in figuris dictionis habentur ordinario, et tunc quando vere supra memoratam repetitionis vim habent, fiunt simul figurae sententiae, §. 26. Repetitio est vel totalis, vel partialis, e. g. mutatis saltim relationibus respectibusque, quos casus significare solent, vnde polyptoton, cuius et Longinus S. XXIII. mentionem iniicit, et ad quam figuram audaci, sed vera, philosophia Vossius et repetitionem variatis numeris, gradibus, generibus, modis, temporibus et personis retulit. Huc illud Calui: *Factum esse ambitum omnes scitis, et vos hoc scire omnes sciunt.* Alia ratione repetitio diuiditur in immediatam et coniunctam, ac in mediatam et disiunctam.

§. 343.

Repetitio disiuncta totalis est anaphora, §. 342. figura, si ponderosior res ipsa signi repetitione primum in locum collocati iterum iterumque infigitur alta mente reponenda, vnde *αναδωρησις* vere sperari possit.

Talis est figura, sane non ditionis tantum,  
in anathemate Mosis et μακαρισμα Christi.  
Repetamus exemplum ex Lucilio post La-  
ctantium:

*Virtus, Albine, est pretium persolvere verum,  
Quis in versamur, quis vivimus, rebus  
potesse.*

*Virtus est homini, scire id, quod quaeque ha-  
beat res.*

*Virtus scire homini rectum, vite, quid sit honestum,*

*Quae bona, quae mala item, quid inutile, turpe, inhonestum,*

*Virtus, quaerendae rei finem scire modum-  
que. e. c.*

§. 344.

Eandem, nisi maiorem, vim habet in fine repetens, quae commendare vult altiori per-  
pensionì, epistrophe, vel epiphora, si vere  
sit figura, §. 342. Qualis Plauti :

Qui omnia se simulant scire, nec quicquam  
sciunt,

*Quod quisque in animo habet, aut habiturus  
est, sciunt,*

*Idque, quod in aurem rex reginae dixerit,*

*Sciunt, quod Iuno fabulata est cum Ioue,*

Quae neque futura, neque facta sunt, tamen  
ii sciunt.

I am



Iam maior est apud Ciceronem, II. philipp. *Doletis tres exercitus populi Romani interfectos? interfecit Antonius. Desideratis clarissimos ciues? Eos quoque eripuit vobis Antonius. Auctoritas huius ordinis afflicta est? afflixit Antonius.* Pessimi fuit omnis in Maximinum epiphora, quae inerat versibus graecis, quos in eum dictos narrat Iulius Capitolinus in hanc sententiam: *Qui ab uno non potest, a multis occiditur. Elephas grandis est, et occiditur. Leo fortis est, et occiditur. Tygris fortis est, et occiditur. Caue multos, si singulos non times.*

§. 345.

Symploce, epanalepsis, anadiplosis, plocce, epizeuxis, repetitorum positu differentes, quem ego parum curauerim in rebus, in hoc conueniunt figurae, vt venuste repetant, penitius consideranda, §. 333. Est eiusmodi elegantia in Ou. Fast. II.

*Vna dies Fabios ad bellum miserat omnes,*

*Ad bellum missos perdidit vna dies*

In tenui praesertim genere cogitandi, si quatenus tamen comparatiue prae reliquis esse aliquid iudicandum est, adhiberi solent cum imitatione suauis morum per simplex viuendi cogitandique genus vsitatorum, quoniam eiusmodi homines, raro cogitant, quae non sibi met ipsi saltim dicant, adeoque grauius sibi visum iterum iterumque cogitantes iterum

etiam iterumque significant. Hinc hae figurae tam crebrae in bucolicis, Catulli hendecasyllabis, anacreonticis e. c.

*Surgamus. Solet esse grauis cantantibus  
umbra.*

*Iuniperi grauis umbra, nocent et frugibus  
umbrae.*

§. 346.

Quam gradationem, quod incrementum climacis sub nomine iam numerauimus cum Longino in argumentis ac figuris augmentibus, §. 334. eius aliquam speciem aliqui climacis nomine donantes in figuris etiam dictionis habent, incremento recte ad figuras sententiae relato. Tunc Climax strictius dicitur, quando minus illud, dum ab eodem ad maiora scandimus, simul repetitur, §. 333. Videamus exemplum ex Epicharmo apud Athenaeum ex versione Vossii, quia simul, vti legitur, in vltimis anticlimacis reliqua deturpantis §. 335. exemplum exhibet: *Ex sacrificio epulum, ex epulo compotatio, quod festi-uum mihi quidem visum, ex compotatione petulans comessatio, ex comessatione furor, ex furore lis apud iudicem, ex lite ac iudicio condemnatio, ex condemnatione compedes, gangraena, vel sideratio, et multa.*

## §. 347.

Quanquam figuras omnes sententiae Vos-  
 sius dicit in rebus ipsis quandam habere di-  
 gnitatem: non tamen omnes huc traho, nec  
 plurimas, sed eas potissimum, quas ex me-  
 dio significato vocis, §. 330. *αυξησεις* dicas, §.  
 329. Nec enim opus est incrementum, nec  
 minorem, satis adhuc verisimilem, hyperbo-  
 len synecdochice tantum auxesin dicere, nec  
 superlationem *μειωτικην* catachrestice tapino-  
 sin. §. 339. Interim incrementi, §. 334.  
 quod climax stricte non sit, §. 346. breue ad-  
 huc videamus exemplum ex Seneca, qui *tur-  
 pissimam ex negligentia iacturam* eorum dolet,  
 quorum, *si volueris attendere, magna vitae pars  
 elabitur male agentibus, maxima nihil agenti-  
 bus, tota aliud agentibus.*

## §. 348.

Synathroismum, quem aliqui congeriem  
 dicunt, iam in argumentis locupletantibus  
 vidimus, §. 148. et in augentibus ad subli-  
 mitatem vsque, §. 298. Valet enim et in  
 tenui, et in medio cogitandi genere comple-  
 xus eiusmodi, quo congestorum veluti totum  
 animis offertur, magnam absolute, quantaque  
 relatiua quaeritur, excitare perceptionem.  
 Ita Cicero pro lege Manilia: *Quod denique  
 belli genus esse potest, in quo eum (Pompeium)  
 non exercuerit fortuna reipublicae? Ciuile,  
 Africanum, Transalpinum, Hispaniense, mi-  
 sum*

*rum ex ciuitatibus atque ex bellicosissimis nationibus, seruire, nauale bellum, varia et diuersa genera bellorum et hostium, non solum gesta ab hoc vno, sed etiam confecta. Congeries maior, hinc et celerior, huc etiam pertinet epitrochasmus, Virg. Aen. IV.*

*faces in castra tulissem,  
Impleissemque foros flammis, natumque patremque*

*Cum genere extinxem, memet super ipsa dedissem.*

§. 349.

In augentibus sine dubio habeamus Parthesian, implicite vel explicite ostendentem, vt certa meditatio meditationisue significatio decerneretur, opus nobis insigni fuisse libertatis nisu, non nisi post luctam aliquam vicisse tamen in animo meliorem causam. Post eiusmodi enim prologum, vel tacitam insinuationem, sane non vulgaria solent expectari ac trita. Hoc argumentum an figura dicatur semper, an nunquam rhetoribus, mihi perinde est. Vtitur eodem cum effectu Sinon apud Virgilium, quando inter praemissa iam huc pertinentia, Aen. II, 77:

*Cuncta equidem tibi, rex, fuerint quaecumque, fatebor*

*Vera, inquit, neque me Argolica de gente negabo.*

*Hoc*

*Hoc primum. Nec, si miserum fortuna  
Sinonem.*

*Finxit, vanum etiam mendacemque improba  
finget.*

§. 350.

Pergit fictus Sinon μετὰ πολλῆς παρρησι-  
as, donec attentionem acuisse se satis putat.  
Tum vero luctam intra animum denuo simu-  
lat. 101.

*Sed quid ego haec autem nequicquam ingrata  
reuoluo? e. c.*

quo effectū?

*Tum vero ardemus scitari et quaerere  
causas,*

*Ignari scelerum tantorum artisque Pelasgae  
Prosequitur pauitans.*

Quum autem rem iam acu paene tangeret,  
cuius gratia omnis ludebatur fabula, non ver-  
bulum prius, quam

*Sustulit exutas vinclis ad sidera palmas:*

*Vos aeterni ignes, et non violabile vestrum*

*Testor numen, ait, vos arcae, ensesque ne-  
fandi,*

*Quos fugi, vittaeque deum, quas hostia gessi.*

*Fas mihi Graiorum sacrata resolvere iura.*

*Fas odisse viros, atque omnia ferre sub auras,*

*Si qua tegunt. Teneor patriae nec legibus  
vllis.*

*Tu*

*Tu modo promissis manear, seruataque serues,  
Troia, fidem, si vera feram, si magna re-  
pendam.*

Euentus docuit, quanti haec habita sit par-  
rhesia, et narratio huic inuoluta.

§. 351.

Figurarum augmentum agmen claudat ex-  
clamatio, non ea tantum, qua talia cogitantur,  
quae eloquenter legendo cum aliqua vocis  
intensione proferenda sunt, propter magnitu-  
dinem, sed et illa, quae cryptice designat,  
non sine admiratione talia menti nostrae ob-  
uersari, quae iam cogitamus. Quoniam enim  
parua ac proletaria non solent in admiratio-  
nem sui rapere, denotatur eo ipso, quod pul-  
cre cogitantem subit mirari, magnum aliquid  
esse, quod animo voluit. Quando legis  
apud Terentium:

*D. Hei mihi! quid faciam? quid agam?  
quid clamem, aut querar?*

*O! caeli! O! terra! o! maria Neptuni!  
M. hem tibi! Ad. V, 3.*

nonne comice saltim magna expectas, quae  
resciuerit clamans? Eiusdem scriptoris in An-  
dria Pamphilus ita quasi genesin paullo post  
futurae exclamationis describit:

*Vix sum apud me. Ita animus commotus est  
metu,*

*Spe,*

*Spē, gaudio, mirando hoc tanto, tam repentino bono, V. 4.*

Jamque non parua laetari videbitur post pauca concludens :

*O ! faustum et felicem hunc diem !*

\*\*\*\*\*

## SECTIO XXIII.

### GRAVITAS AESTHETICA ABSOLVTA.

#### §. 352.

Quanta quanta sit in materiis aesthetica magnitudo, neque tamen illam assequatur, nisi subiectivae simul magnitudinis capax, quam magnanimitatem et gravitatem aestheticam diximus, §. 189. Haec erit absoluta magnitudo ingenii et pectoris, §. 45, sed non connata solum, verum etiam innutrita exercitiis, usu, §. 51. ac disciplina, §. 63. non eamortua, sed plenis appetitionibus eliciendis sufficiens, quantam omnia magnitudinem, hinc et dignitatem; absolutam aestheticam habitura pulcre cogitanda requirunt, §. 178.

#### §. 353.

Quando itaque nunc in omni pulcre cotaturo magnum animum poscimus, non sedet animo Ciceronis illa notio, quae forsan in ipso

ipso feuerioris horizonte rationis ac purioris exaggerata nimium ac iusto augustior probari posset, vbi Quaest. Tusc. IV, 61: *Constantem, ait, volumus quendam, sedatum, grauem, humana omnia prementem illum esse, quem magnanimum atque fortem virum dicimus. Talis autem nec moerens, nec timens, nec cupiens, nec gestiens esse quisquam potest. Eorum enim haec sunt, qui euentus humanos superiores, quam suos animos esse ducunt. Catone maioris comitatus et humanitatis erimus heic contenti, modo possit ac velit absolute magna sectari, abstinere ab ineptiis, vilibus, ac humillimis, §. 191. 195.*

## §. 354.

Neque quaerimus in pulcre cogitatur  
quouis virum probata sic

*pietate grauem ac meritis*  
venerabilem, vt vel solo nutu silentium tumultuantibus imponere valeat, multo minus hominem qui *fronte graui tristisque supercilio* suas opiniones aliis *contumaciter* obtrudat, minime omnium vnum ex iis, qui

*ignaua nequeunt grauitatemoueri.*

Nobis sufficit animus absolute magnorum, adeoque dignorum etiam, et potens et constanter audis, seduloque cauturus, quae iam reprehendit Lucilius,

*Dum ridet versus Enni grauitate minores.*

## §. 355.



## §. 355.

Hanc ingenii pectorisque magnitudinem et potentialem optamus, partem characteris generalis in felici aesthetico, S. H-VI. et tunc, quando ad pulcre cogitandum accedit, actualem, qua non alio solum tempore forsan et aliis occasionibus, sed et nunc, et ea ratione, qua iam res eget, possit, non velit solum antecedenter incompletis ex sollicitationibus, sed etiam efficienter decernat, magna absolute, hinc et digna, quibus nihil insit pusilli, nihil humilis et abiecti, mente, praecordiisque concipere. Regnet in eiusdem persona, quam Cicero describit de Inu. II, 166. *dignitas* (subiectiua), *honestas* nempe, et cultu, et honore, et verecundia digna auctoritas.

## §. 356.

Si quibus pulcre cogitaturis actualis deest absoluta magnitudo animi, dignitasque personae, quam huc vsque vidimus, sunt illi PVLCELLI LEVICVLIVQVE MICROLOGI. (leptologi.)

*Animasque leues ut noscere possis,*  
magnum alias poetam Lucretium ibi lege,  
vbi L. III. rem vnam ex maximis et grauissimis hoc eleuat exordio:

*Nunc age, natiuos animantibus et mortales  
Esse animos, animasque leues, ut noscere  
possis:*

Con-

*Conquisita diu, dulcique reperta labore,  
Dignâ tua pergâ disponere carmina vitâ  
e. c.*

Huius vitii scopulus vix evitabitur, non solum infra horizontem æstheticum posita sibi themata legentibus, sed etiam supra eundem constituta, quoties hæc nihilominus cum festiua quadam vrbânitâ non sine salibus ac iocis exponere laborant. §. 120, 121.

§. 357.

Interim non nisi absolutam leuitatem in omni pulcre cogitâturo culpari volo. §. 355, 356. Potest aliquando pectus ingeniumque sane magnum, quantum Virgilii,

*Incolûmi grauitatē iocum tentare,*  
potest idem ferri in comparatiue minus magna et digna, quæ tamen absolute sint, §. 198, 201. hinc ab ipso auctore dicantur leuia secundum §. 179. interpretando. Huc exordium mellificii, Georg. IV, 4.

*Admiranda tibi leuium spectacula rerum,  
Magnanimosque duces, totiusque ordine gentis  
Mores, et studia, et populos, et praelia dicam.*

§. 358.

In medio relinquamus, nunc æsthetici, statum animi in Demosthene, quem damnât Cicerô, in quæst. tusc. V, 103. iam non populari

lari quadam trutina, sed aurificis statera examinaturus, quae probet, §. 250. quando: *Leuculus sane noster, inquit, Demosthenes, qui illo susurro delectori se dicebat, aquam ferentis mulierculae, ut mos in Graecia est, insusurrantisque alteri: Hic est ille Demosthenes. Quid hoc leuius? At quantus orator. Sed apud alios loqui videlicet didicerat, non multum ipse secum.*

### §. 359.

Pulcelli habitualiter micrologi, leuiculi-que minutiarum sectatores sint illi PYGMAEI HELICONIS, Parnassique reptilia. Paruulas in his animulas natura tales, numarios poetastros, et hoc genus omne, ridentes suo abundare ingenio iubeamus, hilaresque eo ablegemus ad suas imagines,

*Vbi tota cohors pede non est altior vno.*

Vni illi dolent, honestamque merentur misericordiam, quos iniuriae temporum, barbariesque locorum, in quibus vixerunt, saporque deprauatus aequalium, vel honoratissimorum, eo compulit, ut animarum sic satis magnarum friuole prodigi vel in nugis ac ineptiis, vel omnino humillimis turpitudinibus, otium tererent, aut conspurcato pectore simul ingenium deturparent.

### §. 360.

Absolutam, quam huc usque considerauimus, animi, ingenii pectorisque magnitudinem,

P

dinem, praesertim eam, quae nonnunquam etiam comparatiue maximis proportionate tamen pingendis, sine dedecore, pulcre sufficiat, probe contemplanti patebit moralis illa necessitas et pulcræ eruditionis, et morum laudabilium in felici aesthetico, quae nonnunquam doctores artis insigniter pulcræ eo abripuit, ut generatim loquendo regulam constituerent, quae iusto durior aliis est visa, iustoque latior.

## §. 361.

Conceditur Horatii lex: A. P. 309.

*Scribendi recte sapere est et principium et fons.* Quando autem contextum et sequentia conferentes *sapere* heic interpretamur philosophiae practicae practice peritum esse: tum multis iusto plura postulasse videbimur. Pari in culpa censetur esse Cicero, qui *id ponit in primis, sine philosophia non posse effici, quem quaerimus, eloquentem, seque fatetur oratorem, si modo sit, non ex rhetorum officinis, sed ex academiae spatiis exstitisse, tandem oratorem* describit *virum bonum dicendi peritum.* Nec Quintilianus notam effugiet, qui adhuc expressius: *Non potest esse orator, nisi vir bonus. Sit vir talis, qualis vere sapiens appellari possit, nec moribus modo perfectus, sed etiam scientia, et omni facultate dicendi.*

## §. 362.

Quid autem? Quemadmodum eruditio  
male

male simulatur coram eruditis: ita et boni mores coram moratoribus. Quam primum ibi non nihil supinae ignorantiae, hic inconditorum morum sub vulpe latentium pellucet: peracta res est, et ex iudicum maxime competentium sententia turpitudinem turpius tegens condemnaris. Quoniam itaque iam extra dubitationem positum est, nihil pudendae ignorantiae, nihil abiectionis plebeiique debere phaenomenon fieri in pulcre cogitandis: primo quaeritur, an dissimulari satis apte possit animus vtrunque laevis, deinde difficilius id saltim erit, quam aperto pectore talem et ingenio et moribus te sistere, qualis es, doctorum autem est regulas, quas possunt, facillimas praescribere; tandem, si detur aliquem, ingentem simulandi per habitum, posse virum bonum ita mentiri, ut ne minima quidem in eius cogitandi ratione transpareat mentis animique prauitas, quis vetat, eum virum bonum aesthetice verisimiliterque dicere, donec constet contrarium? §. 15, 16, 211.

### §. 363.

Nunc itaque licebit, quam postulauimus §. 45. connatam, exercitiis, §. 50. et disciplina, §. 63. corroboratam animi magnitudinem determinare paullo curatius absolutam, animum non honestum solum, sed etiam nobilem, §. 213. qui consuetudine simul, altera

natura, politius vivere nouerit, cognitionemque tali virorum bonorum generi ordinariam familiarem etiam sibi facilemque consequutus sit. Hic enim et mores simpliciter honestos et his proportionatam cogitandi rationem exprimere sufficiet, vires suas non nihil reprimendo, et heroicam viuendi rationem eiusque maiestatem attingere, si uolet, et omnes animi neruos in eximia quaedam dignis repraesentanda modis adstringet.



## SECTIO XXV.

### MAGNANIMITAS AESTHETICA COMPARATIVA.

#### §. 364.

**V**era magnitudo animi quoniam tumori non minus, ac humili repentique rationi cogitationum ac vitae inimica est, §. 363. tenuia cogitaturum docebit non sua solum forte contentum esse, si vel ipse simpliciter honestum vitae genus assequi tantum possit, sed et nobilitate morum ac ingenii conspiciuum, et ipsos heroas, neque res de themate concipiendas, neque cogitandi modum ac rationem augustius informare, ac res, de qua potissimum agendum est, permiserit. In tenui si fuerit labor, omnis maior nobilitas et herois-

heroismus ipse velut exuendus est, ad hoc vnum vtiles, vt, quo maiores sunt in aliquo, hoc illi facilius sit, ita tenuitatis seruare terminos, ne in abiecta et spinas promyricis deprimatur, vel sinistris auibus intumescat cogitatio. §. 245, 263.

§. 365.

Ad veram et naturalem tenuium magnitudinem exprimendam sufficit quidem ingenium et pectus in pulcris vnum ex minimis, neque tamen necessarium est, quoniam, maiora quae possunt, et minoribus apta sunt, suis parcere docta viribus. §. 369. Habes nouam inter cogitandi genus in aestheticis tenue et meditandi rationes logicas, et concisas, eamque subiectiuam differentiam. Potest mens animusque insigniter philosophus, nisi pulcra male contemnat, tenue cogitandi genus exprimere, neque tamen huic satis magna laudi mens omnis ad philosophicam meditandi rationem assurgere. Potuit Leibniti excogitare fabellas, non potest fabellis vnice commodum ingenium ac animus calculum eius differentialem demonstrare.

§. 366.

Tenues venas animumque sua tenuitate, sed honeste, contentum ne confundamus cum leuiculis Parnassi reptilibus, §. 356, 359. In ipsis tenuibus quidem elegantiss in cogitando

tando difficilis eiusmodi ingenio erit, quantumcunque requiratur, *παρσις*, §. 235: tantum tamen in pygmaeis Heliconis caput efferet, quantum humo myricae surgunt. §. 180, 195. foliciteque grauitatis magnanimitatisque, quae datur in aestheticis, absolutae studiosum. S. XXIII. eiusdem comparatiuae, minimum licet, aliquem tamen gradum tuebitur. §. 189, 185.

## §. 367.

Vel tenuibus satis magnus laudibilium aestheticorum animus, et ingenio regitur subtili, licet non sit subtilissimum, §. 238. et facetiis illud ac honesta vrbanitate condire, dictisque dicendis ac salibus et iocis lubenter assuescit suo tempore. §. 237. sed ex vere venustis antiquorum exemplis, non ex illa ridicula recentium quorundam formula, quam et auctoritatibus et rationibus ostendit *Vauassor, de ludicra dictione*,

*Ire praecipitem in lutum, §. 195. per caput-  
que pedesque.*

## §. 368.

Animus solis tenuibus venuste cogitandis aptus et accommodatus facilius, maioribus autem nec impar difficilior, vterque tamen suam operam etiam in id bene locabunt, ne surgant altius, vel cognoscendo vel appetendo, ac sphaera cogitationum ac morum



rum tenuibus definita protenditur. §. 364.  
*Admirabilis in suo genere Theocritus. Sed Musa illa rustica et pastoralis non forum modo, verum ipsam etiam urbem reformidat. Quint. X. 1. ita, ut pari cum incommodo forum, et urbem etiam, ea cogitandi ratione, qua Theocritus usus est, cogitare fingeres, et bucolica ex ea notitiarum votorumque sphaera describeres, qua gaudere solent in vrbe, immo in ipso foro nutriti, ac versantes assidue.*

## §. 369.

Recte Seruius eundem *Theocritum* laudat ubique simplicem, personas addens in bucolicis esse rusticas et simplicitate gaudentes, §. 213. scilicet a quibus nihil altum, nihil urbanum, nihil declamatorium. *Virgilii* figuras aliquas necessitate excusat. Falli tamen, qui ornatus omnes, figuras omnes ideo vitare iubent tenuibus proportionate cogitaturum, §. 237. vel ipsum Theocriti probet exemplum, in quo sane, si quis unquam, positivum etiam *ἡθος βυκολικόν*, §. 194. tuetur. Id. l. 76:

Ἀδὲ' ἀφ᾽ ὧν τὰς πορτίους, ἀδὺ τὸ πνεῦμα,  
 Ἀδὺ δὲ χῶ μοςχος γαρύεται, ἀδὺ δὲ χάβως,  
 Ἀδὺ δὲ, κ. τ. λ.

et tamen habet ornatum, figuram, anaphoram. §. 343, 345. Quot idem plenus est comparationibus bene agrestibus, figuris tamen!

## §. 370.

Hanc extenuationem virium et parsimoniam in eclogis, §. 368. adeo strenue seruasse dicunt Virgilium, vt duas tantum sententias habeat in omnibus, et simul sumtis, quarum vna tamen non effugit criticorum seueritatem, ac si iusto maior esset in ore pastoris. Quos falli docet ipsa:

*Trahit sua quemque voluptas.*

Cur enim non aliquem pastorum sua sententiarum voluptas traheret, quos Aristoteles generatim *γνώμονες* dicit, congruente Ceruantis Sanchone Panfa mirabiliter?

## §. 371.

Equidem non sententias solum, sed et bene multa alia phaenomena, quae figurarum habent apud rhetores nomina, in vulgaribus maxime hominum in honestis inferiorum sermocinationibus obseruauī, mecumque plures, quae figuras non nominamus, quia non sunt pulchrae cogitationis partes, et circumstantibus neglectis turpiusculisque sic obscurantur, vt in iisdem peculiaris non detegatur elegantia, casui potius imputentur, instar flosculorum in pratis et ad triuia sponte nascentium. §. 26. Quod tamen ideo monetur, vt hoc certius persuadeamur non peccare in verisimilitudinem *ἡδύς*, si quis tenuibus etiam, quasi aliud agendo,

agendo, non quaesitos, obuios tamen immiscet ornatus eiusmodi, qui possunt figurarum tritis nominibus insigniri, nec ideo talem suam tenuitatis sphaeram transcendere.

§. 368. *Et Terentius seruis dat plerumque prudentissimas sententias quidem, sed quae se per naturam offerunt cunctis: ut: Ne quid nimis.* Seruius ad Aen. X.

§. 372.

Singulare documentum animi magni in tenuibus est quaedam eruditionis abnegatio, si data opera maioris ingenii, cognitionis, ac animi vir tenuia tamen expressurus, ne verisimilitudinem laedat, in ejus persona, quem simulat, errorem committit. Huc post Theocritum, Virgilius in exemplum vocatur, quando scribit

*I. Amphion Dircaeus in Aëtaeo Aracyntho,*  
Aëtaeumque Atticum interpretantur, non ac si Aracynthus fuerit in Attica, sed quasi simularit Virgilius pastoris ignorantiam geographicam:

*II. Pars Scythiam et rapidum Cretae veniemus Oaxen,*  
nec constructiones de populis, terris, fluviis, ad quos veniamus, consuetas adhibet, nec Cretae flumen adscribit, quod habeat, quoniam Oaxen hi quaerunt in Scythia, illi in Mesopotamia. Quos penes verum sit, nosse pastori licet cum ignarissimis.

§. 373.

## §. 373.

Quam Longinus S. XXXXIII. forsan animi sui sententiam philosophi, nescio cuius, quem loquentem ab initio fingit, ex persona prodens principem causam indicat, cur suis temporibus sit vniuersalis adeo sublimium et magnificorum ingeniorum penuria, seruitutem, die dimidium virtutis auferentem: ea, si vel plenaria fuerit, praecordiis in libertate maiora ausuris tantum saltem relinquit magnitudinis relatiuae, quantum ad tenuia pulcre cogitanda satis est.

*Seruitus obnoxia,*

*Quia, quae volebat, non audebat dicere,*

*Affectus proprios in fabellas transtulit,*

*Calumniamque fictis elusit iocis. Phaedr. l. III.*

Quam apologorum genesin egregie confirmat, prima superstitum, Iothami fabula de arboribus regem quaerentibus, licet adhuc minus aliquid et sublimius applicando spirans, ac seriores mancipiorum ac libertorum fabellae aesopicae.

## §. 374.

Magnitudo animi relatiue minima, vel potentialis etiam tantum, vel saltem actualis in elaborandis tenuibus nunc occupatorum est ingenium ac propensio simpliciter honestam viuendi rationem modumque cogitandi huic congruentem, et negatiue, et positiue, sequi

sequi aptum et cupida, §. 213, 214. obiecta non mediae solum, sed et maximae mensurae capacia simul, ex lateribus suis, absolute quidem magnis et dignis, horum tamen minoribus, contuenda sistere, §. 215. βαδους, §. 217. et primum, §. 221. et secundum genus, §. 245. tumoris, §. 217. et primum, §. 222. et secundum genus, §. 263. effugere potest, tendit et fouet.

### §. 375.

Eadem adeo genus cogitandi satis absolute magnum, praesertim absolute dignum, §. 223, exhibere, vile de abiectis, §. 224. veletiam de tenuibus cogitandi genus, §. 262. cauere, quaerere genus cogitandi absolute moratum, ut latius, §. 226, ita strictius, §. 228, male moratum vtrumque vitare, §. 228, gradus etiam et intercapedines in ipsis tenuibus belle metiri, §. 233. data occasione inter βωμολοχίαν, scurrilitatem omni modo risui inhiantem, et αγροικίαν, feritatem omnibus naturaliter asperi, medium tenere, quod ευτραπείας aliquando nomine significatur, *in ludo iocisque concinne se et decenter gerentium*, et amat, et potest, §. 237.

### §. 376.

Ευτραπείας mentionem iniicere non possum, quin veniat forsan aliquibus eius in mentem, quod Eph. V, 4. illa omnino Christianis

stianis prohibita censeatur. Non inquiram heic in id, an omnia per fidem sanctissimam illicita possint etiam, vt vetita, considerari per solas aesthetices regulas philosophicas: dabo modo obiter interpretationem loci, quam ego verissimam habeo: *Ne audiat quidem inter vos turpitudine et obscenitas, nec morologia.* Si autem quaeratis, quid morologias amplectar titulo, est illa *ευτραπεια (κατα) τα ουκ ανηκοντα*, omnis illa cogitandi agendique ratio, quam urbanitatis festiuitatisque titulis tegunt, quae vere tamen decoro, eoque Christiano, contraria est, §. 212.

## §. 377.

Difficillimum vtique vel psychologice tantum rem considerantibus haberi debet, ita ingenium deliberato consilio versatile reddere, moresque toties amabiliter variare, semper tamen rectos et vere bellos, vt

*omnis te deceat color, et status, et res,*

neque naufragium facias vnquam in scopulos dicacium, obscenitatem, maledicentiam, vel omnino rerum caelestium profanationem, nec dictum tuum vllum, vllum ridiculum, suafore Cicerone, vel sit nimis frequens, quia scurrae hoc est, vel subobscenum, quia est mimi, vel petulans, quia improbi hominis, nec in calamitosos, quia iu humanum, nec in facinorosos, quia leue id supplicium, neque quaesitum et domo allatum, quia frigidum, nec fere

fere ad laceſſendum, quia reſpondetur & ingenioſius et humanius, nec in caros vel noſtros, vel multorum, quia odioſum, nec in potentes et dignitate praeditos, quia praeter debitam venerationem et obſervantiam, nec atrox et contumelioſius in quenquam, quia inſanabile.

### §. 378.

Eidem Ciceroni off. I. *facilis eſt diſtinctio ingenui (elegantis, urbani, ingenioſi, faceti) et illiberalis ioci. Prior tempore ſit ac remiſſo animo libero dignus, eique ſicut incipiendi ratio eſt, ita deſinendi modus.* Verum ſit facilis in theoria et in abſtracto, quod aiunt, facilis ſit in multis, ex vna parte liberalioribus, ex altera ad infimam humilitatem et faecem vergentibus, inſtar plumbi, ſit facilis animo ſereno, quieto, lente feſtinanti, extraque teli iactum immo extra ipſas partes poſito, velut iudex litem ſuam non faciens. Diſparebit tamen facilitas, ſi iam iamque dictum dicturus, quod ſubito occurrens iam in primo ore habeas, citiſſime tranſitura opportunitate, concipiaris, quod honeſti maleque morati

*circa conſinia ludat,*

nonnihil animo commotior, et in quendam iocandi velut *ενθροιασμον* delatus, S. V. vel ſi dictum examines alterius te vel ipſum, vel tuos petentis, vel a quo certe timeas. e. c.

### §. 379.

## §. 379.

Secundum nos iudicaturum reor, qui porro perpenderit, an exempla iocorum elegantium ab ipso Cicerone generatim dicta l. c. sint ea vere omnia. 1) *Plautus noster*, §. 262. de quo tamen denuo generatim et indefinite Horatius A. P. 270:

*At vestri proavi Plautinos et numeros, et  
Laudauere sales, nimium patienter utrum-  
que*

*Ne dicam stulte, mirati, si modo ego et vos  
Scimus inurbanum lepido seiungere dicto.*

2) *Atticorum antiqua comoedia*, cuius tamen, auctore Horatio l. c. 282. dicacitatis vitio reprimendo lege opus fuit.

*Lex est accepta, chorusque  
Turpiter obticuit, sublato iure nocendi.*

2) *philosophi Socratici*, quorum tamen ipse dux, ab oraculo sapientissimus mortalium declaratus effugere non potuit, quin, referente ipso Cicerone, a Zenone Stoico *scurra atticus* nominaretur. Addamus, velut argumentum ad hominem, et eorum dictum, qui Ciceronem hunc ipsum *scurram consulari* salutarunt iniuria, praeceuntem sequuti Catonem, quando ille subridens aliquando: *Quam ridiculum*, inquit de Cicerone loquens, *habemus consulem.*



## §. 380.

Quorsum autem ista? §. 377-379. Vt non assentiamur solum Ciceroni, quando ille l. c. *Turpe est, ait, valdeque vitiosum in re seuera conuiuui dicta, aut delicatum inferre sermonem:* sed et in ipsis tenuibus et remissius suo quodam merito cogitandis ευχαριστιαν malimus, ex sanctissimo consilio, comitatem et gratiam affabilem, non sine sale, sectari, quam aut μωρολογιας valde suspectam, aut periculis vndique septam ευτραπελιαν, eo cautiores, quo certius

*Risu est inepto res ineptior nulla, §. 376. 191.*

## §. 381.

Eo promptius natio solatium inueniet, cuius forte genius aptus quidem et tenuibus cum dignitate quadam excogitandis et ipsis iocis ac dictis cum lepore iaciendis est, gracilitate tamen et subtilitate nescio qua, per quam amabili, vinci dicitur a vicinis aliquibus, quoniam ingenia pulcra soli huic characteri forsan nata plura si numeret gens quaedam in ciuibus suis, mirum non est, ea si artem, quam solam possunt assequi, colunt felicius, ac vicini, quorum et altius surgere plura grauiioresque simul personas induere valent et desiderant ingenia ac praecordiorum ingentes impetus, §. 249. His enim

*facilis iactura iocorum est.*

## §. 382.

## §. 382.

Magnum satis ad tenuia proportionate cogitanda pectus ac ingenium, et potest, et arder hoc magis pura a sordibus et rerum et significationis eloquutionisue sua et intaminata seruare, quo se meminit plebi vicinius, quo hinc facilius posset turbae inuolui, quam tamen non minus abhorret, ac illud sublime:

*Odi profanum vulgus et arceo*, §. 243.

Idem in absolute magnis vel minimis, vel nunc saltim, ac vnum ex minimis, se gerens animus, non sectatur paradoxa honestis tantum non omnibus ex simpliciiori viuendi formula, sed fatagit rerum suarum, si iisdem probare sua, si iisdem sine salebris ac spinis mentem euidenter declarare, si potest eosdem eius certiores reddere, quod persuadere volebat bonis, idque sine ambagibus, quas pauci capiant aequalium, §. 244.

## §. 383.

Magnus in tenuibus laborans eleganter animus mauult aliquam siccitatem, quam tumidis vel inanibus emboliis lasciuire, gnarus odiosam esse circensibus pompam, §. 381, 284. exilitatem quandam, §. 249. praeferet lutulento cuius flumini, quale Lucilii, si

*in hora saepe ducentos,*

*Vt magnum, versus dictabat stans pede in uno.*  
aridum autem, §. 255, exsangue, §. 258, et  
ieiunum

ieiunum cogitandi genus, §. 259. aequè abhorrebit, ac friuolum, §. 261. omnia denique cogitabit, volet, aget, ex veteri prudentum formula: *Vti bene inter bonos agier conuenit.*

## §. 384.

Magnitudinem animi aestheticam huc vsque saepius descriptam relatiuam ad tenuia si placeret breuius SIMPLICEM AESTHETICORVM HONESTATEM appellare: mediis rebus medioque cogitandi generi vel tantum sufficientem, vel ad hoc tamen vnice iam requisitam NOBILITATEM ANIMI AESTHETICAM dicere liceret, grauitatem et magnanimitatem materiem aliquam mediam in exaequante cogitationum et digna magnitudine venuste sistendi ob oculos, §. 189.

## §. 385.

In hac concipienda neutiquam excludo nobilitatem generis, quam alicubi *blandam* Cicero *conciliatriculam* dicit *opinionem hominum* non parum *commendantem*, eum tamen ingenii pectorisque tum naturalem habitum, tum vero statum praesentem et existentem cogitari volo, quem nobili loco natus amplecti.

*Ni coram Lepidis male viuitur, sed per se  
Ante Numantinos nisi luditur.* Iul. Sat. VIII.

Q

G

si potius animus dignus illustri majorum serie, *altae*

*Indicium, mores, nobilitatis habet. Ou.*  
Fast. III, 2.

aut omnino, quod adhuc maius est,

*nominibus quum sit generosus auitis,*  
*Exsuperat morum nobilitate genus, Trist.*  
IV, 4.

§. 386.

*Qui increpitus a quodam, quod in aciem claudus descenderet, pugnare non fugere volo, respondens Spartanus* respondisse dicitur Valerio Maximo *nobiliter*, III. 7. ex nostra nunc notione, nec in eiusdem responso simplicem modo honestatem deprehendes, neque maiestatem e contrario singularem, sed medium quid inter utramque, quod illud ipsum est accurate, quod nunc volumus, quod utique iam in se magis arduum, ac magnus satis tenuibus animus, facilius a bene natis obtinetur, quando ad erectiorem cogitandi rationem politioresque viuendi mores a teneris, quod aiunt, vnguiculis, veluti manu, ducuntur, plus iam difficultatis habet, ut eo serius demum eleuentur animi, neque tamen omnino fieri nequit, si gnauiter exercearis in laudabili vere nobilium consuetudine, disciplinis ac usu, vehementerque despicias, quicquid

quid est infra locum, quo tendis, vbique nugarum; §. 191.

§. 387.

Animus ad medium in pulcre cogitandis genus satis habiturus nobilitatis, §. 383. non absolutae solum dignitatis memor est et tenacior, §. 193. quoniam amicam luto suam nobilem nemo dixerit, sed eius etiam comparativae, quam studia moresque verae nobilitatis postulant, §. 213, 1) negativam. Hinc poterit et volet omnem, etiam longa manu, mouere lapidem, ne quid ignorantiae, ne quid erroris, ne quid pravae consuetudinis et aegritudinis animorum deprehendatur in cogitandis a se venustius, quod, etiam si bene conuenire cum simplici satis honestate possit, maiorem tamen personarum ac rerum dedecet ordinem non sine turpitudine.

§. 388.

*Turpe fuit olim nobili ius ignorare, in quo versetur, forsan et erit iterum aliquando. Hinc Iuuenalis sibi videtur absurdi quid retulisse, dum: Facundus, ait aliquis ima de plebe solet defendere causas*

*Nobilis indocti, veniet de plebe togata,  
Qui iuris nodos et legum aenigmata soluat.*

Turpe fuit alicubi nobilem non militasse.

Q. 2

Hinc

Hinc idem Iuuenalis arbitratur, se rem absurdam acu tetigisse, quando pergit:

*Hic petit Euphraten iuuenis, domitique Bat-  
taui*

*Custodes aquilas, armis industrius, at tu*

*Nil, nisi Cecropides, truncoque simillimus  
Hermae.*

In his turpitudinibus, et vere tales, et eae veniunt in censum, quae maiorum institutis iudicantur, §. 212.

### §. 389.

Animus ad res medias pulcre cogitandas satis nobilis dignitatem porro comparatiuam et studiis vitaeque nobilium conuenientem circumspiciet 2) positiuam, vt ea didicerit, et id quidem satis exacte, vt ea et nouerit ad finem perducere, et animo constanti decernat, quae nosse, velle, velle constanter, et agere, simplex forsan honestas non potest, aut imbecillitate sua facilius excusatur, si peccauerit, quae vero si cum decore possint exhiberi, perfectaue sistantur antea dubitantium oculis, tum vero non amplius incertum relinquunt, esse, qui talis sit, non vnum ex multis, sed eximiis ingenii, virtutis, ac animi dotibus conspicuum.

### §. 390.

§. 390.

Breuitas non patitur ad hanc dignitatem pertinentia congerere, vel omnia, vel pleraque, id est omnem paene philosophiam practicam excutere, eamque mathematicam, et simul in late patentem morum in gentibus aetatibusque diuersorum prouehi oceanum, §. 212. Inadaequatam nostris finibus, aliquam tamen eius imaginem exhibent Iuuenalis consilia :

*Esse bonus miles, tutor bonus, arbiter idem  
Integer, ambiguae si quando citabere testis  
Incertaeque rei, Phalaris licet imperet, ut sis  
Falsus, et admoto dictet periuria tauro,  
Summum crede nefas animam praeferre  
pudori,*

*Et propter vitam viuendi perdere causas.*

*Prouincia quum te*

*Rectorem accipiet, pone irae fraena modum-  
que,*

*Pone et auaritiae, misere inopum sociorum,  
Respice, quid moneant leges, quid curia  
mandet,*

*Praemia quanta bonos maneant, quam ful-  
mine iusto*

*Et Capito et Numitor ruerint, damnante  
senatu.*

## §. 391.

Nobilitas, de qua nunc loquimur, §. 388.  
aspersatur humillima quaevis et abiecta, §. 195.

*An, quae*

*Turpia cerdoni, Volesos Brutumque decebunt?*

Sed et illa, quae simplici forsan honestati non repugnant, ex abstracta philosophorum formula, detrahunt tamen ex opinione moribusque hominum, quorum iudiciis stare, vel nobilis, existimatio debeat, aliquid illius dignitatis, dum media est, non minimae, §. 212. quam ferre in oculis, et a qua ne latum quidem vnguem recedere, secum constituit cogitando decernendoque, quem nunc animo formamus, aestheticus medias res venuste picturus. Quam durus censor est poeta?

*Laureolum velox, etiam bene, Lentulus egit,  
Iudice me, dignus vera cruce.*

## §. 392.

Animus eleganter nobilis in talibus etiam materiis, quae tenuiter possent, possent sublimius cogitari, singulare quaeret artificium declarare, non meditatus solum, quae proferat, sed et quae omittat, quando catus et harum rerum peritus spectator ipse sibi tradet multa, nunc ob tenuitatem, nunc ob sublimitatem, quae non exhibita deprehendet, deprehendet nihilominus auctori venisse in mentem,



tem, sed eum non remisisse vires, et simul  
iisdem belle pepercisse, §. 215.

§. 393.

Nobilitas animi, quam nunc volumus,  
*Badys*, §. 317. praesertim genus tertium, §. 276.  
tertium tumoris §. 217. genus sibi cauendum  
putat, §. 279. sequitur potius bene moratam  
cogitandi rationem, quatenus et relative non  
omne solum decorum, sed et eius gradum in no-  
biliore hominum consuetudine paene sola reg-  
nantem obseruat, §. 228. praestabit aliquam qui-  
dem remissionem cogitationum eleuationem-  
que, praesertim in opere longiori, §. 273, sed  
vti latius aequabilem semper, §. 268, ita et ple-  
rumque simul strictius talem, §. 267, praefe-  
ret aliquam mediocritatem, §. 269. mediis  
etiam strictius attemperatam, §. 270, 271. et  
pro thematibus electaque semel ea significan-  
di formula, nunc altiore, nunc minus, §. 272.  
spectatori nobilitatem cogitantis animis ae-  
qualem circiter afferenti facilem ac suauem,  
§. 274. non abiectis solum de media re cogi-  
tandi rationibus, §. 278, sed etiam fluctuan-  
tibus et incertis, §. 280.





## S E C T I O XXVI.

MAGNANIMITAS IN AESTHETICIS  
GENERE MAXIMA.

## §. 394.

**R**estat MAGNANIMITAS AESTHETICA  
PER EMINENTIAM SIC DICTA,  
superius ingenium optimis genere maximis-  
que cultum, et immortalitati natum, viuens-  
que mortali iam in corpore pectus generice  
maximis sua pro maiestate cogitandis et par,  
et inuigilans, omni opera, quod

*Hinc saepe infuetum miratur limen Olympi,*

*Sub pedibusque videt nubes §. 318. et sidera.*

*Saepe deum vitam, S. V. §. 206. accipiet, di-  
uisque videbit*

*Permistos heroas, idemque videbitur illis.*

## §. 395.

*Vritidem fulgore suo, quas praegravat, artes*

*Infra se positas*

non eas nugatorias solum, §. 191.

*Fastidioso quas pede proruit,*

sed etiam magnos satis tenuibus, immo me-  
diis, animorum habitus, qui comparati cum  
hac

hac magnanimitate suis non raro titulis excidere videntur, quos optimo tamen iure habent extra metum comparationis constituti. Cum dignitate quadam aesthetica, §. 193. quae cogitaueris, sunt illa quidem omnia *σεμνως* cogitata, comparete vero Plinius II. ep. 11. Respondit, inquit, Corn. Tacitus eloquentissimus, et, quod eximium eius orationi inest, *σεμνως*, quasi sublimem Taciti gravitatem non attingentes *σεμνως* respondere non potuissent.

## §. 396.

A vilibus et abiectis non auocat §. 195.  
haec modo

*Virtus, recludens immeritis mori*

*Caelum, negata tentat iter via,*

*Coetusque vulgares et vdam*

*Spernit humum fugiente penna:*

sed nec contenta quidem est absoluta magnitudine ac dignitate rerum et cogitationum, §. 198, 201. altius *pauperum* aliquando *parentum sanguinem*

*Non usitata nec tenui rapit*

*Penna,*

ut nec in terris quidem longius moretur, et ipsas urbes relinquat, inuidiaque maior per liquidum aethera sursum feratur.

## §. 397.

Magnanimitas haec aetheticarum generice maxima virtutem directo sibi sumit in omni sua maiestate pingendam.

*Virtus, repulsae nescia sordidae,*

*Intaminatis fulget honoribus.*

*Nec sumit aut ponit secures*

*Arbitrio popularis aurae. Hor. III;*

od. 2.

cf. od. 3. Per indirectum eiusdem est animorum magnitudinis vitia publica, velut epidemics aliquas pestes, abominari, §. 203.

*Faecunda culpa saecula nuptias*

*Primum inquinavere, et genus, et domos.*

*Hoc fonte derivata clades*

*Inque patres populumque fluxit. e. c.*

od. 6.

cf. II. od. 15, 18. III. 1, 24. Epod. 7. §. 204.

## §. 398.

Animorum excellenter magnorum ingenium superius non admittit, vt praetici pragmaticique sint cum neglectu theoriae, quam tunc etiam amant et amplectuntur, quando in maximarum naturaliter rerum contemplatione sic haerere fixa videtur, vt subito non appareat, quid eiusmodi consideratio faciat ad mores

mores et vitam beatam. §. 205. - Ita in homine verioribus sacris non imbuto non, nisi magnus eminenter, animus haec effatur:

*Nil maius generatur ipso (Parente)  
Nec viget quicquam simile aut secundum,  
Proximos illi tamen occupavit  
Pallas honores, e. c. Hor. I. od. 12.*

§. 399.

In rebus magnitudine naturali conspicuis, generice maximis, specificè etiam maximorum mentionem in exemplis inieci, diuinorum, ne forsan animos generice maximos sibi formaturus animo Polyphemos aliquos Enceladosue vel contemtores deorum Mezentios secum fabricetur, non eos vere magnos animorum, sed tumide superbos. Prima potius dignitatis positivae per sublimia lex est: humana quaecunque, vel specificè maxima, diuinis subiicito, §. 206.

*Regum timendorum in proprios greges,  
Reges in ipsos imperium est Iouis,  
Clari giganteo triumpho,  
Cuncta supercilio mouentis.*

§. 400.

Ex qua formula *σεμνως* Horatius I. od. 12.

*Gentis humanae pater atque custos,  
tu secundo  
Caesare regnes*

**To**

*Te minor latum reget aequus orbem,*

*Tu graui curru quaties olympum,*

*Tu parum castis inimica mittes*

*Fulmina lucis.*

Idem de Romano populo, quo maius aliquid in humanis Romanus ignorabat. III. od. 6.

*Diis te minorem quod geris, imperas.*

*Hinc omne principium, huc refer exitum.*

*Dii multa neglecti dedere*

*Hesperiae mala luctuosae.*

Dum autem oda 5.

*Caelo, ait, tonantem credidimus Iouem*

*Regnare: praesens Diuus habebitur*

*Augustus.*

iam seruitutis, vel iustissimae, saltim acceptissimae, videtur expertus effectum, de quo §. 373, quoque secundum philosophum, quem Longinus citat, nihil euadimus, nisi adultores μεγαλοφύεις.

#### §. 401.

Magnanimitas, cuius sublimia Longinus Echo dicit, et de qua nunc loquimur, non omnino quidem transcendit horizontem aestheticum, neque res ita sibi tantum concipit, uti pura philosophiae scientia, maximis tamen generice inter obseruabilia quia potissimum et paene solis inhaeret, versatur in iis mate-

materiis, quae sunt horizonti rationis logico aetheticoque communes, et hinc, ac simul aliis ex caussis, plus rationis admixtum habet eiusdem analogo, plus distinctionis etiam mathematicae, proptereaque gradus in ipsis generice maximis, ut ita dicam, específicos metitur obseruatque curatius, ac magni, de quibus S. XXV. animi. §. 207. Principum est et regum vere magnorum, ingenti cum facilitate, suum tamen in omni consuetudine cuique tribuere, vel in iis, quae minora videantur, et gradus honorum dignitatumque potiorum, vel infra, vel iuxta se positarum apprime tenere, et secundum hanc veluti scalam cuius reddere personae conuenientia.

## §. 402.

Hinc ne nobili quidem cogitandi viuendique generi sufficiens animus non solum ad hanc concipiendam magnanimitatem inhabilis est, sed etiam illi falluntur, qui in his generice maximis specificè sibi maxima semper legentes transuolant in his minora ac media, quibus fatentur se pulcre cogitandis impares esse, grandium interim maxima belle se posse describere secum oppido certi sunt, §. 209. Vires sunt potius praetentandae in grandibus, quorum alia in occasione neglectus ipse adhuc sublimior erit, in grandibus, quibus adhuc satis multum pompae, terimoniarum, auri et ostri regalis extrinsecus accedit,

cedit, vt tandem vel nudam maiestatem, maiestatem, inquam, herois vnam ex maximis, vel puriora sacra, dum intra mentem peraguntur vnice, sublimius effingere sufficias. *Illa vero deridenda arrogantia est in minoribus nauigiis rudem esse se confiteri, quinquere mes vero, aut etiam maiores, gubernare didicisse.* Cic. de Or. I.

## §. 403.

Quanquam fatis magnus sublimibus animus non est sapiens ille stoicus, quem,

*Si fractus illabatur orbis,*

*Impavidum feriant ruinae,* §. 353.

non leuioribus tamen ille curis afficitur, nec ex tranquilla superum vitam imitante serenitate deturbatur. Minima non curat admodum, neque mouetur vehementius, si qua Parnassi reptilia, censores vitio creati, leuiculam in eius amictu maculam, non quod pueri in faba, reperisse se gloriantur, audaci potius impetu suum putat, in vera regularum collisione, dum fortissimas et Pygmeis ne cognitae quidem leges eleuatori strenue sequitur orbita, ita rationes suas subducere, vt leuioribus animulis artis suae pusillae, quam vnice norunt, sanctissimas, si diis placet, regulas; vere minores et debiliores, spernere, pessundare, proculcare videatur, non sine pul-



pulcellorum ardelionum lacrimula, vere tamen exceptione non ineleganti. §. 210.

§. 404.

Grauitatem absolutam aestheticam in animis nobilibus collocauimus §. 363., vti Cicero ipsum *moderatore* ingeniorum ad magna nitentium describit, *non ut quendam magistrum atque artificem, sed quasi vnum e togatorum numero atque ex forensi usu, hominem mediocre, nec omnino rudem.* Quod si vero nobilis eiusmodi animus actu velit ad grandia cogitanda accedere, quasi suimet ipsius et ordinarii sui status oblitus, excitandus est, et velut extra se rapiendus in maius theatrum, quam in quo quotidie personam agit, et ita diuis heroibusque miscendus, ut excelsam aliquam cum iisdem familiaritatem contraxisse, nec tanquam in alienum orbem delatus, sed in eiusmodi confortio dudum habitans appareat, §. 213, 396.

*Auditis? an me ludit amabilis*

*Insania? audire et videor pios*

*Errare per lucos, amoenae*

*Quos et aquae subeunt et aerae. Hor.*

III. od. 4.

§. 405.

Quam nunc quaerimus, magnanimitas non magna solum themata, sed ex ea etiam parte

parte considerare gestit, qua maiora et grandia apparent. §. 215. Memento Didonis  
1) in eleganti illo epigrammate Aufonii:

*Infelix Dido, nulli bene iuncta marito!*

*Hoc pereunte fugit, hoc fugiente perit.*

2) quam Ovidius her. ep. VII. pingit hoc epitaphio:

*Praebuit Aeneas et caussam mortis et enssem,*

*Ipsa sua Dido conciuuit vsa manu.*

3) illam Virgilii sic ipsam sibi parentantem ad rogam Iliacis vestibibus et noto cubili exstru-  
tum: IV. Aen. 651.

*Dulces exuviae, dum fata deusque sinebant,*

*Accipite hanc animam, meque his exsoluite  
curis.*

*Vixi, et, quem dederat cursum fortuna,  
peregi,*

*Et nunc magna mei sub terras ibit imago,*

*Urbem praeclaram statui, mea moenia vidi.*

*Uta virum poenas inimico a fratre recepi,*

*Felix, heu! nimium felix, si littora tantum*

*Nunquam Dardaniae tetigissent nostra  
carinae.*

§. 406.

Quam Didonem malit magnanimitas heroica fictam a se? Equidem nihil haesitans  
Diuo-

Didonem Virgilii nomino. Rationem quæris? Metire prædicata. Primum et in Cigarorum aliquam quadrare potest mulierculam, quæ primo marito ob crimen in furcam acto fuga sibi consuluit, quum autem cum altero marito furfuris eiusdem atrox denuo crimen patrasset, hoc manibus liكتورum elapso, communis sceleris poenas morte dedit. Secundum conueniet et vxori cuiusuis militis gregarii, qui fustibus eam in talem fortunæ coniugalis desperationem compulerit, vt, hoc absente, eius gladio sibi iugulum soluerit. Apud Virgilium autem non solum excelenter magna est, de qua sermo est, sed ea etiam, quæ de eadem prædicantur. §. 405.

## §. 407.

Nostra nunc magnanimitas omni opera cauebit et βαδους genus quartum et omnes eius species pro gradu turpitudinis, §. 310. Dii Virgilii iam θεοπεταστερος loquuntur, agunt, patiuntur, ac Dii Homeri. §. 311. Virago Virgilii de rebus ad se pertinentibus commentatur augustius, §. 408. quam Dido Ouidii:

*Durat in extremum, viteque nouissima nostræ,*

*Prosequitur fati, qui fuit ante, tenor.*

En! querulam de perpetua calamitate mulierem ordinariam! Virgilii Dido se felicem,

R

cem,

cem, excepta nouissima calamitate, fortior  
praedicat.

*Occidit internas coniux mactatus ad aras,*

*Et sceleris tanti praemia frater habet.*

Haec queritur multis virum, inultum et sica-  
rium impunem immo praemia habentem; il-  
la breuib. sibi viri ultionem fratique poe-  
nas gratulatur. Prius est cuiusuis foeminae.

*Exsul agor, cineresque viri patriamque re-  
linquo,*

*Et feror in duras hostile sequente vias.*

*Applicor ignotis, fratrique elapsa fretoque,*

*Quod tibi donavi, perfide, litus emo.*

Quid haecenus legimus in Ouidio, quod non  
cuius praefecti cuiuscunque militaris euenire  
possit coniugi? §. 312.

#### §. 408.

Habeat grauitas nationis germanicae per  
omnes gradus magnorum cum decore de-  
currens, quae regerat suam gracilitatem vl-  
tra modum efferentibus vicinis. Fuit inter  
eos, quo dicam homuncionem nomine? qui  
cruciatus hominis optimi maximi genus hu-  
manum infinitis malis eximentes ludicris il-  
lis nouorum gelasimorum versiculis proscin-  
deret, et Christianus tamen in regno Chri-  
stianismi videri vellet. Centum ciuib. ipsa  
Iustitia veniam potius daret in tenuibus pec-  
candi

candi grauitur, quam huic vni in vna re, profecto, grauissima vile cogitandi genus leuissime adhibenti. §. 317.

§. 409.

Grandis illa magnanimitas, vnde sublimia vere sperari possunt, ita auersa est ab omni tumore, quarto eius genere, et huius speciebus, §. 318. vti, si esset alterutrum necessarium, in manifestum prius *Badus* delabi, quam crypticis puerilium humilitatibus intrinsecari mallet. Hinc illius in optimis auctoribus adhuc minus rara sunt exempla, ac harum ineptiarum, quibus Martianus Capella, Tertullianus, Sedulius, et his aequales, affatim turgent. Procul hinc magnifica mendacia, et quicquid est insulsae magniloquentiae!

§. 410.

Animus in aestheticis generice maximus imitationem grandium ab Horatio, Cicerone, Longino, ab ipsa ratione per doctrinam de expectatione casuum similium psychologiam, ita habet sibi commendatam, vt non *exemplaria* solum sublimium scriptorum, pictorum e. c.

*Nocturna versare manu, versare diurna,*  
sed et illustrium per omnes aetates virorum facta dictaque, velut in speculum, intueri, moresque tum suos ipse, quantum licet, tum a se cogitando exprimendos ad horum simi-

litudinem componere gaudeat. §. 285. Nec haerebit in folis clarioribus, eruere maiora quaeuis e tenebris, ab obliuionis iniuria vindicare, et, in ipso hoste si sint, laudare, pro caussae meritis, non erubescit. §. 286.

## §. 411.

Animus in dicto saepe gradu magnus, non suspicax est et incredulus, si quid egregii et eminentis audire sibi, vel omnino videre videtur, et, quanquam aëra lupinis distinguere dudum didicit, suo tamen experimento nouit, non ardua quaeuis et singulari ex virtute tantum fluentia, iam eo ipso numeranda esse, propter dedecus nostri generis, in absolute incredibilibus, §. 286. 301. Sicut eundem paruae quaedam occasiones parum mouent dignum cedris ad impetum, S. V. ita peculiarem aliis fortius incitationem aliquando sentit, quoniam, et ipsius iudicio,

*Paululum sepultae distat inertiae*

*Celata virtus,*

si quando dicenda Musis praelia, si heroicum amorem patriae, si praeclaram detegit in multis vitae morumque sanctimoniam, ac illi tamen

*omnes illacrimabiles*

*Vrgentur ignotique longa*

*Nocte, carent quia vate sacro.*

aut liuidis obliuionibus non ita multo post  
*carpen-*

*carpendi videntur, si et ipse fileat eosdem inornatos. Hor. IV, od. 9,*

§. 412.

Magnanimitatis huius utique natura benenatorum *πρωτον και αρχετυπον σοιχειον επι παντων εστι*, ut Longinus S. II. liberaliter concedit, non ea solum, quae in ingeniis divinis et praecordiis ad heroica sola paene natis, sed oppido paucis, est *αυτονομος*, sed et illa natura, nobilium animorum, §. 404. quae non ordinariis suis quidem viribus, viuis iis tamen et bona per consilia directis in altius quid atque sublimius, per exempla grandia validius incitatis, eo potest et decernit assurgere. S. II.

§. 413.

Neque vero solam naturam, quatenus connascitur, heic certe, paginam utramque facere, vel hinc efficere mihi posse videor, quod experientia confirmat, optimas maximas, aut saltim bonas excellenter naturas, §. 412. barbarie saeculorum ac aetatis suae, pravis exemplis, praeconceptis magnatum opinionibus, servitute, uti apud Longinum est. S. XLIV. quasi *quadam animi arcula et publico carcere* posse deprimi, constringi, imminui, §. 359, *quemadmodum arculae, (si vera sit fama) in quibus nani, vocati Pygmaei, nutriuntur, non solum impediunt incrementa*

*inclusorum, sed etiam contrahunt eos circumposito corporis vincula. §. 359.*

§. 414.

Si qua libertatis externa fraena, si qua seruitus externa deprimendis animis retundendisque maximis quibusuis et studiis et incitationibus apprime facta sunt, quod nullus nego: nec extra oleas vagari mihi videar, si, propter oppositorum oppositas rationes, in primis auxiliis animorum ad vere excelsa leuandorum numerem intimam persuasionem de copioso maximorum euentuum systemate, non praeteritorum solum et praesentium, sed etiam maxima ex parte adhuc expectandorum, non optima solum et maxima sublimitatis ac venerandae virtutis exempla simpliciter ad imitandum proponente, sed etiam saluberrima proferendi in semet ipsum imperii, fugiendae seruitutis moralis omnis internae, victoriaeque in semet ipsum obtinendae remedia consiliis euidentissimis subministrante, persuasionem, inquam, de veris eiusmodi rebus et gestis et gerendis, quae simul eam animabus vim largiatur ac potentiam diuinitus, vt ne mortis quidem metu possint eo compelli, quo tyrannus improba poscens destinauerit, supernaturale libertatis internae psychologicaeque complementum ac supplementum.

§. 415.



## §. 415.

Pergit Longinus, l. c. causas penuriae sublimium suis temporibus ingeniorum enarrare 2) pacem vniuersi orbis, cui tamen causae et ipse parum fident, et satis prospexit Discordia fratrum, ne diu possit egestas heroum imputari, et imputaretur eadem falso, si quando sperare liceret pacem orbis habitabilis vniuersalem diuturnam, hominesque simul discerent excelsas pacis artes, quibus pater patriae summos etiam regnorum gentiumque domitores transcendit. 3) *Infinitem detinens cupiditates nostras bellum*, de quo, quale sit, interpretes disputant.

## §. 416.

Magnanimitatis excellentis status ordinarius est status tranquillitatis, E. §. 445. supra perturbationes animi vulgares et tumultus mentis internos posita. Per altam rationis et inferiorum cognoscendi facultatum, voluntatis et inferiorum appetendi facultatum, harmoniam, quae saepe apud eminenter magnos viros restat, etiam si vehementius, nec sine affectionibus, quoniam homines sunt, commoveantur. Abripiuntur in παθος ενθουσιασμον, si ferat occasio, sed probante ratione, rationalique conscientia, tum antecedente, tum concomitante, et consequente. Haftenus nihil est interni dissidii. Si qua ta-

R 4

men

men aliquando lucta caelestibus in animis locum habet, non est ea sensitiuarum tantum cupiditatum in alias non nisi sensitiuas, *παθητικὰς εἰς πάθη*, sed decretorum, quibus admixtum sit aliquid sensitiui, pugnantium in meras appetitiones sensitiuas, nec diu, nec in infinitum, sed plerumque vincente parte meliori, cuius victoria profundam iterum pacem et antiquam tranquillis animis serenitatem reducit; M. §. 693.

## §. 417.

Cum hoc statu confer statum bestialitatis, E. §. 434. Nulla quies huic, nulla tranquillitas, nulla sopitae rationis et affectuum, et instinctuum, nec horum inter se, concinens harmonia. Crederes nunc

*Nimborum patriam loca foeta furentibus Aus-  
tris,*

qui totum hominem

*Quippe sexant rapidi secum verrantque per  
auras.*

Falleris tamen. Non ita multo post

*Vna Eurusque Notusque ruunt, creberque  
procellis*

*Africus,*

et suum cuique facinus. Ponat seruitus externa non nihil iisdem repaguli,

*Illi indignantes magno cum murmure circum  
Claustra fremunt,*

*luctan-*

*luctantes intus continuo, et ad primam iterum  
opportunitatem,*

*velut agmine facto,*

*Qua data porta, ruunt.*

Ita misere talis animus nunc auri sacra fame,  
nunc ambitione et fastu, nunc voluptatum  
turbine, nunc desidia, nunc aliquibus, nunc  
omnibus, inter se dissentientibus, agitur.  
Hoc est illud infinitum bellum, §. 415. ma-  
gnanimitati sublimium foetae inimicissimum,  
§416.

#### §. 418.

Iam vna dictarum tempestatum infringit  
satis animum. Recte Longinus in causis de-  
ficientis egregii ac sublimis narrat 4. φιλοχρη-  
ματιαν, appellans venuste Φιλαργυριαν νοση-  
μα μικροπειαν, §. 45. eiusque cum magno  
sumtu (Sumtuositate) liberos fingit Fastum  
et Luxuriam, ex quibus sane non degeneres  
generentur denuo Contumelia, Iniustitia et  
Impudentia, quam inter progeniem conta-  
bescant et emarcescant animorum magnitu-  
dines.

#### §. 419.

*An, haec animos aerugo et cura peculii*

*Quum semel imbuerit, speramus carmina fingi*

*Posse linenda cedro et leui seruanda cupresso?*

A. P. 330.

R 5

Negat

Negat ipse Phaedrus de fabellis, quales scripsit, aut scripsisse dicitur. III. prol. *Nouem artium, quamuis curam*

*habendi penitus corde eraserim,  
Et laude inuita in hanc vitam incubuerim,  
Fastidiosè tamen in coetum recipior.  
Quid credis illi accidere, qui magnas opes  
Exaggerare quaerit omni vigilia,  
Docto labori dulce praeponens lucrunt?*

cf. Hor. od. II. 15, 18. III. 2, 24.

§. 420.

ς) Φιληθονια καταβυθίζει, §. 417, 418.  
Intemperans deliciarum externarum desiderium eo vsque mores emollit, vt tandem nihil omnino masculi roboris animo supersit, et minime tantum, quantum valoris grandia requirunt.

*Vides, vt pallidus omnis  
Coena desurgat dubia? Quin corpus onustum  
Hesternis vitiis animum quoque praegrauat  
vna,*

*Atque adfligit humo diuinae particulam aurae.*  
Hor. Serm. II. 2. quae tota paene huc pertinet satura. Numera modo dispendia temporis, quod infumendum est acquirendae theoriae, eiusque empiricae, crebrius repetitis experimentis ad eam certitudinem euectae, quae decet arbitrum elegantiarum eiusmodi,

modi, et miraberis superfuisse nonnihil otii,  
gravioribus concedendi.

§. 421.

6) Desidiam tandem Longinus in caussis  
animorum parum aut nihil in sublimē surgen-  
tium numerat, Quā dum intermittuntur ex-  
ercitia, non crescit habitus, ac eo ipso crescit  
desuetudo habitui opposita, id est difficultas,  
in veram denique degenerans impotentiam.

*Invidiam placare paras, virtute relicta?*

*Contemnere, miser. Vitanda est improba  
Siren*

*Desidia, aut, quicquid vita meliore, parasti  
Ponendum aequo animo.*

Hor. Serm. II. 3, v. 13.

Ambitionem superbiaeque fastum, naturales  
tumoris parentes, Longinus omisit, forsan a  
laudabili philotimia non satis haec vitia di-  
stinguens, aut veritus, more multorum, ne  
funditus his euerſis illa simul enecetur, aut  
saltim eneruetur. Sanioris autem ethices  
peritus ratione perspicit, quod experientia  
fatis ac historia confirmant, vti separari probe  
possunt et debent, ita saeculis locisque, qui-  
bus veri honoris amor substituta fuit ambi-  
tiosa fastus superbia non sublimitatis flo-  
ruisse regnum, sed tumoris insaniuisse tyran-  
nidem.

## §. 422.

Veram amans in cogitando pulcritudinem, ut possis magna, S. XV. absolute, S. XVI. pro relatiua sua magnitudine, S. XVII. proportionatis materiae cogitationibus, S. XVIII. vel tenui, S. XVIII. vel medio, S. XX. vel sublimi cogitandi genere, S. XXI. sine vitiis, quae in maximis esse solent maxime conspicua, S. XXII. augere: S. XXIII. connatam pectoris tui magnitudinem, quam habeas aliquam oportet, §. 45. et ad absolutam grauitatem compone, S. XXIII. et erige, quousque surgere poterit, S. XXV. felix, si sublimitatibus etiam attingendis suffecerit. S. XXVI.

*Non, si priores Maeonius tenet  
Sedes Homerus, Pindaricae latent  
Caeaeque et Alcaei minaces,  
Stesichorique graues, camoenae,  
Non, si quid olim lufit Anacreon,  
Deleuit aetas. Hôr. IV. 9, od.*



## SECTIO



SECTIO XXVII.

VERITAS AESTHETICA.

§. 423.

**T**ertia cura fit in rebus eleganter cogitan-  
dis, §. 115, 177. VERITAS, M. §. 515.  
sed AESTHETICA, §. 22. i. e. veritas, qua-  
tenus sensitivae cognoscenda est. Veritatem  
obiectionum metaphysicam novimus conue-  
nientiam eorundem cum vniuersalibus maxi-  
me principiis, M. §. 92. et inde Leibnitium  
intelligimus, qui Theodicaeae T. II. p. m.  
312: *Potest, inquit, dici aliqua ratione princi-  
pium contradictionis et rationis sufficientis inclu-  
sum definitioni veri et falsi.* Nam repraesent-  
atio veri in aliquo obiecto metaphysici, qua-  
tenus intra animam certi subiecti peragitur,  
est ea convenientia repraesentationum cum  
obiectis, quam plerique *veritatem logicam* no-  
minant, alii *mentalem*, efficientiae, correspon-  
dentiae et conformitatis, dum metaphysicam  
veritatem materialem appellant.

§. 424.

Possent metaphysica veritas obiectiva, ob-  
iectivae verorum repraesentatio in data anima  
SUBIECTIVA dici VERITAS, vel etiam  
in verbis faciles *logicam*, eandem dicamus cum  
pluri-

plurimis, sed *latius*, ut in re conueniamus, cuius potissimum caussa haec repetuntur aliquantulum altius. Iam enim reor liquidum esse, **VERITATEM**, metaphysicam, vel obiectiuam quum dixeris, ut lubet, in anima data sic repraesentatam, ut det in eadem veritatem logicam latius dictam, vel mentalem et subiectiuam, nunc obuersari intellectui potissimum in spiritu, dum est in distincte perceptis ab eodem, **LOGICAM STRICTIVS DICTAM**, nunc obuersari analogo rationis et facultatibus cognoscendi inferioribus, vel vnice, vel potissimum, *aestheticam*. §. 423.

## §. 425.

Lege, sis, consilium, quod Chremes in Terentii Heaut. III. 50. I. Menedemo supeditat, et hunc deprehendes de veritate quadam aesthetica loqui regerentem:

*Videre verum, atque ita, uti res est, dicere.*

Memento saturarum, quando *veritatem*, odium saepe *parientem*, exponere non dubitant, neque

*teneras mordaci radere vero*

*Auricular,*

suo tutae quasi priuilegio:

*quanquam ridentem, dicere verum*

*Quis vetat?*

casque confer cum practicis, eiusdem quae videan-



videantur argumenti, consiliis ethici cuiusdam philosophi curatius sua demonstrantis ac scientifice: et apprehendes in exemplo differentiam veritatis aestheticae, et strictius logicae. §. 424.

§. 426.

Communis est logicis aestheticisque meditationibus, quam Cicero off. II. 18. paene genetice describit, *virtus*, quae vertitur in *perspiciendo*, *quid in quaque re verum sincerumque sit*, *quid consentaneum cuique* (conuenientiam cum principio contradictionis), *quid consequens*, (conuenientiam cum principio rationari, M. §. 23.) *ex quo quaeque gignantur*, *quae cuiusque rei sit causa*, (conuenientiam cum principiis rationis, M. §. 20. et rationis sufficientis, M. §. 22.) Verum quando nituntur illae distinctam et intellectualem ad harum rerum perspicientiam, hae subsistentes intra suum horizontem, easdem sensibus et analogo rationis eleganter intueri satagunt. §. 424.

§. 427.

Si VERITATEM mentalem et subiectiuam, veritatem repraesentationum omnem, quae huc vsque logica tantum dicta est, dicamus AESTHETICOLOGICAM: non ea distinguendum est sententia, ac si 1) aesthetice vera quaedam, immo multa, non essent simul

simul logice vera, quod lubenter concedimus. In ea Naturae alloquutione ad mori detrectantem; quam Lucretius fingit. III. 940-957. cuique vere satis subiicit:

*Quid respondeamus, nisi iustam intendere litem*

*Naturam, et veram verbis exponere causam?*

sunt omnia fere simul logice vera, M. §. 265. E. §. 252.

### §. 428.

Neque negamus, neque nescimus, 2) veritatem aestheticam in pulcre pingendis partibus saepe dare veritatem totius logicam, et vix aliter fieri posse, si partium absoluat et ad finem perducatur enumeratio. Hoc vnum observamus, veritatem ab aesthetico, quatenus intellectualis est, non directo intendi, si per indirectum ex veritatibus aestheticis pluribus vna prodeat, aut cum aesthetice vero coincidat, de illo sibi gratulari aestheticum rationalem, §. 38. neque tamen illud esse, quod nunc potissimum quaerebatur, §. 423.

### §. 429.

Si qua vero sit veritas logica, strictius dicta scilicet, §. 424. non nisi per intellectum cogitanda; vel illi subiecto, quod pulcre cogitaturum supponitur, vel iis obiectis personalibus, quorum gratia potissimum cogitas,  
et

et vtrumque denuo, vel semper, vel certis nunc sane rebus circumstantibus: est ea supra horizontem aestheticum constituta, et recte, saltim praesens in tempus, omittitur.

§. 15, 121. Eclipsin annularem anni praeterlapsi cogita tecum astronomus, non physicus solum, sed et mathematicus, aut cum astronomis, eandem autem cogita pastor, vel sodalibus, vel tuae Neaerae: ohe! quot vera cogitasti prius, nunc omnino praetermittenda!

§. 430.

Sunt veritates quaedam adeo parvae, ut eas sectari vel commemorare sit infra horizontem aestheticum, saltim infra pulchram magnitudinem, nunc absolutam omnino, nunc relativam certe. §. 120, 178. Has veritates infinite parvas non curat aestheticus. §. 191, 221. Nec historico quidem severam hanc sine exceptione legem scriptam putat: *Ne quid veri non dicat*, ipse legens Aen. VI.

*Juenum manus emicat ardens*

*Littus in Hesperium. - -*

*At pius Aeneas arces, quibus altus Apollo*

*Praesidet, horrendaeque simul secreta Sibyllae,*

*Antrum immane, petit.*

nec curat, nec cogitat, quo pede primum Aeneas Italiam tetigerit, et verissimum interim

S

est,

est, aut sinistro, aut dextro, nisi utroque,  
quod minus decorum.

## §. 431.

Veritas aesthetica postulat obiectorum  
elegantè cogitandorum I. possibilitatem, §.  
426. 1) absolutam, M. §. 15, 90. quatenus  
sensitiue cognoscenda est. §. 423. i. e. ne  
in obiecto, dum illud vel in se spectare pla-  
cet, iam aliquid notarum sibi inuicem con-  
tradicientium, vel a sensibus et analogo ratio-  
nis, obseruetur. M. §. 8. Quaedam peccato-  
rum inaequalitas habet hanc possibilitatem,  
et hinc etiam aesthetice vera est. M. §. 272.  
E contrario

*Quae paria esse fere placuit peccata, laborant,  
Quum ventum ad verum est. Sensus mores-  
que repugnant,*

*Atque ipsa utilitas, iusti prope mater et aequi.*  
Hor. Serm. I. 3.

## §. 432.

Veritas aesthetica postulat possibilitatem  
obiectorum suorum, §. 431. 2) hypotheti-  
cam, §. 426. M. §. 16. et hanc quidem de-  
nuo A.) naturalem, M. §. 469. quatenus cum  
certa libertate propius non connectitur, et  
ab analogo rationis diiudicari potest. §. 423.  
Hanc deprehendo in Aen. IX. 100.

*Tum*

*Tum pater omnipotens, rerum cui summa  
potestas,*

*Infit. Eo dicente, deum domus alta filescit,  
Et tremefacta solo tellus, filei arduus aether.*

§. 433.

Veritas aesthetica requirit possibilitatem in obiectis suis B.) moralem a) latius dictum, M. §. 723. ut non nisi a libertate deriuanda, talia etiam et tanta sint, qualia et quanta ex data libertate, data persona et charactere e.g. hominis certi morali fluere videantur analogo rationis. Hoc est illud *ad veritatem vitae propius accedere*, secundum quod sane non perinde est,

*Maturusne senex, an adhuc florente iuuenta  
Feruidus, et matrona potens, an sedula nutrix  
Mercatorne vagus, cultorne virentis agelli,  
Colchus, an Assyrius, Thebis nutritus, an  
Argis*

loquatur, aut obiectum occupationis, aut personale sit. Hor. A. P. 115.

§. 434.

*Tu, quid ego et populus mecum desideret, audi :  
Si fautoris eges aulaea manentis, et usque  
Sessuri donec cantor : vos plaudite, dicat :  
Aetatis cuiusque notandi sunt tibi mores,*

S 2

Mobi-

*Mobilibusque decor naturis dandus et annis.*  
153.

*Semper in adiunctis aeuoque morabimur ap-  
tis, 178.*

Hinc Horatius commendabat et philoso-  
phiam practicam, vt ita dicam, applicatam  
§. 126. 361. 212. quia eam probe tenens  
ille, profecto,

*Reddere personae scit conuenientia cuique.*  
§. 433.

et artis aut notitiae illius, quam *Theophrasti  
châraçteres morum* inchoarunt, et Gallicus  
posthinc Theophrastus locupletauit, vtilita-  
tem suo tempore iam perspiciens,

*Respicere exemplar vitae morumque iubebat*  
v. 317.

*Doctum imitatore, et veras hinc ducere voces.*

§. 435.

Veritas aesthetica requirit possibilitatem  
moralem b) strictius dictam, M. §. 723. in  
cogitante non solum ipso, S. XXIII-XXVI.  
sed et obiectis explicite vel implicite pro-  
bandis ab eodem, breuius, in pulcris cogi-  
tationibus, si vel Acheronta describant, §.  
422. sed eam tantum, quae cadat in sensus et  
analogi rationis sub trutinam. §. 211. Haec  
est illa VERITAS MORALIS, qua, secun-  
dum Horatium,

*Metiri se quemque suo modulo ac pede verum est.*  
Quem-

Quemadmodum §. 433, 434. postulatam ego dicerem VERITATEM MORALEM LATIVS DICTAM, sic hanc lubentius STRICTIVS DICTAM, appellarem veritatem moralem, ac illam STRICTISSIME DICTAM, convenientiam signorum cum mente nostra, quae si virtus sit, iam habet sinceritatis titulum, si vitium sit, iam secum fert rimositatis ignominiam. E. §. 339.

§. 436.

Huius veritatis moralis, sed aestheticae, huius dignitatis in cogitando venustius, §. 435, 182. limites aestheticos belle monstrat Cicero pro Mur. quando 74. *At enim agit, inquit, mecum austere et Stoise Cato, negat verum esse, allici benevolentiam cibo, e. c. et pro veritate aesthetica morum, in quos inuectus erat Cato, velut in ambitum, respondet: Horribilis oratio, sed eam usus, vita, mores, ciuitas ipsa respuit. e. c. 75. Quare noli, Cato, maiorum instituta, quae res ipsa publica, quae diuturnitas imperii comprobant, nimium seuera oratione reprehendere. e. c. 76. Quod ais: Nulla re allici hominum mentes oportere ad magistratus mandandum, nisi dignitate (quatenus intellectualiter vnice concipitur a philosophis, §. 211, 212.): hoc tu ipse, in quo summa est dignitas, non seruas. Cur enim quen-*  

S 3

quam,

quam, ut studeat tibi, ut te adiuuet, rogas? e. c.  
77. Quid? quod habes nomenclatorem. e. c.

## §. 437.

Veritas aesthetica requirit obiectorum pulcre cogitandorum, II. nexum cum rationibus et rationatis §. 426, 431. quatenus ille sensitivae cognoscendus est, §. 423. M. §. 24. per analogon rationis, M. §. 640. Exemplum esto Coriolanus Liuii. II. ipsius nominis, et auctoritatis primae ratio est, c. 33. hinc altiores spiritus in tribunitiam potestatem, c. 34. unde plebis ira, ex hac exsilium Coriolani, et hostilis eum ad Volscos, non sine ratione ex antecedentibus manifesta, rapiens animus, communicata hinc cum hospite Tullo consilia belli in romanos, c. 35. horum confectarium callidum Tulli artificium, et nova Volscae plebis indignatio in romanos, c. 37.

## §. 438.

Hinc decernitur bellum, duces Tullus et Marcius, Coriolanus noster, *exsul romanus*. Ob huius fortitudinem prosperum Volscis initium, plebis Romanae trepidatio, hinc prima romanorum legatio, *atrox responsum* quae retulit, reuerſa ad hostem non recipitur. Hinc sacerdotes supplices. Quoniam et hi frustra, iam paene muliebris timor pertrahit Romam, c. 39. Mater, coniux, et turba



ba mulierum tandem mouent durum animum, quod ne sine ratione fieri videatur, fingit matris orationem sane patheticam historicus. Hinc castra hostilia retro mouentur, neque tamen disparet Coriolanus, nisi post aliquam reliquorum eius factorum mentionem. Romae autem exigitur Fortunae muliebris monumentum. c. 40. Quanta in his harmonia concinit alendo recreandoque legentium analogo saltim rationis? §. 437.

§. 439.

Veritas aesthetica poscit possibilitatem obiectorum et absolutam et hypotheticam, qua sensitue perspicitur, §. 431-436. omnis possibilitas postulat vnitatem, M. §. 73. absoluta absolutam, hypothetica hypotheticam, M. §. 76. Hinc et veritas aesthetica vtramque poscit vnitatem in cogitandis suis, quatenus sensitue deprehendi potest, inseparabilitatem determinationum in cogitandis, salua perceptionis totalis pulcritudine. §. 73. Erit haec obiectorum VNITAS, quatenus phaenomenon fit, AESTHETICA, vel determinationum internarum, M. §. 37. quo vnitas ACTIONIS, si obiectum pulchrae meditationis actio sit, vel externarum et relationum, M. §. 37. circumstantium, M. §. 323. quo vnitas LOCI ET TEMPORIS, M. §. 325. 281.

*Sit, quod vis, simplex duntaxat et vnum,*

S 4

et

et placentem simul rotundam illam breuitatem S. XIII. XIV. et pulcram obtinebis cohaerentiam, §. 437. Hinc Augustino placuit adeo *vnitas*, vt eam *omnis pulcritudinis formam* diceret.

### §. 404.

**VERITAS AESTHETICOLOGICA**, §. 424. vel est vniuersalium et notionum, iudiciorumque generalium, vel singularium et idearum, M. §. 148. Illa **GENERALIS**. Haec **SINGULARIS** esto. Veritatis generalis in obiecto nunquam tantum veritatis metaphysicae detegitur, praesertim sensitivae, quantum in obiecto veritatis singularis. M. §. 184. Quoque generalior est veritas aesthetologica hoc minus veritatis metaphysicae in eiusdem obiecto, et omnino, et praesertim analogo rationis, repraesentatur; M. §. 150, 184. Habes rationem vnā, ob quam aestheticus veritatis, quam obseruare possit, maximae studiosus, §. 22, veritatibus generalioribus, abstractissimis et maxime vniuersalibus, determinationes, minus generales, minus abstractas, et generalibus omnibus singulares praeferat, quantum potest. Idem vbertas suadet §. 115. quia quo magis determinatum habes obiectum, hoc plures simul differentias, M. §. 151. hoc itaque plura pulcre cogitare de eodem conceditur. Idem magnitudo, et naturalis, et dignitas aesthetica iubet,

iubet, si connumerēs ad magnitudinem vniuersalis quamcunque accedens in eius inferiori differentiae simul pondus, grauitatem, foecunditatem, §. 177.

§. 441.

Veritas aestheticologica generis est perceptio magnae veritatis metaphysicae, veritas aestheticologica speciei est perceptio maioris, veritas indiuidui, seu singularis, aestheticologica est perceptio maximae, qua genus, veritatis metaphysicae. Prima veri, secunda verioris, tertia verissimi. §. 440. Veritas singularis vel est internorum entis optimi maximi, vel absolute contingentium. Contingentia non repraesentantur, vt singularia, nisi vt possibilia integri alicuius vniuersi. Hinc veritas singularis de contingentibus aut ea sistit, vt possibilia et partes huius vniuersi, M. §. 377. et haec veritas cum veritate absolute necessariorum maxima dicitur STRICTISSIME, popularique sermone simpliciter, VERITAS, aut vt possibilia alterius vniuersi, eiusque partes, cognitioni hominum mediae, M. §. 876. VERITAS HETEROCOSMICA.

§. 442.

*Veritas strictissime dicta §. 441. est, quam describit Cicero de Inu. II. 162. per quam immutata (non mutata) ea, quae sunt, aut ante fuerunt, aut futura sunt, dicuntur* (percipiuntur),

tur), quamque conferre videtur cum veritatibus minoribus Quæst. Tusc. V. 13. *Chorus ille virtutum, inquit, (constantia, gravitas, fortitudo, sapientia, reliquæ) in equuleum impositus* (veritate vel generali et abstracta, vti *Stoicorum ista gustata magis, quam potata, delectant*, vel heterocosmica, §. 441, 440.) *imagines constituit ante oculos cum amplissima dignitate, S. XXI. ut ad eas cursim perrectura, nec eas a se beata vita desertas passura videatur* (cognitioni mediae §. 441.) *Quum autem animum ab ista pictura imaginibusque virtutum* (vel generalibus et abstractis, vel heterocosmicis) *ad rem veritatemque (strictissimam) traduxeris: hoc nudum* (heterocosmicis mediae cognitionis obiectis spoliatum et ab iis omnibus separatum) *relinquitur, possint* (in hoc vniuerso singulariter et in concreto numerico) *quis beatus esse, quam diu torqueatur.*

## §. 443.

Veritatum æstheticologiarum generalium eae tantum æstheticae sunt, quae et quatenus analogo rationis, salua venustate, sensitivè repraesentari possunt, §. 440, 423. vel manifesto, et explicite, vel cryptice in ommissis enthymematum enunciationibus, vel in exemplis, in quibus, tanquam concretis, haec abstracta deprehendantur. Hac ratione ipsum identitatis principium, M. §. 11. est in  
Plauti,

Plauti, quis crederet? prologo captiu:

*Hos, quos videtis stare hic captiuos duos,  
Illi, qui adstant, hi stant ambo, non sedent.  
Vos, vos mihi testes estis me verum loqui.*

§. 444.

Strictissime verorum eatenus est veritas  
aesthetica, quatenus ea sensitiue percipiuntur  
vera, sensationibus vel imaginationibus, vel  
etiam praeuisionibus non sine praesagio, nec  
amplius, et sub eadem hypothese veritates  
heterocosmicae sunt veritates aestheticae,  
neque plures, neque pauciores, quam ana-  
logo rationis percipiendae. §. 441. Leib-  
nitianam putas distinctionem, iam est Tibul-  
li, qui in Messallae pan. L. IV. 1. de erroribus  
Vlyssis multa narrarat, ita ea finiens, v. 80:

*Atque haec seu nostras intersunt cognita ter-  
ras, (strictissime vera, §. 442.)*

*Fabula siue nouum dedit his erroribus orbem.  
(heterocosmice vera, §. 441.)*



SECTIO



## S E C T I O XXVIII.

## FALSITAS AESTHETICA.

## §. 445.

**F**ALSITAS AESTHETICA est falsitas subiectiua et disconuenientia cogitationum cum veritate rerum cogitandarum, quatenus illa sensitiue percipi potest. §. 423, 426. Optime Cicero: *Falsum est, in quo perspicue est mendacium*, si de aesthetica falsitate intelligatur, et perspicuitas sensitiua cogitetur. M. §. 531. Quando autem exemplo vult notionem suam illustrare, num illud ad rem probe faciat, nostrorum sapientes temporum viderint. *Hoc, ait, modo: Non potest esse sapiens, qui pecuniam negligat.*

## §. 446.

*Non, qui Sidonio contendere callidus ostro  
Nescit Aquinatem potantia vellera fucum,  
Certius accipiet damnum, propiusque medullis,  
Quam qui non poterit vero distinguere falsum.*

Hor. l. ep. 10. 26. §. 423, 448.

Neque tamen huc omnis subiectiua falsitas §. 424. pertinet, sed qualem pingit Horatius ad caput artis poeticae:

*Huma-*

*Humano capiti ceruicem pictor equinam  
 Addere si velit, et varias inducere plumas  
 Undique collatis membris, ut turpiter atrum  
 Desinat in piscem mulier formosa superne:  
 Spectatum admissi risum teneatis, amici?  
 Credite, Pisones, illi tabulae fore librum  
 Persimilem, cujus, velut aegri somnia, vanae  
 Finguntur species, ut nec pes, nec caput uni  
 Reddatur formae.*

## §. 447.

Non ab ouo, sed a falsis orditur Horatius, quodque lepidum videatur, ab iisdem Antonius apud Ciceronem de or. II. 30. Ille tamen ab aesthetico, §. 445, 446. Hic ab aestheticologico generatim, §. 427, quoniam in caussarum patronis, quales Crassus et ipse, affirmat aliquando *necessarium* esse alterutri *falsum dicere, et utrumque eorundem eadem de re alias aliud defendere, quum plus vno verum* (in se, et obiectiue, et strictissime) *esse non possit.* Hinc concedit omnem bene differendi in foro rem mendacio nixam, neque male fert Catulum eum exagitantem, quod non magis *gloriosè putarit a veritate ordiri, quam a nescio qua dignitate.*

## §. 448.

Sint quaedam aestheticologice falsa, §. 427.  
 immo

immo etiam hoc significatu mendacia, §. 447. tunc tamen erunt demum aesthetice falsa, si sint ipsi analogo rationis perspicue mendacia, §. 445. Exempli loco sit ipsa de veritate disputatio. Contendant inter se philosophi dogmatici ex hac, academici scepticique ex altera parte subtiliter, *de vero et falso* (logice et metaphysice) *de eius regula* et *criterio* (primo, abstracto et scientifico) *de notione* vtriusque, *qua possint internosci* (distincte, complete, scientifice) Digrediantur in id, *quod interest inter rectum et prauum* (vniuersalius et logice conceptum) Redeant ad catholicam et primam *veritatis notam*, et logicum *iudicium*. Pone partem vtramque, quam fieri potest, curatissime suam defendere sententiam. Ambos analogon rationis suspiciet attonitum nonnihil, veluti tacitus spectator, nisi forsan aliquando scepticorum applaudat ingenio versatili. Finge tamen academico- rum aliquos eo tandem procedere, ut omnino tollant, *ut quicquam possit ita videri, ut non eodem modo* (et gradu euidetiae) *falsum etiam ita possit videri*. Tunc forsan cum durius iusto iam commotis dogmaticis concinet: *faciunt pueriliter*. Cic. quæst. ac. IV. 33. Vltimum enim est et aesthetice falsum. §. 445.

§. 449.

Quaere ex Lucretio, §. 448.

*Notitiam veri quæ res falsique crearit,*

*Et*



*Et dubium certo quae res differre probavit.*

III. 477.

respondebit, aesthetice verum, §. 423.

*Inuenies primis a sensibus esse creatam*

*Notitiam veri, neque sensus posse refelli,*

-- -- --

*Sponte sua veris quod possint vincere falsa.*

-- -- --

*An ab sensu falso ratio orta valebit*

*Dicere eos contra, quae tota a sensibus orta est?*

*Qui nisi sint veri, ratio quoque falsa sit omnis.*

et contrarium ostendet aesthetice falsum, §. 445: Sensui diffidere

*Est manibus manifesta suis emittere quae-*  
*quam,*

*Et violare fidem primam, et conuellere tota*

*Fundamenta, quibus nixatur vita salusque,*

*Non modo enim ratio ruat omnis: vita quo-*  
*que ipsa*

*Concidat extemplo, nisi credere sensibus ausis,*

*Praecipitesque locos vitare. e. c. 511.*

§. 450.

Si cui mirum videatur, non omne falsum in aestheticis falsum esse, §. 448. desinet forte mirari, si multo restrictiorem adhuc falsi significationem iure, quod perfectissimum fertur,

fertur, comprobata legerit, D. tit. de L. Corn. de falsis, l. 23: *Quid sit falsum quaeritur? et videtur id esse, si quis alienum chirographum imitetur, aut libellum, vel rationes intercitat, vel describat, non, qui alias in computatione, vel in ratione, mentiuntur.* En! aestheticum §. 15. in diiudicandis falsis tamen ipso Paulo Icto seueriorem! §. 445.

## §. 451.

Interim sub tutela Iustitiae Romanae numero falsorum ab aethetico, qua tali, fugiendorum eximo, quae puriori quidem intellectui patent falsa esse, sed tunc demum, quando eriguntur supra horizontem aestheticum, §. 16, 121. nisi tanta rationis impugnentur quaedam ex iis euidencia, quae omnem eorundem sensitivam perceptionem, ceu lumen maius, non solum obscuret, sed etiam disiiciat omnino deprimatque, veluti nebulam aliquam altiore sole disparentem. §. 423, 429.

## §. 452.

Pone in duabus pulcre cogitandi materiis analogo rationis soli ac sibi relicto nihil pellucere falsitatis et absurditatis, utrasque tamen esse logice falsas. Iam locus, et aetas, in quibus, et obiecta personalia, quibus potissimum cogitas, penitus inspicienda sunt. Prima datarum materiarum ita logice falsa sit, sed

vt ibi, vbi viuis, tuis temporibus, et iis, quorum maxime gratia cogitas, vel incognita omnino praesumi possit falsitatis demonstratio, vel eos saltem tua pulcre meditando non admodum eandem animo praesentem habituros esse. Haec cogitari potest sine falsitatis aestheticae macula, §. 451.

### §. 453.

Secunda sumendarum §. 452. materia sit apud multos plura per saecula sensitiuis animarum facultatibus visa vera: tunc autem et ibi, vbi viuis, iisque, quibus inprimis tua probare velis, sit iam eius falsitas rationis, etiam illuminatae, viribus, ita patens, et manifesta, vt nec eius oblituros esse suae certitudinis rationalis, dum examinant tua, sperare possis, sed potius metuendum sit, ne omni tuo conatu iisdem, plausus instar, extorqueas acclamationem similem illi:

*Maxima de nihilo nascitur historia.*

Haec secunda materia falsitate laborat, etiam aesthetica, quia ratio impedit, quicquid illi forsan adhuc insit ueri, nunc infinite parui, §. 430. sensitiue cum aliqua vi et delectatione percipere. §. 423, 451.

### §. 454.

Sunt falsitates quaedam adeo paruae, vt earum cautio sit infra horizontem aestheticum, §. 120. Hae an irreparent aliquando cogitatio-

T

gitatio-

gitationes inter elegantiores, nec ne, non curat aestheticus, §. 191. In descriptione noctis apud Virg. Aen. IV. 522:

*Nox erat, et placidum carpebant fessa soporem*

*Corpora per terras, silvaeque et saeva quierant*

*Aequora, quum medio voluuntur sidera lapsu,  
Quum tacet omnis ager, pecudes, pictaeque volucres,*

*Quaeque lacus late liquidos, quaeque aspera dumis,*

*Rura tenent somno, positae sub nocte silenti,  
Lenibant curas et corda oblita laborum.*

cavit poeta, ne feras ipsi per noctem maxime vagantes obiiceret, determinatione generum in animantibus, de quibus velit intelligi. Si vero pergeres insistere quasi serio, indefinite, adeoque vniuersaliter loqui Maronem, probabiliter tamen excipiendos esse quosdam aegrotos, vel vnam aliquam lusciniam, vix te, credo, responsione dignaretur, si viueret.

### §. 455.

Sit, quod eleganter cogitare aggredieris, somnium obiective sumtum, M. § 91. cuius iam intus et in cute latet destructura illud ferius aut citius absoluta contradictio, M. §. 15. aut ex pluribus eiusmodi vanis rerum speciebus,

cièbus, aut ex veris in se vanus tamen et structura impossibilium laborans animo tibi surgat mundus fabulosus, M. §. 91. Illud autem, vel hic etiam, ita se habeat, vt 1) impossibilitatis internae vitium prorsus non pateat analogo rationis 2) rationi ac intellectui, quas in te spectatoribusque tuis praecipuis praesumere debes, vel etiam lateat, vel saltem ea non obuersetur euidèntia, quae totam pulcre placituri operis fabricam, velut araneorum telas, disiectura sperari debeat: Hoc somnium, hic mundus fabulosus per tribunal aestheticum non annihilatur. §. 452.

*Sic unum sectantur iter, et inania rerum*

*Somnia concipiunt et Homerus et acer Apelles. Prud.*

### §. 456.

Somnium eiusmodi, vel mundus fabulosus, §. 455. vel 1) ipsi rationis analogo sistat iam pugnancia, se mutuo tollentia, absurda, vel 2) rationis et intellectus, apud tuos spectatores, toties iam nigrum theta inustum habeat, vt contra omnem rationem, nunc etiam, quae cogitas, te cogitare illos iudicaturos certus esse possis, et eiusmodi somnia, mundi eiusmodi fabulosi, ob falsitatem etiam aestheticam, ex campo meditationum venustarum exsulent. §. 453, 431.

*Pictoribus atque poetis,*

T 2

*Quid.*

*Quidlibet audendi semper fuit aequa potestas,  
Sed non, ut placidis coeant immitia, non, ut  
Serpentes auibus gementur, tigribus agni.*

## §. 457.

Est ingeniis excitatoribus quaedam **DYNAMOMETRIA NATURALIS**, et mensura virium ad sensum, quem aiunt, communem relata, rationis analogon ingenio proportionem inter causam et effectum sensitivo ponderans. Sic itaque effectus a te viribus causae, quibus adscribitur, viuis maior vel minor, hinc naturaliter impossibilis, sed ita, ut nec descriptae nunc virium notitiae mathematicae, nec rationi iam intellectuique per summam evidentiam pateat dicta disproportion, et censorem aestheticum sine nota turpitudinis eiusmodi naturaliter impossibile praeteruehietur, velut Atlas olim, qui caelum tulerat.

## §. 458.

Si deus interfit, ubi nodus tanto vindice dignus non appareat, si quid per rerum naturam fieri non posse, vel analogo rationis, de quo §. 457. vel intellectui, nunc etiam, quando cogitandum illud est, evidentissime manifestum sit, talis cogitatio ex pulcris exsulet. §. 432. 453.

*Ne, quodcunque volet, poscat sibi fabula credi,*

*Neu*

*Neu pransae Lamiae viuum puerum extra-  
hat aluo.*

*Centuriae seniorum agitant expertia frugis*

§. 459.

Difficile erit dynamometriae naturali, de qua §. 457. non Homeri solum, sed et Virgilii clipeum animo sibi formare, etiamsi meminerit dei artificis. 1) Quomodo in definito humanam per staturam, licet heroicam, clipeo tot picturae, v. 626-729. locum habuerint, tantum quaelibet, ut humanis oculis discerni potuerint, et inter alia 2) quomodo per eandem picturam Cleopatra

*Regina in mediis patrio vocat agmina fistro.  
nauibz Augusto hostis obuiam vecta, et ta-  
men*

*Illam inter caedes pallentem morte futura*

*Fecerat ignipotens ventis et Iapyge ferri?*

Si dicas ipsam cum omni orientis exercitu fuisse bis pictam, non sine subtili et artificiosa quadam intercapedine, 1) signum pugnae dantem 2) fugientem, augetur difficultas prima.

§. 460.

Non irritabo vaticinantes Achillis equos apud Homerum. Praestat ire in Statum. Huic Theb. II. 494. Thebarum

*Quinquaginta altis funduntur in ordine  
portis*  
in solum et vnum Tydea hostes.

*Macte animi, tantis dignus qui crederis armis,*  
et a tanto quidem poeta, ac Statius est, qui  
nunquam maiora vero cecinit! Tydea in insi-  
diis exspectant, neq̃ adoriuntur tamen, nisi  
a solo prouocati. Quum adsunt tandem vn-  
dique ab vno hoste euocati, patiuntur eum  
vncis manibus in Sphyngris scopulum euadere  
sine teli, vel vnus iactum, saluum et inco-  
lumem. Vno lapide iam quatuor hostes  
primos necat, et in his

*fulmineus Dorylas, quem regibus ardens  
Aequabat virtus,*

licet cum 49. nocturnis praedonibus vnum  
legatum aggressus sit. Restant vltra 40. In  
hos ex Sphyngris scopulo defilit Tydeus  
*praeceps*, neque prius, quam clipeo galeaque  
se hostis armauit, illi

*densi glomerantur in vnum.*

Nunc hic *ensem trahit*, et omnibus *inexpu-  
gnabilis obstat*, vt Briareus diis omnibus,

*quum toto nequicquam obsessus Olympo*

- *Tot queritur cessare manus.* §. 399.

§. 461.

Dum respiramus, iam multi mera letalia  
vulnera, vnus in ipsa lingua, acceperunt  
hostes, Tydeus autem est

*saepo*



*saepe aspera passus*  
*Vulnera, sed nullum vitae in secreta rece-*  
*ptum est.*

Iamque superest hostium ultimus vnus. Ne victor Tydeus Thebas inimicas adhuc ouans ingrediatur, opus est dissuadente per visionem Pallade. Ultimo vita et mandata ad Thebanos dantur, ipse ex omnibus 49. cadauerum armis tropheum erigere vires otiumque toties vulneratus habet, et resultante iugorum longorum Echo precibus illud Mineruae dedicare 25. versibus.

§. 462.

Si libertati generatim, aut speciatim certae personae, certi characteris, quem semel alicui tribuisti, non conuenire, non esse per eandem possibile, vel viribus eius viuis maius minusue, per moralem analogi rationis dynamometrian, de qua §. 457. percipi iudicarique potest, quod illi tamen adscribitur, nouam dabit illud falsitatis aestheticae vitandae speciem, §. 458, 433.

*Ne forte seniles*  
*Mandentur iuueni partes, pueroque viriles.*

-- -- --  
*Vt nihil intersit Dauiusne loquatur, et audax*  
*Pythias emuncto lucrata Sinone talentum,*  
*An custos famulusque dei Silenus alumni.*

## §. 463.

Sit aliquid per certam libertatem vere *αδύρατον*, sed haec moralis impotentia, partim soli intellectui et rationi pateat, et huius accuratori dynamometriae, partim nec eadem, nunc saltem, et apud spectatores, quos tibi conciliare praesertim optas, adeo euidenter obuersatura praesumi potest, ut discutiat omnem analogo rationis apparentem possibilitatem moralem. Etiam si moraliter eiusmodi impossibile tuis immisceatur cogitationibus ad elegantiae regulas componendis: non tamen est, quod ex aestheticis sententiis falsi reus agi metuas, §. 445.

## §. 464.

Quanquam forum aestheticum falsitatis suam moralis reprehensionem et illiciti directo non ultra sensitiui horizonis terminos extendat: nec hinc immediate falsitatis accuset aestheticae cogitationes ad elegantiarum lydium lapidem exigendas, nisi quae contra licitum, pium, honestum, decorum illud impingunt, quod et analogo rationis tale patet; pone tamen aliquem moraliter malam actionem adeo callide texisse, ut analogo rationis primum indifferens, vel omnino bona visa sit; sed fuisse dignitatis in eodem pulchrae, abstinere ab eiusmodi fraudibus, qui, nisi insigniter bonus, vir tamen bonus haberi voluerit; pone fraudes ipsas non detegere analogon

logon rationis, nisi huius auxilio, sed detestis fallaciis, etiam sensitiue manifestissimum esse, dedecere eandem talem personam, quam cogitaturus in se susceperat: eiusmodi subtile vitiorum venenum propinare, si non directo propter falsitatem cogitationum ipsam aestheticam, tamen propter turpem defectum dignitatis S. XV. in fucatis malorum lenociniis turpitudinis damnabit ipsum iorum aestheticum. §. 435, 445.

§. 465.

Sunt tamen et aesthetice fugienda contra moralem strictius dictam pulcre cogitandorum possibilitatem pugnancia, §. 435. directo quae coniungit Claudianus de IIII. cons. Hon. 278.

*Neu dubie suspectus agas, neu falsus amicus.*

I) Ne per omnem tuam, venustam quam velis, meditationem ambiguus data opera videaris, inter virtutem et vitium, ut spectatoris analogon rationis satis pro suis viribus attendens determinare sibi satisfaciendo, saltem in fine, tamen non possit, quarum sis partium, an earum, quae bonos, qui censentur mores ordinario, tueri, an earum, quae malos ordinario habitos commendare nituntur. Sic enim dubie suspectus bonis, dubie placens malis, ne horum quidem calculum feres. Quibus ergo pulcer es?

## §. 466.

2) Ne crassus, quem dicunt, simulator virtutis laruam ita prae te feras, ut vel analogo rationis transpareant animi sub vulpe latentes. Verbi gratia turpe est amicitiam singularem simulare, siue *falsum* adeo *renideant* aliqui, ut vel primo obtutu,

*reperiantur falsi falsimoniis,*

*Qui se quum frustrantur, frustrari alios stolidi existiment,*

*Lingua factiosi, inertes opera, sublesta fide,*  
siue alii callidius agant rem suam, et tum demum, quando bonum alicuius analogon rationis, confidentius credulum, *inique induxerunt animam tradere, quasi tuta omnia forent,*

*Tum retrahunt se, ac sua dicta omnia factaque  
Veritas irrita ferre ac nebulas aereas sinunt.*

§. 464.

## §. 467.

Heic erit forte locus convenientissimus semel expresse affirmandi, rogandique sic illud sibi dictum putet, si quis ad pulcre cogitanda velit his lectis accedere, ac si cuius adscriptum esset paginae, quae falsa nunc aesthetice licita directo dicemus, ea per indirectum, non esse licita, vel aesthetice, §. 464. multo minus ex grauioribus bonae mentis regulis, quam primum iisdem ad detrimentum venerandae virtutis et perdendas animas

mas abutaris. Huius regulae, praxeosue eidem tamen contrariae

*Si tu oblitus es, at dii meminere, meministi  
Fides,*

*Quae te, ut poeniteat post modo facti, faciet,  
tui. Cat. 28.*

§. 468.

Immisceantur pulci cogitatis, quae non habeant rationem et corollaria, quae, qualia, quanta philosophus iure postulauerit, quibus tamen nexus utrimque non desit, qualem quantumue postulare solet analogon rationis eorum, quorum potissimum gratia scribis: irrationalitas eiusmodi inconnexorum non arguetur falsitatis aestheticae, §. 445. Desideretur autem et ille nexus, ea cohaerentia, qualem et quantam desiderat analogon rationis in iis, quae probat, damnaberis confestim falsitatis aestheticae §. 437.

*Neu quid medius intercinat actus,  
Quod non proposito conducat et haereat apte.*

§. 469.

Vnitatem materiarum suarum et absolutam et hypotheticam, sola metaphysicorum ratione perspicendam parum curat aestheticus, admodum securus eadem insuper habitasse non male exceptum iri, quasi aesthetice falsa cogitauerit, a iudice competente. Si  
laese-

rit autem eam vnitatem, ipsius etiam loci tantum vel temporis, quam fert simul in oculis analogon rationis, §. 439. non sine pudore ad illum relegatur aestheticae falsitatis reus, §. 445.

*Qui variare volens rem prodigialiter unam  
Delphinum filius appingit, fluctibus aprum.*

### §. 470.

Falsitates generales omnes, quatenus sensibus et analogo rationis percipi possunt, sunt etiam aestheticae, §. 440, 445. Quas autem esse tales sola ratio et intellectus purior detexerit, aestheticae falsitatis notam non ferent, nisi vel iis propinentur, quorum conuicta de contrario penitus ratio discutiat repente speciem veri, quae superest, omnem, vel comitante dignitatis probitatisque defectu deturpentur. §. 464, 467. Quo grauior et periculosior est error in notionibus iisque, quae multis applicari temere possunt, hoc magis serio sibi prospiciat in generalibus etiam aestheticus, ne tacitas preces secum ante pulcram meditationem fuisse videatur:

*Pulcra Lauerna,*

*Da mihi fallere, da iusto sanctoque videri,  
Noctem peccatis et fraudibus obiice nubem.*

*Hor. ep. l. 16, 60.*

### §. 471.

## §. 471.

Quid autem illud est ambiguitatis? Nunc falsa conceduntur, nunc denuo dissuadentur aethetico? Dic sententiam explicite. Vti dixi hucusque non sine necessariis determinationibus, ita pergam. Strictissime veris opposita quomodocunque, vel etiam ea solum, quae videntur iisdem opposita, dicuntur **LATISSIME FALSA**, et simpliciter in populari sermone. Hinc quicquid in hoc vniuerso nec fuit, nec est, nec erit, falsum illud omne vulgo perhibetur, et, quam primum irascatur, falsissimum. Sit pulcrius cogitandum finitum, in se possibile, sit naturaliter, sit moraliter, latius, strictius, et rationis et analogi rationis ex exactissimo iudicio, neque tamen sit huius vniuersi possibile, erit illud latissime falsum et ex vulgari loquendi formula falsum simpliciter.

## §. 472.

Tantum est bene studium veritatis, §. 423. pulcre cogitatur, ut ne in strictissimam quidem veritatem impingere velit, sine pulchra necessitate, nec sine eadem vel latissime falsa meditari, §. 471. Hinc elegantes sibi praefertim dictum putant historici: *Ne quid falsi* (i. e. quod non sit strictissime verum). Tacitus strictissime veram sibi visam historiam de Drusi morte quum narrasset, addit rumorem  
de

de eadem suae narrationi contrarium, Ann. IV. 11. *Mihi, pergens, tradendi arguendique rumbris caussa fuit, ut claro exemplo falsas auditiones depellerem, peteremque ab iis, quorum in manus cura nostra venerit, ne diuulgata et incredibilia, auide accepta, veris, neque in miratulum corruptis, ante habeant.*

## §. 473.

Hanc ob causam sane non refertur a bonis elegantiarum arbitris inter Veneres cogitationum, eadem si nequicquam et nulla obseruabili ex necessitate contradicunt rigidae ac seuerae historiae, genealogiae, geographiae, chronologiae, reliquisque disciplinis, quae versantur in strictissime veris. Quoties ipse culpatus est Virgilius castam forsan Didonem cum duce Troiano in eandem speluncam deducens, reclamante chronologia, ab iis, qui necessitatem falsi non obseruare sibi visi sunt? In declamatione Pythagorae apud Ouidium hi, versus:

*Clara fuit Sparte, magnae viguere Mycenae*

*Nec non Cecropiae, nec non Amphionis arces.*

*Vile solum Sparta est, altae cecidere Mycenae.*

*Oedipodioniae quid sunt, nisi nomina, 1 hebae?*

*Quid Pandioniae restant, nisi nomen, Athenae?*

quoniam sine necessitate venusta pugnant in chronologiam, multis habiti sunt in glossematibus.

## §. 474.



## §. 474.

Quicquid est anachronismorum et *anachronismorum* citra necessitatem in pulcre cogitandum illatorum, pertinet illud omne ad falsitates etiam aestheticas, quam primum analogo rationis vitium appareat. §. 473, 445. Huc *triremes* Virgilii, nisi subtiliter facetus data opera *Chimaeram* dicit, L.V. 118.

*Urbis opus, triplici pubes quam Dardana  
versu*

*Impellunt, terno confurgunt ordine remi.*

*Aeratas* saltim eius *puppis* ideo non possumus in exilium ex hoc vniuerso relegare, quia rostra sunt inuenta, post heroica tempora. Plautum castiget, qui volet, quando eius non *Sosias*, sed et *Mercurius* ipse crebrum *hercule* iurant in *Amphitryone*, qui futurus erat demum *Herculis pater*, quem *iustae nuptiae declarant*.

## §. 475.

Sed fit aliquando pulcre cogitaturum quaedam necessitas, secundum quam salua pulcritudine totius non possit in hoc vniuerso morari longius, exspatiandum potius eius ingenio sit per alios mundos possibiles, quam primum in eiusmodi itinere commoratur circa regiones mundi fabulosi, §. 456. descriptas, est in eius cogitatis falsitas heterocosmica aesthetica etiam, sin ultra limites, §.

455. descriptos non profiliat, iure non accusatur falsitatis in heterocosmicis aestheticae, M. §. 445. Epaphus forte strictissime verum Phaetonti dixerat, Ou. Met. l. 752:

*Matri omnia demens  
Credis et es tumidus genitoris imagine falsi.*

§. 476.

In mundo tamen metamorphoseon ovidianarum est, per preces Phaëtonis, l. II. 35.

*O! lux immensi publica mundi,*  
strictissime verum, et simul heterocosmice,  
§. 441.

*Phoebe, pater, si das huius mihi nominis usum,*  
heterocosmice verum, §. 441. licet ex mundo fabuloso somnium, tamen iis, quibus vixit, Ovidius locis et temporibus, quibusque praesertim scripsit personis, non falsum aesthetice §. 455.

*Nec falsa Clymene culpam sub imagine celat,*  
hoc in dicto Ovidii mundo falsum fuisset, supposita Phaëtonis fabula, etiam aestheticum.

*Pignora da, genitor, per quae tua vera pro-*  
*pago*

*Credar, et hunc animis errorem detrahe-*  
*nostris.*

Verum habes heterocosmicum, quod nec aesthetice tunc falsum erat et iis, quum et quibus Ovidius potissimum scribebat.

§. 477.

## §. 477.

Iamque reor aliqua ex parte manifestum esse pulcre cogitaturum veritatis amicum esse quidem semper, S. XXVI. neque tamen vel illius abstractissimae de vniuersalibus, §. 440. vel illius strictissimae seruum esse, §. 441.

*Exit in immensum foecunda licentia vatum,  
Obligat historica nec sua verba fide. Ou.*

Am. III. 12.

vbi multa exempla congeruntur confirmatura sententiam huc facientem:

*Non, ut testes, mos est audire poetas.*  
Vt enim tandem omnibus videar perspicue scribere, §. 471. venustius ingenium,

*Quando ita mentitur, sic veris falsa remiscet,  
Primo ne medium, medio ne discrepet imum,*  
illius Musa memor §. 467, censoribus aestheticis est

*Splendide mendax, et in omne virgo*

*Nobilis aeuum.*





## S E C T I O XXVIII.

## VERISIMILITUDO AESTHETICA.

§. 478.

**Q**uousque tandem abutere patientia nostra?  
 Quamdiu nos etiam furor iste tuus eludat?  
 Quem ad finem sese effraenata iactabit audacia?  
 Tunc vero magister veritatis logicae ac ethicae publice constitutus mendacia commendes, velut aliquando splendida, et falsa veris mittere, tanquam operam maximopere nobilem? Hac ego circiter ratione videor audire mihi quosdam obloquentes ex schola, quam pinxi, §. 279. Sed sedatis animis, boni viri, reuertamur ad nostrum, quod vos nonnunquam male habet; phlegma philosophicum. De salute Graeciae res non agitur. Interim tamen

*Longa est iniuria, longae  
 Ambages, sed summa sequar festigia rerum.*

§. 479.

Adeone facile putatis, ac Claudiani pagnegris Honorio, rationis etiam analogo,

*Mersum latebris educere verum? v. 513.*  
 Vt et ego vobiscum magnis auctoritatibus agam, nonne meministis veritatem esse Democrito

mocrito sitam in fundo, vnde difficulter protrahatur? Audietis certe Ciceronem, qui, dum plura dicit, ac ego probauerim, illud tamen illustrabit, de quo nunc quaeritur in fine l. de Or: *Nec in hac modo re* (de oratore, hinc et aesthetico) *quae ad vulgi assensum spectat, et ad aurium voluptatem* (et analogi rationis, qua res) *quae duo sunt ad iudicandum leuissima: sed ne in maximis quidem rebus quicquam inueni firmitus, quod tenerem, aut quo iudicium meum dirigerem, quam id, quodcunque mihi quam simillimum veri videretur, quum illud ipsum verum in occulto lateret.*

## §. 480.

Non solum aduersus Ciceronem, §. 479. et scepticos academicosque, vel veteres, vel recentes, lubenter admitto dari rationi et intellectui puriori ac distinctiori per scientias assurgere nonnunquam vltra verisimilitudinem, non ad plenam quidem et omnibus numeris absolutissimam, completam tamen et eam, quae omnem oppositi formidinem excludat, veri notitiam et perspicientiam: sed id etiam addo, quod pauci recentiorum dogmaticorum forte concedant, inesse iam ipsis sensitiuis et confusis animae perceptionibus nonnihil completæ tamen certitudinis, et conscientiae vera quaedam ab omnibus falsis distinguendi sufficientiam.

## §. 481.

Veritas quaedam, etiam aesthetica, §. 423. tamen complete cognoscatur ab analogo rationis, vt talis, §. 480. id est completa cum certitudine et persuasione, M. §. 531. Sed quatenus haec erit? 1) prima et maxime vniuersalia quaedam cognitionis humanae principia, quae sic in se iunt iam ingeniis tantum non omnibus natura, metaphysicis naturalibus, M. §. 3. vt ea sensus communis aliquando titulo condecorata satis superque sint euidētia, M. §. 531. Sed ob hanc ipsam suam euidētia, quae per se patere cuilibet videntur, eadem vberius, non sine ponderibus, in omni veritatis suae luce, multis cum argumentis et sollicitationibus ad assensum ea cogitare expresse et manifesto, vel raro licet, vel nunquam. Plerumque supponuntur, quod aiunt, et omīssa per venustum enthy-mema relinquuntur spectatori inter ea, quae ipse sibi tradat.

## §. 482.

2) Paucissima illa intuitiua vere talia, quae immediate sentimus nullis subreptionum vitiis temerata. Stricte dictam experientiam huc vnam voco, non illam late dictam, complexum omnis cognitionis, cui aliquid inest sensationum, quamque parum habere certitudinis vel ii probant, qui sibi vere repugnantes ad eandem tamen vterque confi-

confidenter prouocant. Experientia stricte dicta multis reliquarum animae facultatum inferiorum perceptionibus praeter sensationes aliis est interstinguenda, si pulcrius aliquid excogitare sit animus, §. 140. Haec ipsa, quae concessi esse posse complete certa rationis etiam analogo, non sunt illa semper et omnibus, sed fides eorum saepe prorsus non attenditur, aliquando sophismatibus et argutationibus, licet inanibus, labefactatur tamen et paene conuellitur, nisi rationis et intellectus notionibus confirmetur.

§. 483.

Jam apertissimo putauerim calculo constare plurima inter venuste cogitandum appercipienda, non esse complete certa, neque luce completa veritatem eorum conspici, §. 481, 482. Nec in villo tamen falsitatis aliquid sensitiuae deprehendi potest sine turpitudine, S. XXVIII. Talia autem, de quibus non complete quidem certi sumus, neque tamen falsitatem aliquam in iisdem appercipimus, sunt VERISIMILIA. Est ergo veritas aesthetica S. XXVII. a potiori dicta VERISIMILITUDO, ille veritatis gradus, qui, etiamsi non euectus sit ad completam certitudinem, tamen nihil contineat falsitatis obseruabilis.

## §. 484.

*Cuius habent spectatores auditoresue intra animum, quum vident audiuntue, quasdam anticipationes, quod plerumque fit, quod fieri solet, quod in opinione positum est, quod habet ad haec in se quandam similitudinem, siue id falsum (logice, et latissime,) siue verum sit. (logice et strictissime) quod non sit facile a nostris sensibus abhorrens: hoc illud est εικος et verisimile, quod, Aristotele et Cicerone assentiente, sectetur aestheticus, §. 483. In rebus enim eiusmodi non solet analogon rationis quicquam falsitatis obseruare, licet non omnino de veritate eorundem conuictum sit. Hinc Ciceroni describitur inuentio excogitatio rerum verarum aut verisimilium, quae causam probabilem (aesthetice) reddant.*

## §. 485.

Erunt itaque aesthetice vera, id est, verisimilia, §. 484. 1) sensitiue et intellectualiter complete certa, qua sunt prius, §. 480-482. 2) sensitiue tantum complete certa, §. 482. in quibus adhuc intellectus suam non exercuit operam, 3) logice et aesthetice probabilia, qua sunt posterius. PROBABILIA quoniam sunt, quibus ad dandum assensum plus rationis est, quam ad denegandum; et IMPROBABILIA, quibus ad denegandum assensum plus rationis est, quam ad dandum:



dum: quando rationes dubitandi et decidendi, pro assensu et contra eundem distincte cognoscuntur, oritur **PROBABILITAS LOGICA**, si sensitivae, **AESTHETICA**. A posteriori desumitur denominatio, quoties est quaedam probabilitas aestheticologica. Par est ratio improbabilitatis. Patent ergo verisimilitudinum campi latius, quam probabilitatis territorium, etiamsi sit omne probabile simul verisimile. §. 483.

### §. 486.

Verisimilia aesthetica erunt 4) logice forte dubia, immo improbabilia, modo sint aesthetice probabilia §. 485. 5) aesthetice etiam dubia et improbabilia, non aliis solum, quam quibus potissimum venuste cogites, sed etiam his ipsis forsitan alias, quando rationes contra assensum largius imbiberint, modo nunc et inter meditationis tuae seriem vel habeant, de iis, quae propinas, aut probabilitatem aestheticam, aut saltem in oppositum superponderantes rationes non habeant animo satis praesentes, ut obscurant id omne, quod tuis superest elegantis verisimilitudinis. §. 484.

### §. 487.

Conferamus consilium Ciceronis accusatoribus datum or. pro Rosc. Am. 57. *Maxime debetis in eos impetum facere, qui merentur*

(quorum crimen est complete certum, logice et strictissime verum, aut etiam logice probabile et aesthetice). *Hoc populo gratissimum est. Deinde, si voletis, etiam tum, quum verisimile erit aliquem commisisse, in suspitione latratote.* (Etiam si non complete certum nec logice probabile sit crimen, nec omnibus aesthetice, neque tamen iis improbabile aesthetice, quibus grati esse praesertim vultis). *Id quoque concedi potest. Sin autem sic agatis, ut aliquem arguatis patrem occidisse, neque dicere possitis, aut quare, aut quomodo, ac tantummodo sine suspitione (verisimilitudine qualicunque aesthetica) latrabitis: crura quidem nemo vobis suffringet, sed si ego hos bene novi, litteram illam, cui vos usque eo inimici estis, ut etiam eas omnes oderitis, ita vehementer ad caput affigent, ut postea neminem alium, nisi fortunas vestras, accusare possitis.*

## §. 488.

Aliud exemplum dabit Cicero philosophus de nat. Deorum l. l. 65: *Haec, inquit, ego nunc physicorum oracula (nullum esse inane) fundo, vera, an falsa nescio.* (Complete certa logice, neque tamen analogo rationis, §. 482.) 66. *Sed veri tamen similia, quam vestra. Ista enim flagitia Democriti, siue etiam ante Leucippi, esse quaedam corpuscula, quaedam laevis, alia aspera, rotunda alia, partim angulata, curvata quaedam, et quasi adunca,*

*ca, ex his effectum esse caelum atque terras, nulla cogente natura, sed concursu quodam fortuito.*  
(Haec flagitia illustrabunt §. 486.)

§. 489.

Iam simul per rationem oppositorum oppositam reor patere falsum aestheticum, S. XXVIII. a potiori denominandum esse falsi simile, §. 483. de cuius falsitate quidem non complete certi sumus, ex quo tamen nihil omnino veritatis insigniter elucescat. Sit aliquid complete certum intellectui, sit eidem probabile aliud: utraque tamen aesthetice sint dubia, vel improbabilia, vel omnino nihil argumentorum pro veritate sui suggerant analogo rationis eorum, quibus praecipue placere velis, licet nec eidem eorum liqueat falsitas, tamen aesthetica verisimilitudine destituta, destituta anticipationibus intra mentem obiectorum tuorum personalium, quoniam insolita videntur his saltim, §. 484. abstrahendum est ab iisdem, falsi similibus. §. 485, 486.

§. 490.

*Nocturnos lemures, portentaque Thessala  
rident*

aliqui. An sciant, quare, an nesciant, non curabit aestheticus. Sufficiet ipsi spectatoribus eiusmodi, quicquid est utique spectrorum artiumque, quas male magicas dicunt, adeo ridiculum videri per analogon rationis, ut in

visionibus eiusmodi nihil apud eosdem restet elegantis verisimilitudinis, hinc ob hoc solum remouebit ex oculis talia omnia falsi similia iis, quorum maxime caussa scribit. Si tales fuissent Virgilio, astrologiam iudiciariam, vti nunc plures, susque deque habentes, non ille, profecto, scripsisset.

*Solem quis dicere falsum*

*Audeat? Ille etiam caecos instare tumultus*

*Saepe monet, fraudemque et operta tumescere bella.*

Georg. l. l. 463. veritus, ne quis eorum regereret, non solem falsum dicimus, sed te falsum ex eiusdem colore veraculum. §. 489.

### §. 491.

Aliquam necessitatem aestheticam iam aliquando subinnuimus non ea solum exhibendi, quae completa certitudine vera sint et strictissime. Nunc locus est quasdam harum necessitatum commemorare. 1) Sit cogitandum aesthetico, qui pansophus esse non obligatur, multo minus omniscius, de rebus, quarum veritatem metaphysicam complete non nouit, §. 423. 2) Obueniant ipsi cogitanda, quorum veritatem strictius logicam demonstrare rigide nequeat. §. 424. 3) Occurrant, de quibus ne aesthetice quidem sit complete certus, §. 427. 4) Incidat in cogitanda talia, quorum exacta veritas horizon-

rizontem distinctionis non egrediatur, quo melius ipsi cognita est, hoc certior, eam non esse captui eorum commodam, quibus potissimum cogitat. §. 429: in his casibus omnibus confugiendum erit ad aliquam verisimilitudinem. §. 479.

§. 492.

In casu primo erant romani paene omnes, si ad illos dirigebatur quaestio:

*Paruum est, quod scire laboro.*

*De Joue quid sentis?*

In secundo putauerim Iopam fuisse canentem; Aen. l. 748.

*Quid tantum Oceano properent se tingere soles*

*Hiberni, vel quae tardis mora noctibus obstet.*

In tertio fuit illa Virgilii, quae ecl. VIII. 106.

*Adspice, ait, corripuit tremulis altaria flammis*

*Sponte sua, dum ferre moror, cinis ipse, bonum sit,*

*Nescio quid, certe est, et Hylax in limine latrat.*

*Credimus? an, qui amant, ipsi sibi somnia fingunt?*

In casu quarto erit philosophus accuratior saepius ea themata moralia tractans aesthetice, quae ex Horatio adduxi §. 126.

§. 493.

## §. 493.

Necessitas a veritate complete certa et strictissima recedendi erit aesthetica pulcre cogituro, 5) quando tanti non est, vt. examinetur, quod ponendum est, an accurate verum, an tantum sit verisimile §. 430. 454. 6) Quando venit in mentem rei, quae num in se sit possibilis, nec ne, parum liqueat, §. 431. illud tamen liqueat, pulcre rem eam meditati rationis analogo nihil absurditatis afferri, §. 431, 455. 7) Cogitando incidas in euentum, de quo dynamometria tua non exacte decidat, an viribus caussarum viuis plenus accurate sit aequalis, neque tamen dynamometriae naturali videatur cognitio sensitivae viribus vlla ratione, vel turpiter minor, vel maior, §. 432. 457.

## §. 494.

In casu quinto Virgilius Aen. l. 706. canit:

*Quinquaginta intus famulae, quibus ordine  
longo*

*Cura penum struere et flammis adolere penates.*

*Centum aliae, totidemque pares aetate ministri,*

*Qui dapibus mensas onerent, et pocula ponant.*

nume-

numeris rotundis contentus errore calculi  
faluo. In casu sexto fuit Aeneas, quando:

*O! quam, ait, te memorem, virgo? namque  
haud tibi vultus*

*Mortales, nec vox huminem sonat. O! dea  
certe,*

*Aut Phoebi soror, aut nympharum sangui-  
nis una!*

In casu septimo Virgilium lege, quando ipsi  
Nisus et Euryalus l. IX. 176-450. describun-  
tur, vt huius verisimilitudo, iuxta Statii falsi-  
tatem posita, §. 460, 461. magis elucescat.

#### §. 495.

Necessitas aesthetica a veritate, complete  
certa, et strictissima, saepius deueniendi ad  
verisimilitudinem erit, 8) quando morato la-  
tius cogitandi genere §. 226. iam nouam 798  
speciem, §. 193. obseruaturus, §. 433. inci-  
dat in pingendum euentum cum moralibus  
personarum semel constitutarum characteri-  
bus, moribus maiorum, et consuetudinibus,  
aetate, patria e. c. apprime conspirare visum,  
§. 434. nec vlla ratione male qui habeat mo-  
ralem analogi rationis dynamometrian, §.  
462. cuius tamen euentus non complete cer-  
ta sit strictissima veritas. In hoc casu Virgi-  
lius fuit Aeneas armis induens pro patria  
Troia. l. II. §. 309.

#### §. 496.

## §. 496.

Neceſſitas veriſimilitudinis pro exacte cognita veritate amplectendae æſthetica erit 9) quando, quid in certis virum bonum circumſtantibus recte agendi occaſionibus, ille, vel ſimpliciter honeſtus, vel nobilis, vel omnino heros vere egerit, tacet hiſtoria, tacet experientia, ſed ~~non~~ docet et moratum ſtriſtius cogitandi genus, quid agere debuerit, tunc enim ad hanc veritatem moralem, licet veri tantum ſimilem, §. 435. caute confugiendum eſt, §. 463-467. In hoc caſu Virgilius erat deſcripturus, quid Aeneas in Pallantis funere dixerit egeritue, l. XI. 25.--100. et omnes paene veteres hiſtorici, quando ſuis inferunt habitas orationes.

## §. 497.

10.) Quando verae ſtriſtiſſime et completa cum certitudine rationes pulcre cogitandi, et vera eiſusmodi conſectaria, vel ignorantur, vel ſupra horizontem æſtheticum poſita ſunt, vel ob alias cauſſas e. g. dignitatem et decorum, afferri non poſſunt, neque tamen hiatus turpis, aut aliquid omnino fruſtra factum ſenſibus analogoque rationis obii-cienda ſunt. §. 436. 468. In hoc caſu Virgilius fuit, videns exercendae fortitudinis heroi ſuo ſe multas et magnas rationes ſupeditare debere, multos et magnos hoſtes, l. VII. 641.

Pan-



*Pandite nunc Helicon, deae, carytusque  
mouete,*

*Qui bello exciti reges, quae quemque se-  
quutae*

*Complerint campos acies, quibus Itala iam  
tum,*

*Floruerit terra alma viris, quibus arserit  
armis,*

*Et meministis enim, Diuiae, et memorare  
potestis,*

*Ad nos vix tenuis famae perlabitur aura.*

§. 498.

II) Quando, quaedam ob ipsam forsan veritatem strictissimam, vel ob famam saltim, et quoniam eorum iam est nonnulla in spectatorum animis anticipatio, pulcre cogitanda sunt, quae tamen in vnitatem aestheticam grauius offendere videri possent, §. 439. 469. Tunc enim multa opus est verisimilitudine, ne iunxisse turpiter censearis infociabilia. Accedens ad implementum paradoxo, et inexpectati oraculi:

*via prima salutis,*

*Quod minime reris, Graia pandetur ab urbe,*

VI. 96.

describendum Virgilius, ne male coacta sub vnum ducem arma graeca et troiana, vel analogo rationis, iudicentur, quanta opera mitescere

mitescere curat inopinatum euentum. l. VIII.  
Deus interest, quoniam nodus eo vindice dignus adest, Tiberinus pater, qui consilium det Arcades adeundi,

*Qui bellum assidue ducunt cum gente latina.*

55.

Aeneas ipse proficiscitur, non oratores mittit, nec se modo *Troiugenae* memorat, sed et statim

*tela inimica latinis, 117. e. c.*

§. 499.

12) Quando de generalibus et per abstractam notionum regionem, veritas logica, vel ita latet in fundo, vt ne per intellectum quidem et rationem pulcre cogitaturi, inde erui possit, aut altius longiusque petita saltim tuis praecipuis obiectis personalibus videbitur, nisi omnino falsa, quoniam ea non continet, quae fieri solent, et quorum habent intra mentem anticipationes; altera autem opinio de iisdem generalibus, quae cum priori sententia simul esse vera non potest, innocuis tamen rationibus, et absque dolo malo, sine fraude nefanda, commendari potest, §. 470. popularior et veri maioris aliquid spirans, §. 440. e. g. Quamquam logice verum est aliquam salutem publicam non sine bello et per arma vere parari: tamen

*Nulla salus bello.*

Quan-

Quaquam sunt, qui omnia horrent, praeter ignaum otium, et omnia, quae supra se deprehendunt, nihil ad se pertinere iudicant, ex animi sententia, tamen

*Nil mortalibus arduum est,  
Caelum ipsum petimus flukitia.*

§. 500.

13) Ipsum veritatis studium, quod esse potest, maximum mentiri nonnunquam, i. e. latissime falsa, aut ea cogitare cogit, quae num logice strictissimeque sint omnino vera, ipse nescit, aestheticum. Pone eum exacte cognitum verum cogitare posse admodum abstractum, generale, et vniuersale, = circiter 20°. Pone ipsi venire in mentem determinationis, minus generalis, minus abstracti; quod salua reliqua pulcritudine posset priori substituere. Sint in hoc 40 varia. De decem ex iis aut dubitet, an omni modo vera sint, aut omnino videat ea non esse purioris ad rationis examen defendenda, licet non dent falsitatem aestheticam, S. XXVIII. Reliqua 30 probe conspirent ad principia veri catholica, praesertim quatenus analogo rationis patent, et simul maiorem, ac prius, vbertatem, dignitatem, lucem e. c. dent themati, ac prius logice verum et complete certum, = 10°. In hoc casu prius eligens dabis verum = 20°. Posterius praeferens exhibes verum

rum ad minimum  $= 40^{\circ} - 10^{\circ} = 30^{\circ}$ .  
 Hinc ipsum veritatis studium ad posterius  
 falsum priori vero praeponendum impellere  
 potest, §. 441.

## §. 501.

Est veritas generalis: Vir bonus iniquis  
 etiam suspicionibus eorum, quos amat, ali-  
 quando cedit. Nonne autem illa maior ap-  
 paret analogo rationis apud legentes Liu. II.  
 6. in *Valerium Consulem*, non invidiam solum,  
 sed suspicionem etiam, cum atroci crimine, or-  
 tam, eum regnum affectore, quia aedificabat in  
*summa Velia*? Ibi alto et munito loco arcem in-  
 expugnabilem fore. Conuocato autem in conci-  
 lium populo tunc Valerium in aliis dixisse:  
*Non obijabunt P. Valerii aedes libertati vestrae,*  
*Quirites. Tuta vobis erit Velia. Deferam*  
*non in planum modo aedes, sed colli etiam sub-*  
*iiciam, ut vos supra suspectum me ciuem habi-*  
*tetis. In Velia aedificent, quibus melius, quam*  
*Valerio, libertas creditur. Delatam postea con-*  
*festim esse materiam omnem infra Veliam, et in*  
*insimo cliuo domum aedificatam.* Hinc opinio-  
 nes ita in contrarium versas esse, ut popularis  
 abhinc sit habitus, unde cognomen *Publicolae*.  
 Si maior haec Liuviana veritas recte iu-  
 dicatur aliquo respectu, ac generalis illa;  
 meminerimus orationem e mentem esse Li-  
 uium, §. 496.

## §. 502.

§. 502.

14) Sit strictissime verum aliquando, quod non ita raro contingit, hac ratione comparatum, ut non ex opinione vulgi tantum, sed etiam bonis factorum criticis falsi singulariter simile videatur, neque tamen vires locusue sint venuste cogitatio multis eius vindicare verisimilitudinem, aut destituatur, quantum illud cognoscitur, requisita pulcritudini cogitatorum, ubertate, dignitate, luce, e. c. §. 22, solum si sit, et nullis exornatum latissime falsis. Habes in unum contractos multos casus, in quibus veris heterocosmicis, quae strictissime vero vel substituantur, vel immisceantur, opus esse videatur. §. 444, 475.

§. 503.

Quoniam itaque tot necessitatibus urgetur pulcre cogitaturus a veritate, quam dicunt, transeundi ad solam aliquam verisimilitudinem, §. 491-502: non raro poeta fiet.

*Poeta, tabulas quum cepit sibi,*

*Quaerit, quod nusquam est gentium, reperit tamen,*

*Facit illud veri simile, quod mendacium est.*

Plaut. Pseud. l. 4. v. 8.

Aestheticus autem veritatem metaphysicam et aestheticologicam distinguens, ut obiectum et perceptionem eiusdem, uti

rem, et conceptum de re; hanc aesthetico-logicam notat esse vel complete claram, vel minus. Priorem veritatem dicunt, posteriorem verisimilitudinem. Philosophus priorem completam certitudinem dicit; alteram veritatem in incertis, probabilibus, dubiis, improbabilibus. Hinc aestheticus suadet non in solis complete certis pulcre verum quaerere, sed idem rimari simul per incerta, probabilium, dubiorum, improbabiliū, quamdiu semet ipsum non subducit amatoris oculis in turpem falsi similitudinem, vel ipsam falsi turpitudinem desinens. S. XXVIII.

## §. 504.

Pulcre cogitaturus consilium, §. 503. prosequitur, circumstrepentibus falsi rumoribus, vnam veritatem, plerumque per incerta, se-  
ctatus,

*populumque falsis*

*Dedocet uti*

*vocibus falsi mendaciorumque, aut in verbis facilis de rerum et vitae veritate sibi gratulatur in sinu, quando nonnunquam per mediam, quam Falsitatis et Mendaciorum aiunt, siluam in plena sese refulgens offert luce*

*Pudor, et Iustitiae soror*

*Incorrupta Fides, nudaque Veritas.*

## SECTION



## SECTIO XXX.

### FIXTIONES.

#### §. 505.

**Q**uae non totidem ideis fenſimus, quot denuo cogitamus, quaeque tamen ſenſitiue cognoscenda ſunt, ſunt fingenda, M. §. 589. Hinc FIXTIONES LATIVS DICTAE, M. §. 590. perceptiones combinando praefcindoque phantasmata formatae, longe maximam pulcre cogitandorum partem conſtituunt.

*Ficta voluptatis cauſſa ſint proxima veris,*

#### §. 504.

#### §. 506.

Non proxima ſolum veris, ſed et ipſa ſtriſtiſſime vera plurima, non niſi fictionibus latius dictis pulcre cogitari ſenſitiueque poſſunt. Quot ea ſunt obiectorum pulcre cogitaturi, de quibus ille poſſit dicere: *quae ipſe vidi,*

*Et quorum pars magna fui?*

Nec in his fictionibus carent, niſi experientiae ſtriſte dictae, ſi narrentur omnino pure nudeque. Reliqua huius vniuerſi vel praeterita, ſi narrem ſecundum fidem historicam, neque tamen ſtriſte expertus, vel praefentia

tempore, si percipiam absentia loco sensitiue, vel futura, etiamsi tandem ex mea praeconceptione fiant in hoc vniuerso, vt turris ex anticipatione architecti, tamen sunt **FICTIONES** (latius dictae, §. 505.) quas dicere liceat **STRICTISSIME VERAS**.

§. 507.

Erunt itaque fictiones, sicuti veritates, falsitates et verisimilitudines, vel generales, vel singulares, et hae vel huius vniuersi cognitionem ingredientur, vel erunt heterocosmicae, §. 445, 441. Generales habent suas regulas **S. XXVIII**. Singulares, pars cognitionis de hoc vniuerso venustae, aut erunt strictissime verae, §. 506, res facti, vel euentus praesentes, vel vere futura sistentes, quae tamen ipse cogitans non strictè expertus est, aut minus. Quae cognitione huius vniuersi percipiuntur, neque tamen accurate intuitiua, hinc fictiones latius dictae, §. 505. sunt **FICTIONES HISTORICAE LATE DICTAE**.

§. 508.

Troianas romanorum origines narrant Virgilius et Liuius. l. I. vterque non expertus, hinc vterque per fictionem historicam late dictam, §. 507. Ille Aenean narrat insciis Graiis et hostibus per fugam elapsam, hic in *Aenean*, et ob *vetustum hospitii ius*, et quia



quia pacis reddendaeque Helenae semper auctor fuerat, nullum ius belli Achiuos exercuisse. Ille Aeneas primo ducit in Thraciam, hic in Macedoniam. Aduentum Aeneae in Italiam proxime sequuta vterque diuersim mente concipiunt. Illi Ascanius, ac Iulus idem Creusae filius. Huic *Ascanius ex Lauinia natus*, addenti tamen; *Haud nihil ambigam (quis enim rem tam veterem pro certo affirmet?) Hicne fuerit Ascanius, an maior, quam hic, Creusa natus matre, Ilio incolumi, comesque inde paternae fugae, quem Iulum eundem Iulia gens auctorem nominis sui nuncupat. Vbicunque et quacunque matre genitus, certe natum Aeneas constat.* Vbicunque et quocunque patre genita sit fictio strictissime vera, §. 506. amborum hae, praeter alias, sunt fictiones historicae late dictae, §. 507. Ascanius in Aeneide est persona verisimilis, S. XXVIII.

## §. 509.

Fictiones historicae late dictae omnem cognitionem huius vniuersi apud pulcre cogitantem complexae, quam ipse non expertus est, aut sistunt saltim inexperto strictissime veros euentus huius vniuersi fictiones strictissime verae, §. 506, aut talia, quae suppositis omnibus in hoc vniuerso nobis sensitiue notis euentibus et momentis enentum circumstantibus, tamen fieri potuissent aut possent, et erunt F I C T I O N E S, etiam si a

poëtis cogitentur, STRICTIVS HISTORICAE.

§. 510.

Turnus Virgilii Aeneae tantum, *Turnus Liuii Aeneae Latinoque simul bellum infert*, et hic eo euentu, vt *Aborigines Troianique ducem Latinum victores amittant*. Mezentius Virgilii ab Aenea occiditur. Mezentius Liuii ab Aenea vincitur quidem, sed *operum mortalium hoc ultimo patrato Aeneas sepelitur*, Mezentio superstite. Vnum horum auctorem solum legenti tantum abest, vt fictionum vel strictius historicarum ipsius narrationes suspectae esse possent, vt eas potius in fictionibus strictissime veris haberet, §. 506. Conferenti tamen vtrumque non licet per auctoritatem Liuii Virgilianas fabulas numerare in fictionibus strictius historicis, §. 509.

\*\*\*\*\*

SECTIO XXXI.

FICTIONES POETICAE.

§. 511.

Si fingantur talia, quae ob notam et cogitanti et cogitaturis ipso duce, sicuti praesumi debet, circumstantiam, et hypothesin euentumque huius mundi certum, in eodem hoc vniverso locum non habeant, vt eiusdem  
pos-

possibilia, supposita tamen alia quādam hypothēsi, quae non est possibile huius vniuersi, fieri pulcre potuissent aut possent, vel turpiter, per cognitionem mediam: tales FLECTIONES heterocosmicae, §. 441, quia inuentor earum, quasi nouum creat orbem fingendo, sive maxime ab historico proferantur, dicuntur P O E T I C A E.

§. 512.

Ira Iunonis Aen. l. 19-85. est fictio poetica, tempestas -- 127. historica. Neptunus aequorum pacator poetica -- 160. Troianorum descensus in Africam historica -- 227, nisi cerui dubium moueant. Colloquium Iouis et Veneris, legatioque Mercurii est fictio poetica, v. 308.

*At pius Aeneas per noctem plurima voluens,  
Vt primum lux alma data est, exire, locosque*

*Explorare nouos, quas vento accesserit oras,  
Qui teneant, (nam inculta videt,) hominesne  
feraene,*

*Quaerere constituit, sociisque exacta referre --*  
317.

est fictio historica. Hinc incipit poetica de Didone fictio ultra l. I-V. protensa, §. 509, 511.

X 5

§. 513.

## §. 513.

Complexum et fatis male cohaerens systema fictionum omnis generis iam a pluribus elegantioribus ingeniis adoptatarum et suppositarum synecdochice dicamus **MUNDVM POETARVM**. Hic enim cosmogoniae philosophorum pleraeque, ne excepta quidem Cartesiana, non minus locum inueniunt, ac theogoniae veterum theologorum, et quicquid est mythologiae, non notioris illius solum, graecae ac romanae, sed et per alias gentes ab Indis ad Eddam *πατροπαράδοξα*. Huc acta sanctorum ex omni sua parte, quae vel historice, vel poetice ficta sit, ipsa signa illorum, ductus, positusque, quibus pingi sculpique solent. Huius terra quaedam noua est mundus cabbalisticus cum suis quatuor elementorum incolis, olim admodum in obscuro qui habitauerant. e. c.

## §. 514.

In mundo poetarum est quaedam admodum late patens regio chimaerarum, fictionum omni veritate metaphysica, quae suis obiectis inesset, destitutarum, quam mundi poetarum dicamus **VTOPIAM**. Magna pars mundi fabulosi postquam est ingressa mundum poetarum, illum non tanget ultra limites, §. 456. pulcre cogitaturus. Contra hanc regulam impingunt, 1) qui nunc aequae sibi  
lici-

licitum putant ex mythologia veterum multa nugari, ac illud licitum olim graecis romanisque fuit, quorum spectatores praecipui per analogon rationis eiusdem absurda non eo usque penetrauerant, ac nunc omnes, qui vix aere lauantur.

§. 515.

2) Qui omnino nugas eiusmodi systemati optimo maximo verissimae religionis immiscent, aut iis auditoribus occinunt, quibus serpentes non auibus, sed angelis, aut certe columbis, geminare videantur, si vel ex solo suo sensitiuo iudicio ac sapore, non publico quidem, probe tamen maturo, pessime cohaerentem eiusmodi lucis et tenebrarum coagmentationem examinent, §. 415. Ipse Virgilius aduocans in auxilium, quicquid est ubique numinum rusticorum Georg. I.

*Diique deaeque omnes, studium quibus arua  
tueri;*

*Quique nouas alitis nonnullo semine fruges,*  
v. 21.

probe cauet, ne quem deorum suis immisceat, quos venerantur tantum sanctae gentes,

*quibus haec nascuntur in hortis*

*Numina. Iuu. XV.*

## §. 516.

Quaedam fictio poetica, §. 511. mundi poetici, §. 513, non tangens turpiter vtopiam, §. 514, 515. cuidam ex eodem parti conformiter, etiam positivae, i. e. ita concipiet suum orbem, quem creatheterocosmice fingendo, ut hic bene cohaereat, quantum aesthetice suos praecipuos auditores rem scrutaturos debet praesumere, probe cognitae parti mundi poetarum, ex eius anticipationibus mente formari possit, ita euentus suos sistat, uti solitum est, in regione mundi poetici data, habeat cum eadem unitatem aestheticam, et ex eadem suam mutuo verisimilitudinem accipiat. Eiusmodi FIGMENTVM POETICVM dicamus ANALAGICVM.

## §. 517.

Harum fictionum praeceptum est Horatii, secundum S. XXVIII.

*Scriptor, honoratum si forte reponis Achillem,*

*Impiger, iracundus, inexorabilis, acer,  
Iura neget sibi nata, nihil non arroget armis,*

*Sit Medea ferox inuictaque, flebilis Ino,  
Perfidus Ixion, Io vaga, tristis Orestes.*

A. P. 120.

Non leuiter moueor hic pro: *honoratum Hom-*  
*me-*

*mereum* cum Benteio legere, licet rationem videam, cur honoratus Achilles dictus sit, cui summus et Alexandro etiam Magno invidendus honor contigerit, ab optimo poetarum aeternitati consecrari. In his paene solis fictionibus poeticis acquieuit Virgilius.

§. 518.

FICTIO POETICA nouum ita creans orbem, vt eum nec cuidam ex mundo poetico regioni faciat admodum similem, aut conducentem et aptius haerentem, est PRORSVS IGNOTA. Huic quoniam non succurrit iam supponenda in spectatoribus verisimilitudo mundi poetici, §. 512. quoniam desunt anticipationes in iisdem bene multae, quas iam reperisset analogica fictio, §. 516. quoniam per ipsum mundum poeticum insolita est, nec in hoc vniuerso fieri potuit, §. 511. adeoque multis omnino falsi similis videbitur, §. 489. insignem habeat, oportet, verisimilitudinem internam, singularem venustius coniunctorum ordinem, successiuorum harmoniam et conuenientiam oculos multa cum luce ferientem, notabiliorem vnitatem, et generatim venustatem omnino singularem, si recto nihilominus talo stare debeat, satisque punctorum ferre, S. XXVII. §. 22.

§. 519.

§. 519.

Hinc Horatius ex poemate tantæ famæ,  
ac Ilias est, rectius putat particulam aliquam  
diducere, A. P. 130.

*Quam si proferres ignota indictaque primus.*  
Hinc denominationem sumsi fictionum, de  
quibus §. 518. Quales si quis tamen audeat,  
illum monet:

*Si quid inexpertum scenae committis, et audes,  
Personam formare nouam, seruetur ad  
imū,*

*Qualis ab incepto processerit et sibi constet.*

*Difficile est proprie communia dicere;*

quod mihi sic videor recte interpretari: Veritates generales, quas nemo sibi videtur ignorare, primum in exemplo aliquo singulari sistere satis pulcras, quod nemo adhuc ante nos ex parte venustius pinxerit, prorsus adhuc ignotum: illud vero maioris est difficultatis, ac multis videatur.

§. 520.

Fictio poetica, quae prae se quidem fert analogiam, nescio quam, cum mundo poetico, neque tamen multo post contra eandem, quam suam fecerat, mundi illius regionem grauiter impingit, eidem contradicentia affirmans, contra eius ~~quod~~ pugnantia, quae fierent in eodem per casum purum, quae frustra fierent,



fierent, quae seiungunt per eundem inseparabilia, spectatoribus obliiciens, erit talis fictio  
FIGMENTVM ANOMALON.

§. 521.

Figmentum anomalon quum nec in hoc vniuerso fieri possit, nec in illo poetico, nec interne possit esse singulariter verisimile, quia iam quasi recepit in sinum, quibus nihilo fecius contradicat, vnde gentium accipiat adeo necessariam elegantiae vel veritatem, vel omnino verisimilitudinem? S. XXVII, XXVIII. Vide, quanto illud opere caueat Liuius, l. 2. ne de morte Aeneae famam poeticae fictionis infringat, quoniam strictissime veram fictionem promere; aut non voluit, aut non potuit: *Situs est, ait, quemcumque eum dici iusque fasque est, super Numicium flumen: Iouem indigetem appellant.*

§. 522.

Ad eiusmodi tamen anomala figmenta ne trahantur, 1) si dissensus est inter historicos strictissime vera, et poetas heterocosmica fingere supponendos, §. 519. Hinc huc non pertinet: *An amauerit Didum Aeneas*, de qua quaestione peculiarem librum edidisse dicitur Atteius philologus, quia Iustinus post Virgilium, huic contrarius, narrat eam vniueram et castissimam l. XVIII. Iustinoque rationes chronologicae fauent. Ausonius hic po-

potius et Silius liberum habuerunt, quem sequi velint mundum, hunc, an poeticum. Vnde Aufonius utrumque sequutus est in diuersis epigrammatibus, sane non graui culpa. Poeticum epigrammate, de quo §. 408. Hunc ep. III.

*Vos magis historicis, lectores, credite de me,  
Quam qui furta deum concubitusque canunt,*

*Falsiloqui vates, temerant qui carmine verum,*

*Humanisque deos assimilant vitiis.*

§. 523.

Silius autem sequutus est mundum Virgilii poeticum, non tamen sine libertate poetica, L. VIII. Apud hunc distrahuntur, apud Virgilium maiore cum vnitate se propius excipientia. Tandem Dido moritura,

*Dii longae noctis, quorum iam numina nobis*

*Mors insilans maiora facit, precor, inquit, adeste,*

*Et placidi victos ardore admittite manes.*

*Aeneae coniux, Veneris nurus, ulta maritum,*

*Vidi constructas nostrae Carthaginis arces,  
Nunc ad vos magni descendet corporis umbra.*

*Me*

*Me quoque fors dulci quondam vir notus  
amore*

*Exspectat, curas cupiens aequare priores,*  
Confer §. 405, 406. et hanc Didonem Sili, nisi fallor, quantum postpones Virgilii Didoni, tantum tamen adhuc antepones Ouidii Didoni: sicut Aufoniana Dido, de qua §. 520, maior est, ac Dido Aufonii, de qua §. 405.

§. 524.

2) Si dissensus ab antecedente nos mundo poetico tantillus fuerit, ut inde oriri visa falsitas tantilla sit, quae forsan ad §. 454. referri posse iure censeatur. Huc aequus censor referet Aeschyli secessum a mundo Homeri poetico, dum in hoc Patroclus aetate maior est, ac Achilles, Aeschylus Patroclum tamen iuniorem fingit, ideo a Platone, magno poetarum inimico, male habitus. Hinc nec deterritus est auctoritate tanti philosophi Martialis, quin Aeschylum potius, quam Homerum sequeretur, XI. ep. 44. nec Statius sibi temperavit, quin omnino medium velut iter sibi novum legeret, cuius in Achilleide Patroclus Achilli


*par studiis aequique modis.*

§. 525.

Regerat aliquis: Has certe fictiones concedes esse mendacia. Cur itaque definis, illustras,

Y

lustras, distinguis, et analogica saltim commendare videris? §. 516. Equidem ipse despero *populum falsis vocibus uti dedocere*, §. 504, hinc ex eius loquendi modo dixi sententiam aperte, §. 477. Forsan tamen S. Augustinus me felicior est, quando ille l. II. quæst. eu. 51: *Non omne, inquit, quod fingimus, mendacium est, sed quando id fingimus, quod nihil significat*: (quod nullius veritatis est, sed non solum falsitatis æstheticae, verum etiam moralis, foetus et turpe signum) *tunc est mendacium*. Quum autem *sictio nostra refertur ad aliquam significationem*, (vt in aliquo comparatio, cuius perceptio satis digna est, veritatem si complete certam non possumus, saltem incomplete talem, si maximam aliquam non possumus, ei tamen proximam veritatem candido pectore, purisque manibus exhibeamus), *non est mendacium, sed aliqua figura veritatis*, §. 26. Alioquin omnia, quæ a sapientibus et sanctis viris, vel etiam ab ipso domino, figurate dicta sunt, deputabuntur mendacia, quia secundum *vsitatum intellectum* (veritatis strictissime dictæ) *veritas non subsistit in talibus dictis*. - - - *Fictio, quæ ad aliquam veritatem refertur* (haec autem esse etiam potest poetica) *figura est, quæ non refertur, mendacium est*.



## S E C T I O XXXII.

## F A B V L A E.

## §. 526.

**I**udicium generale, s. **DOGMA**, vel est theoreticum, vel practicum, Dogma practicum aesthetice cogitatum est **SENTENTIA**, Conceptus inferior suum superiorem, sub quo continetur, **DECLARANS**, s. clariorem reddens, est **EXEMPLUM**. Exemplum sententiae stricte fictum, §. 506. est **FABULA**. Quanquam enim quaevis, etiam strictissime vera, narratiuncula, quoniam eundo plerumque crescit et spurias ex adiectionibus fictis vires acquirit, nonnunquam fabula dicitur latius, ut ante suum diem ob luxuriam mortuus aliquis

*It noua, nec tristis, per cunctas fabula coenas,*  
Iuu. Sat. I.

tamen strictius nobis utendum erit vocabulo simpliciter, ut strictissime veris opponatur narrationibus.

## §. 527.

Fabula erit vel **FICTIO HISTORICA STRICTIVS**, §. 526, 509. quae nullis inter-  
stincta fictionibus poeticis, §. 511. **SIMPLEX**

dicatur, vel fictio poetica, §. 511. vel ex historicis poeticisque fictionibus mixta. Fictiones generis secundi et tertii FABULOSAE dicuntur. Nobis ad analogiam fictionum FABULAS primi generis HISTORICAS, §. 526, secundi autem et tertii generis fabulas dicere liceat POETICAS.

## §. 528.

Fabulae historicae §. 527. illae sunt, quae mediis aliquando fabellis interpositae tamen narrationum, immo historiarum, nomen accipiunt: poeticae autem sunt, de quibus Cicero de Inu. l. 27, tanquam de genere narrationum *remoto a ciuilibus cuissis, quod delectationis causa non inutili cum exercitatione dicatur et scribatur* (cogitetur venustius) loquutus easdem describit, eas (narrationes) quae nec (strictissime) veras, nec (strictissime) verisimiles res contineant, cuiusmodi sit:

*Angues ingentes alites, iuncti iugo.*

## §. 529.

Quintilianus, l. 4. narrationum tres enumerat species 1) *historiam* (veram strictissime, saltim a potiori) 2) *fabulam*, quae *versatur in tragoediis atque carminibus, non a veritate modo* (strictissime dicta), *sed etiam a forma veritatis* (strictissimae) *remota*, 3) *argumentum*, quod (latissime) *falsum*, *sed veri* (strictissime talis) *simile comoediae fingunt*. Hinc etiam  
fabella

fabella est fabula nobis poetica, §. 526. Quamque fabulam argumentum dicit, eam vere esse fabulam omnes concedunt comici, plerumque tamen argumentum Comoediae, et recte quidem, est species fabularum, quas historicas vocauimus, §. 527, En! primum Terentii prologum;

*Poeta quum primum animum ad scribendum  
appulit,*

*Id sibi negotii credidit solum dari,*

*Populo ut placerent, quas fecisset, fabulas.*

### §. 530.

Sicut itaque veritas vel strictissime dicta est singularis, (historica) vel heterocosmica, poetica, §. 441. ita est etiam verisimilitudo aesthetica, §. 483. dos pulcre cogitandorum vniuersalis, §. 22. vel ea, in qua ne latissime quidem dicta falsitas appercipitur, VERISIMILITUDO STRICTISSIME DICTA (historica) vel ea, in qua latissime quidem sic dicta deprehenditur falsitas, spectatoribus tamen amabili vigilantium somnio semel in alienum orbem delatis per elegantem cognitionem mediam, sic satis possibilibus alterius illius mundi semel suppositis, omnia bene et apte cohaerent, sine viuidius notabili repugnantia, hiatu, saltu, e.c. Haec est VERISIMILITUDO HETEROCOSMICA (poetica). Prior est fictionum et fabularum histo-

ricarum, poeticarum posterior, §. 509,  
527.

## §. 531.

In iureiurando, quod habet Ovidius Met.  
III. 657:

*Per tibi (Pentheu) nunc ipsum, (Bacchum)  
nec enim praesentior illo*

*Est deus, adiuro, tam me tibi vera referre,  
Quam veri maiora fide.*

in quo ratio complete certo videt nihil iurari, rationis analogon videbit verisimilitudinem historicam, potuisse aliquem bonum et pauperem piscatorem a primis vnguiculis aquae potorem, qualis Acoetes iurans pingitur, orgiis et omni Bacchico apparatu in eum entusiasmum rapi, ut talia bona fide iuret. Poeticam autem verisimilitudinem tantum in sequentibus, si fictionibus heterocosmicis amabilia vigilantium somnia sequare, secundum analogiam mythologiae graecoromanae, mutatos reliquos, Bacchi raptores in delphinās, solum Acoeten a Pentheo nunc in vincula coniectum, sed

*Sponte sua patuisse fores, lapsasque lacertis  
Sponte sua, (fama est,) nullo solvente, catenas.*



## §. 532.

Hinc et concipi potest satis vſitata fabularum diuiſio in probabiles et improbabiles. Pone enim analogon rationis qualicunque fabulae veriſimilitudine animaduerſa, §. 530. velut excitari ad curatiores rationum in aſſenſum vel diſſenſum ponderationes, in rationibus aſſenſus ſolas eas numerare, quae probent veritatem ſtriſtiſſime dictam, reliquas veritatis cuiuſcunque rationes negligendo, tunc paene ſolae fabulae hiſtoricae reſtabunt in balance probabilium, reliquas omnes aut tantum non omnes ſurſum tollet improbabiliu leuitas. Hinc FABVLA STRICTIVS PROBABILIS erit, ad quam ſtatuendam poſſibile huius mundi plus videtur rationis eſſe, quam ad id, vt ea mittatur in exſilium ex hoc mundo in heterocosmica, vel omnino in mundum fabuloſum. FABVLA autem STRICTIVS IMPROBABILIS erit, ad quam non habendam in poſſibilibus huius mundi plus rationis eſſe videtur, quam ad oppoſitum, §. 485, 486.

## §. 533.

Eodem itaque, quo veritates, fiſtiones, fabulas, veriſimilitudines, PROBABILITATES etiam AESTHETICAS diſtinguemus in HISTORICAS, aut ſtriſtiſſimae veritatis ſuperponderantes indices, et POETICAS, ſuperpondia veritatis heterocosmicae. §. 441,

509, 511, 527, 530. Fabula improbabilis (historice et in hoc vniuerso) non destituitur omnis probabilitate omni aesthetica (etiam heterocosmica) §. 531, latissime falsi similis, §. 489, potest nihilominus multum veritatis aestheticae continere, §. 441, 423.

§. 534.

Prima Phaedri fabula est improbabilis strictius, §. 532. quanquam eadem nihil esse saepe verius probent ita mores saeculi, vt demonstrationibus Spinozae supersedere possimus, L. autem III. fabula X. qua praefata,

*Exploranda est veritas multum prius,*

*Quam stulta prae iudicet sententia,*

post materiem narrationis probe pensatam non destituetur sua probabilitate historica, §. 533, quanquam inusitatus est, talia contingere, quae narrat, quam quae prima finguntur fabula.

§. 535.

Subiungamus fabularum aliquas species, etiamsi propius non spectent verisimilitudinem, vt compleantur ea, in quibus sedulo curanda pulcre cogitaturis est verisimilitudo. In fabulis insignis commutatio infelicitatis in felicitatem *NODYS* est (περιπετεια), quem quae continent, sunt eae *FABVLAE IM-*

*PLI:*

PLICITAE, et connexae, quarum partes  
 δεῖσις et COLLIGATIO, μεταβασις et  
 TRANSITVS, ac tandem λυσις, SOLVTIO.

§. 536.

Quis nescit dramatum fabulas implicita-  
 rum eiusmodi fabularum exempla, nunc co-  
 mica, nunc tragica? Quemadmodum interim  
 non ita felicem successum experti sunt tra-  
 goedias felicitis euentus adorti fingere; sic  
 nec illi rem suam agerent bene, quibus veni-  
 ret in mentem comoediis vere tristem exit-  
 um affingere. Rationes ex cuiusvis poe-  
 matis propria forma pulcrius erui possunt.  
 Nunc sufficiat adnotare, non esse solas dra-  
 maticas fabulas vt eas cogitandas, quae no-  
 dum habeant. In ipsis epicis multae plures-  
 que, quae sunt in iisdem, velut episodica,  
 huc pertinent. Immo aesopicarum si place-  
 ret aliquas diducere, huc transirent non pau-  
 cae, quarum nunc nodus in scirpo quaere-  
 retur.

§. 537.

Exempla fabularum vel sunt ratione prae-  
 dita, quorum FABVLAE RATIONALES  
 appellantur, vel quae censentur ratione de-  
 stituta, et horum FABVLAE moratae quibus-  
 dam, aliis FICTAE, apologi, aeni, αἰσω-  
 ποποιήματα vocantur, vel partim ex prima, par-

tim ex secunda classe coniuncta, quorum FABVLAE MIXTAE sunt.

§. 538.

Rationalium addamus tres species, vel ordines potius inferiores, exempli gratia. 1) Exempla diuina vel diuinorum, rationalia tamen, si quibus sunt, sunt eae FABVLAE THEOLOGICAE, et strictius mythologicae. 2) Exempla amoris, quorum FABVLAE sunt MILESIAE, et romanenses strictius, quae latius cum fictionibus poeticis coincidunt. 3) Exempla virtutis sublimis et gloriam promeritae, quorum fabulae sunt heroicae. Quemadmodum his addi species ordinesue possent alii, sic maior quaedam fabula e. g. epica nonnunquam eos omnes amplectitur simul, quando *per ambages deorumque ministeria et fabulosum sententiarum tormentum praecipitat liberum spiritum, ut potius furentis animi vaticinatio, de castis heroum amoribus, appareat, quam religiosae orationis sub testibus fides.* Petr.





## SECTIO XXXIII.

### ARGUMENTA PROBANTIA.

#### §. 539.

**A**RGUMENTA PROBANTIA nunc æstheticis nobis sunt, quorum vel vnica, vel potior, vel certe iam potissimum consideranda vis est, §. 143, exhibere cogitandis et quasi circumdare pulcræ verisimilitudinem, et eam veritatem, quæ quantacunque sit, quotcunque falsis videatur inuoluta, se probet tamen et iucundam ac facilem præbeat bonis omnibus hæc veritatis viridaria penetrare gnaris.

#### §. 540.

Velut omnibus aptum argumentis eiusmodi legimus exordium apud Lucretium L. II.

*Nunc animum nobis adhibe veram ad rationem.* - - -

*Desine quapropter nouitate exterritus ipsa  
Exspuere ex animo rationem, sed magis acri  
Iudicio perpende, et, si tibi vera videtur,  
Dede manus, aut, si falsa est, accingere  
contra.*

*Quærit*

*Quaerit enim rationem animus.*

Nec tamen omnia, quanquam nec nihil, dicit post tantum prologum non ita parvus promissor, de mundorum multitudine. Quintilianus huc facientium argumentorum magnam congeriem conscribens, V. 10. vocem argumenti quidem probantibus persuadentibusque solis significandis nunc adhibet, ipse tamen monet *omnem ad scribendum destinatam materiem* dici posse argumentum. Ergo et omnis ad cogitandum materies, ratio alterius perceptionis, perceptio, §. 26.

§. 541.

Iam obseruavi Quintilianum non distinguere probantia argumenta a persuadentibus. Hinc ad probationes *euthymemata, epicheremata et apodixes* omnes refert, *euidentes probationes*, vti apud Geometras. Sed infra patebit vberius, cur nunc ab iisdem absteineam. Aliud est argumentum veritatis aestheticae, aliud argumentum illustrans. Haec compone, et tunc demum habebis argumentum persuadens. Omne persuadens probat, sed non omne probans persuadet, §. 22, § 39. Verum persuadeat etiam, nunc tamen vnice attenditur, vt probans.

§. 542.

Acquiescamus in descriptione apud Quintilia-

tilianum l. c. quando, *argumentum*, ait, (probans) *est ratio probationem praestans, qua colligitur aliquid per aliud, et quae, quod est dubium, per id, quod dubium non est, confirmat.* Verum ohé! quae quanta postulat? pergens: *Debet nota esse, recte argumenta tractaturo, vis et natura omnium rerum, et quid quaeque earum plerumque efficiat. Hinc enim sunt, quae exota dicuntur.* Verum interpretemur *nota* aesthetice et res omnes, de quibus pulcre cogitare instituas. Generatim enim suo postulato satisfacere concedit ipse *longum, impossibile, aut potius infinitum esse.*

§. 543.

Sed veniamus ad quaedam eiusmodi species argumentorum, non excussis denuo topicis, de quibus iam supra sic satis, S. X. Habent in figuris dictionis Paregmenon, quae radicibus et origine cognata coniunguntur vocabula. e. g. Ou. de Ponto, II. 5.

*Tu quoque Pieridum studio, studiose, teneris,  
Ingenioque faues, ingeniose, meo.*

Haec quoties fit argumentum probans, vel ex finitione per etymologiam, quam Quintilianus dicit, aut ex ονοματολογία desumptum, vel illud de coniugatis, quod ridiculum putasset, nisi eo Cicero uteretur, fit figura sententiae, multa nonnunquam cum verisimilitudine adhibenda, §. 26, 539.

§. 544.

## §. 544.

Nec enim desunt in plerisque spectato-  
rum, quos suos vult venuste cogitaturus, an-  
ticipationes huiusmodi: 1) Cordati nostri ma-  
iores vocabulis similibus et cognatis et co-  
gnatas similesque, profecto, res significare  
voluerunt. 2) Propositiones tautologicae, vel  
totaliter, vel maximam partem, sunt etiam  
identicae. Fundamenta argumenti et etymo-  
logici, et a coniugatis eleganter petendi, §.  
543. Sic Cicero ex vocabulo *convivii* prae-  
lato graecorum *συμπόσιος* nunc vel ipsis  
germanis nostris verisimile redderet, si vel-  
let, viuendum potius vna esse in conviviiis,  
quam vna bibendum. Neque apud germa-  
nos suae linguae fautores nullum erit argu-  
mentum, ex eorum essentiali vocabulo, quo  
felicitatem designant, ipsis aesthetice proba-  
turi, virtutem eo beatitudinemque non mi-  
nus, ac fortunam, pertinere, si quis id artifi-  
cis manu tornare didicerit, ne scholam sapiat.

## §. 545.

In figuris sententiae quae numerantur,  
earum AETIOLOGIAN huc eo suo iure  
primam cito, vt eandem omne venustius  
probans argumentum audeam definire, et  
COLOREM, aetiologian stricte fictam, qui  
tamen non confundendus est cum coloribus,  
de quibus infra, sicut cura quaedam laudatur,  
curae



curae vituperantur omnes fatis commode. Est eiusmodi multiplicata aetiologia apud Ciceronem pro Plancio: *Quis est, qui neget, ordinis eius, (publicanorum) studium fuisse in honore Plancii singulare? Neque iniuria, vel quod erat pater is, qui est princeps iam diu publicanorum, vel quod is ab sociis unice diligebatur, vel quod diligentissime rogabat, vel quia pro filio supplicabat, vel quia huius in illum ordinem summa officia quaesturae tribunatusque constabant, vel quod illi in hoc ornando ordinem se ornare, et consulere liberis suis arbitrabantur.*

## §. 546.

Coloris exemplum habet Iuuenalis Sat. VI. 229. quod fallor? an est alicubi gentium strictissime verum?

*Sed (vxor) iacet in serui complexibus, aut equitis. Dic,*

*Dic aliquem, sodes, heic, Quintiliane, colorem, §. 545.*

*Haeremns. Dic ipsa: Olim conuenerat, inquit,*

*Vt faceres tu, quod velles, nec non ego possem Indulgere mihi. Clames licet, et mare caelo Confundas, homo sum. Nihil est audacius illis*

*Deprensis. Iram atque animos a crimine sumunt.*

*Ipsa*

Ipsa illa decantata Virgilii sententia, §. 499.  
non nisi color est, quo Aen. L. XI. *Drances*

*inensus, quem gloria Turni*

*Obliqua invidia stimulisque agitabat amaris,*  
*seditione potentem animum tegit, v. 362. gra-*  
*uiter reprehensus a Turno: v. 399.*

*Nulla salus bello? Capiti cane talia demens*  
*Dardanio, rebusque tuis.*

### §. 547.

Iam dictum de omni et nullo docet,  
quanto hucius pertineat sententia, §. 525.  
quoniam ex generalibus colligi singularium  
et inferiorum sub illis contentorum veritas  
solet. Erit autem sententia probans etiam  
vel aetiologia, nunc complete certa, nunc  
aesthetice probabilis, vel color, §. 545. Pri-  
mae exemplum esto Salustii introitus:  
*Omnes homines, qui sese student praestare cae-*  
*teris animalibus summa ope niti decet, ne vitam*  
*silentio transeant, veluti pecora, quae natura*  
*prona atque ventri obedientia finxit. Secun-*  
*dae: Mihi rectius videtur ingenii, quam virium*  
*opibus, gloriam quaerere, et, quoniam vita ipsa,*  
*qua fruimur, brevis est, memoriam nostri quam*  
*maxime longam efficere.*

§. 548.

Sententiam, quae color est, §. 546. optime morati tunc non raro suis interserunt, quando improbe factorum verisimilitudinem praestituri coguntur aliquid eorum promere principiorum practicorum, ex quorum peruersa opinione mali animi pessime egerint. Huc sententia Euripidis, sed ex alterius sensu prolata, quam Cicero vertit, Caesar suam toties fecit:

*Si violandum est ius, regnandi gratia*

*Violandum est, aliis rebus pietatem colas.*

Multa tamen opus in his erit cautione, partim vt satis constet ex mente scelerati talia proferri, partim ne tantum habeant ambiguitatis, aut adeo lepidae et venustae concipiantur, vt, plus aequo ne placeant, merito timendum sit, §. 465, 467.

§. 549.

Nec inutiliter SENTENTIAE distinguuntur in prolatas DE FACTO et eas, quae DE IVRE, iusto et aequo, concipiuntur. Prior res rem quandam moralem generatim sistunt, ob oculos, vt plerumque se solet habere, vt solet contingere, non eo detorquendae, quasi probaretur et commendaretur imitandum, quod meditationis argumentum est.

*Auri sacra fames, quo non mortalia cogis  
Pectora!*

Posteriores ita generalia quaedam ad mores pertinentia exhibent, vt simul ostendant, quid in iisdem verum et laudabile ponat affirmans:

*Discite iustitiam moniti, et non temnere  
Diuos.*

Hic adhibebitur bene cautio, de qua §. 547, quo crebrius ea confundi, quae fiunt, quaeque debent fieri, quotidiana docet experientia. *Quatocumque eadem honestatis cura secreto, quae palam? Multi famam, conscientiam pauci verentur.* Plin. III, ep. 20. Tandem meminerimus in sententiis §. 174, nec eas temere cumulemus, ubicunque *viuendi praeceptores* videri volumus, ne quando nobis forte videmur grauissimi, tenues *γυναικῶν* venas imitari videamur, de quibus, §. 370.

### §. 550.

Philosophi post geometras accurati nouerint, quantum ad eruendam veritatem valeat vera definitio, praesertim genetica. Haec de multis pulcre cogitandis in logico etiam rigore concepta si cognita fuerit eleganter meditaturus, etiamsi non ipsa totidem syllabis et notis exprimatur, quot eam intellectus distincte cognouit, sed vel omittatur omnino, vel pluribus interstincta notis et characteribus in pleniorum analogoque rationis rotundiorum

diorem diluatur descriptionem, vel nominalem, vel realem, tamen notionis directricis instar, vti plures ad elegantias viam sternit, ita foedam impossibilitatem internam figmenti vtopici cauebit, praebēbit internam, nonnunquam etiam externam, possibilitatem descripti, primam eius vnitatem, nexum cum causis et prima consecutaria, facili negotio ex regulis artis aesthetices exornanda in veritatem aestheticam, S. XXVII. Hinc definitionem nunc non possum non legere in argumentis probantibus, vel omissam, seu non explicite cogitatam, vel transformatam in satis bellam descriptionem, §. 539.

### §. 551.

De definitionibus et descriptionibus aestheticis est specialis in nostra disciplina tractandi locus. Hic earum tantum attendenda est in pulcre probando vis et efficacia, §. 550. Quemadmodum olim graeci oceano se suaque tradentes ad cursum vrsae maioris, velut ad ducem viae suspiciebant, phoenices autem ad Cynosuram directius gubernabant: ita quo verior, quo exactior erit de pulcre cogitandis mente concepta definitio, hoc omnis vermulae meditationis decursus erit verisimilior, verior, certior, quo vero crassior, quo pluribus iam conceptibus adhaerentibus erroneis scatenus primus eleganter cogitandi sit conceptus, hoc facilius erit in ipsam aestheticam falsita-

tem declinatio. Finge de casu, fortuna, fama, honore, diuitiis, amicitia, negotiis publicis, e. c. pulcre cogitaturum, qui, quid ea sint, natura sua, non melius nouerit, ac omnes solent, qui sibi nihil esse magis perspectum putant, dum sciunt cum ignarissimis. Hinc illae tot falsae sententiae, tot imaginum deturpationes, ne verisimiles quidem, tot verborum ambages, quibus omnino nihil dicitur.

## §. 552.

Vnam adhuc commendemus in elegantioribus probationum argumentis epanorthosin, siue correctionem. Primo repetamus animis, quid verum et exactum, in quo limatur ipsa veritas, utique differant. M. §. 515. Hinc inferamus: Sicut veritas qualiscunque non est exacta, sic cogitari etiam potest **AESTHETICA VERITAS** et verisimilitudo **CRASSA** quaedam et nimis popularis, immo paene plebeia; potest eadem ad lapidem lydium, nisi purioris rationis et intellectus, ut ita dicam, scientifici, tamen delicatioris saporis et maturi iudicii, etiamsi sensitiui, quae partem potiore, exigi. Possunt ex eadem poliendo tolli conceptus adhaerentes, nisi falsi omnes, ii tamen, quos non nihil falsitatis etiam aestheticae tuis materiis illaturos verearis. Haec est **VERITAS** et verisimilitudo **AESTHETICA EXACTA**.

## §. 553.

## §. 553.

Studium illud apprime commendandum, S. VI. §. 22, 423. vel primo statim cogitationum impetu quasi fusas ideas rerum et sententiarum generaliumque aliorum notiones exactas crassis omnino suppressis substituit, vel harum praesumens in suis praecipuis spectatoribus anticipationes easdem primo *κατ' εινος* expresse cogitat, quales esse solent, dein autem corrigendo exasciat, et purgata falsitatum etiam aestheticarum, etiam si minorum, fordibus. Haec est epanorthosis. e. g. Finge cum Horatio Serm. II. 6. Inter conuiuas venuste laetiores.

*Sermo critur, non de villis domibusue alienis,  
Nec male, necne Lepos saltet. Sed, quod  
magis ad nos*

*Pertinet, et nescire malum est, agitamus,  
utrumne*

*Diuitiis homines, an sint virtute, beati,  
Quidue ad amicitias, usus rectumne, trahat  
nos,*

*Et quae sit natura boni, summumque quid  
eius.*

En! epanorthosin crypticam colloquiorum, in familiaribus etiam, verius venustorum, et exemplum in aesthetice verum exactius inquirentium, quoniam

*Ceruius haec inter vicinus garrit aniles  
Ex re fabellas.*

## §. 554.

Fruſtum eiſmodi confabulationum ex-  
aſtioris in æſtheticis veri ſtudioſarum, pro-  
fecto, bellum leges, nouam ſatis viſitatae  
correctionem opinionis, IV. od. 9.

*Non poſſidentem multa vocaueris*

*Recte beatum. Rectius occupat*

*Nomen beati, qui deorum*

*Muneribus ſapienter uti,*

*Duramque callet pauperiem pati,*

*Piſusque leto ſlagitium timet.*

*Non ille pro caris amicis,*

*Aut patria timidus perire.*

Huc artificium in notione quadam e. g. opum  
crassiſcula conceptus adhaerentes falſos,  
quos plerique habent infinite paruos, per  
hyperbolen ironicam attollendi vel deiici-  
endi potius in manifeſtam falſitatem, etiam  
æſtheticam, S. XXVIII. e. g. Hor. Serm.  
II. 3. v. 94. *Omnis res,*

*Virtus, fama, decus, diuina humanaque  
pulcris*

*Diuitiis parent, quas qui conſtruxerit, ille*

*Clarus erit, fortis, iuſtus. Sapiensne? Et-  
iam, et rex,*

*Et quicquid volet.*

## SECTIO





## SECTIO XXXIIII.

### STVDIVM VERITATIS AESTHETI- CVM ABSOLVTVM.

#### §. 555.

**Q**uo maior est aesthetice verorum, verisimili-  
lium, fictionum, fabularumque silua, per  
quam errare potest pulcre cogitaturus, ne  
vagetur in eadem licenter, omnes potius sua  
peccata falsitate deturpantia visuros putet, in  
eleganti talis ingenii pectorisque persona iam  
separatim attendi debet singulare VERITATIS  
STVDIVM, quo nomine complecti liceat,  
non ingenium solum aptum, sed et multo la-  
bore exercitatum et aduetum perspiciendis  
veritatibus aestheticologicis, neque qualem-  
cunque propensionem, sed firmum animi  
propositum inferendi suis meditationibus ve-  
ritatem, quam admittant salua totius puleri-  
tudine, maximam. Hunc animi caracte-  
rem, quoniam omnibus vniversim belle co-  
gitandis necessarium iudico, §. 22, dicamus  
STVDIVM VERITATIS ABSOLVTVM  
et, vniuersale, §. 29, 45.

#### §. 556.

Possent idem ex grauitate absoluta demon-  
strari,

strari, S. XXIII. iis, qui norunt omnem virtutem a multis non ineptis philosophis in amore veritatis constitui. Vnus ex summis elegantiarum arbitris inter Anglos, *omnem pulcritudinem veritatem esse decernit, in ipsa Poesi, ubi omnia fabulae sint veritatem tamen dominari, et efficere perfectionem totius.* Praestabit autem seuerioribus veritatis fautoribus aestheticologicae gradus altius nonnihil repetere. Minima est minima perceptio veritatis metaphysicae minimae. Hinc 1) quo vberior, 2) quo maior et dignior, 3) quo exactior, 4) quo clarius et distinctior, 5) quo certior et solidior, 6) quo ardentior est perceptio obiecti, 7) quo hoc plura, 8) quo maiora ac grauiora, 9) quo fortioribus regulis, 10) quo conuenientiora complectitur, hoc maior est veritas aestheticologica, §. 437. M. §. 184.

### §. 557.

Non putauerim nunc opus esse demonstratione 1) nullam veritatem maximam esse aestheticologicam, sed strictius logicam, §. 424, 2) talem veritatem nullam in hominem cadere, nullam rem in veritate logica maxima ab ullo hominum intellectu cognosci, quoniam qui vnam ita cognoscit, omnes nouit. Hinc omnis veritatis apud hominem aestheticologicae, malum metaphysicum, defectus veritatis summae logicae in omni scientia tantum obuias infinite magnus. Adeo-

Adeoque. mentis bene sanæ studium veri amantissimum quoniam ferri tamen non potest in ea, quæ nosse potest non posse fieri, nec omnino nihil velle, quam primum se non posse nancisci omnia cognouerit: contentum esse debet, parte veritatis logicæ latius sumtæ summæ infinite parua, ea scilicet, quam adipisci potest, §. 556.

### §. 558.

Perfectionem veritati logicæ latius sumtæ, §. 556. n. 1-6. formalem, n. 7-10. materialem conciliant. Hinc humanum veritatis studium nunc formalem potissimum intendit, quod fieri non potest sine dispendio materialis, nunc materialem potissimum amplectitur, neque potest idem, nisi cum detrimento formalis, §. 557. Tribuitur alicui, non copiosa solum, sed et completa, non satis magna solum, sed et obiectum suum exaequans, eique adæquata, non vera solum, sed et exacta, cui nihil inest omnino falsi, non clara solum, sed et complete clara, sufficiens ad distinguendum obiectum ab omnibus, sed et distincta, cuius omnes notæ claræ sunt, non raro per plures gradus, non certa solum, sed et complete certa, rigorose demonstrabilis, et omnem formidinem oppositi excludens, non mouens solum, sed et cogens ad assensum, extorquens approbationem, et aliquam voluptatem appetitionemque necessariam cognitio.

Z 5

§. 559.

## §. 559.

Haec omnia bene se habent. Sed quale est illud obiectum, quod homo tam perfecta ratione contemplatur? Vniuersale quoddam ex indiuiduis plurima maxima, fortissimis regulis conuenientissima, pro suo quaeuis modulo, complectentibus, ceu notas differentiarum ad numericam vsque plurimarum innumeras, ita ortum, vt in his, in quibus veritas metaphysica determinatissima solis sit, quaeque perceptioni hinc perfectionem materialem generice maximam conciliarent, si perciperentur, vt indiuidua, 1) abundantia ultra perceptionem, quae completa sit, abstrahantur, 2) maiora ac grauiora, quam gradus est, qui in cognitione ponebatur, obiectum exaequante, abstrahantur 3) ea, de quibus data exacta cognitio non satis perspicit, an vera sint, nec ne, ne quid supersit cognitioni falsitatis, abstrahantur, 4) ea, quibus non opus est ad distinguendum, cum iis, quae clara fieri dato subiecto refugiunt, abstrahantur, 5) ea, quae dato subiecto nondum sunt complete certa, non demonstrabilia rigorose, in quibus superest formido oppositi, abstrahantur, 6) ea, quae mouere in contrarium, assensum reuocare, taedium etiam forsan creare possent, abstrahantur.

## §. 560.

## §. 560.

Sic enatis disciplinarum scientiarumque humanarum obiectis, vniuersalibus, §. 559. utique perfecta, saepe pulcra, connascitur in animis solide doctorum veritas, etiam strictius logica. Iam autem quaeritur, an tali vniuersali sit aequalis veritas metaphysica, ac est huius indiuiduo, quod sub eodem continetur? Equidem arbitror philosophis apertissimum esse iam posse, cum iactura multae magnaeque perfectionis in cognitione et veritate logica materialis emendum fuisse, quicquid ipsi perfectionis formalis inest praecipuae. Quid enim est abstractio, si iactura non est? Pari ratione ex marmore irregularis figurae non efficias globum marmoreum, nisi cum tanto saltim materiae detrimento, quantum postulabit maius rotunditatis pretium.

## §. 561.

Iam supponatur veritatis aesthetico-logicae studium aliquando ferri praesertim in perfectionem eiusdem materialem, §. 558, et hinc amplecti obiecta veritatis metaphysicae, quae potest, determinatissimae. Hic intentio non est dato consilio amputare per abstractionem cuiuscunque rotunditatis impedimenta, neque tamen est opis humanae determinationis omnimodae latissimum ambitum sibi complete signare; data opera non praescinduntur magnitudinem  
in-

intellectionis nostrae superantia, neque tamen omnia determinarum rerum et paene vel omnino actualium pondera assequi et iustis momentis exaequare mens humana potest. Non constituimus praescindere, quicquid vlla ratione falsi speciem posset induere, neque tamen in indefinitis eiusmodi obiecti tantum non singularis momentis verum vbique liquet. Non est consilium omittere et prorsus in voluntarias tenebras relegare, quae requisitam aliquam claritatem non habent, et tamen ad eandem singula momenta obiecti tollere vires, locus, tempus non permittunt. Non animus est aliquantulum incerta prorsus omittere, neque tamen omnia cogitans rigore demonstrare potest, quae obiecto determinatissimae veritatis conueniunt. Multa, quae placeant, aut odio sint, praescindere non constituimus, neque tamen vires sufficientiunt ad omnia sic exhibenda, vt efficaciter appetere, vel auersari certis deliberatisque decretis ea meditatus possit.

## §. 562.

Habes perfectionem veritatis aesthaetico-logicae compositam, §. 556, vides exceptiones ineuitabiles, vtramque si velis assequi vel mediocriter, §. 560. 561. Intellectus et ratio purior seueriorum veritatis amicorum, per accuratas scientias ita formalem sequitur, §. 560. descriptam, vt complementa ac supplementa veritatis materialiter perfectae, suis

fuis vniuersalibus et abstractionibus ad formalem scientificorum perfectionem deductis, ad iicere pro viribus relinquat analogo rationis et cognitionibus quocunque gradu sensitiuis.

§. 563.

Verum amicus veritatis non minus strenuus, qui sequitur eandem analogo rationis, non habet denuo facultatem sensitiuam inferiorem, cui relictæ a se et omiſſa commendet, ob veritatis materiale perfectionem tamen ea, quæ multum habent in se veritatis metaphysicæ determinatissimæ negligere omnino non audet. Hinc huic magis necessarium est nonnunquam excipere a regulis summæ perfectionis formalis in indaganda veritate æsthetica, ne nimium detrimenti capiat veritatis eiusdem perfectio materialis, §. 558.

§. 564.

Vniuersalissimis, abstractissimis, et per artem, §. 559. descriptam ad perfectionem veritatis formalem ab hominibus obtinendarum summam euehendis partim omnino relictis horiſonti logico, partim ex eodem detractis et inuolutis denuo nonnihil in non ita paucas, a quibus abstraxerat ratio, differentias determinatiores, præsertim autem perfectionem materiale veritatis æstheticologice maximam exhibentibus singularibus,

in-

indiudivis, et determinatissimis fruitur horizon aestheticus, sua silua, Chao, et materia, §. 129. ex quibus veritatem aestheticam ad formam, nisi perfectam omnino, pulcram tamen, §. 558, 14. ita exsculpat, vt inter elaborandum, quam fieri potest minimum veritatis materialiter perfectae pereat et elegantiae causa poliendo deteratur, §. 563.

§. 565.

Sumat itaque pulcre cogitaturus sibi materiam vel determinationem, vnam ex generibus inferioribus aut omnino speciebus rerum, vel si altius videatur in genera superiora adscendere, teneatur tamen eadem vestire multis, quas omittit purior scientia, notis et characteribus, vel tandem singularia sibi legat themata, in quibus regnet perfectio veritatis materialis. Circumfundatur notarum ingenti multitudine. Reiecerit, quas non admittit pulcra forma. Restent, quarum vix vnam desiderari brevis, sed eleganter plena, rotunditas, venusta dignitas, tum absoluta, tum relativa, veritatis ipsius materialis perfectio, elegans viuidditas et necessarius meditationi nitor, intima persuasio, vita praesertim et ad delectandum ac mouendum efficacia patiatur. In his autem notis bene multis non sit meditati veritas metaphysica completam ad lucem vsque perspecta, licet nihil falsi turpioris iisdem insit. Iam putauerim ad generalem aliquam formulam





necdochen tunc etiam, quando non exprimitur carminibus, **GENVS COGITANDI POETICVM.**

§. 567.

Genus cogitandi aestheticodogmaticum quoniam 1) a materiarum per disciplinas ordinibus denominatum theologicum, philosophicum, e. c. commune nomen habet cum genere cogitandi theologica, philosophica, e. c. scientifico et acroamatico, 2) altius ascendendo saepius horizonti logico et aesthetico communia contemplatur, 3) recte primaria sua capita et meditationis momenta praecipua exhibet intellectui pulcro per distinctionem extensiuam: plerumque confunditur cum genere cogitandi scientifico, et formaliter philosophico, saepe cum eodem non inepte combinatur, semper tamen, uti vere diuersum est, singularibus cum scientiarum non minus, quam elegantiarum, emolumentis ab eodem distinguitur. §. 566.

§. 568.

Ex confusione duplicium dogmatica cogitandi generum, logici et aesthetici, duplex dominatur praeiudicata opinio 1) eorum, qui tunc etiam, quando de rigidiori primorum cognitionis alicuius vniuersalis principiorum intellectuali ac rationali theoria agitur, quam fieri potest exactissime, distinctissime, solidissimeque

meque pertractanda, subsistunt in diluta, nec omnino leui, verisimili, satis perspicua, quantulumcunque certa, veritatis expositione, modo placeat illa satis auribus, oculisque, rationisque videatur ferre, vere ferat analogi potius rationis calculum. 2) Eorum, qui dogma quoddam ad captum minus exercitatorum in scientiis, vel omnino popularem intelligentiam, et viua quidem voce, proponendum cogitant, idque tamen breuissimis definitionibus, exactissimis axiomatibus, distinctissimis notionum resolutionibus, demonstrationibusque complete certis exornare nequicquam laborant. §. 567.

### §. 569.

Genus cogitandi logicodogmaticum et aetheticodogmaticum, a potiori desumptis denominationibus, non forma solum inter se differunt, sed etiam materiis, quibus conuenire vel maxime prima fronte videbantur. Prius vti thematis sui principia potissimum sequitur, ita posterius principiata et confectaria. Prius vti potissimum eruit vniuersalia, sub quibus thema suum continetur, ita posterius eiusdem thematis inferiores conceptus attendit potissimum, quos sub se continet. Etiam si materiae a tota disciplina nomen acceperint, sunt tamen in quavis disciplina prima quaedam ordine, quaedam in methodo synthetica velut vltima. Illa potissimum

A a

tissi-

tissimum logicum, haec aestheticum ita sectatur per disciplinas cogitandi genus, ut dici circiter in qualibet possit, ubi desinit logicum, aestheticum cogitandi genus incipere. §. 566.

### §. 570.

Qui res interius perspexerunt, probe vident inter ea rerum genera, de quibus scientiae huc usque stricte dictae cultae sunt, et indiuidua, interiacere adhuc magnam inferiorum generum, et specierum intercapedinem, in cuius raro territorium demonstratores descendant, in quod experimentatores et observatores accurati raro feliciter ascendant. Hoc est illud maxime stadium in quo cogitandi genus aestheticodogmaticum decurrat. Hinc vel ipsum sibi thema legit optime, vel thema etiam altius petitum eo tamen usque detrahit, ad maiorem veritatem materiale, §. 440. etiam si fiat eo ipso formaliter paullo minus exacta, secundum logicorum trutinam scientificam, i. e. elegantem ad verisimilitudinem. §. 565.

### §. 571.

Studium veritatis in genere cogitandi aestheticodogmatico comparativum, §. 566.  
1) veritatem etiam strictius logicam de ipsa materia, si fuerit horizontis aesthetico-logici, vel de eius generibus notionibusque superiori-

rioribus sollicitè quaeret, etiamsi non exprimendam acroamatice, tamen ut directricem explicite cogitandae verisimilitudinis in generalibus et adoptandis notionibus. §. 429, 424. 2) Notiones, in quibus aliquid contradictionis ad absurditatem usque, vel pæne eo usque, iam detexit intellectus et ratio, cauebit hoc curatius, quo probabilius est, tales etiam spectatores e. c. fore meditationi eiusmodi aestheticodogmaticae, qui latentem inconuenientiam et ipsi ratione certissime perspicere possint, et aliis in spectando, legendo e. c. sociis aesthetice satis ostendere. §. 431-435.

### §. 572.

Studium veritatis in aestheticodogmaticis 3) in id praesertim incumbet, ut nexum materiae suae, breuius cum principiis, vberius cum grauissimis consecrariis, verosimillimum viuidissime pingat, non sine desiderabili, vel taediorum ex auersando hauriendorum feraci persuasione, §. 437. 4) Si quid etiam progredi tentet in inferiora, ac ratio immediate praeluceat, supplementa tamen sua ad certitudine completa cognoscendum cum hoc inseparabiliter coniuncta sistere mouebit omnem lapidem, §. 439.

### §. 573.

Studium veritatis in aestheticodogmaticis,

cis, 5) ea lubentissime suis exponet, quae cogitaturus etiam certo nouit logice vera, §. 571. per harmoniam facultatum cognoscitiuarum inferiorum et superiorum, nunc exhibenda aesthetice vera; si hoc non conceditur praeferet logice sibi probabilia, sibi logice improbabilibus, §. 485. ob eandem harmoniam. Haec aut iudicabit suis praecipuis spectatoribus iam etiam fore verisimilia, et in iisdem securus acquiescit; aut suspicabitur, ea parum habitura apud hos verisimilitudinis. In ultimo casu aut habet occasionem ad dandam suis verisimilitudinem argumentis venuste probantibus, nec tunc latum vnguem auellitur a vero, quod ipsi videtur, et suos potius ad suam sententiam attrahere laborat, quam ut cum iis contraria sentiat, aut conciliare sibi probabilibus, suis quae sint sine dubio satis improbabilia, verisimilitudinem locus et tempus non permittunt.

## §. 574.

Si pulcre cogitaturus incidat in dogma sibi probabile, quod nec esse suis verisimile, nec a se iam tale reddi iisdem posse perspicit §. 573. amicus veritatis aut nec hoc, nec oppositum, spectatoribus verisimile, ponet, si licet ab utroque abstrahere, aut, si ponendum est aesthetica necessitate alterutrum, multa cum grauitate perpendit, an spectatoribus

ribus suis praecipue attendendis verisimile, sit forsan error, communis quidem, oppido tamen innocens, an periculosior, et cuius fautores rei falsitatis moralis vel per indirectum agi possint ex merito. §. 470, 467. In priori casu vtetur opinione suorum, sicuti philosophi mathematicique fictionibus suis heuristics, in posteriori latissime potius falsum errans cogitasse videri volet, §. 471. quam vt conscientiam vel famam suam exponat futuro falsitatis moralis opprobrio, §. 464.

## §. 575.

Studium veritatis in aestheticodogmaticis 6) non solius illustrationis gratia, sed etiam ob §. 572, 569. multum in exemplis suae materiae versabitur, §. 526. in iisque singularia praeferet vniuersalibus, ideas notionibus, strictissime vera heterocosmicis et fabulosis, §. 472. aut ad haec quando venusta vocauerit necessitas, ea non dissimulabit esse fabulas, §. 565. aut fictiones aesthetice heuristics, §. 574.

## §. 576.

GENVS COGITANDI AESTHETICODOGMATICVM vel thema habet propius, quid agendum, vel omittendum sit, enuncians, vel minus. Hoc est THEORETICVM, illud PRACTICVM. Practicum de-

nuo vel habet thema commendandum, PARRAENETICVM, vel dissuadendum, ELENCTICVM. Quemadmodum Ciceronis et rhetorica et philosophica scripta sunt exempla generis cogitandi aestheticodogmatici, ita officia praesertim practici. Lucretius est exemplum cogitandi generis aestheticotheoretici. Saturae elenctici. In his Iuuenalis, quam omnino ficta promittat exempla, mavult *experiri*,

*quid concedatur in illos,*  
*Quorum Flaminia tegitur cinis atque Latina.*

§. 577.

Studium veritatis in aestheticodogmaticis cuiuscunque generis, §. 576. 7) si vel maxime complete certo cognoscenda tractet, tamen nunc non adscendet ultra VERISIMILITVDINEM aliquam, quam dicemus DOGMATICAM, qua dogma non quidem complete certum redditur, neque tamen vlla in eodem falsitas, repugnantia interna, vel contradictio cum complete certis, aut hoc saltem dogmate certioribus, nulla incoherencia cum principiis, vnde deducendum foret, aut cum inde deriuandis consecutariis totalis, e. c. nec intellectu, nec ratione, nec rationis analogo, quantaе hae facultates in praecipuis obiectis personalibus supponendae sunt, appercipiatur, §. 483.

§. 578.



## §. 578.

Nam definitiones statim, quando non ex-  
 asciantur ad logicae artis seueras regulas, aut  
 in descriptiones iterum pulcras affabre resol-  
 uuntur, propositiones generales si enthyme-  
 maticae omiſſis iudiciis intuitiuis, ex quibus for-  
 matae sunt, tamen exhibentur, vt experien-  
 tiae, non axiomata solum et postulata se-  
 cundaria miscentur primariis, sed et theore-  
 mata multa et problemata indemonstrabili-  
 um instar sumuntur, aut probantur saltibus  
 logice illegitimis, etiamsi pulcris, formis  
 crypticis, de quibus conuincendus non sit  
 complete certus, interim elegantibus et ora-  
 toriis, scholia si regnant, et plurimum ab-  
 sorbent loci: quid aliud ex tali meditatione,  
 si vel maxime complete certum thema ha-  
 beat, nunc prodibit, nisi dogmatica verisimi-  
 litudo? §. 577.

## §. 579.

Si locus permitteret, vberius ex historia  
 philosophica posset ostendi confusionem hu-  
 ius dogmata cogitandi generis et accurate lo-  
 gici ac intellectualis §. 568. fontem esse, ex  
 quo 1) philosophi et omnes paene reliqui  
 eruditi tot per saecula soliditate et certitudi-  
 ne superati sint a mathematicis, quibus sua  
 suis exponendo semper verum fuit intelle-  
 ctum et rationem praesertim instruere, non  
 promittendo solum, sed et praestando. 2)  
 Platonis, haec duo cogitandi genera semper

combinantis, ne dicam confundentis, discipuli, in tantam lapsi sunt incertitudinem, exceptis Aristotelicis, quorum praeceptor acroamaticis suis scriptis ostendit, quantum interlit inter logice verum, et aesthetice verisimile, si philosophemur. 3) Aeternae dogmaticorum scepticorumque, et nunc his, nunc illis viciniorum, lites. §. 9.

## §. 580.

Studium veritatis aestheticum absolutum §. XXXIII. se comparative exferet in summo suo gradu perfectionis etiam materialis maxime curiosum in genere cogitandi aesthetica historico, §. 466, cuius 1) genus maxime ordinarium est, res facti, singularia praeterita, describens, 2) non negligendum, aesthetico statum animi praesentem exprimens, 3) non ita crebro, saepius tamen, ac videtur, observandum futura praevidens. Medium si dicas empiricum, tertium manticum cogitandi genus: GENVS COGITANDI AESTHETICO HISTORICVM erit vel STRICTIVS historicum, vel EMPIRICVM, vel MANTICVM.

## §. 581.

Exempla primi sunt generis eleganter cogitandi, de quo §. 580. *clari scriptores, quibus veteris populi Romani prospera vel aduersa memorata sunt*, secundi tum epistolae non ita ipau-

paucae, quas Cicero, et Plinius de rebus ad se pertinentibus tunc, quum eae fierent, perscripserunt, tum carmina inter amandum dolendumue scripta de amore vel tristitia.

*Verba miser frustra nil proficientia perdo,  
Ipsa graues spargunt ora loquentis aquae*

*Scilicet occidimus, nec spes, nisi vana, salutis,  
Dumque loquor, vultus obruit unda meos.*

*Hei mihi, quam celeri micuerunt nubila  
flamma!*

*Quantus ab aethereo personat axe fragor!*

c. c.

### §. 582.

Cogitandi genus aestheticomanticum nolum in solis vaticiniis veris fictisue quaeri, e. g. ecl. Virg. III. sed praestat illud intermixtum aliis obseruare, quoties in futura dirigendus ex praesentibus, vel praeteritis, vel omnino generalibus est, citra diuinationem etiam omnem extraordinariam, animus. e. g.

*Forſan et haec olim meminisse iuuabit.*

*O paſſi grauiora! deus dabit his quoque finem.*

Virg.

*Quo nos cunque feret melior fortuna parente,*

*Ibimus. O! ſocii comitesque*

*O! fortes peioraque paſſi.*

*Mecum ſaepe viri, nunc vino pellite curas,*

A a 5

Cras

*Cras ingens iterabimus aequor.* Hor. I.  
od. 7.

§. 583.

Genus pulcre cogitandi strictius historicum, et in aestheticis tam empiricum, quam manticum, differunt 1) a logica et critica severiori cura historici, saltem bene praeliminari, qua per memoriam et iudicium intellectuale, multumque rationis usum suam sibi materiem ex magna traditionum, rumorum, famae, calumniarum, fictionum, fabularum e. c. farragine seligit, ante, quam eleganti, quae placuerunt, contexit iucundae narrationis tela, 2) a logica experimentatorum et observatorum veri nominis inter philosophos sollicitudine, qua rem sensam iudiciis intuitivis et experienciis strictè dictis ita sistunt intellectui, ut vitium subreptionis pro virili caueatur, et enthymematice omissae maiores, opiniones praeconceptae: 2) a logica et rationali providentia, qua politicus e. g. futurum suae reipublicae statum, quasi ex aliqua specula, metitur.

§. 584.

Studium hoc veri in aestheticohistoricis, quoniam maximam partem inferioribus animi facultatibus exercetur, §. 583. non fictionibus solum latius dictis, §. 505. indiget, sed  
in

in meditationibus etiam paululum extendendis interferet complete certo a se cognitis, ut strictissime vera, tum generalia minus certa, tum singularia, quae num vere sint huius vniuersi possibilia, complete conuictum non est. §. 507. Hinc neque hoc veri studium assurget vltra verisimilitudinem, §. 483. neque tamen qualemcunque sataget attingere, sed sicut in interspersis suis generalibus dogmaticam, §. 577. amplectetur, sic in ideis strictissime dictam, §. 530. ne strictius quidem dictas fictiones historicas omnes refugientem, §. 509. tamen et in his auersam ab omnibus, quae falsitatis moralis, levis partium studii, credulitatisue iure possent accusari, et poeticarum omnium fictionum, et vtopiam et mundos, praeter hunc, optimos, quoties historica fide suas cogitationes obligat, §. 566.



## SECTIO XXXVI.

### STVDIVM VERI POETICVM.

§. 585.

**A**estheticum veri studium absolutum, S. XXXIII. in aliis iam indicatis rationibus potest moueri ad genus cogitandi poeticum, §. 566. quando 1) venustae plenitudi-  
ni

ni requisitorum non satis historia porrigit, et aperte mauult vir bonus hinc mentiri copiam pulcriorem excogitans, quam callide fidem historicam corrumpere. 2) Quando plus dignitatis, vel etiam maiestatis dabunt, ficta exempla heterocosmica, quam historica, semper aliquid humani passa, quod suppressere saepe permittit ne strictissime quidem dicta verisimilitudo, §. 584. 3) Quando moralis plus veritatis, characterum, loci, temporis maior vnitas sperari potest, et obseruabilior ac, vt ita dicam, contractior nexus, ex heterocosmicis, quam ex rebus in hoc vniuerso propter rationes superiores distractioribus, aut propter imbecillitatem humanam inconstantioribus. 4) Quando ob anticipationes suorum potiorum in spectatoribus sperare potest notius ipsis heterocosmicum fore, quam euentum huius mundi, sed in parte eiusdem hisadmodum incognita situm. Sunt in mundo fabularum milesiarum, aut fabellarum aesopicarum satis versati multi hospites in historicis. 5) Quando fictionibus faciliorem fidem sperat, quam strictissime veris. Hoc non ita raro posse sperari fidem inueniet apud eos, qui nouerint, quoties, quot hominibus opus sit dicere: *non putaram*, 6) quando veritas strictissime dicta praeuidetur alia omnia, quam eam habitura vitam, quae potissimum intenditur. §. 561.

## §. 586.

Quod si studium veri absolutum impulerit pulcre cogitaturum ad heterocosmica fingenda, §. 585. iam transmutatur in studium verisimilitudinis poeticae, §. 530. quæ tantum abest, ut eadem sit cum verisimilitudine historica, et strictissime dicta, ut, si ad alterutram, vel dogmaticam, §. 577. vel strictissime dictam eam referre necessarium esset, *illos* poetarum ad dogmaticam potius referrem, fauente satis Aristotele, qui *historicum* iubet, *quæ facta sunt, poetam, qualia fieri debent, referre, et inde poesin meliorem et magis philosophicam laudat, quam historiam, quia magis vniuersalia dicat, historia autem singularia. Vniuersale enim esse, contingit talem talia dicere aut facere, secundum necessarium aut verisimile, singulare autem, quid Alcibiades fecerit, aut passus sit.*

## §. 587.

Falluntur hinc critici quidam minus instructi verisimilitudinem poeticam ad historicae leges examinantes, quando poetam i. e. nunc fingentem heterocosmica statim condemnant peccati in verisimilitudinem, quando tunc et ibi fingit aliquem occidi, quando et ubi vixisse eundem adhuc historice vel verisimile, vel omnino certum sit, nullis vltius auditis rei exceptionibus. Falluntur auctores, qui vere nouum mundum creantes  
de

de materiis etiam grauioribus in solis tamen fictionibus historicis subsistunt, et tunc rem suam optime se gessisse putant, quando bonum aliquem hominem eo induxerunt, ut nihil fraudis subesse cogitationibus senserit, habens, quicquid illi fingunt, pro strictissime veris, et anecdotis forsitan auro quouis carioribus. Hoc artificium videtur habere falsitatis aliquid per indirectum etiam aestheticae. §. 464.

## §. 588.

Nec ponenda praesertim est verisimilitudo poëtica in probabilitate, vel logica et disciplinari, vel historica et strictissime dicta illius hypotheseos, sub qua venustae cognitionis mediae obiecta, per fictionem poeticam fieri forte potuissent etiam in hoc vniuerso, quaeque noui mundi quasi basis et fundamentum est. §. 511. Nec est analogi rationis ordinario primas vniuersi causas, elementa et stamina prima penitus examinare, dum haeret in effectis phaenomenis. Quando vero figmentum analogicum omnino talia illi ponit ob oculos, §. 516. quorum iam habet intra se quasdam anticipationes ex dudum sibi cognito mundo poetarum, §. 573. hypothesin qualemcunque, lemmatis instar, arripit, per eandem, velut notum aliquem pontem, in nouum tuum mundum *salire paratum habet, nec veretur*

Crura



*Crura ponticuli, axulis stantis, irrediuuus  
Ne supinus eat, cauaque in palude recumbat.*

Cat.

§. 589.

Quum genus cogitandi poeticum §. 580. non sit, nisi venusta quaedam, saltem non inelegans, exceptio, §. 585. 25. omnis eiusdem verisimilitudo in eo consistit, ut vel rationis etiam analogo pateat, esse, quae salua totius pulcritudine potuit, minima, vel certe ne pateat eidem contrarium, ne quid citra necessitatem aestheticam, §. 491-503, 565. fictum vere dici posse videatur. Primam dicere VERISIMILITVDINEM liceat POETICAM POSITIVAM, NEGATIVAM alteram.

§. 590.

Prima ergo quaestio foret in diiudicanda generis cogitationum poetici verisimilitudine, an omnino illud eligere fuerit aesthetice necessarium, an forsan etiam analogo rationis belle instructo pateat contrarium. Sic Quintilianus *historicis graecis* recte tunc obiicit *poeticam licentiam*, quoties poetice quantumcunque verisimilia suis immiscent, quoniam his per historias omnino locus non est, §. 584. Hanc verisimilitudinem, ut ita dicam, *externam et respectiuam ad conditionem auctoris* et

et dignitatem operis aut totius, cui immiscendum est poetice verisimile, et dispositiones praecipuorum, quibus placere velis, spectatorum, plerumque supponimus ex definitione restrictioris cogitandi generis, quod aliquis semel elegit, postulati instar, hypothetice deducendam.

## §. 591.

Epopoeiam decent fabulae theologiae et heroicae, fictas fabellas genus cogitandi poeticum, et hinc peculiaris verisimilitudo. e. c. Haec patent axiomatice. Vnde postulata: Epopoeus, Aesopus e. c. esse qui velit, hanc quaerat verisimilitudinem. Vltterius ipsius meditationis diiudicatio vix adscendet aesthetica. An auctor bene, sapienter, et se suisque sperandis praesertim auditoribus conuenienter decreuerit epopoeus, Aesopus e. c. aliquis fieri verisimilitudinem et hinc pulcritudinem meditationis internam directo non tangit.

## §. 592.

Secunda quaestio erit: An nouus ille mundus, in quem poeta, siue prosaicus scriptor, siue metricus, siue pictor, siue sculptor, e. c. fuerit, nos introducturus est, sit ex ipsius intentionibus eleganter exsequendis mundus, post hunc, optimus? immo an thema possit in eodem vere perfectius elegantius-

gantiusque fisti iucundo cuidam vigilantium somnio, ac in hoc illud mundo cogitari potuisset? an in his solis momentis ad finem venustum facientibus mundus nouus a nostro differat, an etiam frustra ponantur in eodem multa alia et diuersa? Quidius optimum aliquem maximum poetarum mundum descripturus in suis metamorphoseon: tamen aliquam vult obseruare cum hoc vniuerso conspirantem chronologiam:

*primaque ab origine mundi*

*Ad sua perpetuum deducere tempora carmen.*

§. 593.

Poetice ficturus, quantum vllus vnquam poeta mentiri potuit, orditur tamen ab istis historiis; quas non pauci dogmatice veras omnino, plerasque omnes verisimiles concedant, iisque primum non nisi fictiones interferit, quas historicarum limites transgredi vel nemo, vel certe potissimum attendendi eius lectores hariolari non poterant. En! tibi primum Chaos. v. 5-20.

*Hanc deus et melior litem natura diremit.*

*Iamque separantur ignis, aqua, terra, aer,*

*qui, quanto est pondere terrae*

*Pondus aquae leuius, tanto est onerosior igni.*

53.

An ergo grauitatem aeris antlia demum inuenit?

Bb

nit?

nit? Interim omnia fiunt, vsque ad animalia-75.

*Sanctius his animal, mentisque capacius altæ,  
Deerat adhuc, et quod dominari in cætera  
posset.*

*Natus homo est. Siue hunc diuino semine  
fecit*

*Ille opifex rerum, mundi melioris origo,  
Siue recens tellus*

fuit, quam Prometheus

*Finxit in effigiem moderantum cuncta deorum.  
Aurea prima sata est ætas, quæ vindice nullo,  
Sponte sua sine lege fidem rectumque colebat. 90.*

*Protinus irrumpit venæ peioris in acuum,  
Omne nefas, fugere Pudor Verumque, Fi-  
desque,*

*In quorum subiere locum Fraudesque, Dolique  
Insidiaeque et Vis et Amor sceleratus habendi.*

130.

*In facinus iurasse putes. Dent ocios omnes,  
Quas meruere pati, sic stat sententia, poenas,*

243.

*Est tamen humani generis iactura dolori. 246.*

*Rex superum trepidare vetat, sobolemque priori  
Dis-*

*Diffimilem populo promittit origine mira, 252.*

*Iamque mare et tellus nullum discrimen habebant*

*Omnia pontus erant, deerant quoque littora ponto, 292.*

Iamque satis sibi strictissime veri verisimilisque historici propinasse vates videtur, ut imprudentes sensim ex hoc omnino vniuerso rapti, quasi per somnium, in eum mundum deferantur, vbi homines ex saxis, ex Daphne laurus, ex Ione iuuenca, ex iuuenca Io, et si qua sunt alia,

*quae speciosa dehinc miracula promit.*

### §. 595.

Hae quaestiones §. 590. 592. non sunt solae, nec primariae, §. 585. 588. Sit necessarium heterocosmica ponere, sit eorum non maior, ac necessaria, differentia, ab hoc vniuerso. Iam tertium quaeritur: An ex omni mundo poetarum et eius regionibus vberioribus, dignioribus, verisimilioribus, notioribus, ē. c. §. 22. nouam tuam potius defumferis fictionem, quam ut in ignotas fabularum ambages, sine necessitate aethetica, tuos induxeris hospites? An hoc contrarium perfectioni possit etiam ab analogo rationis deprehendi? §. 513, 516. Habes iteratum Horatii praeceptum:

Bb 2

Ex

*Ex noto fictum carmen sequar.*

Fictionis poetica verisimilitudo praesertim postulat, ut mundo poetarum in iis, in quibus recedit ab hoc universo, sit adeo similis et consentanea, ac illud pulcritudo totius permittit, quod cogitas, §. 484.

§. 596.

Hinc necessitas studii mythologici non illius graeci romanique tantum, sed omnium temporum et locorum, quorum fama, cabballa, traditiones dare poterunt regionem mundi poetici alicui cogitanti certorum in gratiam de certo themate praesertim commendabilem, §. 594. Nec obiciias dissensus veterum in ipso hoc mundo poetarum, si chaos eius primitivum a derivativum sensim illito mundo ac decore distinguas, tecumque cogites difficultatem, in qua non ita longe tempore inter se distantes poetae quondam versabantur notum sibi reddendi vix ante se natum locupletatumue mundum poeticum, quae nunc omnis paene disparuit. Probe perpendendum est argumentum Ovidii probans, quando iam in heterocosmica mergitur altius:

*Quis hoc credat, nisi sit pro teste vetustas?*  
Met. I, 400.

Cui consentit illud Virgilii de nauibus in nymphas mutatis:

*Prisca fides facta, sed fama perennis.*

§. 597.

## §. 597.

Quartum quaeritur: An poetice fingens mundi poetici vtopiam tetigerit ingressusque sit, vltra §. 456, limites, et ita quidem, vt deprehendi possit in bidentali per ipsam analogon rationis, an omnino tristes eiusmodi campos vitris fractis merorumque somniorum interpretamentis auxerit? §. 574. Multo venustius princeps Gallorum epicus vates eremitam fatidicum, fanaticismi daemonem, Ludouicum sanctum ducem Henrici magni per caelos et inferos fingit, ac si deos maiorum minorumque gentium ex vtopicis graecorum vel romanorum intermundiis reuocasset.

## §. 598.

Quinta sit quaestio: An poeta non ea coniunxerit, quae seorsim quidem sic se bene satis habere, qua possibilitatem aesthetice perspiciendam, possent, sint tamen in vnum conflata impossibilia? Hoc tribus potissimum contingere posset rationibus, 1) si regiones mundi poetici per aeternas inimicitias seiunctae confunderentur, cuius casus exemplum est, §. 515. Mundus enim poetarum habet suas insulas et peninsulas, neque vatam

*Nequicquam deus abscidit*

*Prudens Oceano dissociabiles*

*Terras*

Bb 3

Qui-

Quibus interiecta *vada* non bene *transiliuntur*, 2) si mundo poetarum affingitur aliquid, quod in se nihil implicat contradictionis aestheticae, sumtae tamen iam semel mundi poetici portioni sic repugnaret, ut fieret figmentum anomalon sine necessitate, §. 520.

## §. 599.

2) Si semel transgressis in heterocosmica nobis ratia huius vniuersi phaenomena, et ea strictissime vera denuo non opinantibus exponerentur, quibus, quoniam stare cum mundo ficto non possunt, velut expergefati ex somnio vigilantium spontaneo cogemur forsan subinuiti tunc, quando nondum tempus est, agnoscere ficta esse, et quidem strictius, omnia, quae, tanquam praesentia, praestigiis poetae lubenter cedentes ad aulea vsque volebamus intueri. Ob hoc vitium vitandum Aristoteles satis lepide poetam excusatione dignum iudicauit, *si facta pangat*, et strictissime vera scribat, quam tamen ipsi non concedit, nisi quando et in quantum sint verisimilia, quod hic interpretor in omni suo ambitu, ut habeant etiam verisimilitudinem poeticam, ut in nouo illo mundo, quem fingimus, aequae locum habeant, ac in hoc. Tunc enim, ut illius, non ut huius portiones spectatae spontaneum voluptatis causa somnium temere non interrompent.

## §. 600.



## §. 600.

Sextum quaeritur: An poeta mundum, praeter hunc, optimum suis finibus legens, §. 591, figmentum suum bene analogicum, §. 516, 595. conformauerit mundi poetici inter portiones infociabiles, §. 598. illi potissimum parti ac regioni, quae iisdem poetae finibus est optima? Habent omnes paene religiones aliquam suam partem in mundo poetarum. Quaeuis paene rerum publicarum historia, si surgere velis in prima ditionum tempora, fictionum et incertae satis famae

*caput inter nubila condit.*

Hinc utique peccaret in verisimilitudinem, etiam poeticam, qui Turcae e. g. mysteria veterum aegyptiorum affingeret, et Sinenfibus Gothorum mythologias. Illi autem non peccarent, qui Christiani de Christiano Christianorum gratia nonnihil fingentes semper et ubique mundum superstitionum graecorum et romanorum habitant? Miltoni mundus est verisimilior.

## §. 601.

Septima sit quaestio: Si figmentum prorsus ignotum ausus aliquis est afferre, et octava: si quis omnino figmentum anomalon formauerit, an vtrumque satis habeat internae verisimilitudinis, qua compensari possit, quicquid primo falsi simile talibus in fictionibus

Bb 4

bus

lus videbatur, ut ultima tandem fictio correctio potius haberi possit mundi poetici, quam turpis in eodem anomalia. §. 518, 520. Nota: An fabularum sententia, §. 526, de facto verisimilitudinem dogmaticam moralem latius dictam, §. 577. de iure, simul strictius dictam habeat? §. 433, 435. An satis ex fabulae euentu pateat, velitne sententiam auctor de facto tantum, an etiam de iure veram intelligi? §. 548.

## §. 602.

Phaedri l. II. f. I. veram habet sententiam de iure, cuius exemplum est leo partem praedae praedoni denegatam innoxio viatori relinquens.

*Exemplum egregium prorsus et laudabile*

*Verum est auiditas diues, et pauper pudor.*

F. 2. sententiam de facto tantum intelligendam docet turpis viri caluities vxorii:

*A foeminis utcunque spoliari viros,*

*Ament, amentur, nempe exemplis discimus.*

L. III. f. 5. vero quoniam maxime pronam hanc daret sententiam: prudens aliquando fert iniurias agendo gratias et incitando in potentiores vindicem, quae, sane, vix fuisset strictius vera moraliter sententia: fabula quidem narratur, verior autem adscribitur sententia; licet nimis generalis:

*Succensus ad perniciem multos deuocat.*

§. 603.

## §. 603.

Haec sententiae veritas moralis primum est, quod in fabularum verisimilitudine sit attendendum, §. 600. cui iungi tamen secundariae possunt decima quaestio: An fabula, quae narrationis titulo strictius ornata non ultra fictiones historicas progredi debeat, incidat nihilominus in licentiam poeticam? An eadem leges fictionum historicarum affabre seruans possit in re grauiori eo vsque fallere, vt pro strictissime vero habeatur a multis cum notabili ipsius detrimento? §. 527, 587. Exemplum fabulae, cui et veritas dogmatica, §. 601. desit, et vtrumque vitium inhaereat, quod iam indicauimus, esse potest Philostratus in sua de Apollonio Tyaneo fabula.

## §. 604.

Vndecima quaestio: An fabula, poetica etiam, §. 527, si opus fuisse videatur, non potuerit aequae bene veritatem sententiae dogmaticam exprimere strictius probabilis, ac strictius improbabilis? §. 532. Aequalis hic bonitas est aequalis totius pulcritudo, quam non semper obtinebunt, probabilitate historica gaudentes prae iis, in quibus verisimilior probabilitas, licet poetica tantum, fulget. §. 533. An fabula, etiam improbabilis belle et recte, nihil tamen improbabiliū contineat, nisi quot et qualia requiruntur ad illustrandam sufficienter sententiam? §. 589.

Bb 5

Haec

Haec videtur illa fuisse causa, ob quam Longinus, non Iliadi, fabulae non minus poeticae, et ex meo sensu strictius etiam improbabili, sed Odysseae tamen, fabularum amorem vitio vertit, §. 311.

## §. 605.

Duodecima quaestio non in eo consistet, potissimum, an fabula quaedam poetica, et fictio fabulosa, rectius rationalis sit, ac fictus aliquis apologus, atque pulcrius, praesertim hac aetate nostra, qua animalibus etiam praeter hominem aliis denuo nonnihil intellectus ac rationis veritate sic satis aesthetica tribuitur, an tandem rectius mere rationalis, quam mixta, §. 537. Haec potius sit: An fictis personis, iis etiam, quas alias bruta censemus, immo vegetabilia, suum tamen *ηθος* verisimile tribuatur, quod aut ex analogia mundi poetici, aut ex insufficientibus historiae naturalis traditionibus, aut ex opinionibus eorum, quorum potissimum gratia scribimus, ipsis conveniat? §. 495.

## §. 606.

In fabula Aeneidos rationali pius Aeneas *ηθος* personae, quam ipsi semel imposuit poeta, sustinens ita primum prodit in scenam, L. I, 96.

*Extemplo Aeneae solvuntur frigore membra,*

*In-*

*Ingemit et duplices tendens ad sidera palmas  
Talia voce refert: O! terque quaterque beati,  
Quos ante ora patrum, Troiae sub moenibus  
altis,*

*Contigit oppetere!*

ita postremam scenam concludit, vt vel in  
hostem Turnum lenis esse inciperet, huius

*infelix humero quem apparuit alto*

*Balteus, et notis fulserunt cingula bullis*

*Pallantis pueri, victum quem vulnere Tur-  
nus*

*Strauerat, atque humeris inimicum insigne  
gerebat.*

*Ille oculis postquam saeui monumenta doloris*

*Exuiasque hausit, furiis accensus et ira*

*Terribilis: Tunc hinc spoliis indute meorum*

*Eripiare mihi? Pallas te hoc vulnere, Pallas*

*Immolat, ac poenam scelerato ex sanguine  
sumit.*

*Hoc dicens ferrum aduerso sub pectore condit*

*Feruidus: ast illi soluuntur frigore membra,*

*Vitaque cum gemitu fugit indignata sub um-  
bras.*

Gemitus et frigore soluta membra incipientis  
Aeneae, finientis in hoste sunt, pius autem  
in deos, patriam, suos Aeneas sibi constans  
semper, manet vnus et idem, §. 605.

§. 607.

## §. 607.

Quaestio decima tertia: An in fabulis, quae vel huic simpliciter et per eminentiam connexae dici videantur, implicitis, §. 535. venustus ille nexus obseruatur, quo praeparantur in ipsa iam colligatione remotius, in transitu propius omnia catastrophae et solutioni ita, vt imprudentibus quidem, neque tamen non verisimilis, haec eueniat praesenti sic inferendo praeteritum, vt vel inopinatum maxime, natum tamen inde futurum appareat, eaque omnia seruent iucundam istam vnitatem, qua nihil cogitatorum deesse, postque factam solutionem nihil amplius desiderari posse videatur? §. 437, 439. Nec hic minor cura verisimilitudinis moralis, §. 604. et cuiusdam analogiae, in ipsis imponendis nominibus, §. 594.

*Quod si personis iisdem uti aliis non licet,  
Qui magis licet currentes seruos scribere,  
Bonas matronas facere, meretrices malas,  
Parasitum edacem, gloriosum militem,  
Puerum supponi, falli per seruum senem,  
Amare, odisse, suspicari? Ter. Eun. prol.*

Immo vero, non licet solum, sed et oportet saepe numero, §. 433.

## §. 608.

Quaestio decima quarta: An sententia satis grandis est, vt eidem sine anthropomorphismo, qui vel analogo rationis talis esse  
vi-

videatur, crasso possint exempla diuin:  
 subsumi? an exempla diuinorum ita se ge-  
 rant, vt ex iis per argumentum a mi-  
 nori ad maius, diuina pulcre per analogon  
 rationis colligi possint? An in vtrisque casi-  
 bus omnia vere se habeant, secundum ex-  
 actum analogi rationis iudicium, *Θεοπρεπώς.*  
 §. 435, 399. In Phaedri l. III. f. 17. pri-  
 mum licet quaerere, an aescopis diuina fa-  
 bulis miscere conueniat? Sed hoc mittamus.  
 Deinde Mineruae admiranti *quare Diui sibi*  
*steriles arbores legerent,*

*Olim quas vellent esse in tutela sua,*  
*causam dixit Iuppiter:*

*Honore fructum ne videamur vendere.*

Minerua oliuam propter fructum praefert,  
 et corrigit sententiam suam, iamque sic sentit

*Deorum genitor atque hominum sator:*  
*Nisi utile est, quod facimus, stulta est gloria.*

§. 609.

Sententia dicitur dictae fabulae:

*Nihil agere, quod non proffit, fabella ad-*  
*monet.*

Iam ergo quaeritur, an declaretur exemplo  
 ficto aliter, quam supponendo, per ipsas Jouis  
 curas posteriores stultam fuisse gloriam; dum

*Quercus Joui*

*Et myrthus Veneri placuit, Phoebæ laurea,*  
*Pinus Cybellae, populus celsa Herculi*

et inanem colorem fuisse, grandem illam  
 causam et aetiologiam, quam primo adu-  
 xerat,

xerat, Iupiter, quae sane tanta est, ut eam multi interpretum ne assequuti quidem sint, et lectionem mutare nequicquam laborarint: ideo steriles nostras facimus, relinquendo mortalibus frugiferas, ne his pro diuino nobis praestando cultu fructum vendere videamur. Interim sunt tamen narratae arbores in tutela diuorum, qui memorantur, per mundum poeticum, ad hunc usque diem. Quot simul observantur deesse verisimilitudines? §. 608. Verum ubi non detegas turpitudines eiusmodi, quam primum a vera religione recesseris?

#### §. 610.

Decimum quintum quaeritur, an praeter verisimilitudines sibi cum aliis communes fabulis, Milesia praesertim amoris, nunc caeci, nunc probe perspicacis, veritatem verisimilitudinemque, praecipue moralem, latius dictam, ubique seruarit, §. 433, 495? An sententias, quas illustratum it, laudabilium effata, et de facto tantum enunciantes aliquid, quod solet contingere illi, qui *amores*

*Aut metuat dulces, aut experiatur amarus,* fatis vel implicite per decursum fictae narrationis et ipsum euentum, et characteres personarum, quae iisdem vtuntur, ceu principiis practicis, sufficienter discreuerit? §. 549.

#### §. 611.

Sententiae fabularum Milesiarum venustius practicae,



practicae, §. 610. illae scilicet, quae finis ultimus et scopus sunt totius operis, redeunt ad duas has generales maxime formulas, vel illam Veneris:

*Nunc amet, qui nunquam amavit, quique amavit, nunc amet!*

vel hanc de bene multis amoribus non minus veram, etiam aesthetice:

*Non amet, qui nondum amavit, quique amavit, non amet.*

Hinc, prout paraeneticam, vel elencticam suam sibi sumsit auctor primariam sententiam, §. 576. verisimilitudinem moralem strictius etiam dictam, §. 435. observare sancte debet, ne quid commendet, bonis moribus repugnans, ne quid dissuadeat in exemplo docens, quod virtus ex §. 211, 214. considerata, vel omnino postulet vel certe non, nisi morosa, reprehendat, §. 467, 470.

#### §. 612.

Decima sexta claudat agmen quaestio: An fabula heroica, praeter verisimilitudinem sibi cum aliis fabulis communem, hanc sibi propriam servat strenue, qua persona herois praecipui semper eadem sibi constet, et una, *aversiv* quidem et aliquam remissionem aliquando passa, sublimis tamen vel in eo, ut sponte colligatur et eleuetur denuo pristinum et eximium in decus. S. XXI. XXVI. §. 433, 538. Aeneas Cartagine videbatur ipsi Iovi *expectans*,

Quem

Quem nulla accendit magnarum gloria rerum,

*Nec super ipse sua molitur laude laborem,*  
tamen haud ita multo post adeo soporem  
ipse denuo suis excusserat oculis, ut magnifice,  
neque tamen magniloquentiae, crimen  
incurrere, hortari posset Ascanium l. XII.  
435:

*Disce, puer virtutem ex me verumque laborem*

*Fortunam ex aliis.*

*Te pater Aeneas et auunculus excitet Hector,*

§. 613.

Veritatem aestheticam S. XXVII. probe distinguens a falsitate aesthetica, S. XXVIII. venustius exhibens in verisimilitudinibus, S. XXVIII. per fictiones varias, S. XXX, et ipsas aliquando poeticas, S. XXXI. non sine fabulis: S. XXXII. quae narrat, fingit, immo fabulari censetur, ubi probationibus indigent, si belle probat, S. XXXIII, uti suum ubique veritatis studium, S. XXXIII. quamcunque sequatur verisimilitudinis speciem, S. XXXV. tunc etiam, quando fit poeta, S. XXXVI. venuste prodit: erit ille,

*Iudice me, non sordidus auctor*  
*Naturae verique, §. 104. Hor.*

